

خطی نایب خست

افضل مينگل

براهوئی اکیڈمی (رجسٹرڈ) پاکستان کوئٹہ

خطی نابخت

(براهوئی خلتی قصہ غاک)

افضل مینگل

براهوئی اکیڈمی (رجسٹرڈ) پاکستان کونسل

خطی نابت

(براہوئی خلتی قصہ غاک)

افضل مینگل

تیبہ حقاک ادارہ تون خوندیو

350/=

بہا

1000/=

کڑوک

مئی ۲۰۱۷

سال

ایم ناز کمپوزنگ سینٹر کوئٹہ 03003818503

کمپوزر

یونائیٹڈ پریس سیٹھ اسماعیل روڈ کوئٹہ

پریس

چھاپشوک براہوئی اکیڈمی (رجسٹرڈ) پاکستان کوئٹہ

پی او بکس نمبر 75 جی پی او کوئٹہ

مُہشون

| | |
|-----|-----------------------------------|
| 5 | کنا خیال |
| 6 | پانگ ناہیت |
| 9 | کنا کنڈان |
| 16 | خطی نا بخت |
| 26 | مسہ شہزادہ |
| 68 | لعل بادشاہ اوسوز پری |
| 85 | سودا گر نامار |
| 103 | نیکی نا پد نیکی |
| 108 | بادشاہ ملوک گودی زیب النساء ناقصہ |
| 127 | سودا گر نامار مسکین ناقصہ |
| 143 | ار ایلیم ناقصہ |
| 150 | چہل ایلیم ناقصہ |
| 167 | درا کا ٹر نامار |

پنٹ

براہوئی قصہ پارو کا سگھڑ آتا پنٹ

کنا خیال

حاجی محمد افضل مینگل صاحب ناخلتی قصہ غاتا کتاب ”خطی نا بخت“ نے
 خواناٹ۔ اُسے بھاز خوش مس کہ حاجی صاحب محمد افضل مینگل صاحب دا اسکان
 خلتی قصہ لکھنگ نا کاریے کرسائی نے۔ داوختا خلتی قصہ میٹروکاتے تی حاجی محمد افضل
 مینگل صاحب نا کاریم نہ بیرہ بھازے بلکہ اوبراہوئی راج آن کاٹا اوکاٹا او خلتی
 قصہ مچ کر سامونا ہتنگ ٹی بھازنت دُ و خلسا بسے۔ ہندا کان او نا میٹروکا خلتی قصہ غاک
 خوانگ تو اُسے دیرہ۔ او نا دا خلتی قصہ غاتے ٹی مستناتے آن گچنی ہتنگانے۔ اسلوب
 نا گچنی ہیناتے تی جوانی ہتنگ حاجی محمد افضل صاحب نا کمالے۔ حاجی صاحب نا اسہ
 ہیتس پین ہم ارے کہ او تینا کتاباتے ٹی ارٹمیکو وارہموقصہ اسل لکھتے۔ ہمون
 دا کتاب ٹی ہم دا ہیت نا خیالے لتخانے۔ ہندا کان او نا کتاب نا ہر قصہ اسہ پوسکنو قصہ
 سے تو او نا چس بھاز جوان سلک۔ ای اودے او نا دا کتاب آمبارک باد پاوہ اودعا کیوہ
 کہ او براہوئی زبانے داردٹ پین ٹل پھل کے۔ آمین

فقط و سلام

ڈاکٹر ایم صلاح الدین مینگل

چیمین

براہوئی اکیڈمی (رجسٹرڈ) پاکستان کوئٹہ

پانگ ناہیت

براہوئی بادوی نالہ غٹ براہوئی تے کن آئے۔ نرواراہیت دادے کہ نا
مستناک براہوئی دوی نالہوئی ہر وڑ نا بے بھاؤ لال و جواہر خٹار۔ ہر پڑا براہوئی آئے بل و
پھل کریر۔ براہوئی دوی مسک و زبادی مس۔ براہوئی ”لاڈے لڈے“ اٹ لیلوی ناہینا
توارے تالان کرے۔

ہیت بھاز کاٹم تہ اسٹ کہ مستناک براہوئی کن مڈی کس جوڑا رالار۔ اوکھارن
داساناک کٹنہ گنہ۔ ہنداکانن تیناروک تروکاٹک کہ مستناک تھورواتے ارفن۔ تینا لہ جیجا
ناہولی او بادوی کن گھوری مرین۔ اونالولی آن بلیس اونابولی نئے مچا زند آسانی آسودئی او
آسرائی تس۔ نناچانگ، پانگ اوساننگ نامڈی جوڑ مس۔

دا ہم پانگ مریک کہ مستناک کھارن داسانا باؤ تراک بھا تینگ ٹی
اُن۔ ہنداکان بھاروکاڑا ہراسٹ ڈری خلیک۔ نروکائے ہراسٹ اوڑوکیک۔ جی کروکاڑا
ہراسٹ ٹنگ ٹھہک تیک۔

ہنداکان گیری سے ٹی بھڈ و بھری نابوتار، مال و مڈی نامالک او ڈیھ و ڈغار ناخوم
”براہوئی“ شغان او بوشارتا بائی بس تو ہمو تم ہرافتا خنتے ٹی پڑی کس اس۔ سیال نا لج اوفتے جیم
تس او بش مسر، مچے تفتیر، ریشے بائی بلکر، ہراڑے ہمیرے نت وڈو خلنگ ٹی تمار۔ دہن دنیا
اوفتے خنا او دنیا ٹی براہوئی نارڈٹ پیداوار مسر او اسر۔ بابائے براہوئی نور محمد پروانہ، گچینا
چاؤک ڈاکٹر عبدالرحمن براہوئی خنی پنی آمہاڑو ڈاکٹر محمد صلاح الدین مینگل گچینا استاد
پروفیسر نادر قمرانی، پٹسٹ ناما ہرجاجی محمد افضل مینگل او پین پین۔ اوفقا بھلا کاریم براہوئی
دوی نامکنا مڈے مچ کننگ، میٹرنگ، لکھنگ او تالان کننگ اس۔

حاجی محمد افضل مینگل دا اسکان دا پترے ہلکے۔ براہوئی دوی نادارد نامڈی آن پوڑ واو چولہ
کرساپینارا اُستاتے گروانا گڑ اس تیکہ تَسُنے۔ ہندا کان براہوئی تگ ہلنگ ٹی۔

دُہن تو حاجی محمد افضل مینگل دیچا ہراپوتی تے پٹسا ہراکان ہمیرکان براہوئی خلقی
شیر وقصہ میٹر سا براہوئی نادا بے مٹ و بے بھا آادی نیوہ غاتے نروار کیک۔ اوتا دا کاریم او
خید و خواری میٹرک ناشا گرداتے آن ہلیس پی ایچ ڈی ناپٹسٹ کروکاتے اسکان ناست و
سیو جوڑ ارے۔ دُہن تو خلقی قصہ غاتا غٹے کتاباک براہوئی زبان و ادب کن بھلو بختاوری
کس اریر۔ اونا ہر کتاب ایلوڑ ان کانڈا اوچین ارے۔ اوتینا دا کتاب ”خطی نا بخت“ ٹی
براہوئی ناہمو خلقی قصہ غاتے لکھانے ہراکہ ایلو کتاباتے ٹی افس۔ البتہ قصہ پار سے ٹی ڈٹ و
ڈول سے ناڈ کیکہ تنگ منگ کیک۔ ”خطی نا بخت“ ہراکہ کتاب ناپن آن بیدس دا کتاب نا
اولیکو قصہ ہم ارے دا قصہ براہوئی تے کن رغام کس ہم ارے کہ او اگہ اُسے اُسٹ مریر مر آن
کاریم ہلیر جوان نت و دُخلیر تو براہوئی ناخاچو کا بخت ہم بش منگ کیک ہند ہڑ کائی ڈیوالائی
اوشیف شیف اٹ بختاک بش آخا بلکہ بُشت مریرہ۔ یا ”مُسہ شہزادہ“ نا قصہ ناچڑکا شہزادہ
منگ مرے اوڑ ان بارو مر ہر کو خرم مرے واہم براہوئی دوی تگ تو ننگ کیک اگہ آخا تو ایلو
ارایلم نالڑ ونجی اولوڑائی اٹ بیدیرک سورسلرہ۔

کنے تو دا کتاب ناہر قصہ ٹی رغام اوکسر شونی ناگچین گچینو ہیٹ خنگ ٹی بس۔ دا
قصہ غاتے ٹی زندنا باسنی، زندنا ویل اوختی سوری تے مُرکنگ کن نت و دُخلنگ۔ گنڈو
گرنگاتے ملنگ کن سونج ورونج اوسیانڑائی آن کاریم ہلنگ ازاو خلیسے ختا خیسنی اٹ خلنگ
ہلکل و ہلا گلائے مون تنگ۔ ہوغو کاتے نواریفنگ زہیراتے مہر تنگ کاریم کروکاتا
اُسٹ بڑائی کنگ اوپین پین۔

براہوئی نامتل سے کہ ”دریانا دیر بخش مچٹ مرے ولدا ہم گوڈ کس و ہک“ کنا تینا اُسٹ

پانک کہ حاجی محمد افضل مینگل ستر پائہ کہ دا اونا خلقی قصہ غاتا گڈ لیکو کتابے ولدا ہم اونا
پتہ کاتے ٹی کتاب منٹ سے ناپین ہم سٹس قصہ ساڑی مرور۔

ہندا کان اُست خواہک کہ حاجی محمد افضل مینگل داروٹ تینا چٹیل غاڈوے توپرو
خلقی قصہ غاتا کانڑا بایے براہوئی ادب کن ساندہ یلہ الو۔

شاعر ادیباک ہم واہ نا کڑدہ سے و۔ گڑ اس لکھار یا میٹرا ہمیتیم اسکان تکرٹی مریرہ
تا کہ ہمو گڑائے خوانو کا تا موننا ہتھو۔ گڑا موننا بس اُستجم مریرہ۔

حاجی محمد افضل مینگل ہم ہندا کڑدہ نا باسک سے۔ دا کتاب نا چھاپ و تالان
منتگ آشا لہ گل بال مرو۔ اللہ پاک اودے خوش و سلامت کے۔ آمین۔

پروفیسر سوسن براہوئی

جنرل سیکریٹری

براہوئی اکیڈمی (رجسٹرڈ) پاکستان کوئٹہ

کنا کنڈان

قصہ شاعنگ نالانگی ہر قوم نابند غاتون منے قصہ بنگ قصہ بنگ ناپہوالی آ مخلوق نا
 ساعت تیری نا اسہ جوانو وڑس منے۔ مست ننا مخلوق زیات خلق آتے ٹی زندنا دے تے
 گد ریغیرہ۔ شیر زال آ نیاڑ یک سحور آبش مسرہ۔ نسل نسارہ خواء ارغیرہ جوآن دیر ایسرہ۔ لاب نا
 وخت آنرینہ غاتون کمک کریرہ۔ گری آ کرتے خوفیکہ۔ شام اسکان غٹ تاتینا کاریم تے
 چغیرہ۔ شام آ ارغ کنگرہ ارغ آن پدا سہ جاگہ کس گدان نامون آیا کوٹھی سے ٹی تو سرہ۔ اسہ ایلوڑ
 تون مجلس کریرہ اسہ ایلوڑ تون مون روشنی اٹ ملارہ ساڑ کست سیڑھ اوفا استاتے ٹی اسل ہلوکہ۔
 دم درینگوک مسرہ۔ پیر ورننا نرینہ نیاڑی مار و مسنک غٹ مچ مسرہ۔ قصہ پاروکا او فتنے کن قصہ
 شاغا کہ سیٹل اٹ خاخر لگغیرہ۔ چلم کشوکا تے کن چلم تے ایسرہ۔ قصہ پاروکا بھاز زیبائی اٹ قصہ
 غاتے درو شم ترسہ او فتنے بنگیکہ۔ داقصہ غاک ہندن چس کریرہ۔ کس ہم نیام ٹی نہ بش مسکہ نہ ہیئت
 کریکہ۔ غٹ تاچی اٹ قصہ نا ہر پیتے ہرندارہ ے ہندن بنگرہ دھنکہ او فک پری تازی بائی، دیوتا بد
 صورتی، شہزادی تانازرکی، شہزادہ غاتا بہادری سہدار و نہارتے جنگل اٹ تینا خن تیٹ خنگلی
 او۔ اگہ قصہ نانیام اٹ کس ہیئت کریکہ تو غٹ اوڑامون ہڑسارہ اودے چپ کر یغیرہ۔

ای چوخت قصہ غاتے مچ کنگ اوخندی کنگ نا بنائے کریٹ اے تم قصہ پاننگ نا
 رواج مچہ بھاز اسکہ شروع نا کنا ہرا چار کتاب چھاپ مسراوفا قصہ غاتے ای چکی ٹی بنگسٹ
 - او فتنے شون تسٹ - ای 1992 آن ال 1998 اسکان گڑاس قصہ پاروکا تان پین ہم قصہ مچ
 کریٹ - گڑاس قصہ غاتے ہمو تم لکھاٹ ولہ زیات قصہ غاتے کیسٹ آتے ٹی خوندی کریٹ - کنا
 خلقی قصہ غاتا آخریکو کتاب شمس قمرنا پٹ اینوآن چانژدہ سال مست چھاپ مس اوکان گڈای خلقی
 قصہ غاتا چکارے الاٹ داسہ اسہ وار و لدا ای قصہ غاتے چھاپ کرفنگ کن متکنا کیسٹ آتے

پٹا۔ تاکہ ناقصہ غاک گم مفس۔ ولے اوکیٹ آتیاں بھازاک ضائع مسنو۔ ہر اکیٹ آک
کنے دوسرا وقتا قصہ غاتے گم متنگ آن پچنگ کن ای او فتنے کتابی درو شمتنگ ٹی اٹ۔

”خطی نا بخت“ ناپٹ ای گڑ اس قصہ مچ کرینٹ۔ او فتنے چھاپ کر فنگ ٹی اٹ۔ دا
کتاب ٹی دہ قصہ او۔ دا کتاب ناقصہ غاتے ٹی انسان آتون او ار ساہدار، نہار جن پری تاکرداک
ہم نئے نظر بریرہ۔ ساہدار ونہارک یا درخت وکٹ نا پاچہ غاک ہم دا قصہ غاتے ٹی بندغ آنبار
ہیت کیرہ۔

براہوئی زبان آن بیدس ایلو زبان ناقصہ غاتے ٹی ہم ساہدارک نہارک ہیت کیرہ۔
رچڑ ڈمیل لکھک غٹ خلقی قصہ غاتے ٹی انسان آتون او ار ساہدار تا ذکر دا خاطران بریک کہ
ساہدارک ہیت کنگ کیرہ ہندا سوبان دا غٹ قصہ غاتے ٹی ہراڑے ساہدار نا ذکر بریک او سانده
بندغ آتا نبار ہیت کیک۔

دا کتاب ناقصہ غاتا جاچے ملین تو نئے معلوم مریک کہ دافتنے ٹی ساہدار تا دا قصہ غاک ہم بسنو۔
”خطی نا بخت“ خطی اسہ غریبو آرا سیٹی ودی مریک او اسہ سست او بے واک او مارس
مریک بچو کاریمس کپک۔ لمہ باوہ تہ او نا برام لے کر فیروہ نو ابرام آن گڈ مارے تا خیال برے گڑ اس
شرم کے نت ودو خلے۔ کاریمس کے ولہ برام آن گڈ ہم خطی لے اسل چرت ہلو کہ لمہ باوہ نا ہڑ دے
نا پنت و نصیحت اورٹ گٹ آن او بیزار مریک۔ اور روزگار سے کن پیش تمک ولہ خلق نئی اودے
ہراکان کاریم ملا کہ۔ اودا نگ اینگ ٹا پرینکسہ کانک جنگل سے ٹی او اوڑے درخت سے نا کیرغان
اسہ پیرو بندغس خنک۔ او کانک پیرانگا لے تینا بیکاری نا باروٹ پانک۔

پیرانگا پانک کہ تہ نا بخت خاچانے نی تانکہ تینا بختے بش کتنس نا زند ہندن
گدرینگ۔ خطی تینا لمہ باوہ زامیفہ غان رخصت کیک۔ تینا بخت نا بش کنگ کن پیش تمک۔
کانک اسہ شہر سے ٹی۔ ہمو ملک نا بادشاہ لے سامتک۔ کہ اسہ ورناس تینا بختے بش کنگ کن ہنگ ٹی
اے۔ بادشاہ خواہنک تہ بادشاہ پانک تہ کہ کنا بادشاہی ٹی ہر جمعہ نا صاحب جاگہ نا جاگہ کس خاخر

لگ۔ نی تینا بخت آن داباروٹ ارفس۔ خطی مستی کانک کسرٹ اسہ درختس خنک کہ اونا اسہ کپس
باروک مریک۔ مستی کانک اسہ لاغروہلی کس خنک کہ اونا جان آخوراک لکپ۔ پین مستی کانک اسہ مجھی
کس خنک داغٹ اونا مون آفریاد کیرہ تینا ویل آتا باروٹ پارہ تہ۔ خطی کانک تینا بختے پرنکٹخ آن بش
ریک۔ داغٹ ویل آتا ریک ای آن تہ۔

خطی پدی بریک مجھی، ہلی، درخت نامک ءے یک اوقاغٹ جوڑ مریرہ۔ اوبادشاہ غا
کانک اودے شارٹ خاخر لکنگ ناسوب ءے پانک بادشاہ خطی ءے تینا مسٹرے برام ایٹک۔
مہ شہزادہ ناقصہ ٹی بادشاہ دادنیائے الک۔ وزیر بادشاہی آقوضہ کن ہر مہ شہزادہ نا
کسنگ نارندٹ تمک۔ شہزادہ غاتے اسٹ بچفک۔ دیک جنگل سے ٹی الک تا۔ داک درخت
سے ناکیر غان خاچوک مریرہ۔ اراطوطا بریرہ ہیئت کیرہ مارک تینا استنارمان تا پارہ۔ بھلا ایلمک
چنکا ایلم آچڑیرہ۔ اوفک چنکا ایلم خاچوک الیرہ کارہ چنکا ایلمے تا اسہ دیوس ارفک پین بادشاہی
سے ٹی دیک ہس سے ناڈھیر آ بٹک تہ قصہ مستی کانک ولد ادا مارے اسٹ کس جادواٹ کپوتس یک
تینے شیر بازس یک دانارندٹ تمک شہزادہ کپوت ناشکل اٹ شہزادی نامحلات ٹی کانک تینا ساہے
بچفک۔

لعل بادشاہ سوز پری ناقصہ بھاز چس یک۔ داقصہ ٹی دیو آتوں اوار پری تا ذکرارے۔ شہزادہ گڈسر
ٹی سوز پری ءے برام یک۔

سودا گرنا مار ناقصہ ٹی پیشی، کچک، دوشہ بندغ آنبار ہیئت کیرہ۔ سودا گرنا مار پیشی وکچک
ءے چنا تاڈوک آن بچفک دوشہ ءے جوگی آن ہلیک آزات یک سودا گرنا مار نیکی نابدل اٹ
دوشہ تینا باوہ غان اسہ کراماتی اوچلوس ہلیک ایٹک تہ۔ ہندن سودا گرنا مار ہر اتم مصیبت اٹ آختہ
مریک تو پیشی کچک بریرہ سودا گرنا مارنا کمکے کیرہ۔ دہن ساہداراک نیکی نابدل اٹ سودا گرنا مار تون
نیکی کیرہ۔ نیکی ناپد نیکی داقصہ ٹی اسہ ہلی سوارس دوشہ سے خاخرنا نیام آن کشک اونا جان ءے بچفک
ولہ دوشہ تینے اوناخ اٹ پیڑک پانک تہ ای نے کنیوہ۔ ہلی سوار پانک تہ ای نیتون نیکی کریٹ نی

کٹو بدی انتے کیسہ۔ دوشہ پانک تہ نیکی ناپد بدی ئے۔ دوشہ ہلی سوارے پانک داسہ کنیوہ نے۔
ہلی سوار پانک اسہ پین موقع کس ایت کئے دوشہ پانک تہ دانا گڈ یو موقع ئے او فک کارہ کسری
اسہ شوک کس خیرہ۔ ہلی سوار ار فک آن تہ ملا شوک نی پانیکی ناپد انت ئے۔

شوک پہہ مر یک کہ داد دوشہ نا اُس ت ئی درو ئے او پانک تہ ای نما سوال نا ورن دی ئے
ہمو تم ایتیوہ کہ دوشہ اسہ وار ولد ادا خوجین اٹ پترینگے۔ ای خنو کہ دا امر خوجین اٹ جاگہ کیک گڑا ای
نما فیصلہ ئے کیوہ۔

دوشہ ہلی سوار نامخ ئے یلہ کیک او پدی خوجین اٹ پترینگے ہلی سوار ناجان بچک اونرک کانک دہن
شوک ناپاداری نا سوبان ہلی سوار ناجان بچک۔

چل ایلم ناقصہ ئی دیو اتا ذکر بر یک۔ ولد اپچکا شہزادہ، چل گرہ غاتا ہتنگ کن کانک او
گرہ غاتا لمہ تون ہیئت کیک او ہلی ئے گرہ غاتا تون اوارد یک ہے بادشاہی آ او فک زاسیفہ غاتے تینا
ار فیرہ سر ہلیرہ۔ کسری اسہ دیوس چچکا شہزادہ ئے اڑسک شہزادہ اودے چم سے اٹ خلیک کسفک
ولد اپدی تینا بادشاہی آ کانک۔

دراکانر نامار ناقصہ ئی دراکانر نامار کھٹ کس جوڑ کیک دا کھٹ نا بہائے سدر پی کیک
شہزادہ ئے پانک کہ دا کھٹ نا پاچہ غاک ہیئت کیرہ شہزادہ دا کھٹ ئے دیک نکان دا کھٹ نا پاچہ
غاک واری واری اٹ کھٹ آن پیش تمرہ۔ بادشاہی ئی چکر خلیرہ۔ بادشاہی نا احوالاتے
ہتیرہ۔ کھٹ نا پاچہ غاتا ہیئت و گیا تے شہزادہ بنک او بادشاہ ئے دوشہ نا ڈنگ آن بچفک۔ شہزادی
ئے جنگل آن ہتفک دزاتے اسہ پاچہ کس خلیک کسفک۔ بادشاہی نا خزانہ اودے پدی
رسینگ۔ ہندن اسہ پاچہ کس حوال اٹ پانک کہ دہن اسہ نیازی کس شیدی نا پانگ اٹ تینا ارغ ئے
کسفک ولداوشیدی نا لئے ہم خلیک۔ داسہ واتوڑ کنگ ئی ئے کہ ارغ و کنا دزاک خلکنو۔ دا پاچہ نا
سوبان شہزادہ اصل حقیقت نا ساتمک او کو تو ال ئے پانک کو تو ال ہمو نیازی ئے دزگیر کیک۔ دا کتاب
ئی ارا ایلم ناقصہ ئی دیو پری او ساہار تاچو کردارس اف۔

دا کتاب ناقصہ غاتے ٹی ارا ایلیم ناقصہ تلخ کاوی مینگل کچ آن شکاری محمد نور آن کنے
دوبس شکاری محمد نورے ای خثوٹ داقصہ غاتے ناپنی آشعر پاروک ایماندار گلستان مینگل 1989
ٹی کیسٹ سے آریکارڈ کرے کنے آسر کرے تہ۔

محمد خان سمالاڑی کہ اونا عمر ہشتاد و پنج سال آن زیات غاتے اودے 2015 او 2016
ٹی پنی آخلق آ فنکار حضور بخش مینگل کنا ارا غابیس اوڑان کنے قصہ غاتا اسہ بھلوڈی کس ملا۔ کہ
اوتے ای چھاپ کر فنگ ٹی اٹ۔ محمد خان سمالاڑی مچ زندشوانی کرینے۔
دا کتاب ناقصہ غاتے ٹی مسہ شہزادہ ناقصہ لعل بادشاہ، اوسوز پری ناقصہ، درا کاٹر نامار ناقصہ کنے محمد
خان سمالاڑہ آن ملار۔ ای حضور بخش مینگل او محمد خان سمالاڑی نابھاز منت وارٹ کہ او فک دا
خلق آ گنج آتے کنے اسکان سر کریر۔

خطی نابخت غاتے ہم کنے آ ایماندار گلستان مینگل 1989 ٹی کیسٹ آریکارڈ کرے
ہیس داقصہ ناپاروکا خواجہ گل محمد سمالاڑی غاتے۔
مہران بخش بنگلوی کہ او براہوئی نا اسہ خلقی شعر پاروک کسے۔ اوڑان کنے چل ایلیم ناقصہ، نیکی ناپد
نیکی 1990 غاتی دوبسر۔

پیرہ سودا گر نامار ناقصہ ناپاروکا ناپن کنے یات اف۔ انتے کہ کیسٹ آ او ناپن لکھوک اف۔
ای داغٹ نامنت وارٹ کہ او فک داقصہ غاتے خوندی کنگ کنے اسکا سر کریر۔
براہوئی نا خلقی قصہ غاتے ٹی شوک نا ہوشیاری و چالا کی اوٹھگی ننے نظر بریک شوک بھاز وخت شہزادہ
غامت غاتے کیک۔ بھاز وخت ہوشیاری اٹ تینا ساہ غاتے بچفک۔

برمانا قصہ غاتے ٹی مرو پامدار و ساہدارس نظر بریک۔
غٹ ساہدارک مروئے تینے آن زیات پامدار پہہ مریرہ۔
سری لکا ناقصہ غاتے ٹی تولہ انصاف کرو کو ساہدارس یا بادشاہ نا وزیر سے نارنگ اٹ نظر
بریک۔ ہندوستانی قصہ غاتے ٹی تولہ شیر نا وزیر نا کردارے کیک۔

پاکستان ناساہداری آقصہ غاتے ٹی خاخو، بومب او طوطائے پامدار آچکا تا درجہ ئے ایتھرہ۔ شیرے بہادری مڑدی شوک ئے مکرے، بیش ئے بیوقوف بودلا کچک ئے وفادار، ہلی ئے ہم وفادار آساہدار پہہ مریرہ۔

ساہدار اتا قصہ او حکایت آتاردٹ مصرنا پنی آ عالم شہاب الدین احمد بن سلامتہ نا کتاب نوادر قلیوبی خاص اہمیت تنحک نوادر قلیوبی ٹی ساہدار تا قصہ سے نا انداز داوڑے۔

پارہ کہ شیر خرما او شوک کس اوامر مسر۔ ہر مسٹ تا شکار کن انار او فک اسہ بیش کس اسہ خرمس اسہ مړ کس شکار کریر۔ شیر خرما ئے پارے دافتنے ننانیام ٹی بیش بانٹ کر۔ خرما پارے دافتا بلشنگک بھاز آسان ئے۔ بیش نے کن ئے، مرو شوک کن او خرم کنکن ئے۔ داہیت نابنگک تون شیراونا کاٹم آپیچہ ئے تینا خلک شیر ولد اشوکے پارے ننانیام ٹی فی دافتنے بیش۔ شوک پارے دا بیش بھاز آسان ئے بیش بادشاہ نانیاری کن ئے مړ واونا شام نا خورا کے صبح وشام نانیام نا خورا ک تہ خرمے۔

شیر پارے نے اللہ کسے نے دا بیش کنگے دیر ہیل تس شوک پارے کسے دا بیش ناوڑے ہمو چپانٹ آن مس کہ اودے داسہ ای تینا خن تیٹ خنٹ۔ شوک داپتے کرے نرا انا۔

ڈاکٹر گیان چند نا خیال ئے کہ ساہداری قصہ غاک غٹ آن، مست مصرنا تہذیب اٹ نظر بریرہ۔ انتے کہ مست زمانہ نامصری تا خیال اس کہ ساہدار تے آن غلطی مفک۔ او فک ساہدار تا عبادتے ہم کریرہ۔ مصر آن دا قصہ غاک بابل او ایلو علاقہ غاتے آسر مسر۔ ہراڑے دایسپ نا قصہ غا تا پنٹ مشہور مسر۔ ایسپ نا قصہ غاتے لقمان نا حکایتا تا پنٹ یات کنگک۔

یونانی او ہندوستانی قصہ غاتے ٹی خاص فرق دادے یونانی قصہ غاتے تا ساہداری آ کردارک بیرہ ساہدار تا کاریم تے کیرہ۔ ہندوستان نا قصہ غاتے ٹی ساہدارک انسان آتا کردار تے کیرہ۔

سو میری ادب نا باروٹ ڈاکٹر آرزو چودھری لکھک۔

سو مریک ہندو قصہ پارینو ہرا فتا کردارک ساہدارو۔ دا قصہ غاتے ٹی پنت و نصیحت ارے۔ او فک ساہدار تے ٹی غٹ آن زیات کچک ئے کانڈا پارینو۔

براہوئی قصہ غاتے ٹی ہم ساہدارک بندغ آتا نبارہیت کیرہ۔ نناقصہ غاتے ٹی شیر
 بہادری کن بریک شوک چم باز، مگری او ہوشیاری نارنگٹ خٹنگ۔ واگو او شوک ناقصہ ہم براہوئی
 ٹی پنی۔ واگو نا کردار نسخان تنگ کن بریک، شوک ہر وار تینے یا پین ساہدارتے یا انسان تے
 واگو ناشکار متنگ آن پچفک۔ ہندن تولہ، مماء بولو، خرم خاخو، کچک پٹک، پشی سمرغ، اوایلو چک و
 ساہداراک ہم براہوئی قصہ غاتا کردارک اودا ساہدارک قصہ غاتے ٹی بندغ آتا نبارہیت کیرہ۔
 ای دا کتابے چھاپ کر فنگ کن ہموغٹ خواجہ غاتا منت وارٹ کہ او فک کنے جوانو
 صلاح تر۔ یاد افٹے مچ کنگ وخت آکنا کمکے کریر۔

افضل مینگل

وائس چیئرمین

براہوئی اکیڈمی (راجسٹریڈ) پاکستان کونسل

خطی نابخت

اسه خلق کسے ٹی اسه غریب کس اس۔ دا غریب ناپن بشام اس۔ بشام نا اسه مارس
اس۔ اونا پن خطی کس بشام اسه دے تینا زامیفه باستی ۽ پارے ”غریب داسه ننا مار خیرٹ ورنه
مسے مگه داسکان او تینے چناس چانک۔ نہ کاریم سے ٹی کنادوے سبک کیک نہ جندتہ کاریم
کس کیک۔ صحتون اراغان پیش تمک کانک گلی نالند ولوفر تے توں ٹلی بیڈی گوازی کیک
شام آپدی بریک۔ اودے چوگرھتی کس اف۔ ای اودے انت نصیحت کیوه اواسه خف آن
بنک ایلوژان کشک۔ ناپیتا تے آهم خف تو پک۔

باستی پارے ”خطی ناباوه نی راست پاسه داننا پیر پنڈ آسٹا مارے اودے پانگ آبا
کناہلپک۔ اونه ہم است مفک۔ کنا خیال پانہہ نن اونا براے کین گڑا نوامچہ غیرت کے
تینا داحرکت آتے الے۔“

بشام زامیفه ۽ تینا پارے ”ننا اراٹلی نٹ سنا پک کس اف کہ نن گنین اوامرو بند غس
مروے کہ تینا مسٹرے ننا ڈیواله غامارے برام ایتوے“۔ باستی پارے تہ ”نی داپتے کنے آ
الے۔ ای جاگہ کس مسٹر کس خنائٹ اگہ نی پاس توای کاوتینا مارکن رسال نوا اوکنے ہو کیر“۔
بشام پارے ”جوان اگہ کس تینا مسٹرے ننا مارے ایتک توای خداغان پین انت خوہوہ“۔

غریب نازامیفه باستی انا جاگہ کس خطی ناسانگے کرفے۔ منہ وخت آن گڈ دافنا
برام مس۔ برام آن گڈ خطی نا کوپه غاتے آزامیفه نازمہ داری بس۔ خطی منہ وخت زامیفه
نا پہلو آن بش متو۔ لمہ باوه تہ ہرار کہ مارے داسکان ارا ناچ فکر اف۔ اوفک اسه دے
خطی ۽ پاریرنل داوختسکان نی کنکٹس خاچا کس داسه شرم کرک اراغان پیش تم نٹ وڈو
خلن ان جاگہ کس روزگار کس کہ تاکہ تینا زامیفه نا پھڈ ۽ ولف اٹ مٹ نی ننا دوتے آ

بروس۔ نن اٹ مٹ زندہ سلون، خطلی پارے ”جوان اکہ نما ہندامرضی ئے گڑا ای کاوہ
دونا پور یائس کیوہ بریوہ۔“

خطلی اراغان پیش تمانت دو بھاز خلک دانگ اینگ دودینگامکہ خلق فی اودے پچ
کاریم کس دو بتو۔ لمہ باوہ ناتینا دے ونن نارٹ کٹ آن اُستوس او خلق آن پیش تمانا جنگل
سے آ دانگ اینگ گوئی کرے۔ جاگہ کس درخت سے ناکیرغان پیرو بند غس خنا کہ او وظیفہ
کنگ ٹی اس۔ دا انار ہی آتہ اوڑ اسلام بٹے پیرانگا سلام ناتہ ورنندی تس۔ او مارے مونجا خنا۔
ہر فے خیرے نی بھاز مونجا خنگسہ؟ خطلی تینا عٹ احوالے پارے تہ۔ پیرانگا پارے تہ
”جوان نی پگہ برک ای نے گڑ اس صلاح ایتوہ انتے کہ ای ننگان عبادت کیوہ۔ نے کن اللہ
غان دعا خواہوہ“ خطلی بش مس پدی انا اراغان تینا چُج نن ہند اچرت ٹی اس کہ پیرانگا کنے انت
مشورہ ایتوئے۔

ایلو دے اوصحب تون وختی بش مس انا جنگل آہر اکہ پیرنکا بزرگ ہموڑے ٹو لوک
ئے۔ او انا سلام بٹے ای آتہ۔ پیرنکا وعلیک کرے ولد اپارے تہ ٹی ای ننگان تیخ ٹی خناٹ کہ
فلان جاگہ غانا بخت مُسن تموک خاچو کے۔ نی تاکہ بختے تینا بش کتئس ناقسمت نادر کہ
ہندن بند سلوئے۔ خطلی کما شائے پارے ”جوان خواجہ ای تینا بختے بش کنگ کن کاوہ۔“
خطلی انا تینا اراغان لمہ باوہ ئے تینا پارے دُن ”کنا بخت خاچو کے ای کاوہ اونا بش کنگ کن
کنے خبراف اٹ سال کسرٹ لگہ۔ نم کنا زایفہ ناخیا لے کیرے۔

خطلی نالمہ باوہ پریشان مسر۔ زایفہ تہ ہم بس پارے تہ کہ نی اینہ اتس غربی ننے
ملک نن ہموڑ اصبر کینہ۔ باؤن پائُن گنینہ ناگزراں مریک۔

مگہ خطلی مٹو پارے ”نہ ای اٹ وخت دُن وختے تینا بیکاری اٹ گدریفوٹ اولہ
باوہ اوزایفہ غان تینا رخصت کرے۔ کسر کن تینا سامان ار فے سر ہلک خلسا پر غسا خلسا

پرغسا انا بادشاہی سے ٹی سرمس۔ ہمو ملک نابادشاہے ساما کہ دُن بندغس تینا بخت نابش
کنگ نارندٹ ہنگ ٹی۔ بادشاہ اودے خواہنے خطی حیران مس بادشاہ کئے انتے ہنگ۔
بادشاہ خطی۔ ”پارے ای ہنگ ٹی تینا بختے بش کنگ کن ہنگ ٹی اُس۔ اگہ نے نابخت ملا
تو اوڑان ہر فس کہ منہ وخت آن کنا بادشاہی ٹی جمعہ ناہر صُحب جاگہ نہ جاگہ کس خاخر لگ۔
دانا سبب انتے؟ خطی پارے جوان بادشاہ سلامت داباروٹ ای تینا بخت آن ہر فوٹ۔“

خطی بادشاہ غان رخصت کرے بادشاہ کسر کن گڑ اس پیسہ تس تہ۔ اوراہی مس خلسا
پرغسا خلسا پرغسا دے آن سفر کر یکہ ننکان جاگہ کس آرام کر یکہ ہتاک زو مریرہ سالک
ہرے آگدر یگرہ خطی منہ وخت آن گڈ جاگہ کس سرمس۔ خنداؤن کسے نارہی آدرخت کسے“
درخت ناکپ خڑنے میوہ غان پڑے۔ ولے ایلوکپ بارنے۔ لڑک تہ بارنو۔ خطی حیران
مس مُست ساہدارو درختاک ہم ہیئت کریرہ۔ درخت خطی کسے خنا ”پارے دانگ ہرانگ رد
کرئس؟۔ دانگ تو ہرے نائے کس بتنے۔“

خطی پارے ”کنا بخت خاچو کے ای تینا بخت نارندٹ ہنگ ٹی اُٹ کہ اودے تیغ
آن بش کیو۔“

درخت داپتے ہنگ فریادس خلک پارے ”نی تینا بخت آن کنا مرض ناہر فس۔ کہ کنا اسہ کپ
انتے بار سنے؟۔ کئے دیر ملک ہچو گڑ اُسے ناکمی اف سماف کئے انت بد بختی کس ہلکنے۔“

خطی درختے پارے نی چھٹاُس۔ ای تینا بختے خناٹ اودے تیغ آن بش کریٹ
تو ای ضرور اوڑان داویدن ناہر فوہ“ خطی درختے الامستی راہی مس۔ خلسا پرغسا خلسا پرغسا
انا جاگہ کس سرمس۔ ہراہو بلی داڑے ہر کنڈا حیت وخرسی کسے دیر ناچو کمی کس اف ہلی کس
ہموڑے خواہنگ ٹی۔ ہرا کہ داہلی ناہیرہ ہڈا کو جان آتہ سو سو ٹی اف سل ٹی ہڈا کو۔ دا
ہلی خاچک بش متگ کپک اگہ بش مریک لیٹنگ کپک۔

اوہی آن ہر فے کہ ”ناہر کنڈا خدا ناعمتا کو خری ہر کنڈا ارے ولے فی داخہ انتے
نرور اُس؟“۔

ہی دانا دا ہمدردی نا پیتا تے بنگ پوہاڑس خلک پارے ”کنے تیٹ سماف کہ کنا
حال انتے دُہنے۔ ہی مار آن ہر فے کہ خیرے دا نگ تو کئی سال ناکس بتنے فی امہ دا نگ رد
کر نیس؟“۔

خطی پارے ”کنا بخت داسکان خاچو کے۔ ای تینا بخت نارندٹ ہنگ ٹی اُٹ
کہ کاؤ بش کیوتہ“۔

ہی پارے ”کنا ہم اسہ کاریمس کیس فی ہر اتم تینا بختے بش کر لیس گڑا کنا ہم نا جوڑی نا
اوڑان ہر فس کہ دا انت سو بے کہ ای اخس کئیوہ مگہ کنا جان آ لگپسہ؟۔ ای دے پدے لاغر
منگ ٹی اُٹ۔ داسہ بیرہ کنا بدن آہڈا کو“۔

خطی پارے ”جوان ای تینا بخت آن نا مرض نا ضرور ہر فوہ۔ کہ دانا سوب انتے کہ نا جان آ
حیل، بے، خر سیک انتے لگپسہ“۔

اوستی انا۔ مون ٹی تہ دریاب کس بس او حیران مس کہ مُستی امر کا اوڑے چو آ
غوٹ (کشتی) کس ہلو کہ او ہندا ٹک خلنگ ٹی اس ہرا کہ او بلی اسہ بھلو مچھی کس دریاب ٹی
خننگا۔ مچھی مارے خنا بس دریاب نار ہی آ اوڑان ہر فے ہرا نگ ہنگ ٹی اُس؟“۔

خطی پارے ”ای دُن تینا بخت نا بش کنگ کن تینا اُراغان پیش تمانٹ داڑے
بُٹ تو چو کشتی کس اف ای حیران اُٹ دریاب آن ایپار امر کاو؟“۔ مچھی پارے ”ای نے
اسہ شرط نئے آ دریاب آن ایپار دیوہ کہ فی تینا بختے بش کر لیس اوڑان کنا باروٹ ضرور
ہر فس کہ منہ وخت نائے ای انت گڑا اس کئیوہ کنا پھڈ خاخر آ نار ہُشنگ۔ ای بھاز عذاب
اُٹ بے خورا کی نا سوب آن داسہ ای دے پدے نرور منگ ٹی اُٹ“۔

خطی پارے تہ ”جوان نی اسیکا کنے دریاب آن ایپار کہ ای تینا بخت آن ناول نا
ضرور ہر فوہ۔

مچھی تینے دریاب نارہی آ کرے۔ خطی سوار مس مچھی آ۔ مچھی درے جھٹ کسے ٹی دریاب آن
ایپار کرے تہ۔ خطی مچھی نازی آن درنگا ہلک کسے تینا بخت نا پٹنگ کن راہی مس۔

خلسا پر غسا خلسا پر غسا انا جا گہ کس بھلو درخت کس خنا۔ درخت نا کیر غان تینا بخت
مسن خاچوک خنا۔ دانا تینا بخت ٹوہا۔ بخت تہ بش متو۔ داہمو درخت نالڑتے آن اسہ شت
کس پرغا۔ تما تینا بخت خلنگ اٹ شت بخت نا تہ جان آ لگا۔ بخت تہ سما کرے پارے ”ای
آرام کنگٹی اسٹ نے انت ڈاکی کس خلکنے انتے کنے سیرنگاتغ آن بش کر لیس؟“۔

خطی پارے ”ایڑے کنا زند خواروزارے ای لنگڑی آن کہسکٹ ای ارغ سے
کن محتاج اٹ۔ چو روزگار سن خپرہ نی داڑے آرام اٹ خاچو کس“۔ بخت تہ پارے
جوان داسہ الے کنے ای سما کریت کنگ اٹ ساہے کنا کشاس ای مستی خاچپرہ نی اسجکامی
کرک اینو آن گڈنی انت گڑاسے دوٹی ہلوس نے فائدہ رینگو“ خطی پارے جوان جھک مہ بخت
تہ جھک مس۔ خطی پارے تہ ”جوان کنا گڑاس نے آن سوالو اوفتا کنے ورنندی ایت؟“۔
بخت تہ پارے ”پانت سوالونا“۔

خطی پارے ”ای بسہ فلان جا گہ نابادشاہ کس بٹنگا کنے پارے نی تینا بخت آن ہر فس کہ ہر
جمعہ ناصحب کنا بادشاہی ٹی جا گہ نہ جا گہ کس خاخر لکک۔ دانا سوب انتے؟“۔

خطی نے بخت تہ پارے ”بادشاہی ناماڑی ناہمتمیکو مزل آ او نامسٹر ہر جمعہ ناصحب
لکک۔ اودر پچہ غان سیل کیک ہر اتم دے ٹک ایتک تو مسٹر دے آہرک۔ اونا دے آنظر
تمنگ توں بادشاہ نابادشاہی ٹی جا گہ کس خاخر لکک“۔ خطی پارے ”جوان داپیتے نا پپہ مسٹ
نی کنے پافلان جا گہ غاسہ درخت کسے اودرخت دیر کسے نارہی آٹے درخت نا اسہ کپ کس

خزن ے اونا شنکا ک میوہ غان پڑو۔ ولے اونا ایلو گنڈ نالڑک بارن و دانا سوب انتے۔“
 بخت تہ پارے ”درخت نا ہر لڑک بار سُنو۔ اونا کیر غان شش خیسُن نادلا کھڈو۔ او خیسُن نا
 دلاتے کس کشتے تو درخت نا ایلو لڑک ہم خزن مریرہ۔“

خطی پارے ”جوان ای فلان جاگہ غا کسری اسہ ہلی کس خنٹ ہلی نا چارمہ
 کنڈان خیت خیل بے بھاز ے ہلی سیری ٹی کنیک مگہ اونا ہڈاک پھاشو۔ او ہندا خہ لاغرے
 اگہ بش مس لیٹنگ کپک اگہ لیٹا بش متنگ کپک۔ دانا سوب انتے؟“

بخت تہ پارے ”ہلی نارہی آپکی کسے او کپی ٹی خیسُن نا لغام وزین تھو کو اگہ کس ہلی ے سنج
 کے ہمو خیسُن نا لغام وزینے ہلی آتجہ تو ہلی نا نا جوڑی چھٹک۔ ہلی ہندن تیز مریک کہ کس
 سیفنگ کپک تہ۔“

پارے ”جوان داپا دریاب آن ایپار مچھی کس خنٹ۔ او کنے دریاب آن داپار
 کرے مچھی بھاز عذابے اونا بدن آچو گڑاس لکپک۔“

اوانت گڑاس کنیک اونا پھڈ ہشنگک او ہمو گڑاتے کو اک کیک۔“ خطی نا بخت پارے ”
 ہمو مچھی بھاز قیمتی و لعل کس کیدانے تاکہ ہمو لعل اونا پھڈ ٹی ے اونا جان آچس لکپک۔
 اودے پہ دے آن پین نزور مرسا کاکم اگہ مچھی ہمو لعل کو اک کے کشتے گڑا او جوان
 مریک۔“

خطی تینا بختے پارے ”جوان ای داسہ کاوہ نی مُستی اسل خاچیس۔“ بخت پارے
 داسہ نی بے غم مران۔ خطی بخت آن تینا رخصت کرے پدی سر ہلک۔ منہ دے آن
 گڈ مچھی ے سر مس۔ مچھی اوڑکن خن کسرا ہروک اس۔ او مارے خنا اوڑان ہرنے انت تینا
 بختے خناس؟“

خطی پارے ہوای تینا بختے خنٹ۔

مچھی ہر فے اوڑاں کننا جوڑی ناہر فیس؟“۔

خطی پارے ہواں ناں جوڑی ناہر فیٹ ای آن تہ“۔

مچھی پارے ”گڑا نا بخت کننا باروٹ انت پارے؟“۔

خطی پارے نی اسیکہ کنے دریاب آن ایپار کہ ای نے ناں جوڑی نا ویدنے
پاوہ“۔ مچھی دریاب نا رہی آس۔ خطی مچھی آسوار مس۔ مچھی درے دریاب آن ایپار سر
کرے تہ۔

خطی مچھی پارے۔ ”کہ کننا بخت نا باروٹ پارے کہ نی منہ وخت مست اسہ

بھاز قیمتی ہولعل س کیدائس۔ نی ہمولعلے کو اک کہ تینا پھڈان کشہ گڑانی جوڑ مریسہ“۔

مچھی داپتے بنگ او کو اک کرے۔ ہمولعل پھڈان تہ پیش تما مچھی نا پھڈ پدین مس

او خطی پارے دالعلے نی تینکہ دہ دانا سوب آن ای بھاز آزاراٹ۔ داسہ کنے آرام

ملا“ مچھی داپتے کرے او دریاب ٹی انا۔

خطی لعلے ار فے سر ہلک بس خنا ہلیے ہلی شتر شترہ س خلک خطی آن ہر فے ”انت تینا

بختے خناس؟“۔

خطی پارے ہواں تینا بختے خناٹ ناں جوڑی ناہر فیٹ ای آن تہ“۔

ہلی پارے ”گڑا او انت پارے؟“۔

خطی پارے ”کہ کننا بخت پارے فلان کپی ٹی خیسن نا لغام و خیسن نازین س تخو

کے کس او فتنے نے کن ہتے خیسن نا لغامے او خیسن نازینے نے آسج کے نی جک جوڑ مریسہ

کس ہم نے تیزی ٹی رسیفنگ کپک“۔

ہلی پارے ”خدائے منہ ہموللغامے وزینے زوہتہ۔ خطی انا ہمو کپی آن خیسن نا

لغام او خیسن نازینے پس۔ ہلیے جوان سنج کرے۔ ہلی نا بدن سبک مس۔ ہلی پارے

”داسہ ای نا اٹ نی کنا خواجہ اُس نی ہرانگ کاسہ ای نے تو بریوہ“۔

خطی ہلی آسوار مس خلسا پر غسا خلسا پر غسا بس خنا درخت ئے اور درخت نار ہی آ
اڈ کرے درخت خنا ہر فے ای آن تہ کہ ”انت تینا بختے خناس؟“ پارے ہو ای تینا بختے
خناٹ۔

درخت ہر فے ”کنا باروٹ ارفیس ای آن تہ؟“۔

پارے ہو ای تینا بخت آن ہر فیٹ اوکنے پارے ناباڑن آشنکا تا کیرغان شش
خین آن پُر دلا کھڈواگہ کس او فتنے کشہ تو نا ایلوشنکا ک ہم خرن مریرہ۔ درخت پارے
”زؤس ہمودلاتے کشہ کہ ای او فتادو آن بھاز عذاب اٹ“۔ خطی ختا ڈغارے ہمو ہر شش
آدلاتے خین آن پُر انگا کشا۔ مسہ دلا ہلی نا چپ گنڈامسہ دلا راست کنڈان تہ تخوا۔
درخت نا ایلو لڑک ہم خرن مسر۔ درخت اوڑکن تینا لڑتے شیف کرے او اوڑان میوہ کشکا
کنگ ولدا او درختے الاسر ہلک خلسا پر غسا خلسا پر غسا نیٹ بس ہمو بادشاہی ئے سر مس
بادشاہ ڈہ تسر کہ ہمو ورنا تینا بخت نارنڈ انا سس پدی بسے او خطی ئے خواہے او بس
بادشاہ غا بادشاہ ہر فے ای آن تہ ”غریب انت بخت ئے تینا خناس؟“۔

پارے ”ہو بادشاہ سلامت ای تینا بخت آسر مسٹ“۔

بادشاہ پارے ”انت بختے تینا تغ آن بش کر لیس“ خطی پارے ”ہو داسہ کنا بخت سما
کرینے“۔

بادشاہ ہر فے انت کنا باروٹ ہر فیس ای آن تہ کہ ہر جمعہ نا صُحب کنا بادشاہی ٹی جاگہ نہ
جاگہ کس خاخر لکک؟۔

خطی پارے ہو بادشاہ سلامت کنا بخت پارے بادشاہ نا مسٹر ہر جمعہ نا صُحب
ہفت میوہ ماڑی آ لکک۔ دے ٹک ایٹک تو او در پچہ غان دے ئے سیل کیک او نا نظر دے آ

تمک اونا سوب آن نابادشاہی ٹی جاگہ نہ جاگہ کس خاخر لکک۔“

بادشاہ اونا پیتا تے بنگ پارے ”داسہ نی ہنداڑے توٹل نا بخت بش مسنے بے شک کنا اسہ مسٹر کسے کنے پین اولاداف ای تینا مسٹرے نے برام ایتوہ انت نے دارشتہ منظورے؟“۔
خطی پارے ”بادشاہ سلامت ای غریبوار سے ٹی ودی مسٹ کنا برام ہم مسنے نی ولدا ہم کنے تینا سالم کیسہ؟“۔

بادشاہ پارے ”مل غریبی عیب کس اف کنا بھلو بادشاہی کسے کنا مسٹر کن نے آن جو انورشتہ کنے نظر بفق“۔

خطی پارے خواجہ انت نارضا ای خداغان پین انت خواوہ؟“۔

دھول دامہ غاک لگار۔ بادشاہ قاضی عے خواہے۔ خطی ناشہزادی تون برام مس خطی شہزادی نارنگ دروشم زیبائی عے خنا او بھاز خوش مس منہ دے ہنداڑے مہمانی کنگ اسہ دے بادشاہے پارے ”بادشاہ سلامت داسہ کنے موکل ایت ای کئی سال آن تینا اراغان پیش تمانٹ سماف کنا لمہ باوہ اوز ایفہ نانت حال مروے“۔

بادشاہ پارے ”مل نے خبرے کنے پین اولاداف کنا اسہ مسٹر کسے نی ان تینا لمہ باوہ عے چناتے داڑے ہت داڑے تینکہ ماڑی کس تف“۔

خطی پارے ”جو ان بادشاہ سلامت اوز ایفہ عے تینا ہموڑے الا جندتہ انا تینا خلق آ ارا نا تینا دروازہ عے ٹکھے۔ اسہ چنا کس پیش تما۔ داہر فے کہ ”فلان بندغ نا ارا ہندا دے“ مار انا لمہ عے تینا پارے کہ ”دن بندغ کس ننا ارا نا ہر فنگ ٹی عے“ لمہ تہ پارے ”مل نی ہر اتم ودی متوس نا باوہ انا تینا بختے بش کنگ کن او انا نت درے کاٹم ہتو۔ نن اوڑان اُسے ہم کشکان دن مف او نا باوہ مرے۔ اوز کس اراغان پیش تما۔ خنا کہ ارغ تہ جو انو بینوئی مینا نے او خوش مس ارغے تینا ارا ٹی درے۔

خطی نالمہ باوہ خنار چنائے تینا او خوش مسر مارے تینا احوال کریر۔ مارتہ چوٹ نا
 بند آن ہئی آخر اسکان او فتنے غٹ حوالے لتس۔ ولد اپارے تا ”داسہ ہچ گڑھتی کپو ای بادشاہ
 ناسالم اٹ نئے ای ہے بادشاہی آدنگ کن بسنٹ لمہ باوہ تہ مارنا تینا دا پتے بنگر بھاز خوش
 مسر۔ خطی لمہ، باوہ مارا ورا نیفہ تے تینا ارفے انا رہے بادشاہی آ۔ خطی تون داسہ پیسہ بھاز
 اس۔ او اسہ بھاز زیبا و ماڑی کس تھے تین کہ۔ لمہ باوہ تہ داسا مارنا آسودئی آن بھاز خوش
 اسر۔ بادشاہ داسہ پیر مٹس او اسہ دے خطی تے خواہنے او تینا تا بے اونا کاٹم آتھا۔ خطی ہمو
 ملک نابادشاہ مس۔ دن غریبو مارس ملک کسے نابادشاہ مس۔ او ہموڑے خوش اسر۔ نن چھٹان
 بٹان ایمان ناٹکرس کھٹان۔

قصہ مسہ شہزادہ نا

حکم اٹ خدا نا اس اسہ بادشاہ کس بادشاہ خدائے خدا نا رسول ئے دا زمانہ ساز و بادشاہ کس اس۔ دا بادشاہ نامہ مارا سر۔ مارک تہ چٹک اسر بادشاہی آکاریم تہ پہنہ متورہ۔ اسہ وخت بادشاہ سخت نا جوڑ مس، بادشاہی نا گنڈ کنڈان حکیم، طبیب آک بسر بادشاہ نا علاج ئے کریر۔ ملا، پخیر، ابدال آک بادشاہ نا جان جوڑی کن دعا کریر۔ چلہ کشار، مگہ بادشاہ نا طب دے پے دے خراب مرسا انا۔ بچو دا رُو دوا کس اوڑا لگتو اسہ دے بادشاہ واقعہ کرے۔ دا بے وفا غا گوڑی ءِ اِلّا انا۔ بادشاہ کن منہ دے ہو غار پٹار ولد اہر اسٹ چپ کرے تینا روز گارٹی آختہ مس۔

وزیر وکیل اوایلہ دربار یک مچ مسر کہ بادشاہ نا چنک داسکان چٹکو او فک بادشاہی ءِ سنبھالنگ کپسہ۔ غٹ نا صلاح اٹ وزیرے بادشاہ کریر۔ کہ تا کہ بادشاہ نا مارک ورنا متنو۔ او وخت سکان بادشاہی نا خیالے وزیر تخبہ۔

وزیر سال اسکان بادشاہ نا مارتا جوان خیال داری ءِ کرے او داسا ملک نا بادشاہ مس۔ بادشاہ ہی نا چس ءِ خنا تو اونا اُست ٹی لالچ ودی مس کہ چوخت شہزادہ غاک ورنا مسر۔ بادشاہی ءِ کنے آن ہلیرہ۔ ای ولدا او فتا وزیر مریوہ۔ کنے آن بادشاہی کاتک او ٹک خلک کہ شہزادہ غاتا ورنا ئی آن مست انتے کاٹم ءِ تا کنیر۔

وزیر نا حرص زیات مس۔ وزیر شہزادہ غاتے تینا کسر آن چپ کنگ کن اسہ دے خواہے قصاب کس اودے پارے ای ہر مسہ شہزادہ غاتے نے آراہی کیوہ نی او فٹے ترس۔ نشانی کن خفتے تا کنے آسر کیس۔ ای نے خیسن مہین اٹ تول کیوہ۔ نے جائیداد ہم

ایہوہ۔ اگہ نی اوفتے تڑتولیس گڑا ای نے آل اولادقون تیل اٹ تراڑوہ بادشاہ قصابے چنگ
نس رپی ناہم تس۔

قصاب ہر اکہ بادشاہ کنے داخہ خیسن پیہن ایٹک۔ ای مچ زند قصابی کیو داخہ
پیہ کھٹنگ کپرہ۔ او بادشاہے پارے بادشاہ سلامت نی بے غم مہ۔ ای چا وچناک چار۔ اوفتا
ای کاٹھے ہندن کئیوہ کہ کس قیامت اسکان اوفتاڈ سے تفروئے۔ بادشاہ پارے تہ پھگہ شہزادہ
غاتے نے آراہی کیوہ۔ قصاب خوشی کر سایدی انا۔

ایلو دے صُحب تون وزیر چناتے خواہنے۔ اوفتے پارے نم انبو فلان قصاب آ
اوڑان جوانوران ناسو ہتہو۔ تاکہ نم کن کباب کرفونے ایتو۔ شہزادہ غاک پاریرنے پیہ ایت
گوانن کا نہ قصاب آ۔

بادشاہ پارے تا ای مہالو آن قصابے پیہہ تسنٹ۔ نم انبو کنا پابوتہ۔ ہر مسٹ نما
اوارکارے شہزادہ غاک وزیر نا مکرو فریہے پُہہ متور۔ اوچنا مارا سر۔ او فک سر ہلکر۔ چٹکا ایلم تا
چنگ اس او کسری گوازی کر سا انا۔ نیٹ او فک انار قصاب آ قصاب گڑا اس میل
تڑلیس۔ قصاب دا شہزادہ غاتے خنا کہ داخہ زیبا وچناؤ۔ ہر نے ای آن تا کہ دنا
چٹا کرے دانگ اٹکن بسرے۔ شہزادہ غاک پاریرنے بادشاہ راہی کرینے نے آ۔
ننے ران ناسو ایت۔ قصاب پُہہ مس کہ مُست نا بادشاہ نا مارکو۔ او شہزادہ غاتا
معصومیت ئے خنا است ئی پارے جیفے نے داخہ خوبصورت انگا چناتے تڑسہ۔ ولدا
پیہہ غاک یات بسر تہ کہ بادشاہ کنے خیسن پیہن اٹ تول کیک۔ او شہزادہ غاتے
پارے نم مچہ سلبو دُو کنا گھٹے ای نمے ران ناسو ایتوہ۔

قصاب زوزو ساہدار تے دانگ ایگ کرے۔ دوئے تینا خالی کرے کتارے تینا
تیز کرے او انا کوٹھی سے ئی شہزادہ غاتے پارے دانگ بو شہزادہ غاک انار کوٹھی ئی قدرت

خدا نا ہموڑے قصاب تون اسہ بندغس کاریم کریکہ۔ اوڑتون مست سنا بادشاہ نیکی کریس۔ اودے سہاتما کہ دا ظالم آقصاب داشہزادہ غاتے تڑک۔ اوپہہ مس کہ لالچی آوزیر بادشاہی ئے قوضہ کرینے داسہ دا چناتا کاٹم تے ہم کٹیک۔

او قصاب ئے پارے دہنو ظالمی کہہ۔ دا معصوم آچناتا تڑنگان نے انت فائدہ رینگوئے۔ ہندن ناساہ کس ارے ہندن دا معصوم آچناتے ہم ساہ ارے۔ قصاب پارے ای مجبورٹ بے شک دا معصوم، کوڈو دا قتا تڑنگ آن کئے انت فائدہ رینگو۔ دُن وزیر دا قتا تڑنگ کن کئے آدا شرط آتے تنخانے۔ اگہ ای دا فتنے زندہ الو تو کئے نہ خیسن پیہن ملک نہ جائیداد بلکن وزیر کئے آل اولاد تون تیل اٹ تراٹک۔

ہمو بندغ پارے نی بھاز سادہ اُس نی منہ ساہدار ناخن تے کشہ اوڑے دہ او مگہ خنتے ہُرک اونا مقصد بیرہ بادشاہی کنگے۔ اودے نی پاکہ نی مارتے تڑلیں۔ اونے آباور کیک۔ قصاب پارے ناہیت تو راستے ولے چناک اسہ ناسہ دے کس پھاش مرور گڑا کنا خیر مفرو۔ بادشاہ کئے چٹ کیک۔ ہمو بندغ پارے نی گڑھتی کہہ۔ چناتے دا کان کنگ کنا کاریے۔ او فتنے ای پین بادشاہی سے آراہی کیوہ۔ او قتا دس ہم مچ زند کسے ملپر وئے قصاب پارے جوان او کشامہ ساہدار ناخن تے پچ سے ٹی پیڑا خلوکا اُس تودرے تا بادشاہ غا قصاب نا اُس ت نا ڈوک ڈوکارہ اس۔ کہ دُن مف بادشاہ ئے کئے آشک برے۔ او بادشاہ ئے خن تے نشان تس بادشاہ خنا قصاب ئے او ہُرانوا کسے سہاتمہ او زو کس قصابے پارے دہ جاگہ کس کھڈ کہ تا کسے ہم دا باروٹ پاپس۔ نے خیسن پیہن نا پانگ آن زیات ملک۔ قصاب زو کس ارے فتنے خن تے درے جاگہ کس کھڈ کرے۔ جندتہ انا بادشاہ غا بادشاہ قصابے مال و دولت تون اوار جائیداد ہم تس۔

دافتے الے اتل ان اے امبل آن کہ اوچناتے ننکان دزی اٹ کشا۔ خلسا پرغسا
 خلسا پرغسا۔ درے اسہ جنگل سے ٹی چناتے ہلی آن دڑ فے پارے تامل داسا پدی
 بفرے بادشاہ نے قصاب نادو آن تڑفیکہ دانما قسمت جوان اس کہ ای اوڑے ساڑی
 اٹ۔ نہ تو کس ہم ڈ سے نما تتو کہ۔ اگہ پدی انارے گڑا قصاب نے تڑک ای داسا
 داکان پدی اڑ سینگوہ موئی نما قسمتے بچرے یا نہارتا گواچی مریرے۔ اوچناتے ہموڑے الا
 جندہ ہلی آسوار مس پدی اڑ سینگا شہزادہ غاتا لمہ تینا چناتے ختو دانگ ایگ پٹا ہوغا
 پٹالا چار مس چپ کرے۔

معصوم و کودک آچناک کہ اینو اسکان او فتنے بچو تکلیف کس رسینکتوس۔ داسا
 جنگل ٹی نہارتا نیام ٹی حیران و پریشان اتر کہ دانت نے آویل کس بس۔ او جنگل ٹی اسہ
 درخت سے ناکیر غان تو سر۔ شام تماتا۔ ملاس و لنگڑی تر شاغاتا د معصوم آچناک لنگڑی
 مست ختو سر۔

چتکا شہزادہ پارے ایلمک ای ملاٹ ایلمک تہ پاریرہ فی ملاٹس نن امرکین نن تینٹ بیگن
 و ملاٹس۔ داڑے نہ دیر خنگل نہ بندغ ناگندے چپ کر خدائے یاد کر۔ دن مف نہارک
 کیر نے۔ دافتے تغ ہلک داک درخت ناکیر غان خاچار۔

قدرت خدا ناہندا درخت آرا طوطا بسر تو سر مست ساہدارک و چک آک ہیت
 کریرہ۔ اسہ طوطا کس پارے افسوز ارمان امر و معصومو چناؤ۔ سماف دافتے انت ویل کس ہلکنے
 کہ داڑے جنگل ٹی تمانو۔ اگہ نہارتا نظر تما ای آتا تو داچناتے گنیرہ کارہ۔

ایلو طوطا پارے اگہ داچناتے سما مسکہ تو اوانت ہیتس کریرہ۔ خدا او فتاہیتا تے قبول
 کر یکہ طوطاک داہیتا تے کریر بال کریر انار۔ بھلا ایلم نے سما اس او ایلو ایلم تے آن پہہ اس
 او ایلم تے تینا بش کرے پارے ایلمک بش مبواسہ اسہ ہیت کبو۔ ایلمک تہ خن تے موشکسا

بش مسر۔ پاریرایلم نن انت ہیت کین بھلا ایلم پارے اتس نما اُست خواہہ ہمویتے کہو۔
 نیا میکو ایلم پارے اگہ داکان بچاٹ کنا است خواہک ای اسہ مجھی وال سے تون
 مسہ ای چڑہ مجھی ناسواو خولم نارغ کنگٹہ۔ کنا است ناہندا ارمانے۔ بھلا ایلم ہکل کرے کنا
 اُست ٹی ہندا ارمانے ای مریو ڈاگ والا سے تون چڑہ سی ڈگی ناپال کنیو چکا ایلم چپ اس
 بھلا ایلم پارے تہ اگہ نی گنگ اُس نی ہم ہیتس کرک۔ چکا ایلم پارے اگہ ای ہیت کریت
 نم کنے خلیرے بھلا ایلم پارے انتے نن گنوک مسٹن کہ نے خلینہ اتس نا استی ارے پا
 نن۔ چکا ایلم پارے ای بھلن مریو تینا بادشاہی ے وزیران پدی ایو۔ ای چار بادشاہ تا
 مسن تے برام کیو۔ کنا زانیفہ غاک راست چپ آن کنا تو لوک مریر۔ اوکنے جلونٹ ایترا ی
 ہرا کنڈاکا واکنا بائی ہیننی ایترا۔

چکا ایلم ناداپتے بنگ بھلا ایلم خلک تہ پنچہ کس پارے ناساہ نا تور باروے نی
 بادشاہ مریسہ او چار چار زانیفہ برام کیسہ۔ چکا ایلم تما ہو غنگ اٹ اے ہڑدوسر آیلک دا
 دے ہو غنگ آخنارالار تہ سرہلکر چکا شہزادہ ہنداڑے ہو غا ہو غا تنگان انا۔

قدرت الہی ناداد درخت آاسہ دیو سے ناجاگہ اس دیونکان بال اٹ داڑے بس
 شہزادہ نامون آتو بے ناروشنائی تما ہراتم دیو درخت آتوس شیف نظر شاغا شہزادہ ے
 خنا۔ پارے سبحان اللہ دامعصوم آچنا داڑے ہراکان بسے۔ او درخت آن شیف مس بس
 شہزادہ نارہی آکہ گئے تہ ولد است کئی تہ رحم بس۔ پارے یا خدا اگہ ای داچنا ے کنیو کنا اسہ
 نیش کس ہم دتری مفک او ٹک خلک کہ داڑے داچنا لنگڑی، ملاسی آن کہیک کاتک یا
 نہار سے ناگواچی مریک۔ او ارے شہزادہ ے بال کرے درے شہزادہ ے پین بادشاہی
 سے ٹی اسہ اس سے ناڈھیرا قرار شیف کرے جند تہ پدی بال کرے انا۔

شہزادہ ہمو اس تاڈھیرا خاچوک اس ساف تما ککڑا تا بانگ، ملانا آذان، کچکا تا

غونگ اویش تاسرنگ چک آتا چڑ چڑ آن شہزادہ تیغ آن سما کرے اُراسمان اللہ ای استو
 جنگل نئی درخت سے کیرغان تنیا اسٹہ۔ داڑے آبادی سے ٹی امر سر مسٹ۔ او اس تاڈھیران
 بش مس جاگہ کس توں ہر اتم دے پاش کرے شہزادہ ہراہنگ کاو داڑے کنے کس ہم
 تپک۔ اومیت ناکنڈا سر ہلک۔ اومیت نئی پترینگا ملا ہم وظیفہ ئے چٹفیس۔ اوخندا
 شہزادہ ئے دانا لویس ئے استٹ ٹک خلک کہ داچنانا علاقہ ناس اف سما اف داہراکان
 داڑے بسے۔ ملا رنے ای آن تہن دنا چنا اُس۔

شہزادہ پارے کنے نہ باوہ ارے نہ لہ ارے نہ کنے ایڑھارے نہ ایلیم کنے بین سیال
 عزیز ہم اف ای چھوری نئے اُٹ ای بھاز ملاس ونگٹراٹ ای درونائے دانکونا کڑو کس ہم
 کنٹٹ۔ ملا ئے اولاد ہلو کہ اوخندا از بیباغا کودک آ شہزادہ ئے پارے مل بہ کنون اُراغا۔ او
 شہزادہ ئے تینا اُراغا درے زانیفہ تہ دا شہزادہ ئے خنار فے دادیرے بڈ کرنس ہتنگ ٹی اُس۔
 ملا پارے غریب اسہ وار دیرار غ کس ات دا معصوم درونائے لنگڑے۔ ملا نازانیفہ
 داپتے بنگ است تہ صفا کپ مس اوزو کس انا شہزادہ کن دیرار غ ایس شہزادہ بیگن و ملاس اس
 او دیرار غ کنگ سیر کرے تینے۔ داسہ ملا زانیفہ ئے تینا پارے غریب نئے اولاد ہلو نی
 ہروخت دعا کریسہ بائے بوزا تسہ خدائے نئے آرم بس۔ او دا شہزادہ غامارے سما اف
 آسمان یاڈ غارنا تہہ آن کشانے تس۔ دامارے کس ہم اف۔ اینو آن ای دانا باوہ اٹ نی دانا
 لہ اُس۔ ملا نازانیفہ داپتے بنگ او شہزادہ غان دروت کس ہلک گدنا تینا پلو ئے ملا پنچ پاوی
 ئے کشا ملا ئے پارے دا پنچ پاوی ئے خیرات کیس۔ خدا ننا اُست نارمان ئے پورو کرے۔
 ملا درے پنچ پاوی ئے خیرات کرے ملا پیشیم نا نمازان پد چناتے خوانیفکہ شہزادہ ہم ملا تون
 خوانا کہ ہیت آک زومریرہ سالک اُرے آگدرینگہ۔ شہزادہ خوانسہ کرے منہ سال گدرینگا
 شہزادہ مچہ گیشتر مس۔ داسہ اوخت بروت کرے ملا پیشیم ناچنا تون شہزادہ ئے خوانیفکہ شام نا

اُرائی سب سے تہ۔ شہزادہ داسہ خوانگ اٹ جو ان مس اسہ دے ملا شہزادہ نے پارے مل داسہ
ای پیر مسٹ ای دانگ اینگ وختس کاریم سے کن کاوہ نی داسہ دینی تعلیم کرنس چناتے
وخت وخت نی خوانف۔

شہزادہ پارے باوہ جان کنے نامون آ ادب نے ملا پارے تہ نی کنتون اوار
چناتے سب سے کرک۔ شہزادہ داسہ طالب نا پٹ مشہور اس۔ چناک اودے طالب
پاریرہ۔ چناک چوخت خوانگ کن بسرہ اول سراٹ ملا اوفتے سب سے تسکے اوکان گڈ شہزادہ
(طالب) اوفتے خوانفیکہ ملا ٹون وزیر نا مارا و بادشاہ نا مسٹر ہم خوانارہ بادشاہ نا مسٹر داسہ
رسیندہ مس۔ اونا رنگ دروشم پری تے ہم شریفیس۔ ملا وخت نس کاریم سے کن
جاگہ نس ہنا کہ بادشاہ نا مسٹر وزیر نا مارا اسہ ایلو ٹون مر کریرہ۔ کس نے ہم جرات ہلو کہ
اوقا اوفتاشکا ست نے کیر۔ ایلو طالباک ہم دافتے سیل کریرہ سب سے آتے گیرام دریرہ۔
ملا ارا کہ چناک داسہ ہمو شوق اٹ خوانپسہ اوچناتے پارے نئے بلہ نس خلع چٹ مریرے
انت مس نئے کہ سب سے آک یات مفہ نئے۔

طالب ملائے پارے ابا جان اسہ ہیتس پاوے کنا پیتے ہلیسہ۔ ملا پارے پائل
انت ہیت سے طالب پارے تہ نی ہرا تم کا سہ وزیر نا مارا و بادشاہ نا مسٹر داڑے مر کریرہ۔
ایلو چناک اوفتے سیل کیرہ نی بادشاہ نے پاکہ نا مسٹر نے ای اُرائی خوانفیوہ انتے
داڑے غٹ مارک غٹ ملا پارے ہوا تاراست پاسہ شام سٹاملا انا بادشاہ غا بادشاہ خناتہ آرنے
ای آن تہ ملا جان خیرے انکن بسنس۔

ملا پارے اے بادشاہ سلامت ای نے آ دا خاطر ان بسٹ نا مسٹر داسہ خیرٹ
بھلن منے ایڑے کنا مدرسہ ٹی غٹ مارک خوانرہ نا مسٹر ہم ہموڑے خوانک مارتا نیام ٹی نا
مسٹر نا خوانگ جوان اف۔ نی اگہ اجازت ایتس ای ہڑدے ہنداڑے بریوہ اودے ارائی

سج ایتوہ۔ بادشاہ پارے نی تو کنا اُست نہایتے کر لیس۔ ای خداغان پین انت خواوہ کہ کس برے کنا مسٹرے داڑے خوانفے۔ شام آ ملا اُراغاتینا انا طالب ئے پارے کہ نی ان بادشاہ نا مسٹرے سج ایت ای داڑے چناتے خوانفیوہ۔

ایلو دے طالب انا بادشاہ نا اُراغا ونا مسٹرے سج تنگ کن طالب دس کرے مگہ بادشاہ نا مسٹرے تنے بوک کرے اسل ہیت کتو طالب بیوس مس اوچھٹی کرے پدی انا۔ ایلو دے واطالب بس ہب کرے مگہ بادشاہ نا مسٹرے اسل ہیت کتو۔ نلا تینے گنگ کرے۔ مسٹیکو دے واطالب انا بھاز کوشش کرے نیٹ بیوس مس مونے شیف کرے سر ہلک بادشاہ نا مسٹرے توار کرے تہ طالب سلس کنے نے تو ن کاریم ئس ارے او سلیس بادشاہ نا مسٹرے اسے چھٹی ئس نوشتہ کرے تہ تہ پارے طالب داچھٹی ئے وزیر نا مار آسر کیس۔

طالب پارے او گودی اوارے فے چھٹی ئے داکان پیش تما مونی انا جاگہ ئس سلیس چھٹی ئے ملا خوانا چھٹی ئی لکھوک اس کہ داسا کنا باوہ کنے آپا بندی خلکنے داسا کنے اُرائی سج ایتوہ کنے نے آن بیدس اسل آرام اف۔ ای نا اُٹ نی کنا اُس ای فلان دے بریوہ چو کری ئے ہم تینون ارفوہ فلان جاگہ غاتلاپ نا رہی آن برینہ گڑا دابادشاہی ئے الینہ پین تین کانه طالب بادشاہ نا مسٹرے ناچھٹی ئے ٹکر ٹکر کرے بٹے جن تہ اسے پین چھٹی ئس لکھا کہ ای حاضر اُٹ ای بتنگ کن تیار اُٹ ای ہمودے بریوہ گڑا ن داکان کانه اودا چھٹی ئے لکھا جند تہ پدی انا۔ باوہ ئے تینا پارے باوہ جان

ملا پارے تہ جی مل

طالب پارے کنا اسے سنگتس بسے ای اوڑے کاوہ ای منہ دے چھٹی کیوہ کاوہ کنے پانزدہ دے تو ئس لگک کنے گڑا اس پیسہ نا ضرورت ئے۔

ملا پارے ابا ای دا پیسہ غاتے دیر کن مچ کیوہ ای داسے پیر مسنٹ لمہ نا ہم پیرے ننے پین اولاد

اف نن داپیہ غاتے انت کروں نے اخس پیسہ بکارے درک۔

طالب ارفے تہی نُس نوٹ سنا داکان الا انا۔ ہندا چھٹی ءے درے بادشاہ نا
مسٹر ءے نُس۔ مسٹر زو نُس چھٹی ءے ملا خوانا اوٹی لکھوک اس کہ فلان دے شام آہمو جاگہ غای
بریوہ۔ بادشاہ نا مسٹر استی خوش مس کہ فلان شام آوزیرینا مار بیک گودی ہمو شام تینے تیار
کرے۔ تینکہ پچ ارفے سات وزیور اتے تینا ارفے لوت نُس رُپی نارا فے چوکری ءے
ہم تیار کرے اودے پارے جوانو ہلی نُس ہت چوکری انا ہلی نُس پیس او فک ہلی آسوار
مسرا یڑے طالب اسہ ہلی نُس جاگہ سے آن پیسہ ٹی ہلک بس ہمو تلاپ نارہی آسلیس
گودی چوکری تون رسیفے تینے۔ دافک اشتانی آن اسہ ایلوڑ تون ہیتی متور۔ سر ہلکر خلما
پر غسا خلما پر غسا جاگہ نُس سر مسرن نیمہ مس گودی ہرا کہ وزیرینا مار اسل ہیت کپک گودی
توار کرے کہ انتے چپ تولوک اُس طالب ہیت کتو گودی چوکری ءے پارے وزیرینا مار
ہیت انتے کپک۔

چوکری پارے او اراغان پیش تمٹنے مونجائے نوا پیشوان مرے او فک مستی انا۔ داسہ دم
درینگا سر جاگہ نُس اڈ کریتار مہ اس خاچار تنگان انا۔

صحب تما دافک بش مسر۔ خن تے تینا موشرکار گودی اُرامار خانہ تہ خراب مس
داوزیرینا مار اف بلکن طالب ءے گودی طالب ءے خنا پوشکنی نُس کشا۔ ولد امون تہ مٹ مس
چوکری گودی ءے خنا پارے گودی مون ءے تینا مل انتس کہ مروئی اس مس پدی ننا ائنگ داسہ
کھٹانے۔ وزیرینا مار داڑے بنگ کپک۔ داسہ جوان ءے گندہ ءے ہندا طالب ءے طالب
نارنگ درو شم وزیرینا مار آن صد حصہ جوان ءے داسہ وختے اوڑ تون گدریفوئی تمک۔ نی مون
ءے تینا ملہ گودی پارے چوکری پین انت ہیتس پاسہ پاکنے ای ناپیتے مینوہ مگہ طالب نابابت
اٹ کنے اسل پاپیس۔ دانتو درو کرے نیٹ چوکری بیوس مس چا نُس گودی وزیرینا مار ان بیدس

کس نے ہم خوش کپک۔ او پارے گودی ای نیکن اسہ قصہ کس شادہ فی قصہ نے خف تو۔
 اوکان گڈنی تینٹ فیصلہ کر گودی مالو آن پڑوسک اس۔ چوکری ناپیتے بنگ غصہ ٹی پارے تہ
 شاغ نانت قصہ کسے۔ چوکری پارے بن شوان ناقصہ نے۔

چوکری پارے خدا نا حکم اٹ اس اسہ بادشاہ کس بادشاہ خدائے خدا نارسل نے دا
 زمانہ سازی او بادشاہ کس اس۔ بادشاہ نا اسہ مسٹر کس اس او نارنگ و دروشم نا وڑٹ زیبا واد
 وختے مچ بادشاہی ٹی پین اسل ہلو۔ وزیر نا مارنا بادشاہ نا مسٹر تون اُسٹ لگا دافک دزی اٹ
 اسہ ایلوڑ تون ملاقات کریرہ۔ دافک اسہ دے ہم اگہ اسہ ایلوئے ختورہ ننگان تغ بتو کہ تا اسہ
 دے وزیر نا مار او بادشاہ نا مسٹر صلاح کس بسفیر۔ کہ داکان پیش تمین پین کند سے آکان بادشاہ
 نا مسٹر وزیر نا مار نے پارے پگہ فی مہاری کس ہتیس ماڑی ناشیف درخت کسے ٹی مہاری
 نے نفس۔ ہموڑے رہی آتہ تلس کسے ہمر موقع دوس ای ہلی کس ارفوہ چوکری تون بریوہ گڑا
 پین کند سے آکانہ بادشاہ نا مسٹر ہر اتم وزیر نا مار تون دا صلاح نے بسفے ہموتم اسہ شوان کس گھر
 نے تینا خوفیکہ۔ او دافتا ہیتا تیا خف تورے دافتا ہیتا تے بنگ کہ دن ننگان بادشاہ نا مسٹر
 چوکری تون بریک وزیر نا مار تون دا بادشاہی نے الرہ کارہ شوان نا نظر بادشاہ نا مسٹر آتما۔ او
 استے شہزادی آ بھاتس۔ او زو کس گھر نے پدی درے بوتارے تس پارے فی چاس نا مال۔
 کسے کاریمس تمانے ای اناٹ۔ بوتار تہ پارے ڈاکی کس خلے نے ہرانگ کاسہ۔

شوان پارے کنا مون ہرانگ تما۔ ای ہمیگ کاوہ۔ او کھرے الا انا۔ وزیر نا مار
 انا مہاری کس پیس۔ ماڑی ناشیف درخت سے ٹی تھے تہ۔ جندے تہ تغ ہلک او شوان نے
 خنا شوان نے پارے ای تینے چٹ پڑوہ۔ اگہ ماڑی نا کند اہلی سوارس نے بنگ آخناس کسے
 بش کیس۔ گڑا ای نے انعام ایتوہ۔ شوان پارے تہ جوان خواجہ فی آرام کہ۔ او ہنا اسہ جاگہ
 کس لیٹا ننگان ہلک۔ شوان انا مہاری نارہی آتوس۔ تہار مہ اس۔ گودی چوکری نے ارفے

ہلی ناخوجین نے خیسن پیہن آن پُر کرے۔ داڑے بس رینگا شوان خناتا مونے تینا خیری ٹی
ڈھکا۔ گودی چوکری ہلی آن دڑنگار۔ اوٹک مہاری آسوار مسر۔ شوان ہلی آسوار مس۔ اوٹک
سر ہلکر خلسا پر غسا خلسا پر غسا ہنار اسہ جاگہ کس گودی چوکری نے پارے وزیر نامار ہروخت

اخہ زیات ہیت کر یکہ اینو ہیت کنگ ٹی اف چوکری پارے ای ہیت کریفیوہ تے۔
گودی پارے جوان نی ہیت کرف تے۔ ہنار مستی خنار اسہ بھلو جنگل کس چوکری
پارے اخہ جوانو جنگل کسے۔ داڑے شہزادہ کس مسکہ شکار کر یکہ داشکار نا جوانو شوقی او جاگہ
سے۔ شوان چوکری ناپیتے بنگ۔ او ہیت کتو۔ مستی ہنار خنار اسہ جاگہ کس چوکری پارے
داڑے امر و بھلومش کسے۔ درخت آک و۔ داڑے بھگ کس مروس امر جوان اس شوان
ولد اہیت کتو۔ مونی ہنار اسہ جاگہ کس چوکری پارے دامالداری کن جوانو جاگہ کسے ہر کنڈا
بے و بوچ بھازے اگہ داڑے کنا باوہ نا گھر مروس عجب کھر نا خواہنگ نا جاگہ
سے۔ شوان اُرا جا ہی مال تا خواہنگ نا جاگہ سے او خوشی آن شوکار س خلک۔

گودی پارے خدا خلک نے چوکری دا وزیر نامار اف۔ داشوان کسے۔
چوکری ہم پہہ مس او پارے گودی اے تم خیال کتو س اشتانی ٹی راہی مس داشوان کسے
انتسے داسہ ہیت ہیت آن گدرینگا۔

گودی دوتے کاٹم ٹی تینا خلک پارے دا کنتون انت مس گودی بھاز مونجا مس
چوکری اُست تس تہ مگہ گودی نامون ملکتو اوٹک خلسا پر غسا خلسا پر غسا مستی ہنار جاگہ کس اڈ
کریر۔ گودی اُرا شوان نا پڑہ غاک بھہو تو پچ آک تہ جاگہ جاگہ غان اگڑی اسر چوٹ آک
تہ کشا سر۔ بروٹ آک تہ بائی تما سر۔ او چوکری نے پارے داسہ انت کین۔ دا تو نلا جاہل
کسے۔ شام ستون اوٹک خاچار ہرا تم صحب تما گودی چوکری نے کڑو کس لعل سنا تس پارے
دادے شوان نے ایت چوکری شوان نے کڑو لعل سنا تس۔ پارے دالعل سنا کڑوے درک

سودا کرک تینکے پیچ ال چوٹ ال جھنڈا تے تینا چٹک کہ بروٹ آتے تینا جوڑ کرف تیکے جوانو
جوانو بادشاہی ءگڑ ال بر۔

شوان ارے لعل ءے درے لعل ءے پر غفے تینکے پیچ ہلک۔ درزی نئے آن
موغفے تا۔ پوسکنو چوٹ ہلک تینکے سیرب ءے تینا کرنے بے شولا ولد اشار آن نیازی
تے کن حلوان نا پیچ ہلک سیر اس بگڑانا ہلک بڈکس پگ سنا ارے کاٹم آتخا بس پدی
گودی خناتہ بوز ءے تینا پرے چوکری خناتہ دوتے تینا کاٹم اٹ خلک پارے بے
بخت دا امر کرلیس۔ امی نے داخہ قیمتی ءل لعل کس تسٹ کہ فی بادشاہی آگڑا تان
ہتوس۔ بڈس پیسہ نا ہتوس دا پگاتے ایسنس۔ بھلو غزہ کس کرینس۔ دالعل سنا کڑو آن
شار سنا غٹ گڑا تے ہلکوسہ ہلنگ کریسہ۔ دا حلوان نا پیچ آتے ایسنس مگہ نن سور پاٹی
اُن دافتے دہ کاٹم اٹ تینا خل۔

شوان پارے ای انت کیو دریٹ مچا شارٹ چریفیٹ تے کس ہم ہلتوتہ۔ اسٹ کس
پارے داخوار ءے کنے ایت ای تینا چنانا لئح کئی تفیوہ تے۔ داخوار اس دانا پین انت گڑا بسکہ
اوچہ پیسہ کنے ثوابی تس۔

چوکری پارے خدا خلک نے نن امر و بڈھ سے تن آختہ مسن۔ سما ف مستی انت
کیرو کروں۔ دا آسرات و آسودہ غاک نازرک آگودیک کہ پرائے غان بیدس ہیچ ہم کتوسہ
بے وس مسر۔ ہندا بگڑا تے ار فیر کنگر ہڑباک تا ہم خل ءے ار فیر۔ ہراڑے اے بادشاہی نا
طعام آک ہراڑے دا بگڑاک۔ شام تما آرام کریر خاچار۔

صحب ستون بش مسر۔ چوکری ولد اتس لعل سنا کڑو س پارے او ٹکڑ دالعل سنا کڑو ءے
دہ پر غف تینکہ ہم جوانو کنوئی او گڑا ال تینکہ ہم جوانو گڑا ہت۔ اُرا ہشوک خیال کیس اینو
ولد انوار یفور نے۔

شوان چوکری آن ہلک لعل لے۔ انا شار آشام سنا وخت بڈا گڑ اس نت ارے
 گڑ اس بے ایس بے تے ہلی اوہچ سنا مون آشام۔ نت آتے درے چوکری آ۔ چوکری
 نت آتے خنا پارے تہ او بودا دانت آتے انتکن ایسنس داڑے نن تون نہ تین ارے نہ تافو
 دانت آتے لمہ نابریک بسک۔ شوان پارے گودی ای چوخت کھر ستون ہناٹہ تو مش اٹ
 کرنو کریٹہ۔ ای داسہ نمکن کرنو کیوہ۔ او پاٹ مچ کرے لگیفے تا ولد اگڑ اس گڑ دخل ایس
 او فتنے خا خراٹ تھا۔ اونٹ عیبغا کرنو کرے بسے تا۔ گودی کہ کرنو تے خنا دا ڈاڑا سرہ۔ چوکری
 خنا کرنو تے پارے او مزہ کاٹم او است ایکیم دا ڈاڑا زگا کرنو تے باوہ نا کنیک۔ گودی
 چوکری دے آن ہم لنگڑا سر۔ کرنو تے دیرٹ چڑیفسہ بھاز بد حالی اٹ منہ باخو کنگر۔ او فقا
 ہڑباک خن لے ار فیر لنگڑی آن نکان تق ہم بتوتا۔ منہ دے گدرینگا دا لنگڑی آن بین
 آن تمار اسہ دے چوکری گودی آن اسہ پین لعل سنا کڑ وُس تس تہ پارے خانہ خراب بگڑا
 کرنو تس نن دافک ننا وتینک آتے شڑا رچٹ کریر۔ نی جوانو گڑ اس ات سرچٹ نن
 نیاڑی اُن نن شاراہنگ کپنہ۔

شوان پارے گودی امر کیو چڑیفیٹ چڑیفیٹ شام مس کس ہم لعل لے ہلتو۔
 اسٹس پارے دا جوانو خوارسے دادے ای تینا دغرنا لُح سٹی تفیوہ۔ ہندا نت آتے تس کنے
 گڑ اس ساہدا تے کن بے ہم تس کنے۔

چوکری پارے مرک خنانے نے دالعل لے درک مکھی سے آ۔ اونے دانا جوانو رقم
 اس ایٹک۔ شام سنا جوانو کننگ کن ننا گڑا اتیس۔ نن لنگڑی آن اُسٹ دیر کرین خدا نے خلک
 بے بخت شام امر نن تون تڈ مسس۔ دا بگڑا او کرنو تے نا باوہ کنیک گودی تینا قسمت کن
 ہوغک کہ امر وچو چرو سے تن سنگت مسن۔

شوان ہلک لعل لے درے شام آپدی بس بڈس اسپست نا اڑہیتے تینون گڑ اس شار آن

ارغ ہلک اسپست آتے ساہد ارتا مونا شاغا۔ ارغ آتے ایس دافتا مونا تھا۔ چو کری ارغ آتے خنا پارے او شوم بگڑا او کرنو تے آن ننا ہڑ باک داسکان خل کنگ ٹی و۔ روتینک آتے ٹی ننا دل تما۔ پین اف دا ارغ تواری۔ گودی چو کری ہموارغ آتے کنگر داسہ گودی ناشوان آن اُست بے خنی خراب مس۔ او شوان تون غصہ غان اسل ہیت کتو کہ۔ چو کری پارے خانہ خراب نن نیاڑی اُن مچ دے نی کاسہ نن ہندا درخت نا کیر غان تینے بوک کینہ تولینہ اٹ مٹ داپٹ آن تمون۔ خیر او فک ہنار جاگہ کس آرام کریر۔

منہ دے ہندن گدریفیر۔ گودی چو کری حیران اسر کہ انت کین اسہ دے شوان چو کری پے پارے کانواہینو پین جاگہ کس گودی نامون مٹ اس۔ اولا چار مسر پچ آسوار مسر شوان ہبی آسوار مس شوان مون اٹ اس ہنسہ ہنسہ ہنار اسہ جاگہ کس اسہ ماڑی کس بادشاہی و اس۔ شوان درے تاہمو ماڑی ٹی چو کری پارے بیڑی وسم دادنا ماڑی ٹی دنگٹی اُس نن۔ شوان پارے نم تھٹی بو چو کیدار درگہ پے ملا او فک تھٹی ہنار۔ بھاز زیبا و ماڑی کس اس۔ ماڑی نا تلا سنگ مرمر نا خل اٹ تفوک اس۔ کھڑکیک تہ روشن اسر۔ ماڑی ٹی پلنگ بوپ غالی شاغوک اس اسہ کنڈا تہ پیسہ غاک ڈھیر اسر۔

شوان پارے چو کری پے نم کنے بودلا او شوان کس سر پند مسرے۔ ای ہمو لعل تے مکھی تے آن پر غیفیٹ ای دا ماڑی پے صبح شام زور خلکٹ جوڑ کر یفیٹ۔ اے پیسہ غاک بچانو گودی خنا شوان نالانچی پے داسہ اوبادوی آ بس۔ پارے خیرات ہندا شوان کے دہنو ماڑی کنا باوہ نبادشاہی ٹی ہم ہلو۔ او شوان پے پارے ملا کس خوا ف شوان ملا کس خوا فے۔ ملا گودی تون شوان نا نکاح پے خوا نا شوان نا گودی تون برام مس۔ او ہموڑے خوش اسر چو کری پارے گودی دا کنا قصہ مس۔ اے شوان کس اس داخہ لائخ پیش تما۔ داطالب کسے نوادا شوان آنبار لائخ پیش تے۔ گودی بوزے تینا پر فے۔ پارے چو کری غریب نی قصہ کس

شاغاس داسہ بن ای نے کن قصہ کس شاغیوہ۔

گودی پارے بن ہچ کش ناز ایفہ ناقصہ۔

گودی پارے اس اسہ بادشاہ کس بادشاہ خدائے خدا نا رسول نے دابادشاہ نا
ہمسایہ ٹی دا اسہ ہچ کش کس اس۔ دا ہچ کش واپاری کریک۔ اونا زایفہ اُرائی تنیا اس اوخت
کس ہفتہ کس وختس اراہفتہ وخت وخت تو تا تو اُراغان پیشن مسکہ۔ واپاری کریک گڑاتے
سودا کریک پدی بسکہ۔ اسہ دے ٹک خلک کہ کنا حویلی بادشاہ ناماڑی نارہی آٹے۔ ای کاوہ
اُرائے تنیا۔ تنیا ایوہ۔ ای بادشاہ نے سہی کیو کہ ناہمسایہ ٹی کنا زایفہ داڑے تنیاے اونوا
خیالے تہ کے۔ اوہندا اُست ٹی صلاح کرے ہنا بادشاہ غا بادشاہ خناہچی آئے ہچی آبادشاہ
نے سلام کرے بادشاہ سلام نہ تہ ورنندی نے تس ارفے ای آن تہ غریب انت کن
بسٹس۔ ہچ کش پارے تہ۔ خواجہ اول ننا بادشاہ خدائے رعیت نا بادشاہ فی اُس۔ ای نا
ہمسایہ اُٹ کنا حویلی ناماڑی نارہی آٹے۔ ای ہچ کشی کیوہ۔ مال دیوہ سودا کیوہ واپاری کیوہ
وختس ہفتہ اراہفتہ تو اُراٹو ہم ای تنیا اُراغان مرمریوہ۔ ای اُرا نامون نے خنیرہ کنا اُرائی
کنا زایفہ تنیاے۔ کنا اُرا نا خیال داری نا نے پارتے۔

بادشاہ پارے نا حویلی ہراڑیکے۔

ہچ کش پارے خواجہ ناماڑی نافلان کنڈا اسہ بھلو حویلی سے ہو کنا اُرائے۔

بادشاہ پارے نی چٹانس ہرادے ہناس کنے پاس نی است جم کرک۔

ہچ کش پارے خواجہ ای صحب سنا واپاری کن ہنگ ٹی اُٹ۔ بادشاہ پارے نی بے غم ہنگ

داسہ نی چٹانس۔ صحب ستون ہچ کش مال تے ارفے مسافری آپیش تہ۔ شام مس گٹ والا ک

بسر بادشاہ، گٹ والا تے پارے اینو نم ہبو خاچبو۔ اینو گٹ تنگ کنا کاریم نے۔

گٹ والا ک پاریر خواجہ بن مزوری کینہ گٹ تنگ کنا کاریم نے۔ نی مسس ملک سنا بادشاہ

نی امرگاٹ ایتس۔ مخلوق نئے انت پانک کہ گاٹ والا ک تنخواہ الیرہ۔ ننگان کارہ خاچہ۔

بادشاہ پارے نہ اینو کنا کنڈان نئے چھٹی۔ اینوای نما جا کہ گاٹ ایتوہ۔ گاٹ والا ک
لاچار مسر۔ ہنار آرام کریر بادشاہ بخیری و لوپس کس کرے۔ مونے تینا مشی کرے تاکہ
کس تپ تہ دستار س تھے لٹ بعل جولائے شاغالٹ کس ارے ہناچی آنا حویلی ناکنڈا او
دیوال آن درکا تھٹی ہنا۔ ارا کہ ہچ کش ناز ایفہ ناسہ چنا سے اونا چہرہ ارے ہو غنگ ٹی بادشاہ
کھڑکی کس یلہ خنا۔ او ہموکان کوکڑو کرے۔ ارا کہ مارخانہ خراب ہچی آنا ز ایفہ تون ورناس
مجلس کنگٹی۔ چنانا ہو غنگ ناتوارے ماہی ورنانا پہلو آن بش مریک کانک چنائے
جلونٹ اٹ چندیفک چنا چپ کیک وانیاری پدی کانک کھٹ آہمو ورناتون تولک۔ وا
جٹ سے پد چنا ہو غنگ اٹ تمک۔ نیاری واپش مریک کانک چنائے جلونٹ لیتک۔ پدی
کانک ورناتون مجلس کیک۔ بادشاہ کھڑکی آن دافے سیل کنگ ٹی اس۔

نیاری چنانا ہو غنگ آن دڑدی مس ارے کتار س ہنا چنائے جلونٹ آن کشا
کتارے چنانا لٹ آن بے۔ چنانا لٹ کشا چنانا جونے جلونٹ اٹ تنخا کتارے
ہموڑے تنخا جند تہ پدی بس کھٹ آتوس۔ جٹ کسے آن گڈ نیاری نیار پارے خدا خلعے نے
اول چنانا ہو غا کہ داسہ اسہ دم امہ چپ کرے۔

نیاری پارے خفک تہ خل کریرہ۔ ای خف تے ٹی تہ تیل نا پڑی پڑی بیٹ
اودے آرام بس چپ کرے خاچا۔ یارے تہ اونا ہیئت آباور بتو ابش مس ارا جلونٹ آن
دترک چٹنگ ٹی او۔ او جلونٹ اٹ خنا چنانا کاٹم جتائے۔ او نیاری آمون ہر سا پارے خدا
خلعے نے بے غیرت نی تینا پڈ سنا چنانا پروائے کتولیس پگہ کسے آن جوانو یارس نے ملانی کسے
تڑوس ہنوس اینونا کنا دوستی ختم مس۔ داسہ کنار ہی آ بقیس نیاری پارے نے دُرائے کسے
الپہ کسے آن دوستی پر غپہ نے آن بیدس کسے اسہ جٹ کس ہم آرام اف۔

امبل پارے تہ اینو آن نا او کنا سنگتی چٹا۔ پین دوارنا او کنا ملنگ چٹا اینو آن فی کنا ایڑھنا جاگہ غاٹس۔

نیاڑی پارے جوان داپیتے داسہ فی کنے الاس کنے آن سنگتی ۛے پر غاس مچہ سلہ ای تینا دو ننا نشانی کس ایتونے۔ گڑا ہنک تو کل کنا خداغا۔ امبل سلیس کہ سما ف کنے انت نشانی کس ایتک۔ نیاڑی ہنا کتارے ارفے بس پدی پارے نا جوانی ہنداٹی ۛے کنے البیہ۔ ورنہ پارے نہ داسہ نا او کنا سنگتی خلاص مس۔ نیاڑی پارے ہن فی ہم انت یات کروس کنا متولیس تو پین کس ۛے نا ہم مفروس۔ نیاڑی بے ای آن تہ کتارے۔ ورنہ نا کاٹم سٹامر آتما۔

بادشاہ است ٹی پارے اُراتہ ہشنگے۔ دا امر و نیاڑی کسے نہ اولاد نا خیالے لتخانہ تینا یارنہ۔ دن مف کنے خونے کنا ہم لُخ ۛے خلوے او ہموکان تینے پدی کرے کھڑکی نا تو ارس نیاڑی نا نظر تما ای آتہ او بادشاہ نا گنڈامون کرے پارے فی دیر اُس داڑے انت کنگ ٹی اُس۔

بادشاہ پارے ای پخیر سے اٹ کنے خیرات کس ایت۔

نیاڑی کتی کرے تہ پارے دانگی برک۔ بادشاہ لڑوکا است تون ہنارہی آتہ نیاڑی پارے شاباش دا ڈھونڈے بڈ کرک کان دریاب آ بادشاہ ارفے ورنہ نا جون ۛے نیاڑی ہم کاٹم ۛے تہ ارفے۔ بادشاہ دادے گریسہ درے دریاب نارہی آ نیاڑی نا اسہ دوٹی کتار اس نیاڑی بادشاہ ۛے پارے جون ۛے دریاب ٹی بٹ بادشاہ جون ۛے دریاب ٹی بے۔ نیاڑی کاٹم ۛے تہ دریاب ٹی خسا۔ او بادشاہ ۛے پارے رندٹ کنا برک بادشاہ مجبور اس رندٹ تہ سر ہلک۔ بادشاہ نا خلیس آن است نا ڈیکارہ اس۔ کہ دن مف داناروا آ نیاڑی کنے ہم خلے کسے نیاڑی ہنا اُرائی تینا بادشاہ ۛے پارے شاباش دا چنانا جون ۛے ارف بادشاہ

چنانا جون ے ار فے نیاڑی پارے کان دریاب آ او فک دریاب ناکنڈارا ہی مسر۔ بادشاہ
چائس کہ ای چوخت چنانا جون ے دریاب ٹی بٹیٹ نیاڑی کنا ہم لُخ ے خلیک او فک
دریاب آ سر مسر۔ نیاڑی پارے چنانا جون ے دریاب ٹی بٹ۔ نیاڑی ناراستیکو دو ٹی کتار
اس۔ بادشاہ اسہ جاگہ کس کرو داس خنا او ہموکان چنانا جون ے دریاب ٹی خسا چنا تون او ار
تینے ہم دریاب ٹی بٹے۔ نیاڑی اُرادا انت مس او کتار دو ٹی سلیس کہ نوا پخیر دریاب آن
پیش تے۔ بادشاہ ے تار بسکہ او تار خلسہ مستی ہنا۔ اسہ کاشم سے ٹی ہلک تینے۔

نیاڑی دریاب نار ہی آ انتظار کرے کرے ارا کہ پخیر دریاب آن پدی پیش تمہو۔ او نا خیال
پخیر دیر ٹی ڈب ہنا کسک۔

او پدی ہر سینگا بس اُرا ٹی خاچا۔

بادشاہ ارا کہ نیاڑی داسہ پدی ہنا۔ او تار خلسہ پدی بس دریاب آن پیش تما۔ ہنا
تینا مالات آ۔ ایڑے درگہ ے ٹکیفے زایفہ تہ اریفہ دیر اُس بادشاہ پارے ملخمو ت اٹ ای نا
ارغ اٹ۔ زو کس درگہ ے مل گودی درگہ ے ملا خنا بادشاہ پخیری آلویس ٹی ے پچاک تہ
پالسو۔ دیر آن چڑوک ے پارے خیرے دا انت کرنیس۔ بادشاہ پارے ای تینا لویس ے
بدل کریٹ کہ کا و مخلوق نا احوالے الیو ولد ا دریاب آ وضو کنگ کن ہناٹ ہموڑے لغوشت
ہلکٹ دیرٹ تماٹ۔ ای چڑا نٹ بخ آن کسکٹ زو کس جوڑہ کس پچ نناایت کنے گودی زو کس
ہنا جوڑہ کس بادشاہ کن پچ نناایت۔ بادشاہ پخیری آ پچ آتے کشا تینا پچ آتے مینا۔ ہنا آرام
کرے۔

صحب نتون بادشاہ ہنا در بار اگاٹ والا سے راہی کرے کہ ہن چچ کش نا زایفہ ے تو ار کر
ہتک۔ گاٹ والا ہنا درگہ ے تہ ٹکیفے نیاڑی ار فے دیر اُس۔ پارے کنے بادشاہ سلامت
راہی کرینے نے خواہسنے۔ نیاڑی پارے خیرے بادشاہ ے کنا انت کن خیال بس۔

گاٹ والا پارے کنے سہاف اوکنے حکم تس ای او نا کلہوئے نے آسر کریٹ۔
 نیاڑی پارے جوان نی راہی مہ ای درگہ ئے بند کیو گڑا بریوہ او ہنا زوئس درگہ ئے کردی
 کرے پیش تما۔ گاٹ والا مون اٹ نیاڑی رندٹ تہ اس ہنا بادشاہ نا کچاری آباد شاہ بخیرٹ
 کرے تہ۔

نیاڑی پارے خواجہ کنے اشکن بٹنگانس۔
 بادشاہ پارے نیاڑی ای داسو بان خواہ فیٹ نی استوا مرو کھیل کر لیس۔
 نیاڑی بادشاہ نا پیتے بنگ جوان خوڑتی اٹ بادشاہ ئے اُرا پارے استونا پتیر نی تو الو لیس۔
 بادشاہ پارے الہ او دیراس۔ او ای اسٹہ نیاڑی پارے افسوز ای نے پین جوانو کھیل اس نشان تہ
 قسمت نا جوان کس کنے آن بچاس دریاب اٹ بیٹیس ڈکاس تینے ای نیکن بھاز خیالی مسٹ مگہ نی
 پدی بتوس کنا خیال دریاب ٹی دُب ہلکس ہناس۔

بادشاہ پارے نے خدا خلی فی تینا پڈ سنا اولیا دآن ہم ٹلتو لیس نادوا پھاوئے۔
 نیاڑی پارے بادشاہ سلامت ای نے اسہ جوانو گڑ اس نشان ایتوہ اوکان گڈ فیصلہ کرک ای صحیح
 کریٹ یا غلط کریٹ بادشاہ ارے داسہ نی پین انت گڑ اس کنے نشان ایتہ۔
 نیاڑی بادشاہ پارے نی اسہ جوانو خوس خواہف گڑا کتو برک ای نے جوانو دنیا س نشان
 ایتوہ۔ بادشاہ پارے جوان نا است نادا ارمان ئے ہم پورو کیوہ۔
 بادشاہ گاٹ والا تے راہی کرے او اسہ جوانو سوکا و خوس ہلکرا یسر نیاڑی بادشاہ ئے پارے
 خواجہ راہی مر۔

بادشاہ سر ہلک ای تون تہ او بادشاہ ئے گشادہ درے ہموڑے اسہ دون کس اس پارے خوئنا
 نت تے تف گڑا خن تے تینا تر کرک دادے تکبیرایت۔

بادشاہ خوئنا نت تے تھے ارے کتارے خن تے تر کرے بسم اللہ اکبر کرے خوئے

تڑے نیاڑی گڑ اس خوانا چھ کرے۔ بادشاہ دیسکہ ختے تینا پٹا۔ اڑاویلی نہ نیاڑی نے نہ
دونے نہ خوئے دا اسہ پین دنیا سے ٹی سرمنے اسہ بھاز زیباؤ ماڑی کس تفو کے بادشاہ پوہ
مس کہ اوشیف نناد نیائی سرمنے۔ بادشاہ توکل کرے ہمو ماڑی ٹی پترینگا۔ ماڑی ٹی ہنا ارا
سبحان اللہ انت مرے اونا مالات انت مرے اونا بادشاہی دا اسہ ہندن زیباؤ ماڑی سے دنیا نا
ہروڑنا نعت آک دائی ساڑی ء۔ سنگ مرمرنا فرش جاگہ جاگہ غا غالیک شاغوک ء۔ اسہ
جاگہ کس پلنگ کس خنا پلنگ نا پاچہ غاک خیسن نا اسر کھڑکی تے آ آبریشم نا پردہ غاک خلوک
اسر۔ اوپین مستی ہنا اسہ بھاز ہنینو تو اس اونا خف تے آتما۔ اونا زیبا انگا تو ار آن اونا بدن
سیم سیم مس اوہمو کند انظر شاغا۔ سبحان اللہ روح زمین نا غٹ آن زیبا انگا مسٹر کہ اونا خنک گڈ
نہا، ختہ اشکن کس پائے مخ کئی ہڈاف۔ شتک انگا بالاد تہ رنگ تہ ہندن ہنین اس کہ اونا سیل
کنگ آن است پڑ متو کہ اوخنا بادشاہ نے او بادشاہ نے بخیرٹ کرے۔ اونا تو ار شہد آن
زیات ہنین اس۔

پچاک تہ آبریشم نا اسر۔ پڑ غاک تہ پینگن اسر بادشاہ داسکان اونا زیبا ئی نا ندہ
ئے کنگ ٹی اس کہ ہمو شتک انگا گودی بادشاہ نے پارے خواجہ ای نے نن اٹ اراہ
دادے آن خدا نے ہراکان ایس۔ بادشاہ حیران سلوک کس کہ ہمو صورت نا گودی ہلک
بادشاہ نادوٹی اودے درے پلنگ آتولفے دو پاک اٹ مون نے تہ پاک کرے شام ستون
مجلس کرین نیمہ مس خاچار صحتون بش مسر ہڑتو ماک تابے شولار۔ گودی تینے سینگار
کرے تو سر مجلس کریر۔

ہندن منہ دے گدرینگا بادشاہ تینا بادشاہی نے گیرام کرے۔ اسہ دے گودی پارے بادشاہ
ئے اگہ وخت کس اُست نا کشا پیشن ہنک پیشن سواری کس نے ملک نی ہن چکرخل ولے
خیال کیس دے ٹک آکاس دے کیہلنگ آکاس قطب آکاس جاندم آاسل ہنپس نہ توچ

زند افسوز کروں ارمان کروں ولدانا او کنا کسرک جتا مروں۔ بادشاہ پارے تے اے کنا جان ای
 داسہ نے آن اسل جتا متنگ خواپرہ۔ بادشاہ پیش تمارا نگ اینگ چک خلک خراس کس تفوک
 خنا و خراس آسوار مس مونے خراس ناقطب ناکنڈ اشاغا خراس ارفے تہ قطب ناکنڈا
 خراس اودے ہموندارہ غاتے نشان تس کہ بادشاہ اوقتا سیل آن سیرکتو۔ شام مس بادشاہ
 پدی بس ننگان گودی تون مجلس کرے ننگان اُرے آخا چار صاحب ستون بش مسرگودی بادشاہ
 پے پارے خواجہ دے ٹک دے کیہلنگ، قطب ناکنڈا کاس خیال کیس غلطی ٹی ہم جاندم نا
 کنڈا ہنپیس۔ نہ تو ارمان کروں۔ مگہ پدنا ارمان ناپوک مروے بادشاہ بش مس ماڑی آن
 پیشن تما۔ اُرا او بلی اینو مہاری کس سنجے سلوکے۔ رخت تنخوکے اے ای آتہ نت تے ٹی تہ
 ژنگ آک تفوک و۔ اوہنا مہاری آسوار مس۔

مہاری پارے تہ خراس اے دنیا ٹی قطب ناکنڈا نے انت نشان تس اینو ای نے
 اوکان جوانو ندارہ نشان ایتوٹ بادشاہ مہاری نامونے دے ٹک ناکنڈا تس مہاری ارفے
 تہ دے ٹک ناکنڈا ہموندار تے نشان تس تہ کہ اوتینا دنیا ٹی داوڑنا زبیا غا گڑا تے ختویس وڑ
 وڑنا میوہ غاک دنیا ناسر۔ اودڑنگا گڑا اس میوہ کشکا کنگ۔ دامیوہ غاتا وڑنا مزہ ای اومیوہ او
 مست اسل کتویس۔ او جوان چکر خلک۔ دیگر ناپدی بس گودی انتظارٹ تہ سلوک اس و
 بادشاہے خنامون آتہ بس۔ دسمال اٹ مونے تہ پاک کرے۔ تو سر جوان کچاری کریر۔ ولدا
 پلنگ آخا چار صاحب تما گودی وادشاہے پارے خواجہ ہوموسہ قبلہ ناکنڈا کاس مگہ جاندم نا
 کنڈا اسل ہنپیس نہ تو پد آن پیشوان مروں مگہ ولدان گئون تے آن پک کس ہم دو بفروے
 نے۔ مچ زند دوتے مخ اٹ خلوس مگہ کنے سرمفروس بادشاہ پارے کنا زند نے آن بیدس ہچ
 اف ای جاندم ناکنڈا اسل ہنپرہ۔ بادشاہ ولدا پیش تما خنا کہ اینو بلی کس سنج کروک سلوک
 نے۔ دہوزیا و بلی او نبادشاہی ٹی ہموالو۔ خیسن نازین شاغوک اس بلی آ۔ او سوار مس بلی آ

ہلی ناشنہ شہزادہ مس اولغام ٹی دوتے سخت کرے۔

ہلی ار نے ای آن تہ کہ خواجہ نے خراس مہاری انت گڑ اس نشان تسراو فتنے آن زیات ای نے نشان ایتوہ۔ ہلی بال کرے درے تہ اسہ ہندوز بیاؤ جاگہ کس کہ ہر کنڈ اوڑ وڑنا پھلاک اسر۔ درختاک میوہ غاتان پر اسر۔ اوڑے زیبا انگ مسک پشپو کنگرہ۔ بادشاہ شام اسکان ندارہ غاتے سیل کرے بیگہ تون ہلی بال اٹ پدی ایس تہ اوہلی آن دڑنگا ماڑی ٹی گودی وامون آتہ پیش تما۔ خوب مجلس کریر۔ نکان پلنگ آخا چار صاحب تما بش مسر گودی پارے تہ خواجہ کنا پنت یات تحس مسہ کنڈ اکاس نوار دآن جاندنم نا کنڈا ہنوس۔ بادشاہ پیش تما ماڑی آن پیشن اُرا اسہ لاغ کس سلوکے۔ جوان پھل ولاڑ و کروک یے گھنگروک تفوک یے تے۔ اوسوار مس بیش آ او ہر کنڈا اسہ ایلو آن جوانو ندارہ خناس۔ اواست ٹی پارے مسہ کنڈ نا چکر آن ہناٹ او کنڈا تا سیل یے کریٹ سما ف گودی کنے انتکن جاندنم نا کنڈا منع کیک۔ اواست کٹی پارے ای ہمو کنڈا اینو کا واگہ گودی یے سامتا تو ای اوڑاں تینا غلطی نامعانی یے خواوہ بیش پارے تہ خراس نے انت نشان تس مہاری نے انت نشان تس ہلی نے انت نشان تس ای نے اوختیان ہم جوانو ندارہ نشان ایتوٹ بادشاہ لاخ نامون یے جاندنم نا کنڈا تس لاغ تینے ہڑ ساسر ہ کس خلک لاغ ار نے جاندنم نا کنڈا جٹ سے آن گڈ اسہ جاگہ کس درے بٹے تہ۔ بادشاہ ہس کسے ناڈھیر اتما۔ خن تے تینا موشکا اُرا بیش سنا اُرا ہشنگے اونا جند سنا ماڑی آسر کرینے تہ بیش سریسہ پدی خلک ہنا۔

بادشاہ پچا تے تینا چندا تینا عقل آفسوز کرے پارے ناحق گودی ناہیت یے ہلٹوٹ۔ سما ف اودے کنکے تغ ہم بروئے یا نہ۔ اوہنا تینا مالات آایڑے زایفہ تہ خناتہ اود دینکسہ مون آتہ بس ار نے خیرے بادشاہ سلامت داخہ دے ہرانگ ہناس مچ بادشاہی پریشان اس نا جاگہ غامارے نا کچاری آراہی کریٹہ۔ بادشاہ تون زایفہ ناسوج سنا ورنڈی چچ

ہلو کہ اود دے انت پاریکہ کہ کتو دوقصہ نس منے۔ او پارے کنے کاریم نس تما س ای کے ہم
 پاتوٹ دنوچو ہیئت نس اف بادشاہ ناز ایفہ پین ہیج ارفتو ای آن تہ۔
 صہب تما بادشاہ ہنا کچاری آوزیروکیل ایلو دربار یک خنارتہ خوش مسر۔ بادشاہ نار ہی آمارتہ
 تو لوک اس کچاری ناوخت چٹا غٹ بش مسر ہنار بادشاہ تینا جاگہ غان بش متو او تنیا سلیم
 اسہ گاٹ والا سے توار کرے پارے ہن فلان حویلی آ ہیج کش ناز ایفہ توار کرک پاتہ نے
 بادشاہ خواہسنے۔ گاٹ والا ہنا ہمے نیڑی نادرگہ ئے ٹکفے نیڑی اراغان پیش تما پارے
 خیرے داسہ اٹکن بسنس گاٹ والا پارے دن بادشاہ سلامت نے کن کلہو راہی کرینے
 کہ نی دربار اسر کرک تینے۔

نیڑی پارے جوان نی ہن ای تینا درگہ ئے تفوگڑ ابریوہ۔ نیڑی اراٹی ہنا ہیج آتے تینا بدل
 کرے درگہ ئے کڑی کرے پیش تما۔ گاٹ والا نارندٹ سر ہلک ہنا بادشاہ غا۔
 گاٹ والا پیشن ہنا بادشاہ نیڑی ئے بخیرٹ کرے۔

نیڑی پارے خواجہ داسہ اٹکن خواہسنے کنے بادشاہ پارے ای نے داوجہ غان خواہسٹ ای
 تینا نادانی ناسو بان پدی داڑے سرمسٹ نی درکنے ہمے جاگہ غاسر کرک ولدا کنے توبہ ئے ای
 دانگ مون کپرہ۔

نیڑی پارے خواجہ او موقع نادو آن داسہ ہنا او جاگہ ناہنگ ئے گیرام کرک۔
 بادشاہ پارے نہ کنے ضرور، ہو جاگہ غاسر کرف نی انت جاسیدا پیسہ خواہسہ ای نے ایتوہ۔
 نیڑی پارے اوڑے پدی نے سرکننگ کن اسہ شرط نسے بادشاہ پارے کنے ناہر شرط قبول ئے۔
 نیڑی پارے اوڑے نے سرکننگ کن بھلو قربانی نس تروئی تمک بادشاہ پارے
 انت قربانی نس تروئی تہے ای غٹ قربانی تے تنگ کن تیاراٹ۔

نیڑی پارے نہ بادشاہ سلامت او بھاز بھلو قربانی کسے نی اودے پور وکننگ کپسہ۔

بادشاہ پارے اوصورت ناگودی ئے ہر ادے آن خنانٹ اوڑان داسہ مری کئے آن اسہ
ملٹ نس ہم برداشت مفک ہمر مرے ای ناہر ہیت ئے منگ کن تیار اٹ ای اوگ ہنگ
کن تینا بادشاہی ئے ہم انگ کن تیار اٹ۔

نیاڑی پارے نہ خواجہ اوڑے پدی ہنگ بادشاہی آن ہم بھلو آزماشت ئے بادشاہ پارے نی
آخر پانت آزماشت ئے اوگودی تون ملاقات کن ہر آزماشت ئے پوروکنگ ککنے چوویل نس
مفروئے۔

نیاڑی پارے جوان بن او نیاڑی نا است نا قرارے درینے نی تینا اسٹنگا مارے تڑک گڑا
ای نے ہموڑے سرکیوہ بادشاہ اے نیاڑی کن گنوک مس او پارے جوان اگہ ہیت
دادے تو کئے منظور ئے۔ بادشاہ کلہو کرے تینا مارگن مارتہ بس بادشاہ اسہ کتارے ارے اسہ
چٹس ارے ہنا نیاڑی تون ہمودون نارہی آ۔

بادشاہ پارے ملٹ ای نادو تے تفیوہ نی تینے خلاص کنگ کیسہ یا کیسہ۔ شہزادہ ئے تینا باوہ نا
است کنار از آن سماہلو۔ او پارے جوان ابا جان تف کئے۔ بادشاہ مارنانت و دو تے سوگو
تے۔ مارتہ اسل سرنگ کتو کہ بادشاہ کشا کتارے آستونک آن تینا بڑا کرے مارے تینا
پارے ملٹ داسہ حق آتے تینا بخشس ای نے تڑیوہ نابہ غاتے ارفیوہ مارحیران مس کہ کس نا باوہ
اودے امر تڑک کنا باوہ کتو مسخرہ کنگٹی ئے۔ بادشاہ کتارے بڑا کرے مارتہ خلیس آن خن
تے تینا تر کرے بادشاہ کرے کہ مارنالخ ئے کتارے تڑے ہچ کش ناز ایفہ توار کرے خبردار
نوا مارے خلیس بادشاہ پارے انتے ناشروط ہندادے۔

نیاڑی بادشاہ نادو آن کتارے ہلک پارے بادشاہ سلامت اول نی کئے ملامت کریسہ کہ ای
تینا چنٹے تینا یارناتغ ئے خراب کنگ کن خلکٹ ای تینا دوست سنا بے آرامی کن تینا معصوم
آچنٹے خلکٹ کنا چنادرگی ٹی اس یا نصیب او بھلن مروس شہزادہ نا اسٹنگا مارے نے آن

پد بادشائی ناساروسنبھالے تنخوئے ہفتہ کپ سے ٹی برام تہ ہم تیارے اوداسہ ورنائے فی ورن
ازگمارے تینا ترسہ نے شرم بفق کنا چٹا طفل اس اس ہچ کش ناز ایفہ ولد بادشاہ نے پارے
خوابہ اُست ہند نو گڑا سے۔ ای تینا چناغان ٹلتوٹ ولدا کنا داقربانی ناکنا یار قدرے کو کئے
تینا ایڑ پارے۔ ای اوڑکن تینا اسٹنگا معصوم آچنائے تڑیٹ نی کئے پای ای او خوابہ نے امرالاد
کہ کائے پین نیڑی سے تون دوستی کے ہندا سوبان ای اونا لچے ہم خلکٹ داسہ نی پاکہ
ای غلط کریٹ یا درست کریٹ۔

بادشاہ داسہ ہوش اٹ بسس پارے گودی بے شک نی کنا خن تے ملاس نی اسل
راست پاسہ نالکھ تورو کہ نی کنا مارے کسفنگ آن بچفیس۔ ای تو ہے صورت نا گودی نا
رندٹ تینا عقل ہوش نے دریٹ ولدا بادشاہ نیڑی نے پارے تینا اریغ تون بے وفائی ہم
جوان اف ان ای نے معاف کریٹ۔ مستی دنو کاریم کپیس۔ اینو آن نی کنا ایڑ اُس۔ نے
انت گڑا سے نا ضرورت مس نی کئے آبراو مارنا تینانت دوتے ملا مارتہ ہم حیران مس بادشاہ
مارے تینا پارے مل کئے معاف کیس۔ داہیت ننا کسے ہم پاپیس مارتہ پارے باوہ جان ای نا
فرزند اٹ نے کن کنا کاٹم فدائے نیڑی پدی تینا اراغا ہنا بادشاہ مارتہ ہنار تینا ماڑی آ گودی
چو کری نے پارے غریب کنا قصہ ہندا اس وزیر نا مارتون کنا است لگوک اس۔ نی پای امر
طالب تون تینا استے ملو۔ کنا است طالب تون ہندا سوبان ملنکپک دا کثون درو کرے کنا
یارے کئے آن مَر کرے چو کری چائس کہ داسکان گودی نا است طالب آن خرابے او
بیوس مس چپ کرے تو س۔

طالب صحتون ہنا ہمو جاگہ نا بادشاہ نا کچاری آبادشاہ احوال کرے تہ شہزادہ
پارے بادشاہ سلامت ای فلان بادشاہ نا ماراٹ باوہ ناکسک وزیر نا بادشاہی آ قوضہ کرے
توس ایلمک کنا تینا سہہ بچفیر ای تینا سہہ نے بچفیسہ داڑسکان بٹٹ۔ کثون کنا زایفہ او

چو کری نُس بندے۔ نن پٹ نُسے آتموک اُن ای نے آ بسٹ اگہ نی کاٹم ناڈ کھنگ کن جاگہ نُس
 ایتس نن گڑا ہموڑے کا نہ اگہ جاگہ تفسیہ نن گڑا نن دا کان ہمپینہ پین تین کا نہ بادشاہ تینا
 احوال اٹ پارے نن بادشاہی نا کاریم تے ٹی آختہ اُن صحب ستون کچاری آبرینہ ولد اکا نہ تینا
 ماڑی آمنہ دے مریک ای تینا پوسکنا ماڑی ٹی ہندی اُٹ ننا متکنا ماڑی ٹی کسس اف کثون
 پین احوال اف خیر۔

بادشاہ وزیرے پارے دا بادشاہ زادہ سے دادے کنا متکنا ماڑی ٹی جاگہ نُس
 ایت۔ وزیر پارے جوان بادشاہ سلامت او ہنا ماڑی اے طالب ء نشان تے۔ وزیر پدی
 ہرینگ۔ طالب ہنا گودی اے چو کری اے پارے گودی چو کری ہیچ آسوار مسر طالب ہلی آسوار
 مس بسر بادشاہ ننا متکنا ماڑی ٹی گڑا تے تینا شیف کریر ہیچ اے ہلی اے تفسیر۔ مون آتا قدیم
 شاعر جند آک تا کوٹھی ٹی ہنار۔ ہموڑے اسے پنوک کوکھٹ نُس اس طالب توس کھٹ ننازی آ
 کھٹ ننا چیخت آ رہ مس او پارے اے کنا خدا۔
 چو کری پارے خواجہ انتے دن پڑیہ۔

طالب پارے چو کری غریب گودی ناکثون اسل مون ملنکپک داڑے نن آ
 نیاڑیک برور ہنور گودی نابوزے پروک خنور او بادشاہ اے ڈیہہ ایتور کہ دانر لپوک و نیاڑی
 سے بادشاہ اے سہما تہا گڑا بادشاہ کنے آن گودی اے پھلک۔
 چو کری وامنت کرے گودی اے دو تھے ای آتہ گودی پارے انت کہ مس مرے ای طالب
 تون مون اے ملپرہ او کنا محبوب اے کنے آن جتا کرے۔
 صحب آطالب ہنا بادشاہ ننا کچاری آبادشاہ ار فے ای آن تہ کہ امر جاگہ خوش بس نے۔
 طالب پارے خواجہ نالکھ توروے نن استوسیر تیغ خاچان۔
 بادشاہ پارے اینونا نن کنا ماڑی ٹی نما ارغ اے کچاری پنا طالب مونجا مدان مدان گام ہٹہ ہنا

اُراغا چو کرى ئے پارے غريب اينو نانن بادشاه نن كن ارغ كرينے نى او گودى تيار
مریے۔

چو کرى هنا گودى ئے پارے كه اينو نانن بادشاه نن كن ارغ كرينے۔ گودى پارے نم بهواى
بفره۔

چو کرى پارے گودى نى بتويس تو بادشاه نا اُست خراب مريك۔ هندا جاگه غان هم ك شك
نن۔ گودى هم پهه مسكه بادشاه نا دعوت آهنگ ضرورى ئے۔ شام خوك بس چو كرى تنے
جوان سينگار كرے گودى هم كه انگا است نتو كشيده اى او تچ پينا تنے جوڑ كرے۔ او شهادى
كس اس اونا رنگ درو شم كا نڈا اس طالب خنا گودى بير فوك است ته ججى كنگ۔ او فك
ايڑے هنا ر طالب هنا بادشاه تون تو س گودى چو كرى هنا ر بادشاه نازايفه او ايلو زالكار تون
ارغ كنكر هندن ايلو دے وزير نا اُرا ئى ارغ كرى اى كن تا داوا تنے تيار كرير هنا ر وزير نا اُراغا
اوڑے دعوت كنكر۔

مستميكونن وكيل ارغ كرے ايكين تا۔

دا فك هنا ر وكيل نا اُرا ئى ارغ كنكر پدى بسر آرام كرير صحتا طالب بے تنے كهٹ آ كا ثم
ئے كرے دے لك آنت تے كرے قبله نا كندا پارے اف اڑے كنا الله۔

چو كرى پارے خواجه نى انتے دن اف اڑے كيسه۔

طالب پارے چو كرى غريب بادشاه وزير وكيل غٹ تنكه ارغ كرير داسه ننا وارى ئے ارغ
كننگ نا اى او فته كن ارغ كيوه بادشاه وزير وكيل نازايفه غاك داڑے بسر گودى نامون
ئے مٹ خنار او چا هور كه دا گودى نرليفوك او سے۔ اكه او بادشاه ئے پارير بادشاه گودى ئے
كنے آن پهلو ئے۔

چو كرى گودى ئے منت كرے كه گودى انش مس هندا داسه طالب تون مون ئے تينا مله۔ گودى

پارے کہنگ ارے مگہ طالب تون کنا مون قیامت اسکان ملنلک۔ طالب کچاری آہنا بادشاہ، وزیر و وکیل نے پارے اینوشام سنا کنا اُرائی نما دعوت ے۔ اوہنا شارآن سوبرنج ہلک ایس اُرائی چوکری نے پارے کہ اینوشام آبادشاہ وزیر وکیل تینا زایفہ غاتون بریرہ۔ ای او فتنے کن دعوت کرینٹ۔

چوکری دعوت نا بند و بست اٹ لگا۔ شام تما بادشاہ وزیر، وکیل تینا زایفہ غاتون بسرگودی ہم بس بادشاہ نے بخیر کرے۔ او ولد اہنا نیازی تے آ۔ او فک ارغ کنگر ارے اسکان بادشاہ، وزیر، وکیل طالب تون مجلس کریر و لدا پدی ہنا ر بادشاہ طالب نا زایفہ ے خنا کہ داخس زیبا و گودی سے او استے باتس۔ وزیر وکیل بادشاہ نے پاریر خواجہ دازیبا غا گودی نا لانخ ے ہندن خنتک کہ گودی شہزادہ تون خوش اف انتے کہ او نابوز پروک اس۔ یا شہزادہ دا گودی ے زریفہ۔ یا پین مجبوری کس ارے۔ نہ تو گودی نامون ملوک مسکہ۔ بادشاہ پارے گڑا امرکین۔ شہزادہ غان او نا زایفہ ے امر پھلن۔

وزیر پارے فلان جا کہ غاننا اسہ مرشد سے نن ہمونگ کان او فتنے ہم تینون دین ایڑے ننکان پٹ ے ہراسٹ تینا زایفہ نار ہی آنکان خاچک۔ اگہ دا او نا زایفہ ہلو کہ تو او فک اسہ ایلوڑان مرتینا جا کہ غاتے شاغرہ۔ داڑے ہر کس تینا ماڑی تے ٹی خاچوک ے کس ے ہم ایلوڑا ساتمپک۔ بادشاہ پارے جوان فی صلاح خل تہ نو او برے اگہ نن تون بس تو او نا جند سنا زایفہ ے اگر ننتون بتو گڑا چاس پین ہیتس ارے او فک ہندا صلاح ے بفسیر۔ صحب سنا بادشاہ نا کچاری آ غٹ بسر طالب ہم کچاری آ بس تو س کچاری پنگ ناوخت بادشاہ شہزادہ ے پارے داسہ فی ہم ننا مس۔ ننا اسہ مرشد سے نن ہر سال اسہ وار او نا زیارت آ کانہ پگہ نن ہمونگ کانہ شام تون ہموڑے اڈکینہ ایلو دے پدی برینہ فی ہم تینا زایفہ تون برک فی بریسہ نن داسی آن پارا گر بفسیہ واہم نننے پا۔

طالب چائس بادشاہ وزیر، وکیل ءے کئے آشک مسنے۔ بادشاہ گودی ءے ٹکانے۔
 داسہ کنا آزمائشت ءے ہلنگ ٹی او۔ او پارے او خواجہ ای نعمتون بریوہ۔ او کٹہ انگاستون ہلا
 ہنا ایڑے بٹے تینے کٹ آکاٹم ءے کرے دے ٹک آنت تے کرے قبلہ غا آسردہ کس کشا۔
 پارے اف اڑے کنا خدا۔

چو کری ار فے خواجہ خیرے انتے آسردہ کس کشاس۔ اود ہنوار مانی و ہیت کنگٹی
 اُس۔ طالب پارے دہن بادشاہ وزیر، وکیل پگہ تینا پیر آہنگٹی و اوفتون اوفتازا کارہم ٹد
 مریک۔ کئے ہم پاریر کہ فی ہم تینا زایفہ تون اوار برک۔ او فک کئے آزمائشت کنگ ٹی
 و۔ کہ گودی کنا زایفہ ءے یا نریفوک و نیارٹی کسے۔ نے تینٹ سمائے گودی نا کئے آن بوز
 پروک ءے۔ مون تہ کثون اسل ملنگپک اگہ او فک گودی نا کثون است کٹی ءے خنار تو پہہ
 مریرہ۔ کہ گودی کنا زایفہ اف گڑ ابادشاہ گودی ءے کئے آن پھلک۔ چو کری گودی ءے منت
 کرے دو تھے ای آتہ۔ پارے داوختسکان طالب آن انت خطائس خنائس۔ او غریب نا
 رہی آہم اسل بفک دا امتحان اٹ اودے سر سہب کرف۔ کہ بادشاہ، وزیر، وکیل ءے
 ساتمپ کہ فی طالب نا زایفہ افس۔ گودی سیانڑا اُس او ہم پہہ مس۔ داغٹ امتحان آتے
 بادشاہ کنا اُست نارازاتے پھاش کنگ کن ہلنگٹی ءے۔ او پارے جوان اگہ نا ہم ہندا مرضی
 ءے گڑا ای بریوہ۔ ایڑے طالب کنار ہی آہم بف او فک ننکان آرام کریر صحت تماشہزادہ ہچ
 ءے جوان کجاوہ کرے گودی و چو کری ءے ہچ آسوار کرے جندتہ ہلی ءے سنج کرے ہلی آسوار
 مس وزیر، وکیل او بادشاہ تینا ہلی تیا سوار مسر۔ اوفتازایفہ او چناک ہچا تیا سوار اسر۔ خلسا
 پرغسا خلسا پرغسا ہنار مرشد نا جاگہ غا سر مسر بھازنگا سفر آن او فک دم درینگا سر۔ کس
 داڑے کس اس ایڑے پٹ آچ آتے اُش کریر ہنار مرشد نا زیارت آزیارت کریر ولدا
 ساہداتے تڑیر۔ خیرات کریر دیگ آتے بیٹ کریر مجلس شروع مس کس دمبورہ کس ار فے کس

سروزنس نیاڑیک دیرہ غاتے ارفیر۔ ہندن مشحول مسر۔ ارغ ناوخت بس کندوری تے
 تالان کریر۔ رکابی تے ٹی کتخ شاغار پتوس آتے ٹی برنج آتے شاغار ہراسٹ تینا جاگہ غاچنا
 وزایفہ غاتون اوار تو سرچو کری گودی نادوٹی ہلک اودے طالب نارہی آتولفے غٹ ارغ
 کنگ اٹ تمار گودی چو کری ناخف اٹ پارے ای طالب تون ارغ کپیرہ چو کری پارے
 غٹ پٹ آتما نو پھاش اُن ننے مُر آن خنیرہ اوپہہ مریرہ کہ فی طالب نازایفہ افس۔ او فک
 نمے داڑے آزمائشت کن ایسنو۔ تاکہ اوفتے سماتے کہ فی نرلیفو کو نیاڑی کسے اُس بادشاہ نا
 زیبائی غے خنانے اونا نیت کئی کوٹ غے اونے پھلنگ خواہک طالب بیوس آن اینواسکان
 ننے چو نقصان کس رسیدگتہ نے۔ چو کری نامیڑ ومنت آن گودی نا است موم مس۔ اولا چاری
 اٹ ارغ کنگ کن توس کتخ آتانیام آن اسہ چیک کس کشا پارے اے کنڈان اوکنے دا
 کنڈان ای کنیوہ۔ شہزادہ تینا موم آن ارغ کنگ او گودی تینا موم آن ارغ کنگ۔ کس ہم
 پہہ متوتا۔

داسہ غٹ تینا جاگہ غاتے شاغار ہراسٹ نازایفہ غاک اوفتا گہر آخا چار داسہ گودی پارے
 کہنگ ارے مگہ ای طالب نارہی آاسل خاچیرہ۔
 چو کری پارے گودی دا آخر کیوننا آزمائشت غے داٹی سرسہب مسن تو مستی کس ہم نمے آشک
 کپروئے۔

گودی پارے جوان کنا اسہ شرط کسے اونیام کئی زغم غے تنے۔ اگہ اوکنا کنڈا مچہ ہم لینا ای زغم
 اٹ اونا لُخ غے خلیوہ۔

چو کری پارے بے شک گودی نادا شرط صحیح و شرط کسے۔ چو کری جاگہ غاتے شاغار۔ شہزادہ
 نیام کئی تینا زغم غے تنخا او فک اسہ ایلوڑان مُر خاچار کس غے ہم سامتو کہ دافک مُر خاچوک و
 وزیر، وکیل، بادشاہ غے پاریر بے شک نن غلط اسنہ گودی شہزادہ نازایفہ غے۔

صحب توں گودی ہنا بے شولنگ کن بے شولا تینا لُح سنا قیمتی آہارے ہموڑے گیرام کرے او
پیش تما۔ ہلی تے تینا سنج کریر ہچ آتے کجاوہ کریر گودیک کجاوہ غاتے آتوسر۔ بادشاہ
وزیر، وکیل و شہزادہ پدی سر ہلکر۔ مچہ مستی ہنار گودی تینا لُح سنا ہارے ختو اودے یات بس کہ
ہراڑے بے شولا سٹ ہموڑے خیسُن نا ہارے گیرام کرینٹ او چوکری ئے پارے غریب
ای تینا ہارے بے شولنگ نا جاگہ غا گیرام کرینٹ۔

چوکری شہزادہ ئے پارے طالب گودی تینا ہارے فلان جاگہ غا گیرام کرینے
الانے۔ شہزادہ دا پیتے بنگ او چوکری ئے پارے نم قافلہ توں ہنوا ی جٹ سے ئی ہارے ہتیوہ
پدی بریوہ شہزادہ ہلی ناواگ آتے ہڑسا پدی ہے جاگہ کن راہی مس ایڑے اُرا اسہ خدمت
گارس ہمو جاگہ غاتے روفہ کنگٹی ئے شہزادہ ہنا ہمو جاگہ غا ہارے اُرا ہارے ختو او چائس ہندا
خدمت گار صفائی کنگ وخت آہارے ار فینے۔ شہزادہ خدمتگارے پارے گودی نا ہار دا جاگہ
تخوک کس داسہ ختنکپک۔

خدمت گار پارے خواجہ کنے انت سمائے۔

شہزادہ پارے نہ او ہارے نی ارفینس خدمتگار منیو شہزادہ ہلی آن دڑنگا پارے
داڑے پین کس اف شا با ایت ہارے کنے او کرے کہ خدمت گار نا تلاشی ئے الے خدمتگار
چٹ کس شہزادہ نا لُح نئی شا غادم کرے چھ کرے تے۔ شہزادہ اسہ کپوتس مس۔ خدمتگار تینے
کرے شیر بانز کس۔

کپوت بال کرے شیر بانز رندٹ تہ تما۔ شہزادہ چائس کہ دا کناسہ سٹار ندٹ ئے او
تیزی اٹ بال کر سہ ہنا اسہ جاگہ کس شیر بانز خوک شا غا کپوت ئے او فک داسہ پین بادشاہی
سے ئی سر مسر۔ ہمو ملک سنا شہزادی ہفت میکو ماڑی نا کھڑکی ئے ملانے ہموکان سیل کنگٹی
اس۔ کہ کپوت تینا ساہ نا خلیس آن ہمو کھڑکی آن گودی نا خب ئی بٹے تینے۔ شیر بانز ہم

رندت تہ بس کھڑکی اسکان شہزادی جٹ کھڑکی ناپلک آتے تھے شیر باز دا نگ ایک آن وں
 کرے مگہ تہٹی بنگ کتو او چائس داسہ کپوت کنادو آن بچا۔ او بال کرے پدی ہنا شہزادی دو
 ے بٹے ہلک کپوت ے اونا دولگا کپوت نالنج کئی اونا لنج کئی اسہ چٹ کس خنا۔ شہزادی چٹ
 ے کپوت نالنج آن کشا تو کپوت اسہ انسان اس جوڑ مس شہزادی خلیس او حیران مس کہ
 انت چم کس مس۔

شہزادہ گودی ے پارے گودی نی کنے آن خلیہ۔ گودی اشارہ کرے تہ ایڑے تول شہزادہ ہمو
 جاگہ غا توں۔ ہنداڑ توں چوکری گودی کن ارغ ایس خنا شہزادی توں اسہ ورناس تولوک
 ے۔ شہزادی چوکری ے پارے داڑکن ہم ارغ ات چوکری زوزو پیش تما ہنا شہزادی نالمہ
 ے پارے گودی نامسرتون ہفتمیکو مالات اٹ اسہ ورناس تولوک ے۔

بادشاہ ناز ایفہ بنگ چوکری نا پیتے خلک تہ چلبہ کس پارے نامغز تو خراب
 متہ۔ ہفتمیکو مالات آشیف آن اسہ ساہدارس ہم سرمنگ کپک۔ داورنا امر کنا مسرتون اسکان سر
 منے۔ داخہ گاٹ والا کسلوک و آخر او آسمان آن بال اٹ بس۔

چوکری پارے گودی خدا کنے رد کپ۔ سماف ہراکان بسے۔ شہزادی کنے اوڑکن
 ارغ ہنگ کن پارینے ای اوڑکن ارغ دیوہ نی کنا پیتے منس یا منپیس۔ چوکری ہنا شہزادہ کن
 ارغ ارغے درے تا ہفتمیکو مالات آشہزادہ نادوتے سلا۔ شہزادہ ارغ کنگ گودی ہم ارغ
 کنگ۔ او شہزادہ ے حوال کرے۔ شہزادہ غٹ قصہ ے اول آن گڈ اسکان پارے۔ شہزادی
 شہزادہ نا پیتا تے بنگ حیران مس پارے ناداپیتا کنا لمہ باوہ امر باور کرور۔ چاوہ ناہڑ دوسر نالنج
 ے خلیہ۔ شہزادہ پارے نی بٹ تہ خدا غا۔

شہزادی اسہ خذ متگار س پارے شہزادہ ے کنا باوہ غا درک جند تہ ہنا تینا لمہ
 غا۔ چوکری مہالو آن بادشاہ ے ڈہ تسوس نامسرتون اسہ ورناس تولوک ے۔ بادشاہ اول

اٺ حيران مس اودے اسل باور بتو۔ اوهندا سوچ کئی اس کہ خذ متگار شہزادہ ۽ بادشاہ غاسر
 کرے شہزادی نا چند ہنا تینا لمہ غا اودے ہموغٹ حال حقیقت نا پارے شہزادہ بادشاہ غاسلام
 بٹے۔ بادشاہ سلام ناتہ ورندي ۽ تس بادشاہ شہزادہ ۽ حوال کرے۔ شہزادہ اول آن گڈ
 اسکان راست راست حوال ۽ پارے۔ ولدا پارے شہزادی تینا لکھر پئی نا ہارے گیرام
 کرے ای ہناٹ ہارنا ہنگ کن خذ متگار گڑ اس خوانا لڄ کئی کنا چٹ کس شاغا ای کپوت کس
 مسٹ او تینے شیر بانز کس کرے کنا رندٹ تما۔ ای تینا ساہ نا چڳنگ کن بال کر سہ ہفتیمکو
 مالات نا کھڑکی آن تہی پترینگاٹ۔ شہزادی ہمو تم کھڑکی آن سیل کر یکہ۔ او بانز آن چڳنگ
 کن کھڑکی نا پلک آتے بند کرے۔ ولدا کنا لڄ آن چٹ ۽ کشا۔ ای انسان کس ولدا جوڑ
 مسٹ شہزادی چوکری ۽ توار کرے کنکے ارغ خواہے ای نا سلام آبسٹ پین خیر۔

بادشاہ داہیتا تے بنگ شہزادی ۽ خواہے شہزادی تون او ار لمہ تہ ہم بس شہزادی
 پارے ابا جان دا کپوتس اس بال اٺ بس مالات کئی پترینگا رندٹ تہ شیر بانز اس دا خلیس
 آن بس کنا خمب اٺ ڈھکایتے ای پاریٹ چک کسے۔ ای اودے دوئی ہلکٹ ہراٹ دانالڄ
 کئی چٹ کسے۔ ای چٹ ۽ لڄ آن تہ کشاٹ دا انسان کس مس۔ او ہمو چٹ ۽ کشا بادشاہ
 ۽ نشان تس۔ بادشاہ غصہ ٹی ہلک او نا دو آن چٹ ۽ پارے نا داہیت آکنے اسل گمان
 بفک دا امر منگ کیک۔ اگہ نا داہیت غلط مس ای نما ہڑتو ماتا لڄ ۽ خلیفہ۔ شہزادی پارے
 ابا جان فی راست پاسہ بچو باوہ کس بیگانہ وورنا سے تون تینا مسٹرے حنیہ او ہندن کیک۔
 شہزادی پارے فی ہندا چٹ ۽ ولدا او نا لڄ کئی شاغ بادشاہ ار فے چٹ ۽ شہزادہ نا لڄ
 کئی شاغا شہزادہ ولدا کپوت کس جوڑ مس۔ بادشاہ او نا زایفہ حیران مسر۔ داسہ بادشاہ نا او گودی
 نامون ملنگا۔ بادشاہ پارے بے شک مل فی راست پاریس گودی بادشاہ ۽ پارے ای تینا
 مسٹرے دنو خدس اڑفتٹ کہ او نا عزتے لغت ایتر۔

بادشاہ ولد اشہزادہ نالچ آن چٹ نئے کشا۔ او ولد انسانس مس۔ بادشاہ پارے نم ہڑ تو ماک صاف پیش تمارے۔

اشہزادہ نئے پارے داسہ نے موکل نئے نی ہنگ کیسہ۔ شہزادہ بش مس شہزادی پارے ابا جان۔ کنا اسہ عرض سے۔

بادشاہ پارے انتس کنا مسٹر۔

شہزادی پارے ابا جان نی جاگہ نہ جاگہ کس کنے برام ایتسہ۔

بادشاہ پارے بے شک۔ کنا مسٹر ہرا اراٹی مسٹرس مریک اودے اسہ نہ اسہ دے کس لمہ باوہ نا اراے ہلوی مریک۔

شہزادی پارے داشہزادہ کیوئس اس کنا گٹ کٹی تو س دن پای گنہگار مسٹ۔ اگہ نی کنے جاگہ کس برام ایتسہ تو ارغ کنا ہندا شہزادہ نئے نہ تو ہندن کنا دنتاک پیہن و ہندن کنا کاٹم پیہن مروئے ای پین تین برام کپروٹ۔

بادشاہ ٹک خلک است ٹی پارے بے شک کنا مسٹر عقل نا ہیتس کرینے او شہزادہ نئے تو ار کرے شہزادہ پدی بس بادشاہ پارے کنا مسٹر نے آسٹخ نئے نی نکاح کرتہ گڑا ہن۔

دھول دامہ غاک لگار۔ دیرہ چاپ مس کنگ بینگ مس شام آنکاح تاس۔ منہ دے ہنداڑے گدیفر اسہ دے شہزادہ بادشاہ نئے پارے بادشاہ سلامت داسہ کنے موکل ایت ای کاوہ سماف پڈٹ کنا ایرے انت مروئے۔ بادشاہ موکل تس تا او فک تینا ہلی تے سنج کریر۔ ہلی ناخوجین آتے خیسن پیہن آن پر کریر۔ بادشاہ اراچ مسٹر کن تینا خیسن پیہن آن باریم کرے۔ منہ گاٹ والا تس تا پارے نم دبوشہزادہ نئے اونا جاگہ غا سر کبو ولد اپدی بوز۔ دافک راہی مسر۔ خلسا پر غسا خلسا پر غسا مستی ہنار۔

پٹاک زومریرہ وخت آک تینا مدوموسم آگدینگرہ۔ دافک ہنار پین بادشاہی سے ٹی سر

مسر۔ ہلی تے آن دڑنگارچ آتے تینا اُش کریرمون آتا بے و قدیم شاعر جنداک تا
ہموڑے آرام کریر۔

ہموجا گہ نابادشاہ ءے ڈہ ملا دہن اسہ پین بادشاہی سے آن قافلہ کس بسنے۔ اوتون
گاٹ والا ک ہم تہدو۔ بادشاہ بندغ راہی کرے اوتے ہنوار فبو او فک دیرو۔ داڑے ہنگ نا
تا مقصدانے۔ بادشاہ نابندغا ک انار ہر فیر شہزادہ غان نم دیرو رے داگاٹ والا ک اوسامان
نیقون و۔

طالب پارے ای فلان ملک سنا شہزادہ اٹ فلان بادشاہ نامسٹر ءے برام کریٹ داسہ ای تینا
بادشاہی آہنگی اٹ داگاٹ والا تے بادشاہ نا حفاظت کن راہی کرینے۔

ایفک ہنار بادشاہ ءے غٹ احوالے تسر بادشاہ بنگ دا اسہ ملک کسے نا شہزادہ کسے
او بادشاہ نامسٹر ءے ہم برام کرینے۔ او حکم تس دافے کن خوس تڑبو۔ ای دعوت کیوہ ای کن
تا۔ یکدم خوس تڑیر دافے کن شام سنا دعوت کریر دافک بسر دعوت کنگر بادشاہ تون شہزادہ
جوان مجلس کرے۔ ولدا ہنار خاچار صحب تما بادشاہ شہزادہ ءے خواہفے پارے نے ہنگ کن
الپیر ہنداڑے مرای تینا مسٹر ءے ہم نے آبشخانٹ۔ شہزادہ پارے خواہ انت نامشاکنے ہجو
اعترض اس اف۔ بلکن دا کنا خوش نصیبی ءے کہ ای ناسالم مریو بادشاہ خواہفے وزیر وکیل ءے
دھول دامہ غاک لگار شوقی آمار و مسک چاپ اٹ وس کریر بادشاہ خزانہ غاتا بائے ملا
غریب و مسکین او خیرک غنی مسر شام تما۔

بادشاہ ملائس خواہفے تینا مسٹر نا نکاح ءے شہزادہ تون شاعر۔ منہ دے خوشی اٹ
گدرینگا تا بادشاہ اے ملک سنا گاٹ والا تے پدی راہی کرے پارے داسہ مستی کنا سپاہیک
دافو کارہ اسہ دے شہزادہ پارے بادشاہ سلامت داسہ نئے موکل ایت نن کان تینا بادشاہی آ
بادشاہ پارے انت نما رضا۔

بادشاہ اراج خیسن و میہن آن باریم کرے تس تا پین خدمت گارو چو کری ہم تس تا داکھ چ
آتے باریم کریر ہلی تیا سوار مسر۔ مست سناچ آتے ہم کوتل کریر۔ بادشاہ منہ سپاہی تس تا
پارے دافنے او فتا بادشاہی اسکان سرکیرے۔

صبح ستون لشکر ہچے چار ہچ خیسن میہن آن باریم مسر شہزادہ ناہڑ تو ماز ایفہ غاک
چ آتا کجاوہ غاتے آتو لوک شہزادہ ہلی آسوار سپاہیک ہلی تیار ندٹ تاراہی مسر۔ خلسا پر غسا
خلسا پر غسانیت دابادشاہی نا حدان ایپار مسر پین بادشاہی سے ٹی سر مسر اوڑے شارو آبادی
خنار۔ درخت آتا سیخا ٹی چ آتے اُش کریر۔ ہلی تے آن دژ نگار۔ سپاہیک سامان تے شیف
کریر۔ دیروار غ نابند و بست سٹ لگار۔ گودی تے کن تمبو خلکر۔ ارغ کنگر۔ ڈہہ ترو کاک ہمو
ملک سنا بادشاہے خبر کریر۔ دہنو اسہ قافلہ کس بسنے اوقتیتون سپاہی ہم تدارے بادشاہ وزیرے
راہی کرے کہ ہن احوال کرتا کہ دا امر و لشکر سے وزیر بس، دافنے احوال کرے۔ شہزادہ
احوال سٹ پارے تا ای فلان ملک سنا شہزادہ اُٹ۔ فلان بادشاہ تینا مسٹرے کئے برام تس۔
مستی بسن فلان ملک سنا بادشاہ ہم تینا مسٹرے کئے برام تس۔ او تینا سپاہی تے نا حفاظت کن
نئون راہی کرینے۔ نوا کسرٹ ڈنگ آک نا مونی الیرن نن نے ہنداڑے گدریفہ۔
صبح ستون خیر نصیب داکان مستی راہی مرینہ۔ وزیر انا بادشاہے غٹ پچتا پارے بادشاہ
دلچتا تے بنگ۔ او اسہ بند غس راہی کرے کہ ان پاتا شام سنا بادشاہ نم کن دعوت کرینے۔
بادشاہ شکاری تے راہی کریر انا رگڈ و خرم خلکر ایسر۔ گڈ و خرم سنا دافنے کن کباب بسیر، کتغ
کرے ای کن تا۔ شام سنا شہزادہ تینا زایفہ غاتون بس دعوتے کنگر۔ سپاہی تے کن
بادشاہ ہمینگ کباب مونی تس غٹ تا کنگر سیر کریر تینے۔ نکان پدی انا ر آرام کریر۔

صبح سنا بادشاہ شہزادہ نے خواکے پارے او ہڑ تو مابادشاہک نے تینا من تے
برام تسنو۔ کنا اسہ مسٹرے تو لوک نے ای اودے نے آبشٹاٹ۔ ای اودے نے نکاح ایتوہ، وا

دھولاک لگار۔ شہزادہ ناشام آملائس نکاح ۛے خوانا۔ شہزادہ بادشاہ نامسٹر ۛے ہم تینوں درے۔ شہزادہ ناداسہ مسہ زانیفہ مسر۔ منہ دے داڑے گدریفیر اسہ دے شہزادہ بادشاہ ۛے پارے خواجہ داسہ کنے موکل ایت ای کاوہ تینا بادشاہی آسما ف کہ اوفتانت حالیت مروے۔ بادشاہ پارے جوان کنا خیال اس کہ منہ دے پین ہنداڑے گدریفیر ۛے تو جوان اس۔ شہزادہ پارے خواجہ نماہیت راست ۛے۔ کنا ہم است انگ خوا پک سما ف ایڑے انت حال ۛے۔ کناہنگ ضروری اے۔

بادشاہ مست نابادشاہ ناسپاہی تے پدی مون تس اوہم اراج خیسن پیہن آن باریم کرے تس تہ۔ اوتینا فوج ننا گڑ اس سپاہی مون تس ایتون تا، کہ شہزادہ ۛے اونا جا گہ غاسر کبوپدی بو شہزادہ تون داسہ شش ہج خیسن پیہن آن باریم اسر۔

خلسا پر غسا خلسا پر غسا ہیتاک زومریرہ مزل آک اُرے آگدرینگہ۔ ہنارہے بادشاہی آسر مسر کہ گودی چوکری تون ہمیرے سلیس شہزادہ بس تینا ماڑی آ اوڑے گودی خناتہ بوزتہ پرس چوکری خناتہ خوش مس۔ او جا گہ نابادشاہ ۛے خبر تسر، کہ دہن شہزادہ پدی بسنہ مسہ ملک ننا شہزادی تے ہم برام کرینے ہر ملک ننا بادشاہ اودے اراج خیسن پیہن تون باریم تسنہ۔ بادشاہ، وزیر، وکیل بسر دادے احوال کریر۔ حیران مسر کہ دا امر و لائح او شہزادہ سے کہ مسہ شہزادی برام کرے ایس۔ شہزادہ غٹ احوالے پارے تا، کہ ای گودی ناگم مروکا ہارنارندٹ اناٹ او جا گہ ناصفا ئی کروکا خدمت گار جادو گرس اس۔ اونا است کئی لالچ بس کنا لائح چٹ کس شاعا کنے کپوت کس کرے۔ جندتہ تینے شیر بانز کس کرے کنا ختم کنگ کن کنا رندٹ تما۔ ای تینا ساہ ۛے چفنگ کن اناٹ فلان ملک آہمو ملک ننا بادشاہ نامسٹر کن ہفتمیکو مالات آن سیل کریکہ۔ ای اونا کٹ کئی تینے بیٹ۔ دہن ولد بادشاہ تینا مسٹر ۛے کنے برام تس۔ کنے اراج خیسن پیہن آن باریم تس۔

دہن مستی بسٹ فلان ملک سنا بادشاہ ہم تینا مسٹرئے کنے برام تس ولدا او خیسن
 پیہن آن باریم اراج کنے تس۔ او تینا سپاہی تے کنا حفاظت کن راہی کرے۔ ولدا فلان
 بادشاہ نا ملک کئی بسٹ او ہم کنا حوالے بنگ او تینا مسٹرئے کنے برام تس او ارا خیسن پیہن
 آن باریم ہیج ہم کنے تس او نا فوج سنا سپاہیک ہم کثون تدو۔

بادشاہ داہیتا تے بنگ پارے بے شک فی بھاز سیانڑاؤ شہزادہ سے اُس۔ او ہمو خذ متگارنا
 کردارنا بنگ او نارنگ غصہ غان خیسن ہڑسینگا او تینا سپاہی تے راہی کرے فلان خدمت
 گارے ہلبو اتبو۔ سپاہیک ہنار خدمت گارے گر سا ایسر۔ بادشاہ پارے دانا جیباتے پٹبو
 جب آتیاں تہ گودی نا ہارے کشار۔ بادشاہ خدمت گارنا لے خلفے۔ ولدا ہے ملک سنا
 سپاہی تے پارے نم داسہ پدی ہنبو۔ او فتنے کسر نا خڑو چہ تس۔ او فک پدی ہڑسینگا۔

بادشاہ شہزادہ پارے نا پین انت کاریم کس ارے کنے پا۔ کنے مسٹراف کہ نے برام تس تہ

شہزادہ پارے خواجہ کنا داسہ چار زانیفہ و۔ نما بھاز منت وارٹ۔ ای فلان ملک سنا
 بادشاہ نامارٹ نن چنک اسنہ سنا باوہ کزیت کرے۔ وزیرنا بادشاہی آقوضہ کرے۔ قصاب
 پارے دافتنے تڑبو۔ اسہ نیکو بندغ کسے نا سوبان نن ہموکان بچان۔ داسہ فی اسہ بندغس
 ہمو بادشاہی آمون ایت ہمو وزیرنا حال احوال لے ایتے۔ کہ اوڑان ہمو بادشاہی نا مخلوق
 خوش او یا خوش افس۔ گڑامستی سوچ کینہ کہ وزیر آن بادشاہی لے امرالین۔ بادشاہ پارے
 جوان ٹل انت نارضا۔ شہزادہ ہمو ہارے درے چوکری لے تس۔ پارے دادے گودی لے
 ایت داہارکن کن تون دہنوقصہ کس مس۔ چوکری گودی نا ہارے درے تس تہ۔ اودے ہمو
 غٹ بیجاتے پارے۔ گودی ہم شہزادہ نالانچی آن استٹ خوش اس۔ ال ہن بادشاہ غان
 بادشاہ ہمو تم اسہ سیانڑاؤ بندغس لے غٹ پیتا تے پہہ کرے اودے ہمو بادشاہی آراہی

کیرے۔ اے بندغ نے بلی کس تسر۔ او بلی ناخوجین نے خیسن پیہن آن پر کریر۔ دابندغ
ہنا ہے بادشاہی آ۔ ایڑے اسہ بلہ سے ناکڈی کس خنا۔ بلہ نے پارے بلی غریب کنے تاس
دیرنایت بلی اول چڑا ای آتہ۔ ولد ار نے اسہ کج و تاس کسے ٹی دیرتس تے۔ دادیرتے آن
تہ گلم ہلک۔ ایلو دیرے شولا۔ تاس نے روپی آن پر کرے پدی بلہ نے تس۔ بلہ پیسہ غاتے
خناد اسہ اوڑکن ندر و گوری مس، پارے مل نا باوہ پیرہ نا جاگہ ہندا منے۔

دابندغ بلہ غان ار نے بلی غریب ای مسافر کسے اٹ۔ نی دا پا دالملک ننا بادشاہ
دیرے۔ بلی آسڑدہ کس کشا۔ پارے دہن ننا اسہ جوانو بادشاہ کس اس۔ او بادشاہ واقعہ کرے
بادشاہ نامہ معصوم و چنا اسرہ۔ چناک چنک اسر وزیرے بادشاہ کریر تانکہ چناک بھلن مریر
نی بادشاہی ناخیا لے کرک۔ چوخت شہزادہ غاک ورناسر تو او فک تینا بادشاہی نے سنہبالر۔
وزیر منہ دے بادشاہی ناچسے خنا او نا است کئی لالچ و دی مس او بادشاہ نامارتے کورگم کرے
۔ جاگہ کس کاٹم نے تاکنگ۔ اگہ او شہزادہ غاک زندہ مسرہ تو داتم او فک ورناسرہ۔

ہمو بندغ ار نے بلی غریب وزیر نا بادشاہی آن مخلوق خوش نے یا خوش اف۔

بلہ خف تے آتینا دوئے درے پارے ابوئے باوہ دابلہ زیر آ وزیر آن کس ہم خوش اف
مخلوق دا انتظار ٹی نے کہ نوا شہزادہ غاک پدی بریر۔ ولد ابلی پارے ای بکنٹ شہزادہ غاتے
وزیر اسہ قصاب کسے نادو آخلفینے۔ دابندغ دا پیتا تان معلومدار کرے تینے۔ شام آخاچا۔
صحب ستون بلی آن موکل کرے پدی ہڑسینگا ہنا۔ او شہزادہ نے پارے کہ داسکان ہمو وزیر
بادشاہی آتو سنے۔ اوڑان نہ رعیت خوشے نہ فوج شہزادہ بادشاہ نے غٹ حال حقیقت نے
پارے۔

بادشاہ اسہ بھلو فوج کس شہزادہ نے تس کہ مل نا اللہ کمک ہن تینا بادشاہی نے او
لا لچی آ وزیران پدی اٹ۔ شہزادہ ار نے فوج نے ہے ملک آجلو کرے۔ مخلوق نے سہما تاکہ

دہن ہے بادشاہ نامارس تینا بادشاہی پدی دوئی کنگ کن دابادشاہی آجلو کرینے۔ او فک خوش مسر۔

وزیر نا فوج نے سہما تما کہ مست سنا بادشاہ نامارک زندہ واسہ مارس تہ فوج نس ارینے وزیران تینا بادشاہی پدی ہلنگ کن۔ او فک ہم وزیرے الار۔ شہزادہ تون اوار مسر۔ وزیر تینا سلیس فوج جلو کرے۔ ہلکر وزیرے نے دزگیر کریر۔

شہزادہ بادشاہی آتوس۔ او خواہے ہے قصاب نے ہے امبل نے کہ او شہزادہ غانا جان نے قصاب آ خلاص کرنے۔ قصاب نے پارے ناقصور ہلو، نی مجبور اس۔ او قصاب نے گڑ اس پیسہ تس اے امبل نے خیسن پیہن ٹ تول کرے۔ اودے جاگیر تس اودے پارے، نانیکی تے ای اسل گیرام کپروٹ۔ اودے پارے نی ہڑدے کچاری آبرک۔ او فک خوش مسر۔ وزیرے اونا اہل و اعیال تون تیل ٹ تراڑا تا کہ مخلوق مستی عبرت کے۔ او تینا لمہ نے خواہے۔ او تینا لمہ نا حال نے خناخن تیان تہ خطوینکاک بروار۔ لمہ تہ خنا شہزادہ نے خوش مس۔ اریفے ٹل کنا ایلو مارک ہراڑے کو۔ شہزادہ پارے لمہ جان نی بے فکر مر او فتای ڈس پدے خلفوہ۔ سما ف او فک انت بد حال نئی زندے گدریفنگ نئی و۔ منہ دے آن گد شہزادہ ہے بادشاہ نا فوج نے مال و دولت تس۔ فوج ستون پدی ہنا ہے ملک آ۔ او ہمو بادشاہ غان رخصت کرے۔ پارے نا ای نیکی تے اسل گیرام کپروٹ۔ ولد از ایفہ غاتے تینا کجاوہ غاتے ٹی تولفے۔ گودی او چوکری نے ہم کجاوہ غاتے ٹی تولفے۔ جند تہ تینا مال و دولت نے ارفے۔ بادشاہ غان رخصت کرے۔ پدی بس تینا بادشاہی آ او ہموڑے خوش اسرہ۔ اسہ دے شہزادہ ہنا گودی آ چوکری ہم تولو ک نس شہزادہ پارے اے گودی کنے جوان سمائے کہ ناکثون است لکپک۔ ای نیتون زورز بردستی برام کپرہ۔ اگہ پاسہ ای نے پدی نا باوہ نا بادشاہی آمون ایتوہ۔ مگہ کنا اسہ ہیتس خف تو۔ اگہ وزیر نامارے نیتون داخہ محبت

مسکہ تو اوداخہ سال انتظار کتو کہ۔ اونارندٹ ضرور بسکہ۔ ناپدرندے خلککہ گودی ناداسہ
 است شہزادہ تون لگا س۔ اوپارے بے شک نی راست پاسہ۔ اگہ اودے کنا مچہ ہم خیال
 مسکہ تو داخہ سال ٹ کئے ضرور پٹا کہ۔ نی بے شک وفادار و شہزادہ سے اُس۔ نی اینواسکان
 کئے چو تکلیف کس تتوس۔ وزیر نامار بے وفایشتما۔ نے آ لکھ آفرینے کہ نی کنا ہارن پٹنگ
 کن داخہ خواری کرلیں۔ تیناسہہ ناپرواہے ہم کتولیں۔ داسہ ای ہرا شرم ٹ پدی تینالہ
 باوہ نامونا ہنوٹ۔ ای نے بھاز پرکاٹ نی ہر امتحان کئی سر سہب مسس۔ داسہ ای نے آن
 بیدس بین کسے تون برام کپرہ۔

شہزادہ گودی نادوی آن داہتا تے بنگ او بھاز خوش مس۔ او فک برام ناتاری
 ئے شروع کرے۔ مچ بادشاہی ٹی خوشی و شاد کامی ناپڑ و کنگا۔ شہزادہ نانکاح گودی تون
 مس۔ چوکری ہم بھاز خوش مس۔ شہزادہ چوکری ئے خیسن پیہن ٹ تول کرے پارے بے
 شک ناسوبان گودی کئے ملا۔ چوکری خوشی آن چورس۔ نک تہ ڈ غار آ لکتورہ۔

اسہ دے شہزادہ وزیر وکیل ئے مون تس کہ فلان ملک کئی کنا ایلم تے پٹو۔ اسٹ تا
 مچھی والا سے تون نوکرمرو۔ ایلوتا ڈاگ والا سے تون جاگہ کس مرو۔ وزیر وکیل تینتون پیہ
 ارفیر ہنار ہے بادشاہی آپٹہ پٹہ ہڑتو ما شہزادہ غاتے بھاز بد حال ٹی خنار۔ او فک ہمو فتا
 مالک آتے پیہہ تسر۔ شہزادہ غاتے پدی ایسر۔ داڑے اوفتایسرب ئے کرفیر۔ شہزادہ غاک
 بے شولار۔ اوفتے بادشاہی او پوشاک بینفیر۔

چتکا شہزادہ کہ بادشاہ کس او جلونٹ کس خوائیے جندتہ جلونت کئی توس داکان ایکان
 رنگی رنگی و ہینی تیخا ہر چارنگا زائیہ غاتے تینا خوائیے۔ اوفتے ہمو غٹ قصہ ئے پارے۔
 او فک شہزادہ ئے جلونٹ تسر۔ شہزادہ ایلم تے تینا خوائیے۔ او فک بسر داند ارہ ئے خنار حیران
 مسر کہ ایلم تا جلونٹ ٹ تولوک ئے ارا گودی اونا اسہ کنڈان تولوک و ارا گودی اونا ایلو

کنڈان تولوک و۔ او فک ایلم تے تہ جلونٹ تسر۔ او اونا بائی ہننی بیہرہ۔

شہزادہ ایلم تے تینا پارے ای نما، ہو چڑکا ایلم اٹ ای اے تم نے پاریت کہ تینا
باوہ نابادشاہی تے پدا ایوہ۔ چارز ایفہ برام کیوہ ای تینا باوہ نابادشاہی تے وزیران پدی
ہلک چار ملک آتا شہزادی تے برام ہم کریٹ۔ ای جلونٹ ٹ تولوک ٹ۔ او کنا بائی ہننی
شاغنگ ٹی او۔

اے ایلمک اے تم ای نئے داہیتا تا باروٹ پاریت نم کنے خلکرے کنے آخارے
کنے جنگل ٹ تینا الارے۔ نم بھاز فاندہ خنارہ۔ اسٹ نما مچھی والا سے تون مزور مس، ایلو نما
ڈاگ تے خواہیفیکہ۔

ایلمک تہ شگی مسر۔ پاریر بے شک ایلم نن غلط اسنہ فی کمال کرلیس باوہ نابادشاہی تے
ظالم آ وزیران پدا ہلکس۔ ناغٹ پیتاک راست مسر۔ شہزادہ جلونٹ آن بش مس۔ ایلم
تے تینا خب کرے۔ اوفتے جائیداد تس۔ ایلمک تہ خوش مسر۔ لمہ تہ تینا اولاد اتے تون
خوش مس شہزادہ تینا ہر چار انگاز ایفہ غاتون خوش اس۔ نن اوفتے ہموڑے الان بسن نما
زیبدار مجلس آ

☆☆☆☆☆

لعل بادشاہ وسوز پری

خدا نا حکم اٹ اس اسہ بادشاہ کس بادشاہ خدائے خدا نا رسول ے دازمانہ سازی و
 بادشاہ کس اس۔ بادشاہ نا مخلوق اوڑان بھاز خوش اس۔ بادشاہ نا چار مار اسرہ۔
 پیتاک زو مریرہ و سالک اُرے آ گدرینگہ۔ بادشاہ نا مارک چنک آن بھلن
 مسر۔ بسر تینا کمال آ۔ داشہزادہ اسرا و فتنے دنیا نا ہر عیش و خوشی آسراتی دو بس۔ بادشاہی نا
 مخلوق نا چوک آ مسک چوخت خواتے ارفیرہ دیر پُر کنگ کن جو آ ہنارہ شہزادہ غاک او فتنے
 تنک کریرہ۔ او فتنہ خواتا دیر تے شولارہ۔ مسک ہو غیسہ اُراتیا تینا ہنارہ۔ مخلوق شہزادہ غاک نا
 شیطانی تے آن بامس آسکان مسر۔ او فک بادشاہ گاتینا داں فریادے سر کریرہ۔ بادشاہ شہزادہ
 گاتے بڑنگا۔ او فتنے پنت تس پارے تا اے کنا چنک داسہ نم خیرٹ بھلن مسرے۔ داوڑنا
 شیطانی نم تون جوان خنکپک۔ کل خلقت نمے آن غاوی ے نم داوڑنا تینا چم آتے
 الیو۔ بادشاہی نا کاریم تے ٹی دو ے تینا سخت کبو۔ مستی دا ملک نا بادشاہ نمے آن اسٹ ے
 مروئی ے۔ شہزادہ غاک باوہ نا تینا پیتا تے بنگر۔ مگہ ولد اہم او فتنے عمل کتور او فتنے مسن تے
 تنگ کنگ ٹی جس بسکہ۔ او تینا حرکت آتے الینور۔

مخلوق نابھازنگا و آن بادشاہ ہم مارتا دو آن تنگ مس کس ہم غلیس آن شہزادہ
 غاتے چچ پانگ کتو کہ اسہ دے بادشاہ و وزیرتہ صلاح تہ۔ کہ خواجہ تانکہ نامارک بادشاہی
 ٹی اریر۔ او فک مخلوق نامسن تے تون مڑ کیرہ۔ کس ہم او فتون تینے اڑیفنگ کپک۔ اگہ شہزادہ
 غاک پین بادشاہی سے آکارختی سوری تے خسر گڑ انو عقل برے تاپشوان مریر پدی بریر۔
 بادشاہ ٹک خلک پارے جوان اسہ دے مارتے تینا بٹنگا۔ او فتنے پنت و نصیحت
 کرے پارے تانم خیرٹ ورناسنرے۔ کنا پتاک نئے آچ اثر کپسہ۔ کنا رعیت نمادو آن
 تنگ مسن۔ کنا بادشاہی ٹی داسہ نمکن جاگہ اف۔ داکان ہنبو ہرانگ مون نماتے کنا کنڈان
 نئے موکلے۔

ہرچارنگا شہزادہ غاک باوہ ناتینا پیتے بنگر پاریر جوان ابا جان اگہ نابادشاہی ٹی تنگے جاگہ اف تو
 نن کانہ۔ خدانابھلوڈ غار کسے او فک تینا کسر کن سامان اریر۔ بلی تے سنج کریر بادشاہ اُست
 کٹی اٹ او فتنے رخصت کرے۔ شہزادہ غاتالہ او غا پٹامگہ او مجبور اس۔ او ہم تینا چناتے نیک
 دعاس ولد ارخصت کرے تا۔

شہزادہ غاک پیش تمار۔ خلسا پر غسا خلسا پر غسا ہنار پین بادشاہی سے ٹی سرسر۔ اریر کیر
 دادنا بادشاہی و پاریر تا کہ فلان بادشاہ نابادشاہی و شہزادہ غاک ہنار بادشاہ ناکچاری آلی
 تے تینا پیشن درخت آتے ٹی تفریر۔ شہزادہ غاک ورناسر۔ بادشاہ خناتاپہ مس کہ داضرور
 ملک سے ناشہزادہ و۔ او فتنے سخی و سوری کس ہلکنے۔ بادشاہ شہزادہ غاتے احوال کرے شہزادہ
 غاک پاریر خواجہ ننتو پین چچ احوال اف۔ نن فلان بادشاہی آن بنگٹی اُن داڑے نوکری کنگ
 کن اگہ نی نئے نوکری آسلیفیسہ تون ہنداڑے اڈکینہ تون پین بادشاہی سے آکانہ۔
 بادشاہ پاریر جوان ای نئے تینون نوکری آسلیفیوہ۔

شہزادہ غاک پاریر بادشاہ سلامت نن چارایلم اُن نئے داڑے چو ہند کس اف نی اگہ نئے

رہینگ کن جاگہ کس ایت تو نالکھ تو رومرو۔ اگہ نے وختس سختی کس ہلک تو نن کن چارہلی مون
ایت نن تینے رسیدینہ۔

بادشاہ شہزادہ غاتا پیتا تے بنگ او حیران مس کہ دا امر وورناؤ کہ نوکری ہم خوارہ جاگہ ہم خوارہ ای
وخت کس خواہیٹ تا توہلی ہم خوارہ اوٹک خلک بادشاہ کس اس اداستٹی پارے ای دافٹے وختس
ضرور آزمافوٹ۔ کہ داک اخس دیرٹ و۔

بادشاہ پارے جوان نما دا پیتا ک غٹ کنے منظور و۔ بادشاہ وزیرے پارے کہ دافٹے فلان
ماڑی ایت۔

وزیر درے شہزادہ غاتے اسہ ماڑی کسے ٹی پارے دا جاگہ ٹی نم آسراتی اٹ رہینگو۔ شہزادہ
غاک صحتون کچاری آبسرہ تو سرہ مجلس کریرہ بادشاہ اے شہزادہ غاتا مجلس بھازوڑا او شہزادہ
غاتے تینا اولاد آتا ناراراکہ۔ وخت گدرینگسہ ہنا۔

وزیر وکیل اے دا شہزادہ غاتان بد بسکہ۔ کہ دافک تنخواہ ہلیہ ہچو کاریم کس بادشاہ
ہلپک ای آن تا مریسہ مریسہ وخت گدرینگسہ ہنا اُرخدا نا قدرتے اسہ وختس بادشاہ نامارنا
ناگمان طب بھاز خراب مس۔ بادشاہ بادشاہی نا طیب، ملا، حکیم، ابدال آتے بٹنگا۔ کس دم
کریکہ تہ کس پاریکہ کہ فلان نا جوڑی اے تہ او تینا وں آتے کریر کس اے نا کاٹم دانا بیماری آ
تمتو۔ غٹ اللہ نامون آلا چار مسر۔ پاریر بادشاہ سلامت ننا کاٹم تمپک کہ شہزادہ جک جوڑا اس
سماف کہ اودے انت مس اسہ دے بادشاہ نامار دانا اے یلہ کرے شہزادہ کے ہو غار پٹارمگہ
خدا نامونا غٹ بیوس اسر۔ بادشاہ اے مارنا غم بھاز ڈکیا کرے۔ او شہزادہ غاتیا کلہورا ہی
کرے کہ نم تینے سرکبو۔

شہزادہ غاک ہمو بند غاتے پاریر نم بادشاہ اے پابونی نئون انت قول کر لیس۔
گاٹ والا ک پدی ہنا ر بادشاہ اے پاریر کہ شہزادہ غاک بتور او دہن پاتنگٹی و۔

بادشاہ مہالو آن مونجا اس۔ مارنا غم اودے مخ آن پر غاس او شہزادہ غاتا داپتے بنگ بے غی
 غصہ بس تہ پارے ہنو ہر چار آایلم تے دزگیر کبو۔ اوفتے پھاؤ ایتبو۔ بادشاہ نادر پامدار
 نس۔ اوبادشاہ نے پارے خواجہ بے شک اولادنا بھلو غم کسے۔ مگہ نی اوفتون قول کریس کہ
 نے وختس سختی کس ہلک تو نی اوفتے کن چار ہلی راہی کروں نن اوفتے کن ہلی راہی کینہ اوضرور
 بریرہ۔ داندہ وخت اوفک مفت تنخواہ ہلکونو۔ داوار نی اوفتے آزمائش سے ٹی شاغ۔ اُرتا کہ
 دا اخ کرامات والاؤ۔ بادشاہ نے ہم شہزادہ غاتا ہیبت یات بس او پارے بے شک نی
 راست پاسہ بادشاہ گاٹ والا تے پارے او ہر چار ایلم کن چار ہلی دبو۔
 گاٹ والا ک چار ہلی دریر شہزادہ غاتے پاریر نمے بادشاہ خواہنگ ٹی نے۔ اونا مار دادنیائے
 ہلانے۔

شہزادہ غاک ہلی تیا سوار مسر۔ بسر بادشاہ غاہلی تیان دژنگار۔ بادشاہ خندا دافتے
 است ٹی سوچ کرے کنا اسٹنگا مار کسک ہنا۔ کنا است مونجائے داورنا تائے انت ضرورت
 داورنا تے تینا مارنا دفن کنگ کن راہی کیو۔ ایڑے اسہ بھلو بلائیں بریک دافتے ہم ختم یک
 کنا دافقان ہم جان چٹک۔
 بادشاہ پارے تائے ورناک کنا مار دادنیائے الانم ہر چار ایلم کنا مارے دفن کنگ کن فلان
 جاگہ غادبو۔

شہزادہ غاک پاریر بے شک بادشاہ سلامت نن نیتون قول کرین کے نے وختس کاریم کس تما
 یاختی سوری کس ہلک تو نن تینے سرکینہ۔

شہزادہ نالاش نے کھٹ کسے آتخار ہر چارنگا ایلمک کھٹے کوپہ ترسہ ہے جاگہ کن سر ہلکر۔
 خلسا پر غسا خلسا پر غسا نیٹ اُرے آہمو قبرستان نے سر مسر۔ کھٹے شیف
 تخار شہزادہ غاتا چنکا ایلم ناپن لعل بادشاہ کس بھلا ایلم ناپن بہرام بادشاہ کس ایلونا پن سہراب

بادشاہ نس چار میکونا پن مہراب بادشاہ نس شام تما۔ او فک اموڑے خاخرس لکفیر۔ لعل بادشاہ
ایلم تے تینا پارے ایلمک نن بھلو پندس خلکن دم درینگن ننکان نن آرام کین گڑا صاحب
ستون دادے جہہ و جاگہ کینہ او ایلم تے تینا پارے بادشاہ نن ہر ایلم تے دانگ خوشی اٹ
مون تنے۔ اونے آن تینا جانے چٹنگ خواہک انتے کہ ای بنگٹ کہ داقبرستان آہر کس
ننکان بسے ولدا پدی زندہ ہننے۔ نن ننکان غٹے خاچوئی اف نن چار ایلم ان نن ناچار
پاس و۔ نن تینا واری آجاگن خیال کین نوا کس برے مڑدے دے یانے نسخان رسیفے۔

بہرام پارے بھلا ایلم ای اٹ اولیکو وار جاگنگ نار کنائے۔ ایلو ایلمک پاریر ٹھیک
ئے۔ ایفک جاگہ نس خاچار۔ بہرام خاخرس لکفے۔ ولدا اوننکان پہرہ تس او خیال اٹ اس
جٹ سے آن پدرا او بلی اسہ پیرو نیازی نس بس پارے ٹل کننا نواسہ کسکنے ای ایڑے اودے
مون دیداری کٹوٹ نی کنے الے ای دانا مون نے ارو۔ نوا کننا نواسہ ناغم کنے آن مرمے
بہرام خناتہ پیر اودے اوڑے پز بس او خیال کرے دابلہ نوار است پانک۔ اوالاتہ پارے
غریب زوئس اُرتہ دانیازی ہنادیسکہ دنتان تاتہ کڑک آرہ مس بہرام چائس داجا تو سے۔ او
ہلک بلہ نا پیچہ غاتے ٹی زغم نے بے دو آن تہ بلہ نادو کشکا مڑما۔ بلہ نافریاد مس او چیہانٹ
کر سہ ہنا غیب مس۔ بہرام نا پہرہ نا وخت پوروس ایلو پاس شروع مس۔ بہرام بش کرے
سہراب نے پارے تہ بش مرک ایلم نا گاٹ تنگ نا وخت نے سہراب بش مس خن تے
موشکسہ بہرام پارے تہ خیال اٹ گاٹ ایتس ننکان خطرہ نے سہراب پارے جوان ایلم
بہرام ہنا خاچا۔ سہراب گاٹ تنگ اٹ اس۔ اونا خف آتو اس بس۔ او ارا کہ ایلم تے
انت کن بش کیو۔ او زغم نے تینا رنے ہنا مون مستی خنا اسہ بھلو دیو سے گج کر یسہ بنگ ٹی
ئے۔ اونا بغل اٹ اسہ مسٹرس نے۔ مسٹر نا گار و فریادے۔ دیو خوک بس شہزادہ چغل تس ای
آن تہ زغم نے دیو نادوے ماس آن گڈا دیو نادو آن مسٹر تاد یو چیہانٹ کر سہ پدی ہنا۔

شہزادہ بس مسٹرے خنار یفے ای آن تہ کہ گودی نی دیرس مسٹر پارے ای فلان بادشاہ تا
 مسٹراٹ کنا اسٹنگا ایلم کسکو سس ای پریشان اسٹ۔ ای تینا بارغ تئی سلوک اسٹہ دادیو ناگمان
 بس کنے ار فے بغل اٹ خلک کنے۔ سہراب چا کس کہ داہندا ملک سنا بادشاہ تا مسٹرے۔ نن دا
 بادشاہ تا بادشاہی ٹی نوکری کنگ ٹی اُن۔ اودرے شہزادی ء اودے تسلی تس جاگہ کس شہزادی تا
 خاچنگ کن جوڑ کرے تینا خیری ءے تس تہ شہزادی اموڑے لیٹا۔

سہراب نا گاٹ تنگ ناوخت پورومس۔ ایلونن نا پاس آ او ایلو ایلم ءے تینا
 ٹوہا۔ کہ بش مہ داسہ نا گاٹ تنگ ناواری ءے محراب بش مس۔ سہراب محراب ءے پارے
 ایلم خیال اٹ گاٹ ایتس داسکان خطرہ ارے۔ سہراب ہنا جاگہ کس بے تینے خاچا۔ محراب
 بش مس ملاس اس تعی کس کلی نا بائے ملاکلی نادیک خاخر آشولنگار خاخر کک او حیران مس کہ
 انت کے۔ تہارمہ ٹی اودے بچس نظر بنگ ٹی ہلو۔ دانگ ایگ نظر شاغمر خناسہ خاخر
 لنگ ٹی ءے او شہزادہ نا جون ءے داڑے ہلنگ کتو کہ۔ او جون ءے تینا بڈ آتخاقے تہ سر
 ہلک۔ ہنا خاخر نا کنڈا اراخانہ تہ خراب اسہ بھلو دیو کسے خاخر آ باسنگ ٹی ءے تینے۔ محراب
 ہنا ہلک دیو سنا پیشکو آتے ٹی محراب طاقت نا خواجہ اس۔ دیو دا نا گہانی آ مصیبت ءے خنا
 خلیس پارے دیر اس انتکن کنا پیشکو آتے ٹی ہلکونس۔

محراب پارے ای عزرائیل اٹ ناسہہ ناہلنگ کن بسنٹ دیو پارے نے خدا نا دروئی ءے کنا
 سہہ ءے ہلپہ داسکان کنا کہنگ نا عمراف نی کنے الے۔

محراب پارے نی دا جاگہ نا مخلوق ءے بھاز خوار کرینس۔ اوفتے بھاز تکلیف تسنس۔ غٹ نا
 دو آن ڈکھیاؤ دیو پارے کنے توبہ ءے نی کنا سہہ ءے ہلپہ۔ ای مستی دا علاقہ ٹی کس ءے نسخان
 رسیفرہ۔ ای دا جاگہ ءے ایوہ کاوہ شہزادہ پارے ناہیت آتے آ ای امر باور کیو۔ دیو پارے
 کنے حضرت سلیمان نا مہر نا قسم ءے۔ ای داسہ نا داسہ دا جاگہ ءے ایوہ کاوہ۔

شہزادہ پارے جوان ای نے ایوہ داجارنا نے معاف کیوہ نی دا علاقہ ئے الے ہنگ۔ اودیو
نہا پیشکو آتے الادیو لڑسہ بال کرے ہنا۔

محراب ہموکان خاخرارے درے ہنا پدی او شہزادہ ناجون ئے شیف کرے
تختہ کھٹ آوکان گڈ خاخرے لکھے۔ چوخت ایلو پاس شروع مس تو اوچکا ایلم ئے تینا بش
کرے لعل بادشاہ بش مس محراب پارے تہ ایلم نکان خطرہ ئے خیالٹ مرلیں لعل بادشاہ
پارے تہ نی بے فکر مرخاچ ای چاودہ داسہ گاٹ چائے۔ محراب پارے جوان اوتھی کس ہنا
خاچا۔

لعل بادشاہ بش مس اوڑتون اسہ رباب کس اس اوہمور بابے خلنگ اٹ تمل اونا تواریٹ ہندو
سوزس اس کہ پر یک بال اٹ ہنارہ دانا تواریٹ بنگر۔ غٹ تاشیف مسردانا تواریٹ خف تو ننگ اٹ تمل
لعل بادشاہ خناپری تے اور باب خلنگ ئے الا۔

پر یک منت کریر تہ کہ اے شہزادہ نی امر وڈ دو سوز ستون ربابس خلکو سہ اسہ وار ولد اہندا
ربا بے ساز کرک نن اُرے نائے دہنوساز بنتہ نن بالٹ اسنہ نن نارباب ناتواریٹ بتنگن
نن شیف مسن۔ نن نارباب ناتواریٹ بھازوڑانے۔

لعل بادشاہ پارے ای امر ربابے خلیو کنا ایلم کسکنے ای ہرا حیاتون پین رباب خلیو۔ سوز پری
کہ اوپرستان نابادشاہ نامسٹر اس او پارے نا ایلم کستہ نے اودے ننا سیخا لگانے۔ اودے نن
بش کینہ لعل بادشاہ خنا سوز پری ئے اونا زیبا غامون گروشک تسکہ۔ او سوز پری ئے پارے نی
اسہ واردادے بش کرک گڑا ای نیکن رباب خلیو۔

سوز پری جیب آن تینا دسپاک کس کشا بسم اللہ کرے شہزادہ ئے گند تس تہ شہزادہ
تغان ہیجا۔ ولد اخن تے پٹسا بش مس۔ لعل بادشاہ شہزادہ ئے زندہ خنا او بھاز خوش مس او
ارے ربابے خلنگ ٹی تمل۔

اونارباب ناتوارتون سوز پری ایلو پری تون بش مس اوک چاپ ئے شروع کریر۔ ادفنا چسپانی ناسوبان نک تاڈ غارٹی لکتورہ۔ شہزادہ ارے اسکان رباب خلک ای کن ہاسوز پری ناست لعل بادشاہ تون لگا۔ لعل بادشاہ چوخت رباب ئے بند کرے تو سوز پری لعل بادشاہ غار لعل بادشاہ سوز پری آرا دافنا است اسہ ایلوڑ تون لگا سوز پری پارے داسہ ننا پدی ہتگ ناوخت ء کئے نامجلس بھاز وڑا۔ ولد اسوز پری لعل بادشاہ ئے اسہ تیر کمانس تس پارے ہراوخت ناست خواہس کن تون مجلس کن فی داتیر کمانے چکس ای چک آنبار تیخے نے اسکان سرکیوہ پر یک سحور ناوخت بال کریر ہنار۔ لعل بادشاہ ناست سوز پری کن مونجاس صبح خوک اس لعل بادشاہ خاچتو او ایلیم تے تینا بش کرے پارے تا ایلیمک بش موبدی کانبو۔

ایلیمک پاریر ایلیم ننے لاش ئے کڈ کروئی ئے گڑا پدی کانہ لعل بادشاہ ایلیم تے تینا پارے دہن استو سوز پری تون کنا مجلس مس شہزادہ ئے پری تاسیخا لگاس او کستویس بلکہ بڈینگاس سوز پری اودے تینا دسپاک ئے گندس او پدی جک جوڑ مس۔ ولدا غٹ تینانن ناقصہ غاتے آ ایلوئے بنفیر۔ دافک شہزادہ ئے بش کریر ولد اشہزادی ئے ہم بش کریر۔ شہزادی خناتینا ایلیم ئے زندہ او بھاز خوش مس دافک پدی سر بلکر۔

کسری اسہ شوانس دافتے خنا وددینکسہ ہنا بادشاہ غا پارے بادشاہ سلامت نے مبارک مرے ہموچارور ناہنگ ٹی او۔ نامارا ونا مسٹر اوفتوں ہنگ ٹی او نامار زندہ ئے۔ بادشاہ غمگین تو لوک اس اسہ مارتہ کسکوسس ایلو شہزادی ام شام آن غیب اس۔ او پارے خلبو شوانے پنچہ بونڈا کبوتہ۔ اوننے آملنڈ خلنگ ٹی ئے۔ اینو اسکان مژدہ ہم زندہ سنے پدی ننے۔ ایلو ہیبت دا اینو اسکان اگر کس ننکان او قبرستان آہنانے او پدی زندہ بتئے۔ دانا چادہ مغز خراب مونے بلکر شوان ئے جوان پنچہ بونڈا کریر۔ شوان ئے است وار تو او پدی ہنا

کسرٹ خنا کہ شہزادہ تون شہزادی او چارورنا بنگلی و۔ شوان ے وار تئو اولد ازوزو مستائی ہلنگ
کن ہنا پارے بادشاہ سلامت مستائی کنا ے شہزادہ شہزادی چارزنگاورناک اوار بنگ لی و۔
بادشاہ پارے نی چا وہ گنوک مسنس۔ اول ناپنجہ بوئڈاغان سیر کوتولیس خانہ خراب
مار کنا کسکنے مسٹر کنا استو آن گم ے نا چا وہ مغز خراب مسنے بادشاہ حکم تس کہ داوارناشت نانا جوانو
پیری کس ایتبوتہ کہ مستی او کتون دروغ تڑپ۔ ہلکر جوان شت آتے اٹ شوان ے
کٹار۔ شوان نا گارو فریاد کس او ٹپی ٹنڈی مس۔ ولد اہنا کہ اُرو کہ واقعی کنا مغز خراب مسنے یا
شہزادہ زندہ ے۔ اوچہ مستی ہنا واخنا شہزادہ ے شہزادی ے ایلو لشکر ے زو کس پدی بس
پارے بادشاہ سلامت خدا کنے رد کپ نامار زندہ ے نامسٹر ہم اوڑتو تون تڈ ے۔ ای اودے
تیناخن تیٹی خناٹ۔ کنا مغز خراب اف کہ ای تینے ناحق لٹ تریفو۔

ہنداڑے وزیر پارے اے بادشاہ سلامت دا غریب وار وارشت کنیک دانا مغز خراب
اف۔ کہ واروار تینے کٹیفے۔ نی منہ بندغ شوان تون راہی کرک اگہ شوان ناہیت راست مس
تواو غریب ے انعام ایت اگہ غلط اس گڑا نا انت منشا کہ انت کیس ای تون تہ۔

بادشاہ پارے جوان او منہ بندغ راہی کرے کہ ہنوشوان توہو کہ داراست پانگلی ے یادروغ
تڑنگ لی اے منہ بندغ سر ہلکر شہزادہ ہم داسہ خوک بس۔ او فک خنارتہ ددینگہ ہنار
پاریر بادشاہ سلامت مبارک مرے نے بے شک نامار زندہ ے پدی بنگلی ے اوڑون
شہزادی ہم تڈ ے۔

بادشاہ خوش مس پارے دبو شوان ناخیری ے خیسن پیہن آن پرکبو شوان ے دریر خیری ے
یہ خیسن پیہن آن پر کریر۔

شوان خیسن پیہن تے خنا تینا پنچہ بوئڈا ے گیرام کرے او خوشی کر سہ ہنا۔

ہنداڑتو ہر چار آایلمک شہزادہ او شہزادی تون تینے رسیفیر۔ بادشاہ مارے تینا زندہ خناو

مٹرے تینا خنا بھاز خوش مس۔ بادشاہ احوال کرے تاکہ داننت قصہ کس اس۔

بہرام بادشاہ نے پارے بادشاہ سلامت نن لاش نے درین نے شام تمانن ناچار
پاس اسرہ۔ نن ایلمک صلاح کرین کہ لاش نے صحب سناجہ و جا کہ کینہ۔ نن سائس کہ ہر کس
کہ ننگان او قبرستان آہنا نے پدی زندہ بتہ نے۔ نن ایلمک اُران غٹ مچ نن تولنگ
کہنہ۔ دہن مف غٹ نے ناتغ ہلے۔ ہندا سو بان نن ناہر پاس آاسہ ایلم نے گاٹ تنگ نا
صلاح نے بسفین۔ اولیکو پاس نا گاٹ تنگ نا کنا ذمہ واری کس۔ ای تو سٹ ارٹ جٹ
سے آن گڈ اسہ نیاڑی کس بس پارے کنا نواسہ کس کھکنے ای اونا دیدارے کٹٹ ای دانا
دیدارے کیوہ تاکہ کنا است نے تسلی دو برے ای اُراٹ اسہ پیرو نیاڑی کسے ای پاریٹ تہ
جوان زو دیدارے تہ کرک پدی ہن ای الاٹ تہ او شہزادہ نا استے کشنگ کن کرے داسہ کنے
ساتما کہ او نیاڑی جا تو کسے ای خلکٹ زغم اٹ دوے تہ گڈاٹ۔ او دوے الاچیہاٹ کر سہ
ہنا۔ اونا داد و نشانی نے۔ کنا گاٹ نا وخت پوروس ای بش کریٹ سہراب نے مستی نے حوال
نے سہراب لیتک۔

سہراب پارے خواجہ ای گاٹ تنگ ٹی اسٹ کہ ارٹمیکو پارنا گڈ سرٹی اسہ بلا سے نا
تو اس۔ ای زغم نے تینا ارفیٹ ہمو بلانا کڈا ہناٹ ارٹ کہ اسہ دیو کسے بغل اٹ تہ اسہ
مٹرے دیو گج کر سہ بنگٹی نے۔ ای زغم نے چغل تسٹ زغم دیو نانا دوے گڈا۔ اونا دو آن مٹر
کس تماد یو دوے تینا ارفے چیہاٹ کر سہ ہنا۔ ای مٹر آن ارفیٹ تو کسے ساتما کہ داشہزادی
نما مٹرے۔ ای شہزادی نے خیری نے تینا تسٹ او خاچا او کان گڈ ای تینا ایلم محراب نے
بش کریٹ۔ پاریٹ تہ ایلم خطرہ نے خیال اٹ گاٹ ایتس۔

محراب پارے بادشاہ سلامت ای بش مسٹ ای بھاز ملاس اسٹ ای کلی نے
ارفیٹ دیک کے آن شولنگار۔ دیرتان خاخر کسک تہارمہ مس ای مر خاخر ناچو ہاؤس خناٹ ای

سوچاٹ کہ انت کیو شہزادہ ناجون ئے تینا النگ کتوہ ای شہزادہ ئے تینا مخ آتفیٹ جند کناہنا
 ٹ ہموکڈ ایرے اسہ بھلودیوس خناٹ ای مدان آنج آن اونا پیشکواتے ٹی ہلکٹ پاریتہ
 ای عزرائیل اٹ ناسہہ ئے ہلنگ کن بسٹ۔ اومت ولیدا کرے کنے ولد احضرت سلیمان
 نامہرنا قسم ئے کنگ پارے ای داجا گہ ئے ہلیوہ کاوہ ای دیوے الاٹ او پدی کوہ قاف آ
 ہنا۔ ای پدی ہرینگٹ شہزادہ ناجون ئے کھٹ آتخاٹ۔ چکا ایلم لعل بادشاہ ئے بش
 کریٹ اودے پاریت ایلم داسہ نن ناگڈ کیو پاس ئے فی خیال اٹ گاٹ ایتس ای ہناٹ
 خاچاٹ مستی نمون لعل بادشاہ نقل کیک۔ لعل بادشاہ پارے اے بادشاہ سلامت ای بش
 مسٹ کتون اسہ ربابس کس ای ارفیٹ ربابے اسہ داستانس سوزٹ خلکٹ ہموتم سوز پری
 تینا سویلی تون کوہ قاف آن دنیا ناسیل مکن پیش تماس کنار باب نا تو ارا سوز پری تینا
 ایلو سویلی تے تون شیف ڈرنگا۔ ای رباب خلنگ ئے بند کریٹ۔ سوز پری او ایلو
 پریک کنے پاریر کہ ارے آن پدن دہنور باب نا تو ارس بنگٹن۔ ای پاریت تا کنا ایلم
 کسکنے ای امر رباب خلیو۔

سوز پری پارے اودے ناسیخا لگانے۔ او بیہوش مسنے او کستہ سوز پری کشاد سپاک
 ئے تینا شہزادہ ئے گندس شہزادہ خن تے ملا بش مس۔ گڑا ای او فتنے کن صحب اسکان رباب
 خلکٹ ولدان پریک بال کریر ہنار۔ چوخت دے پھاش کرے نن پدی بسن۔
 بادشاہ چارنگا ایلم تا داہیت آتے بنگ پارے بے شک ای نمے مفت نو کرختویسٹ نمے ٹی
 بے شک لاٹھی ارے۔ ولد اشہزادہ غاتے پارے نم داپا بونم اشکن نو کری کریرے۔ اونم کنے تینا
 اصل حقیقت ئے پابو کنا خیال پاک نمے اسہ ویل کس داڑے سر کرینے۔

شہزادہ غاک پاریر بادشاہ سلامت نن فلان ملک سنا بادشاہ نامارک ان۔ نن تینا
 باوہ غان غصہ کرین پیش تمان بادشاہ داپیتے تا بنگ پارے بے شک کنے ہم ہنداشک اس او

ولد اپارے کنامہ مسٹر و نم چار ایلم اُرے کنا است خواہک ای تینا من تے نے برام اتو۔
 لعل بادشاہ پارے خواجہ فی کنا بھلا ایلم تے تون تینا من تا برام تے کرف۔
 دھول دامہ غاک لگار بہرام، سہراب، محراب نا برام بادشاہ نامن تون مس۔ بادشاہ لعل بادشاہ تے
 پارے کہ ہراڑے ناست خواہک ای، ہموڑے نا برام تے کر بیوہ۔

لعل بادشاہ پارے اے بادشاہ سلامت ای داسکان نئے برام کیوہ نئے برام نا کنا خیال ارے۔
 شام آ لعل بادشاہ نا ایلمک تینا ز ایفہ غاتون آرام کن ہنار۔ لعل بادشاہ ہنا تینا کمرہ
 ٹی او تیر کمان تے چکا۔ جٹ سے آن گڈ سوز پری تینا پری گری آلویس ٹی تے سر کرے لعل
 بادشاہ سوز پری عٰخنا خوش مس۔ لعل بادشاہ او سوز پری او فک مچ نن کچاری کریر۔ سوز نا وخت آ
 سوز پری شہزادہ غان اجازت ہلک پدی ہنا کوہ قاف آ۔

ہندن شہزادہ ہرن سوز پری تون کچاری کر یکہ او فتنے اسے ایلو آن بیدس ہیچ آرام بتو کہ۔
 اسے دے لعل بادشاہ شکار کن ہناس۔ او نا ایلمک بسر کہ کان ایلم آ داڑے شہزادہ
 تے ختور بہرام خنا تیر کمان تے ارے تیر کمان تے چکا ہنداڑ تون سوز پری تے رسیفے۔ لعل
 بادشاہ تے ختو او نا ایلم تے خنا۔ تو او دے بھاز غصہ بس۔

دافتے پارے چوخت لعل بادشاہ بس پارے تے ای ہناٹ داسے پدی بفرہ فی کنا
 رندٹ بقیس کنکے آپیس اگے بسس تو سوز ولایت آبریس۔ او ایلم تے تے خلک اسے اسے چپلہ
 ایلمک تے بڈینگار تمار۔

لعل بادشاہ چوخت شکار ان بس خنا ایلمک تے تسینگانو بے ہوش تمانو۔ او ایلم تا تینا
 مون تے آدیر چٹ تس ایلمک تے سما کریر۔ لعل بادشاہ ارے کہ خیرے غٹ نما بے سدھ تما
 سرے بہرام پارے کہ دہن کنے آن اسے غلطی تس مس ای نا تیر کمان تے چکاٹ سوز پری بس
 نئے پارے کہ ایلم تے تینا پارے کنا رندٹ بقیس بقیس اگے بسس تو سوز ولایتا بریس ولدا

ٹاک اریر۔ اوستی ہنا خناسوز پری تینا سولی تے تون ہنگٹی۔ اوتینا سولی تون باغ ناسیل
 آبنے۔ سوز پری ناسویلیک جوان چکر خلکر۔ ولد ادلاتے دیران پُر کریر۔ سوز پری دادیر تے
 ٹی بے شولا کہ لعل بادشاہ اسہ دلا سے ٹی چلوئے بٹے۔ پریک دلاتے دیران پُر کریر ولد اسہ
 کوٹھی سے ٹی ہنار اوڑے سوز پری بے شولا کہ سوز پری آدلا نادیر تے شاغار۔ دیر تے آن
 شہزادہ ناچلو شیف تما سوز پری تے شہزادہ ناچلو نظر بس اوچلوئے ار فے اوپہ مس کہ لعل
 بادشاہ کنارندٹ ہنداڑے سر کرینے تینے پریک پاریر کانو پدی سوز پری پارے تاخم ہنواہی
 پدان بریوہ۔ پریک بال کریر ہنار سوز پری تو ار کرے پارے شہزادہ تینے نشان ایت کنے
 شہزادہ ٹوپے کاٹم آن ار فے سوز پری خناتہ است تہ خوش مس او پارے داسکان کنا
 رندے البیتہ نس شہزادہ پارے نے آن بیدس کنے اسل آرام اف داسہ کنے پای انت کیو۔

سوز پری پارے تہ ای کوہ قاف نا بادشاہ نامسٹراٹ۔ نکان کنا باوہ نامالات ٹی کچاری مریک
 پریک بریرہ ناچ کیرہ نی وڑ سے اٹ برک رباب خل گڑا نارباب نا تو ار آی ناچ کیوہ اگہ کنا
 ناچ کنا باوہ تے خوش بس او ار فے کہ انت خواہ گڑا ای نے خواہ۔ شہزادہ پارے اگہ کنے
 موقع دو بس ای ضرور رباب خلوٹ۔ سوز پری لعل بادشاہ غان اجازت ہلک ہنا

نن مس کچاری لگا دمبورہ غاک ساز مسر پریک ناچ تے شروع کریر شہزادہ ہم ٹوپ
 تے کاٹم آ کر یس۔ او ہم بس کچاری ٹی تو س شہزادہ ارا کہ اسہ دیوئے اودے نشہ غان سما
 اف۔ او ہلک دو آن تہ ربابے او تمار رباب خلنگ اٹ او نارباب نا تو ارے بنگ سوز پری
 بش مس ناچ کنگ اٹ تما سوز پری نانک اینو خوشی آن ڈغار الگیتورہ او نا ناچ آغٹ کچاری
 حیران مس سوز پری نالمہ باوہ ہم او نا اینو نا ناچ آ حیران مسر۔ محفل بھاز چس کرے تو سوز پری
 نا باوہ پارے اینو انتس نی خواہ ای نے ایتوہ سوز پری پارے ای اسہ آدم ذات سے تون
 برام خواہیوہ۔ باوہ تہ پارے پین وار آدم ذات نا پین تے ہم ہلپس۔ شہزادہ پین زیات

رباب ناتار تے سرفے تو سوز پری اینوناچ اٹ تینا کڈے خلک۔ ہراسٹ حیران اس کہ
دہنوناچ او فک اسل ختویسر۔ بادشاہ ولد اسوز پری ے پارے نل خواہ اینوانٹس خواہ کئے
قول ے ای نے ایتوہ۔

سوز پری پارے ابا جان ای بیدس ہمو آدم ذات آن پین ہچ گڑا خواہ پیرہ بادشاہ
منتو سوز پری ولد اناچ ے شروع کرے۔ بادشاہ پارے گڈ یکو وار پاوہ نے انٹس خواہ سوز
پری پارے ای نے مہالو ہم پاریٹ ای بیدس آدم ذات آن پین ہچ ہم خواہ پیرہ میٹ باوہ تہ
مجبور مس پارے نل کوہ قاف آچک آک ہم خلیس آن پرہ خلیسہ او آدم ذات ہراکان
بروئے۔

سوز پری پارے باوہ جان اگہ او آدم ذات داڑے تینے سر کرے گڑا؟ بادشاہ پارے اگہ نار
نگ و صورت نامقابلہ ٹی مس تو بے شک ای نا اوڑتون برام ے کریفیوہ۔ نہ تو ای اونا ل
ے خلیوہ۔

سوز پری لعل بادشاہ ے تو ار کرے کہ تینے کنا باوہ غا پھاش کرک۔ شہزادہ ٹوپ ے کاٹم آن
تینا رنے۔

اونا صورت زربائس بادشاہ او ایلو پر یک خنارتہ اونا زربائی آحیران مسر۔ بادشاہ سوز پری ے
پارے بے شک نی راست پارلیس داورنا نارنگ و صورت کسے آن ہم کم اف۔ دانا لائخ ے
دھول و دامہ غاک لگار۔ شہزادہ ناسوز پری تون برام مس چہل دے اسکان خوشی و شاد کامی
کریر۔

چوخت برام نا خوشی او دامہ غاک چٹار تو اسہ دے لعل بادشاہ سوز پری نالمہ باوہ ے پارے
ہندو بادشاہی کسے ہندو نونا بادشاہی کسے ای اُرے نائے تینا بادشاہی آن پیش تمانٹ سماف کنا لہ
باوہ نانت حالیت مروئے داسہ نئے موکل ایتو۔ سوز پری نانا باوہ پارے بے شک نی راست پاسہ۔

سوز پری ناباؤہ تینا پٹ آتیاں تس تہ پارے فی ہنک اگہ وختس نے سختی کس ہلک دا
پٹ آتے گندایت ای دیو آتا لشکر تون ناکمک کن تینے سرکیوہ۔ شہزادہ پٹ آتے ہلک ای
آن تہ اوفتے آن رخصت کریر۔ کسرٹ ہنار ہمودیوے خنار۔ لعل بادشاہ ہمودیوے اونا
ٹوپے پدی تس۔ دیونکان اودفتے کن دعوت کرے سوز پری نکان لعل بادشاہ نارباب آناج
ے شروع کرے۔ دیو بھاز خوش مس صاحب ستون لعل بادشاہ دیوان رخصت کرے۔ سر ہلکر
خلسا پر غسا خلسا پر غسا منہ وخت آن گڈ سر مسر ہمو بادشاہی آکہ لیلیمک تہ ہموڑے اسرہ۔ لیلیمک
تہ اوبادشاہ شہزادہ ے سوز پری تون خنار اوفک خوش مسر۔

منہ دے او بادشاہ نا دعوت ے کنگ۔ اوکان گڈ بادشاہ غان رخصت
کریر۔ بادشاہ مسن تے تینا رخصت کرے۔ اوفک راہی مسر لعل بادشاہ ایلیم تون تینا باؤہ نا
بادشاہی ے سر مس اوفک مَر جاگہ کس تمبوخلکر۔ اسٹ سے آن اریر کہ دالمک ننا بادشاہ
دیرے ہمو بندغ پارے تا دالمک ننا بادشاہ ے وزیر قید کرینے او جند تہ بادشاہی آقوضہ
کرینے۔ داسہ دالمک ننا بادشاہ وزیرے۔

لعل بادشاہ داناہیت ے بنگ کاٹم آن تہ مول اس ہنا۔ اوہمو تم دیو ننا پٹ آتے گند تس جٹ
سے ٹی خنا کہ اسہ لوڑ کس بنگٹ ے۔ اوپہہ مس کہ اونا مالیم تینا دیو آتوں بنگٹ ے دیو آتا لشکر
رسیفے تینے۔ لعل بادشاہ غان اریفے کہ ٹل خیرے انت مصیبت کس نم آبنے۔
لعل بادشاہ پارے تہ اے دیو آتا بادشاہ دالمک ننا وزیر کنالہ باؤہ ے قید کرینے۔ جند تہ
بادشاہی نا تحت آتو سنے۔

دیو آتا بادشاہ فوج ے حکم تس جٹ سے ٹی وزیرے بمعہ چوچہ پاچہ غاتون دزگیر
کریر۔ لعل بادشاہ حکم تس وزیرے اونا مچ خاندان تون تیل اٹ تراڑیو۔ تیل ننا بھلا ڈانگی
تے باسفیر وزیرے اہل واعیال تون تیل اٹ تراڑار۔ اولہ باؤہ غاتینا ہنا اوفتے قیدان

خلاص کرنے۔ اوبادہ نے تینا بادشاہی آتولنے بادشاہ دیواتے کن دعوت کرے غٹ دیواک
دعوت نے نوش جان کریر ولد انزکان مجلس مس صحب تون دیو آتا بادشاہ تینا سالم او مسرآن
موکل کرے او فک پدی بال کریر کوہ قاف آہنار۔

بادشاہ اسہ دے تینا مارتے بٹنگا او تینا ایلو مارتون صلاح کرے او فک لعل بادشاہ
ئے ملک سنا بادشاہ جوڑ کریر۔ لعل بادشاہ چہل دے اسکان خوشی و شاد کامی نا پڑوئے کرے
خزانہ غاتا باء ملار۔ مخلوق لعل بادشاہ نے نیک دعا کریر۔ او فک ہموڑے خوش اسرہ نن او فتنے
الان بسن نما گچین آ مجلس آ۔

سودا گرنا مار

اس اسہ سودا گرس۔ دا بھاز پنی و سودا گرس اس۔ اونا کاروبار بھاز جوان اس اُرا
 والاک تا آسودہ اسرہ۔ سودا گرنا اسہ مارس اس۔ سودا گر تینا زایفہ او مارستون خوش اس۔ سودا
 گروس کرے کہ تینا مارے ہم تیتون سودا گری کن دے۔ مگہ مارتہ اونا پیتا تیا اسل خف تو
 تو یکہ۔ پارہ وخت اسہ وڑ سلپک۔ سودا گراسہ وختس سخت بیمار مس۔ حکیم و طبیب آک وں
 کریر۔ براہوئی گری و دار و سرتہ مگہ سودا گرنا طب دے پہ دے آن خراب مر سہ کرے۔
 اسہ دے سودا گر تینا مارے بٹنگا او مارے تینا پارے ٹل کنا پیتے جوان خف تو۔ داسہ دانا جوڑی
 آن کنا بچنگ مشکل ہے۔ دا کوڑی کس تون وفا دار اف غٹ ہے اسہ نہ اسہ دے دا کوڑی
 آن ہنوئی ہے۔ کنے آن پدا غٹ کاروبارے نے سنبھالوئی ہے۔ کنے آن گڈنی ہندا
 کاروبارے ہندن برجاتخس۔ دہن مف مطلبی آ سنگت آتون تمس۔ غٹ مال ہے دانگ
 اینگ کیس۔ داسہ کل مخلوق ننا عزت ہے داسو بان کیرہ کہ نثون مال و دولت ارے۔ اگہ دا
 مال و جائیداد مف تو کس ہم ننا سلام ہے وعلیک کپروے۔ کنا دانیحت آتے تینا پلو آتف۔
 نہ تو پدنا ارمان آن بچو فائدہ ملیر وے نے۔
 سودا گرنا مار پارے اے باوہ جان اللہ نے سلامت کے۔ دہنوار مانی و ہیت انتے کیسہ نی
 جوان مریر۔

سوداگر پارے اے مل ہر بند غئے اسے نہ اسے دے اس داد دنیا غان ہنوئیئے کس
ہم چڑہ زندہ سلپک کنا داہتا تیا جوانی اٹ عمل کیس۔ اُر خدا نا قدرت ئے منہ دے آن گڈ
سوداگر داد نیائے الا۔ مار ہو غا فریاد کرے ولدا بیوس مس چپ کرے مار مسہ دے کونٹ
آ توں۔ مسہ دے آن گڈ کونٹ ئے ارفیر۔ داسہ غٹ ذمہ دار یک مار سنازی آبسر۔ سوداگرنا
مار خنا پیسہ غاتے داکان ایکان تہ لُچ ولوفر آ سنگتاک مچ مسر۔ سوداگرنا مار باوہ ناتینا نصیحت
آتے گیرام کرے۔ اوصحب شام ہندالند آ سنگت آتون وخت ئے گدریفیکہ لمہ تہ مارنادا
حالیث ئے خنا او مارے تینا بھازپہہ کرے پارے مل باوہ ناتینا سوداگری نا کاروبارے دوئی
اٹ داڈیوالہ گریئے الے۔ دن مف داجائیداد چٹے مگہ سوداگرنا مار خنا پیسہ غاتے اولمہ ناتینا
پیتا تیا اسل خف تو توئے منہ وخت ہندن گدرینگا۔

سوداگرنا مار باوہ نا غٹ مال و جائیداد آتے سنگت آتا عیش و آرام آخوچ
کرے۔ داسہ اسہ ٹکس بچیتو ای تون تہ غٹ پیسہ غاتے چٹ کرے چٹے۔ نلا پتر مس ہنا
داسہ او تینا سنگت آتیا ہنا کہ سنگت آک اسل چکارے تہ تختورہ۔ سوداگرنا مار چائس دا غٹ
سنگتاک مطلب نا اسر۔ داسہ باتہ حٹ مس اُراٹی تما۔ صحب شام اُراٹی اس۔ سوداگرنا زایفہ
پہہ غنیازی کس اس۔ اودے سائس کہ مار آداد یک بریرہ او ہندا خاطران گڑ اس پیسہ دزی
اٹ تینا پتنگ آتیا ڈکاس۔ او مارنا تینا دا حالیث ئے خنالمہ آخرلمہ مریک۔ اونا است چکی
کنگ اولاد اودے است متوا داسہ دے مارے تینا صدر رُپئی تس۔ پارے تہ اے مارخانہ
خراب جائیداد آتے غٹ ئے چٹفیس۔ داصدر پئی ئے ارف گڑ اس کاروبارس کرک تاکہ
تینا باوہ نا پیشہ ئے مُستی در۔

سوداگرنا مار صدر رُپئی ئے ارفے ہنا بازار آخنا کہ چناک وُچ وَاواسہ کچک کسے ہلکنو
لٹ ایٹنگ ٹی او تہ۔ سوداگرنا مار پارے خانہ خراباک انتے داسا ہدارے لٹ ایٹنگ ٹی اُرے۔

چناک پاریردا کچک ساندہ بریک ننا اُرا نا گڑا تے دزک اینو ننادوئی بسے نن دادے اسل اپنہ۔
 سودا گرنا مار پارے ای نمے صدر پئی ایتوہ نم داکچک ءے کنے ایت بو چناک صدر پئی نا بگر
 خوش مسر۔ او فک کچک ءے سودا گرنا مارے تر۔ اوڑا ان صدر پئی ہلکر ہنار۔ لمہ تہ خنا اڑے
 کہ مل امر کر لیس۔ داکچک ءے ہراکان ہتنگ ٹی اُس۔ مار پارے لمہ ای بازار آہناٹ چناک
 داکچک ءے خلنگ ٹی اسرہ کنے کچک آرحم بس ای کچک ءے اوفتیان صدر پئی آہلکٹ۔ کچک
 ءے عذاب آن خلاص کر فیٹ۔ اُراغا ایسٹ تہ۔

لمہ تہ داپیتے تہ بنگ دودست کرے پنچہ غاتے خلک کاٹم ٹی تہ پارے ای نے
 صدر پئی تسٹ کہ نی ہن گڑا اس ال سودا گری کس کرک بے بخت شام نی داکچک ءے بڈ
 کر لیس اُراغا ایس۔ نن تینٹ ارغ خمپنہ۔ دانا پڈے داسہ دیرو لیفوئے۔ اسہ ارادے پین
 گدرینگا۔ لمہ ءے مارتہ است متو۔ ارے پلو آن صدر پئی کشا تہ پارے داجار نا جوانو
 کاریم کس بے کاری اٹ اٹ وخت زندے گدریفوس۔

سودا گرنا مار لمہ غان تینا ہلک صدر پئی ءے پیش تماہنا شار آکسرٹ خنا کہ چناک
 اسہ پیشی کسے ہلکنو۔ پیشی ءے خلنگ ٹی و۔ پیشی نامیاؤں میاؤں ءے۔ سودا گرنا مار چناتیان
 ارے کہ یرہ دادے انت کن خلنگ ٹی اُرے۔ چناک پاریردا ہڑدے بریک ننا اراتے ٹی
 سوتے دزک دیک سودا گرنا مار واپارے تاکہ داصدر پئی ءے ارفو۔ داپشی ءے کنے ایتو۔ او
 صدر پئی ءے چناتے تس۔ اوفتے آن پیشی ءے ہلک ایس تہ اُراغا۔ لمہ تہ خنا کہ مارزو پدی
 ہڑینگا او مار آن ارے خیرے دہن زو پدی بس۔ انت کاریم کس کر لیس۔

مار پارے لمہ ہناٹ شار آچناک داپشی ءے لٹ تنگ ٹی اسرہ۔ ای اوفتے
 صدر پئی تسٹ داپشی ناسہ ءے اوفتیان بچفیٹ۔ لمہ تہ دو تے تینا کاٹم ٹی خلک پارے او
 گنوک چاٹ۔ داپشی ءے انت کروں۔ دانے انت کاریم ایتک۔ لمہ تہ غریب مونجاس۔

اُرا کہ دامار آن ہجو کاریمس مفک۔ منہ دے پین گدرینگا لمہ ئے مار آترس بس او پارے اے
 مٹ داوارنا پیشی کچک اتپیس۔ اودے صدر پئی کشاتس پارے دا جارنا ہن جو انوسودا گری ئس
 کرک۔ مار پارے اے لمہ داوارنا ای کاوہ نی دا کچک وپشی نا جوانی اٹ خیال ئے کیس۔
 لمہ تہ پارے جوان مٹ نا اللہ نگہوان او مارے تینا نیک دعالتس۔ سودا گرنا مارارے
 صدر پئی ئے سر ہلک۔ ہنا شار آ کسر ٹی خنا چناک وچواسہ جوگی ئے او مرلو خنگ ٹی ئے
 اوڑتون دوشہ ئے دوشہ تینا پڑے کشک جوگی ئے ٹکہ آنہ ئس کس ایتک۔ قدرت اللہ نادا ہم
 ہموڑے بس خنا ریفے ای آن تہ جوگی دا انت چم ئس کنگٹھی اُس۔ چناک دا کان ایکان ناچو۔
 جوگی پارے دا دوشہ ئے ہلکٹ تہ گلی گلی اُرا اُرا چرینگوہ دا کناروزی ئے ای دوشہ
 غاکٹیا کیوہ۔

سودا گرنا مار پارے دا صدر پئی ئے اٹ دا دوشہ ئے کنے ایت جوگی صدر پئی نا پین ئے بنگ او
 پارے ٹھیک ئے اٹ دا دوشہ ئے۔

سودا گرنا مار صدر پئی تس تہ دوشہ ئے کورتون ارے دوشہ ئے درے سیدھا
 اُراغاتینا۔ او کورے تہا۔ لمہ ناتہ خیال کہ اینو مار گڑاس کٹیا کرینے ایسنے۔ او خوش مس او کورنا
 بائے ارے تہ دوشہ نا پفارہ مس۔ لمہ تہ زوئس کورنا بائے ہلک تہ پیش تما۔ خنا مارے تینا
 پارے خانہ خراب اول پیشی وکچک ایس۔ داوارنا دوشہ ئس ایسنس۔ دانے کنیک نئے نے
 ہلک نئے کنے ہلک موقع دوس تہ نئے ڈنگ خلیک۔ بیڑی وسم دانے ہراکان دوس۔

مار پارے لمہ جوگی ئس گلی گلی چکر کر یکہ چناک رندٹ تہ اسرہ ای خناٹ جوگی ئے نی کنے ہمو
 صدر پئی ئے تس۔ ای اوصدے جوگی ئے تسٹ اوڑان دا دوشہ ئے ہلکٹ۔

لمہ تہ خلک دو تہ تینا کاٹم ٹی پارے مش مرلیس نی مش مرے نا سودا گری۔ دہ دا
 دوشہ ئے جاگہ ئس یلہ کرک آزات کرک تہ پدی برک نا دو آن لنگڑی ننا نصیب ٹی ئے مار

پارے لمہ اینونا دے الے کنے پکھ ای دیوہ جاگہ کس یلہ کیوہ تہ۔

قدرت خدا نان گدریزگا صاحب ستون سوداگرنا مار کٹورے دوشہ تون ارے ہنا جنگل کسے نی
کہ دوشہ ئے یلک کے۔ او ہنا اسہ جنگل کسے آ اوڑے کٹورنا بائے ملا دوشہ ئے یلہ کرے
جندتہ پدی ہر سینگا۔

مچہ مستی ہنا پدی چک خلک خندا دوشہ اونا رندٹ ہنگلی ئے۔ مار پارے تہ اے ساہدارای نے
بندی گری آن آزات کریٹ۔ داسہ ہن فی تینا کسرٹ کنارندے انگن ہلکوس کثون انترے
بریسہ۔

قدرت خدا نادا دوشہ بادوی آ بس پارے اے خواجہ ای دوشہ غاتا بادشاہ نامارٹ
کنا تقدیری ٹی ہندا نوشہ کس ای اسہ دے پیش تماٹ جوگی خنا کنے ہلک کنے قیدی کرے۔ فی
کثون نیکی کرلیس داسہ نانیکی نا ای بدلہ ئے تنگ خواوہ فی دہن کرک کثون برک کنا جاگہ
غای دیوہ نے تینا باوہ تون ملیفیوہ نے کنا باوہ کنا بدل اٹ نے اٹس تروئے فی ارفیس تا۔
اونا دوٹی اسہ چلوس ئے فی ہندا چلوئے خواہ ای آن تہ اگہ او نے چلوئے تس تو ٹھیک ئے اگہ
چلوئے نے تیوگڑ ای ہم تینون بریوہ۔

اوناک سر ہلکر بسر ہمو جاگہ غا دوشہ مارے جاگہ کس سلیفے جندتہ ہنا باوہ تہ خناتہ بھاز خوش مس
کہ مار کنا بس۔

دوشہ غاتا بادشاہ ارے مار آن تینا پارے اے مار داڑے دیرایس نے۔ مارتہ پارے نادشمن
دیرے باوہ تہ پارے کنا دشمن آدم ذات ئے۔

مار پارے اگہ آدم ذات نیکی کے باوہ تہ پارے نیکی نابل نیکی ئے۔

پارے کنے آدم ذات کس بندی گری آن خلاص کرے ایس۔ باوہ تہ پارے الہ آدم ذات
ہرادے مار پارے او پیشن سلوک ئے باوہ تہ پارے اونٹو داخہ در بھلونیک کس کرے اودے

انتے پشن الاس زوئس تھئی اتک تہ۔ دوشہ ہناسودا گر نامارے ایس۔ اومسہ دے اسکان اونا خدمتے کریر۔ ولدادوشہ غاتا بادشاہ پارے تہ اے آدم زات فی کثون نیکی کس کر لیس کنا مارے قید آن آجو کر یفیس۔ خواہ انتس خواسہ مار پارے ای ہچس خواپرہ۔

دوشہ غاتا بادشاہ پارے داڑے خیسن پیہن بھازے اخس ارفنگ کیسہ ارف۔ مار پارے نہ کنے خیسن پیہن بکار ارف۔ دوشہ غاتا بادشاہ بھازنگ کرے تہ۔ مار پارے جوان اگر ضد کیسہ تو دوئی نا چلوسے ہندادے اگہ کنے ایتسہ تو ایت۔ پین کنے گڑا ضرورت اف۔

دوشہ غاتا بادشاہ پارے ای دا چلوئے کسے تفرہ۔ داڑان بیدس پین انت گڑا اس خواسہ خوا مار پارے تہ کنے پین ہچ گڑا بکار ارف دوشہ غاتا بادشاہ پارے دا کنا ملکیت نے داڑان کنے فائدہ ارے۔

مار پارے جوان تفسیہ کنے گڑا ای کاوہ تینا کسرٹ دوشہ نامار پارے اے باوہ جان دا آدم زات کنا سہمے نے بچے اگہ نے دا چلو کنے آن زیات دوست نے گڑا ای ہم نیون سلیپرہ۔ ای ہم کاوہ۔

دوشہ غاتا بادشاہ مجبور مس دا چلوے سودا گر نامارے تس۔ پارے تہ دا چلو دہنو کر امانی و چلوئے کہ دادے دروئی ایت انتس خواسہ انتس پاسہ تہ او ہمون کیک۔ خیسن خواس پیہن خواس ارغ کتخ خواس ماڑی خواس ہراڑے پاس تہ ہموڑے سر کیک نے۔

مار ارفے دا چلوئے پدی سر ہلک ہنا ارا غاتا تینا لمہ تہ خناتہ پارے مل ہرانگ ہناس۔ مار پارے لمہ گڑا اس خل مچ کہ لمہ تہ پارے خل تے انت کیسہ پارے کنے کاریم کس خل تتون ارے او فک خل مچ کریر۔ ارا نا کنڈ سے آبیترتا مار چلوئے دروئی تس کہ داخل تے خیسن کرک۔ قدرت خدا نا دا غٹ خلک خیسن جوڑ مسر۔ لمہ تہ خیسن تے خنا حیران مس پارے بیشک بل نی دا عجیو چلوس اسینس۔ او ولد اچلوئے دروئی نے تس وڑ وڑ نا تام آک

مونا تہ بسر۔ لمہ تہ بھاز خوش مس منہ دے مار ہنداڑے رہینگا۔ ولد اسہ دے لمہ تے تینا پارے
 لمہ جان داغٹ خینک اریری نی ہنداڑے مرک ای داسہ کاوہ ہراوخت کچک وپشی تینے خسار تو
 نی او فتنے یلہ کیس لمہ تہ پارے مل داسہ اشکن کا سہ خدا ننے ہر گڑا تسنے مارتہ پارے لمہ نی کنے
 اجازت ایت کنا است چکر خواہک۔ لمہ تہ پارے جوان مل او ہناروانہ مس۔ خلسا پر غسان
 نس جاگہ نس دے نس پین جاگہ نس مر سہ مر سہ ارامسہ تُو آن گڈ ہنا سہ بادشاہی سے نی سر
 مس او ہندا بادشاہی ٹی چرینگا۔ غٹ دکا نک یلہ و سامان آن غٹ دکا نک پُر و۔ مگہ بندر غنا
 بولی اف ای ٹی تہ او حیران مس کہ دا انت قصہ سے چرینگسہ چرینگسہ ہنا سہ ماڑی سے آماری
 ٹی تہی پترینگا خنا کہ اسہ زیبا و پری سے تو سنے۔ پری نا نظر مار آتما او اسہ وارمخا ولد اہو غا۔
 مارارے ای آن تہ کہ اے نازرک آپری نے انت ویل نس ہلکنے نی کنے خناس اول مخاس
 ولدا ہو غاس۔

پری پارے ای بھاز وخت آن گڈ اینو اسہ آدم زات نس خناٹ تو خوش مسٹ ای
 خناٹ ولدا کنے دیویات بس ای ہو غاٹ پری تینا قصہ تے کرے پارے کنا پن نیلم پری تے
 دیوس کنے خنا کنے عاشق مس کنا باوہ نا بادشاہی تے چٹ کرے داغٹ بادشاہی تے بڑی
 بانگ تے داسہ دیو نے خنا نے ہم کنیک مار دے آن نیلم پری تون ملاقات کر یکہ شام خوک
 تما کہ اوہنا کہ جاگہ نس تینے ڈھکا کہ۔

اسہ دے مار پری تے پارے اے گودی ای داسہ دیوینا کاٹم تے کنیوہ نے داکان آجو
 کر لیفوہ۔

نیلم پری پارے تہ او بھاز زور آورے دیو کسے نی آدم زات سے اس او دیوے نی
 امر کسفس دہن مف کہ او نے نسخاں ایستے گڑا کنا انت مرو۔ مار پارے داسا نے آن بیدس
 کنے اسل آرام بفلک۔ نے آن بیدس کنا زندنا چو مقصدس اف نے آن بیدس کنا زندبے

بے مروئے۔ نی داسہ اسل بے غم مہ اسہ دے دروازہ ناسہ پلک نُس ملا۔ ایلو پلک نانچ آن
 تینے ڈھکا۔ دیونابنگ ناوخت مس اوز غم ئے دوئی کرے دیونابنگ نا انتظارے کرے دیونا
 توارس آدم زات ناگندے آدم زات ناگندے دیودروازہ غان تہٹی پترینگا مار خنادیوئے
 اوچغل تس زغم ئے دیونابیہاٹ مس اوتمالتری خلک کسک۔

مار دیوناکاٹم ئے تڑے درے تہ نیلم پری ئے نشان تس تہ نیلم پری خنادیوناکاٹم
 ئے اوخوش مس سوداگر نامار او نیلم پری مجلس کریر۔ ولدان ننکان آرام کریر۔ صحتون سودا
 گر نامار ہنا کہ شکار کن شام آشکار تے ارفیکہ پدی بسکہ دافک ہنداڑے خوش اسرہ۔ اسہ
 دے نیلم پری پارے تہ داوڑا مرزندے گدریفون نی اسہ جاگہ سے آن ملاس اس ات اوئا
 نکاح ئے خوانے سوداگر نامار چلوئے ڈراتس کہ فلان جاگہ غان ملا اس ات۔ جٹ سے ٹی
 اُرا کہ ملاسر مس ملا پریشان اس کہ دا انت قصہ نُس مس کنتو اوخنا سوداگر نامارے سوداگر نامار
 پارے نی بے غم مرک نن نے ہیچ نسخان تفنہ نی ننا نکاح ئے خوان گڑا ای نے پدی نا جاگہ غا
 سر کر فیوہ۔ ملا نا است ئے ٹیک بس۔ اودا فتا نکاح ئے خوانا مار ملانا خیری ئے خیسن آن پُر
 کرے ملا خیسن تے خنا حیران مس سوداگر نامار پارے تہ خن تے تینا تر کرک۔ اوچلوئے
 دروئی تس کہ دادے ہرا جاگہ غان ایسنس۔ دادے پدی ہے جاگہ غا سر کرک جٹ سے ٹی
 ملا پدی ہنا تینا جاگہ غا سر مس۔

اسہ دے نیلم پری ہنا دریاب آ او ہموڑے بے شولا تیج آتے جان آ کرے اوئا
 خیسن نار س نُس اس خیسن نادا ارس اوئا دو آن تہا دریاب ٹی۔ پری پروا ہم کتو کہ دا ارس
 تہا۔ بادشاہی ٹی پین خیسن نار س بھازے اُر قدرت ئے خدا نادا ارس ئے اسہ مچھی اس کیدا
 مچی دریاب نا ایلو کنڈا ہنا ایڑے اسہ مچھی ہلو کس اس اوئا جار کشکا او ہنا اسہ نیار ی نُس خنا
 پارے تہ لمہ نی کنے دسک اس ایت ای تینا جارے تقیوہ اولیکو وار جار ی اخس مچھی بسر افک

ناؤ نیاڑی پارے جوان اوتس تہ دسک نُس داتینا جارے تھے جارے بٹے دریاب اٹ دس
آتے تینا کرے جارٹی بیرہ اسہ مچھی نُس بس پین بھاز وں کرے مکہ جارٹی پین مچھی
بتو۔ شام تما او ہندا مچھی ئے ار فے جھگی نار ہی آبس پارے لمہ ای جارے بیٹ وں ہندا
اسہ مچھی جارٹی بس ای پین وں کریٹ مکہ پین مچھی جارٹی بتو۔ نیاڑی مچھی ئے ہلک ای آن
یہ مچھی والا تینا کسرٹ ہنا۔

نیاڑی مچھی ئے اُرائی درے سلا صفا کرے تہ پڈے تہ چیرا قدرت خدا نا مچھی نا
پڈان خیسن نا ارس پیش تما۔ او مچھی ئے بسے ارس ئے خیسن نا تما۔ نیاڑی نارغ بس او ارغ
ئے تینا پارے غریب اینو دہنوقصہ نُس مس۔ کنے مچھی ہلوکا اسہ مچھی نُس تس ای دا مچھی ئے
سلاٹ صفا کریٹ پڈے تہ چیراٹ تو مچھی نا پڈان دا خیسن نا ارس پیش تما۔ دا ارس نئون
زیب ہم کپک۔ دادے درک بادشاہ ئے ایت اوڈان گڑاس ال و بر۔ ارغ تہ خنا ارس ئے
ارس خیسن نا اس او ارس ئے ار فے۔ نن گدرینگا صاحب نئون او ارس ئے ار فے سدھا ہنا
بادشاہ غا بادشاہ کچاری ٹی تو لوک نُس خنا دادے پارے بہ غریب خدا تے نے اینو امر رد
کریس۔ او پارے خواجہ دہن درو دریاب آن اسہ مچھی نُس ننے دو بس او نا پڈان دا خیسن نا
ارس پیش تما۔

کننا زامیفہ کنے پارے نن غریب اُن دا خیسن نا ارس نئون زیب کپک دادے
درک بادشاہ کن ٹیکی خواجہ ای دا ارس ئے نیکے ٹیکی ایسٹ۔ بادشاہ خوش مس پارے دادے
انعام ایتو۔ اودے انعام تسر۔ ولد بادشاہ پارے تہ غریب دا ارس نا گودی ئے پیدا کرک۔
اسے پارے بادشاہ سلامت ای اسہ غریب ئے اٹ دانا گودی خراف دیرے ای
دادے مچھی سے نا پڈان خناٹ ای دانا گودی ئے ہراکان پیدا کنگ کیوہ۔ بادشاہ تنگ
کرے تہ وزیر بادشاہ ئے پارے خواجہ دا غریب ہراکان دانا گودی ئے ہتنگ کیک۔ داڑکن

اسہ بلہ نس مکرئی وراہی کرک اودا گودی ناڈس ءے ہتنگ کیک۔ بادشاہ پارے جوان۔ غریب
 پدی ہنا۔ بادشاہ پڑو کرے کہ ہرکس دا ارس نا گودی ءے ایس ای اودے خیسن پیہن اٹ
 تول کیوہ اسہ بلہ نس بس پارے خواجہ ای دا ارس نا گودی ناڈس ءے نے اتیوہ۔ اودا گودی ءے
 نے اسکان سرکیوہ او بادشاہ ءے پارے خواجہ نی کنکن اسہ بالی ءے پینگوئس جوڑ کرف۔ ای دا
 پینگوئی خیسن نا ارس نا گودی ءے اتیوہ بادشاہ اسہ دم خواہفے پنی آ تراکانڑ آتے او فک اسہ
 ہندو پینگوئس جوڑ کریر۔ کہ اونا اسہ پیچ ءے کس سرفیکہ تو اوبال کریکہ۔ ایلو پیچ ءے اگہ سرفیکہ تو
 او پدی شیف ڈغار آسکہ۔ بلہ ہندا پینگوئے ار فے پیچ آتے تہ ہیل کرے۔ پینگوئی تو س بالی
 آ پیچ ءے تہ سرفے۔ پینگو بال کرے۔ او ہندا دریاب نا ایپار آ بلی پینگو نا ایلو پیچ ءے سرفے
 پینگو شیف مس۔ بلی بالی آ پینگوئے اسہ جاگہ کس ڈکا۔ جند تہ تینا کاٹم ءے بوڑ کرے۔ ہندا
 بادشاہی ٹی پیری کرے۔ او ارا کہ داڑے بندغ نابولی اف۔ او اسہ ماڑی کس خناسودا گرنا
 مارپشن شکار کن پیش تماس۔ بلی ہندا ماڑی ٹی نالیسہ پیہا پری کہ بلہ نانا لہ ناتوارے بنگ
 او اراغان پیش تماخنا کہ اسہ بلی کسے پڑہ غاک تہ بوڑو۔ پچاک تہ ربڑٹ لوڑوک و او پارے
 بلہ غریب نے خدا ہراکان ایس۔ داڑے تو چک سنا بولی ہم اف۔

بلی پارے نن آغوٹ سے ٹی جاگہ کس ہنا نہ آغوٹ ننادیرئی بڈینگا۔ ای کلئی سے
 ٹی تینا ساہ ءے پچھیٹ داڑسکان سرکریٹ تینے۔ ای داڑے بسنٹ اگہ کنے الیرے خدانا
 پنٹ باخوئس ایترے کنے تو ای نا خدمت ءے کیوہ ہنداڑے رہینگوہ اگہ الپیرے کنے تو ای
 ترڈوہلسہ کاواسہ کسرکسے سٹ خبراف بچو یا کہیو۔

پری پارے نی توٹل کنا ارغ شکار آن برے ای اوڑان ار فیوہ اگہ اونے داڑے
 الا توٹھیک ءے اگہ نے الیوگڑا غریب نے داکان ہنوئی تمک۔

شام آ ارغ تہ بس دابلہ ءے خنا پارے دابلہ ءے ہراکان ایسنس داننادشمن مریک۔

نیلیم پری پارے دا غریب ناسیال عزیز اک غٹ دریاب فی ڈب ہلکو دالمی
 غریب نا جان بچانے اوکھئی سے اٹ تینا سہہ ئے پھینے۔ مرے مسکین داڑے اسہ چندس
 ارغ ناکنیک نے آن اتھس ہلیک۔

ارغ تہ پارے دا پگہ ناکنا جان نناد شمن جوڑ مریک پری زور شاغا ای آتہ۔ سودا گرنا مار پارے
 جوان اگہ نا ہندا منٹائے گڑا مرے ہنداڑے مگہ بلہ ناکر آتے آن خیال کیس۔
 دہن مف تنکے مصیبت کس بش کے۔

پری پارے نہ خواجہ دہنو ہیئت کس اف۔ بلہ ہنداڑے ہفتہ کپ اس رہنگا۔ او گودی نا بھاز
 خیالے لتھا کہ۔ گودی ہم بلہ توں است ہلک گودی نا ارغ چوہ شکار کن ہنا کہ تو بلہ توں گودی نا
 وخت جوان گدر ینگا کہ۔

بلہ ارا کہ وختس ہم شہزادہ دو آن تینا چلوئے اسل کشپک او پہہ مس دا چلوٹ ضرور راز کس
 ارے۔

او اسہ دے پری ئے پارے گودی نا ارغ نادوٹی امروزیباؤ چلوئے۔ نی وختس ہمو چلوئے
 ال ای آن تہ۔

نیلیم پری اسہ دے ارغ ئے تینا پارے دا چلوئے چڑہ فی تینا دوٹی کیسہ دا چلوئے
 کنے ایت ای دادے تینا دوٹی شاوہ ارغ تہ پارے ننادا حیثیت ہندا چلو نا سوب آن ئے دہن
 مف دا چلوئے فی گم کیس تنکے مصیبت کس برے گودی بھاز ضد کرے سودا گرنا مارے زایفہ
 تہ است متو او چلوئے زایفہ ئے تینا تس پارے تہ دانا خیالے کیس نو اکس ئے اتھوس تہ
 زایفہ تہ پارے فی بے غم مرک ای دا چلو نا بھاز خیالے تخیوہ۔

بلہ خنا کہ گودی چلوئے ارغ آن تینا ہلکنے۔ او ہندا چلوئے وڑے اٹ گودی آن ہلنگ کن
 سوچ کرے۔

اسہ دے سودا گر نا مار ہنا شکار کن بلہ گودی ئے ارفے درے دریاب نا
چکر آ۔ گودی داسہ بلہ غان اسل ہرز کتو کہ۔ او بلہ غا باور کر یکہ کہ دانیک و بلہ ئے گودی
دریاب نار ہی آ کاٹم مشا او چلو ئے بلی ئے تس کہ دہن مف چلو دو آن کنا تمے بلی پیگو ئے
ڈکاس او دانگ اینگ چکر کر سہ پیگو ئے پس پارے گودی داڑے اسہ ای پیگو ئے خناٹ
گودی ہم پیگو ئے خنا حیران مس۔

بلی پارے برک گودی دا پیگو ئے تولن نیلم پری پیگو ئے توس بلہ ہم بس رہی آتہ
پیگو ئے توس بلہ چم ئے اٹ پیگو نا بلی آ پیچ ئے سرفے پیگو بال کرے۔ گودی داسہ پریشان
مس او پہہ مس کہ بلی کتون درو کرے۔ چلو ئے ہم کنے آن درے او افسوز کرے کہ ناحق
ای تینا ارغ نا پتے ہلتوٹ۔ دابلہ نا مکر آتے ٹی بسٹ۔

بلہ پیگو ئے درے بادشاہی ٹی۔ ایلو پیچ ئے تہ سرفے پیگو شیف مس مالات ٹی۔ بادشاہ ئے
ساتما کہ بلہ پدی بسے او تینون خیسن نا ارس نا گودی ءہم ایسنے بادشاہ ءاست وارتو او او پیش
تما بلہ خنا بادشاہ ئے پارے تہ بادشاہ سلامت دانا امانت ئے ہمو خیسن نا ارس نا گودی
ئے۔ پری ئے داسہ ساتما کہ ہمو خیسن نا ارس اوڑان دریاب ٹتما۔ او بادشاہ ئے وڑے
اٹ دو بسے۔ داسہ بیدس ارمان آن او پیچ کنگ کتو کہ۔

بادشاہ نیلم پری نا زیبائی ئے خنا حیران مس کہ بیشک روئے زمین آ نیلم پری نا
مٹ ہلو کہ او نیلم پری ئے مالات آ راہی کرے بادشاہ شام ستون جوان کلف خلک دستار آتینا
کتابی آ پچا تے مینا جوان جوڑ کرے تینے خن تے سرمہ کرے بائے مسواک کرے کشکی آ
موچڑی تے مینا۔ ہنا نیلم پری آ نیلم پری خنا تہ اسہ وار چیمانٹ کس خلک پارے خبردار کنا
رہی آ بقیس اگہ بس اسہ خنجرس سینہ ٹی نا خلیوہ یا تینے خنجر کس خلیوہ ایفتا ارغک کہیرہ او ہم
چار تودہ دے عدت اٹ ترلرہ۔ کنا ارغ زندہ ئے نی کنے دروٹی ارفیس ایس اگہ سال

سکان کنار غبٹو گڑا ادا کنا قسمت ولدانی کنے نکاح کر لیس کنے بچو اعتراض کس مفروئے۔
 بادشاہ پارے جوان ای سال کس ہم انتظار کیوہ الے دافتنے الہن سودا گر نامار
 آن او شکار آن پدی بس دانگ اینگ ارامگہ زانیفہ ناتہ ڈس وید ہلو کہ نہ ملی خنزگا کہ۔ او پہہ
 مس کہ دابلہ نٹون درو کرے زانیفہ ئے کہ چم کسے اٹ داکان دروٹی درینے۔ او ہموڑے
 توس حیران مس کہ داسہ انت کیو۔ چلو ئے ہم گودی دریسس ای آن تہ۔

ایڑے پیشی وکچک چکنگ اٹ تمار۔ سودا گر نامار نالمہ ئے مارنا ہیست یات بس کہ
 وختس اگر پیشی وکچک تینے دانگ اینگ چکار گڑانی یلہ کیس تاچٹ آتے تاملس لمہ تہ پیشی و
 کچک ناچٹ آتے ملا او فتنے یلہ کرے۔

کچک و پیشی پیش تمار ہلکر کسرے دا اشاراے شارگوئی کرسہ نیٹ بسر ہموشارٹی
 ہراڑے سودا گر نامار کس۔ مارخنا تا پارے بسرے مست ساہداک ہم ہیست کریرہ۔ پیشی وکچک
 پاریرا خواجہ ننے ساما کہ نے ویل کس ہلکنے۔ نن تینے نے اسکان سرکرین اواریفیر کہ خواجہ
 آخرانت مس نے۔

مار پارے دہن اسہ ملی کس بس کنا زانیفہ ئے چلو تون اوارد رے داوڑ کتون چم کس مس۔
 بیدس چلو آن ای داسہ ہچ کنگ کپرہ۔ کچک او پیشی پاریرا خواجہ فی ننے پا کہ داسہ نن انت کین۔
 سودا گر نامار پارے داسہ کنے آن ہچس ہم مفک نم کنکے گڑاس کبولد پارے تا
 ای گودی تون نماذ کرے کرینٹ اودے پارینٹ کہ وختس نوا کنے سختی کس ہلے تو کچک و پیشی
 کس بسر گڑا او فتنے حوالے ایتس کچک و پیشی پاریرا تیکے ہفتہ سے نارغ کرک۔

سودا گر نامار ہفتہ سے نارغ کرے ای کن تا او فتنے کچک ناخ ٹی تھے پیشی و
 کچک پیش تمار۔ داڑے ایڑے ہنسہ بسر دریاب ئے خنار کچک تینے دریاب ٹی بے پیشی
 درک تس نج آتہ سوار مس کچک تار خلسہ خلسہ دریاب آن ای پار کرے تہ۔

ہنار مستی جاگہ کس شارخوک مس۔ پیشی کچک نے پارے فی ہنداڑے اڈ کرک ای
کاوہ گودی ناپدرندے خلیوہ پیشی ہنداڑے ایڑے تینے ڈھکسہ کریک۔ ہنا مالات آسر مس
اوڑے دابامب اے بامب آدرکا کہ او میاؤں میاؤں کرے۔ گودی ماڑی ٹی تو لوک اس او
بنگ پیشی ناتوارے اسہ دم گودی ناست آبس کہ کنا ارغ کنے پاریس کہ اودے وختس سخت
ہلک پیشی وکچ کس اوڑا برور۔ او فتنے سنبھالس۔

اودے شک مس کہ داہمو پیشی نے دانگ اینگ کنے پٹنگ ٹی نے۔ او خنا پیشی نے
قرار سے آتوار کرے تہ پیشی گودی ناتوارے بنگ اوشیف دژنگ۔ گودی چو کری نے رپی کس
تس پارے ہن بازار آن سودا کس ال بہ۔ چو کری رپی نے ار فے پیشی تما گودی توار کرے
پیشی نے۔

پیشی پارے اے گودی ای تینے کلئی سے ٹی نے اسکان سر کریٹ گودی اڑے کہ نا خواجہ نا
انت حال نے۔ پارے خواجہ نا حالیت بھاز خراب نے۔

پیشی اڑے کہ چلو نا حوالے ایت کہ چلو نے انت کریس۔ گودی پارے چلو بلہ تون نے۔ بلہ
چلو نے چم سے اٹ کنے آن درے۔ او چلو نے ڈھکانے۔ داسہ فی وڑ سے ٹی چلو نے ودی
کرک گڑا کنے آبرک۔

پیشی بلی نا اڑا نا ڈس نے ار فے دابلی نا اڑا نا ڈس نے تس تہ فلان کنڈ ٹی بلی نا
اڑا نے۔ پیشی پیشی تما پٹسہ پٹسہ ہنا بلہ نا اڑا نے خنا۔ او بلی نا پٹنگ آتے پٹا دانگ اینگ نظر شانا
ولے چلو نظر بتوتہ۔ سوچ خلک داسہ انت کے اودے اسہ ہل کسے نا کوڈ نظر بس او ہنا ہندا
کوڈ تار ہی آپس تس تینے۔ اسہ وار ہل کس پیشی تما پیشی جب کس خلک ہلک ہلے۔ ہل پارے
کپیس خانہ خراب کنپیس کنے ای ہل تابا دشاہ نا ماراٹ کنا برام تیارے اگہ کنے کنکس تو غٹ
بندوبست آک خراب مریرہ۔ فی پانے انت کس ضرورت نے۔

پشی پارے سنا گودی ناسہ چلوئسے اودا بلی تون ے ای مچ آ ارے پناٹ کئے چلو دو بتونی
اگہ چلوئے پیدا کر لیس ای نے آجو کیوہ کنپرہ نے۔ اگہ چلو ملتیو گڑا ای نے کیوہ۔

ہموہل تو ار کرے صد آہلک پیش تمار داہل پارے تابلی نأ ارے پٹیو۔ داوڑنا چلوئسے اودے
پیدا کبو۔

داہلہ سر بلہ نأ ارے ٹنگ ٹنگ کریر۔ ہر گڑاے تہ شتار پٹار چلو ناہچ ڈس ملتیو تا۔ غٹ ہلک
پدی بسر ہل خناتا پارے غٹ نما بسرے اے پاریر او غٹ نناہسن۔ قیزی آہل ار فے الہ چلو
ہرادے۔

ہلک پاریر تہ چلو نا درک اف۔ اسہ ہل ئس ہکل کرے پارے ننا اسہ لنگ و سنگت
ئس ہنارے۔ اودا سکان پدی بتنے۔ نوا اودے چلو نا ڈس ملے۔ ہنداڑ تون ارار اسہ ہل ئس
لنگ کر سہ بس۔ اونا باٹی پٹنگ ئسے۔ اوپشی نامون آہے تہ۔ پشی پٹنگ ے ملا پٹنگ آن
چلو پیش تما۔ پشی ہل ے یلہ کرے پارے نی کنا کاریم ے کر لیس ہل یلہ مس او ہنا کوڈی تینا
پشی ار فے چلوئے درے گودی ے تس گودی چلوئے شانا ہورٹی تینا گودی ار فے داسہ
انت کیسہ پشی پارے مونی نا کاریم ے۔ چلوئے انت حکم ئس ایتس ہندن مریک۔ ولدا پشی
پارے تہ۔ کئے گڑا اس سوئنا ٹکرا بیت ای کچک کن دیو کچک لنگڑے گودی تس تہ ران ئس ران
ے پشی نا لئح سٹی تھے پشی ران ے ار فے پارے گودی نن داسہ خواجہ غا کا نہ پشی پیش تما ہنا
کچک آ۔ کچک خناتا ار فے کہ امر کر لیس۔ پشی پارے ای گودی ے خنات چلوئے ہم گودی
ے تسٹ۔ او ہمو ران ے کچک ے تس کچک بیگن ئس کنگ سیر کرے تینے۔ پشی کچک ے
پارے نی ہنداڑے اڈ کرک ای کا داسہ وار گودی ے خنات پشی داکان ایکان ولدا گودی آسر
کرے تینے پارے تہ گودی داسہ نی چم سے اٹ بادشاہ ے پای نے برام کیوہ گڑا نی بلہ ے
بادشاہ وزیر وکیل نامسن تون خواجہ اسکان سرکیس۔

پشی داہتاتے کرے پدی ہنا کچک و پشی پدی ہنار خواجہ غاے ار فے ای آن تاکہ امر کریرے۔ گودی ناڈس نغے ملا۔ پشی غٹ قصہ ئے کرے ای تون تہ پارے داسہ گودی بلہ ئے بمعہ بادشاہ وزیر وکیل نامسن تون نے اسکان سرکیک۔

ایڑے نیلم پری بادشاہ غا کلہورا ہی کرے کہ ای داسہ نے تون برام آراضی اٹ۔ کنابرام آنا مسٹر وزیر وکیل و میر معتبر آتامسک و زائیفہ غاک بریر۔ بلہ کنتون بھاز جوانی کرینے۔ اودے ضرور کنابرام آاتیرے۔

بادشاہ گودی نا کلہوئے بنگ بھاز خوش مس او نا استے نیلم پری نازیبا ئی مالو آن دریس۔ او حکم تس کہ کنابرام مسٹر وزیر، وکیل نا و میر معتبر آتامسک گودی آکار اودے بیر فراو بلہ ئے ضرور دیرے اٹکن گودی بلہ کن خاص کلہورا ہی کرینے۔

بادشاہ خوشی آن حکم تس کہ برام ناتیارے ئے کبویک دم برام ناتیارے یک شروع مسر بادشاہ وزیر وکیل نامسنک او معتبر آتامسک غٹ حنام نانن مچ مسر۔

بلہ ئے سہما تہ کہ گودی کنکنے خاص کر کلہورا ہی کرینے او تینے جوان جوڑ کرے چلم ئے ار فے تینے سر کرے۔ غٹ تا گودی نا ماڑی آچ مسراو فک ہموڑے دیرہ خلک رہ گودی چم ئے اٹ کوٹھی نادر گہ ئے بند کرے۔

گودی نن نیمہ غا چلوئے دروئی تس کہ نن فلان جاگہ غا سر کرک ہندا ماڑی ڈغاران کشکنگا۔ سیدھا ہے بادشاہی ٹی شیف مس۔ مجلس شروع ئے کس ئے ہم سہما تہ کہ نن تینا جاگہ غافن۔

صحب کہ تما ملار در گہ نا کڑی ئے خن تے موشکسہ پیش تمار مار خانہ خراب دا تو اسہ پین جاگہ ئے۔ اے بادشاہی انت پاریکہ دا بادشاہی انت پانک۔ دافے آڈغار کٹا۔ ہر اسٹ شروع کرے یا حسین ئے۔ پری پارے تاکس نما خلیپرے نغے کس ئے چچ پاپرہ انش

کروئی مس بلہ تون کیوہ۔ سودا گرنا مارا فے زغم ئے بلی ئے ٹکر ٹکر کرے بٹے۔
 الہن بادشاہ غان صاحب ستون اوار فے تو پاریرتہ کہ گودی غٹ مسک بلہ تون اوار ڈغارنا ٹکر
 بمعہ ماڑی تون اوڑے اف۔ بادشاہ دایستہ بنگ او حیران مس۔ داڑے ایڑے پٹار بچس
 خٹور پیش تمار بسر دریاب آگاٹ والا کہ اوبادشاہ تون کشتی ٹی تو سر دریاب آن ایپار ہنار۔
 ایڑے سودا گرنا مار دور بین کرے اُرا او بلی بادشاہ تینا گاٹ والا تون بنگٹی ئے۔ مار کشا زغم
 ئے اوگاٹ والا تے خلک۔ گڑ اس تاکس گڑ اس تا زرار اوبادشاہ ئے دز گیر کرے۔ بادشاہ
 خلیس کہ داسہ مار کنا ہم لُخ ئے خلک سودا گرنا مار پارے بادشاہ ئے فی خلیپہ ای نے خلیہ۔
 بادشاہ پارے انتے دہن کر لیس۔ سودا گرنا مار پارے ای انت کر یٹ تینا
 کروکاتے فی کر لیس۔ نامنہ بندغ کسکر فی کنا خانہ ئے خراب کر لیس کنا زایفہ ئے داکان
 بلہ نادواٹ پریفیس۔ بادشاہ پارے کنے آن بھلو غلطی مس کنے پین دوار تو بہ ئے کہ دہنو غلطی
 کیو۔ مار پارے جوان اسہ کاریم کس کرک بادشاہ پارے داسہ انت پاسہ۔ سودا گرنا مار
 پارے ای نے آن پین ہیچ خواپرہ۔ دابادشاہی ٹی دنیا نا ہر گڑارے ای داسہ دابادشاہی ئے
 آبادکنگ خواوہ۔

بادشاہ پارے بے شک داکنا کاریم ئے مار بادشاہ ئے یلہ کرے بادشاہ تینا
 بادشاہی آکلہورا ہی کرے ایکان درا کانڑ، زرگر، مستریک بسر۔ بادشاہ تینا مسٹرء ہم سودا گرنا
 مارء براہم تس۔ نیلم پری تون ہرامسک براہم نانن اسرہ او فک پدی تینا اُراتیا ہنار۔ بادشاہ ہم
 منہ دے آن گڈ دافقان رخصت کرے ہناتینا بادشاہی آ۔

سودا گرنا مارنا بادشاہی آباد مس سودا گرنا مار داجا گہنا بادشاہ مس سودا گرنا مار چلوئے دروئی تس
 کہ کنا لمہ ئے داڑے سر کرک۔ جٹ کسے ٹی لمہ تہ سامان تون داڑے سر مس لمہ تہ مارے تینا
 خنا بھاز خوش مس لمہ مارے تینا ملخڑ آتے خنا شہزادی او نیلم پری ئے خنا بھاز خوش مس نیلم پری

اوشنہادی تینا بلغہ خنار اوہم بھاز خوش مسر۔ سودا گرنا مار داسہ مُلک سَناباد شاہ مس بادشاہی
 ناہرا مخلوق کہ دیونا خلیس آن پین تین ہناسر او فک بنگر کہ دہن بادشاہی ولدا آباد منے۔
 او فک پدی بسر سودا گرنا مار او زایفہ غاک تہ ہموڑے خوش اسر۔ نن چٹان پٹان ایمان نا
 مکر مس کٹان۔

نیکی ناپد نیکی ے

اسہ خلق ے ٹی اسہ غریب کس اس او غریب صحب ننا اراغان پیش تما کہ ہنا کہ
پاٹ کر یکہ ایسکہ شارا بہا کر یکہ تا۔ نٹ چاء ناپن گڑ ہلککہ۔ پدی اراغانا بسکہ۔ اونا گذران
ہندن مسکہ اسہ دے او کسر سے آن گدرینگا کہ ارا کہ بھلو مال ے نا گیڈ ے دا گیڈ میل تالڈ
آن پڑے۔ او است ٹی سوچ کرے صحب ننا خیر نصیب بریوہ دالڈ آتے مچ کیوہ دیوہ سودا
کیوہ تا تا کہ منہ دے ننا گذران مرے۔

صحب تما پائی آا مبل تینا گڑا تے بیش آتھا ہنا۔ ہمو گیڈ آرا او بلی اسہ بھلو دوشہ
ے گیڈ نانیام ٹی خاچانے۔ پائی آ غریب حیران مس داسہ انت کیو۔ او چائس کہ دادوشہ کنے
الپک۔ او کشا با کس ے ہندا گیڈ ے چارمہ کنڈ خاخرتس خاخر دیسکہ جھلائی کرے دوشہ ے
بانی ہشا۔ او سما کرے خنا کہ اونا چہارمہ کنڈان خاخر لکنگ ٹی ے۔ او چپ راست ہلمہ
کرے مگر زنگ کن بچو کسر س خفتو۔ او چائس کہ جٹ سے ٹی خاخر اوڑے سر مر یک اودے
ہشک مست ناز مانہ راستی ناوخت کس ساہدارک ہم ہیت کریرہ۔ ہنداڑے او توار کرے کہ
خدانا نیک بندغ کس ارے کہ کنے دا خاخر نانیام آن بچے۔ ہندا کان اسہ ہلی سوارس
گدرینگا کہ۔ بنگ دوشہ ناتوارے او بس ہمو گیڈ ننا ہی آ۔ او ہلی آن دڑنگا او خوجین ے کشا
۔ او چھڑی ٹی خوجین ے لڑونج کرے۔ دوشہ زو کس خوجین اٹ پیہا ہلی سوار چھڑی ے پدی
چکا خوجین ے خاخران کشا۔ دوشہ خوجین آن پیش تما۔ ہلی سوار خوجین ے ہلی آتھا جندہ ہلی آ
سوار کس۔ کہ سر ہلے دوشہ مدان آتے ہلی سوار ناناخ ٹی پیڑا ہلی سوار ارے کہ داسہ انت مس
نے کنے الے ای کاوتینا کسرٹ۔

دوشہ پارے ای داسہ نے امرالیوای نے کدیوہ ہلی سوار آڈ غار کٹا۔ او پارے خانہ خراب ای تو
نیتون نیکی کریٹ۔ خاخرٹی ہشنگ آن پچیفیٹ نے داوختسکان فی ہشدگاسہ کسکسہ۔ نیکی
پدی نیکی ۛے۔

دوشہ پارے نہ نیکی ناپدبدی ۛے۔

ہلی سوار پارے دا امرمتگ کیک نن اینواسکان دا بنگلنن کہ نیکی ناپد نیکی ۛے دوشہ پارے
انسان آتاخوک نیکی ناپد نیکی مرو۔ ننادوشہ غاک ہروخت نیکی آن پدبدی کینہ۔
ہلی سوار پارے اسیوارکان کس سے آن اریفین۔ کہ نیکی ناپد نیکی ۛے یابدی ۛے۔ گڑاواکان
پدانت نامشا۔

دوشہ پارے جوان او فک داکان مستی ہنار۔ خنار اسہ بھلو گھر سے ہنگٹی ۛے۔ گھر نارندٹ
اسہ پیر و مرئس مدان مدان دکہ الیہ ہنگٹی ۛے۔

ہلی سوار ار فے ای آن تہ کہ نا بھلو عمر سے فی دنیا ۛے خناس فی نن اسہ ہیٹ سے ناوردی
ۛے ایت مر پارے زوئس پابو کئے دہن مف گھر کئے الے کائے ای داڑے تیناسلو۔

ہلی سوار پارے فی نن داپا کہ نیکی ناپد نیکی ۛے یابدی ۛے۔ ہمیرکان مر توار
کرے پارے نیکی ناپدبدی ۛے ہلی سوار مر نناداپتے بنگ اوڑاڈ غارتین مس۔ کہ داسہ دوشہ
کنیک کئے۔ اوار فے آخرانت کن نیکی ناپدبدی ۛے۔ نن تو ہروخت داپتے بنگلنن کہ نیکی نا
پد نیکی ۛے۔ فی تینا قصہ ۛے پا کہ اتلکن داپتے کریس۔

مر پارے قصہ دادے دامال ہنگٹی ۛے۔ داغٹ کنا نواسہ کڑا اسہ غاکو۔ ای داسہ
پیر مسٹ۔ شوان کنتو ہندا جوانی ۛے کرینے وخت وخت بے مون آکنا شاغک ای وختس
سیر وختس لنگڑ تینا زندے بھاز بد حالی اٹ گدریفنگ ٹی اٹ۔ دا کھرے خیرے دا فک
کارہ دیر آسر مریرہ او فک دیر گنیرہ راہی مریرہ گڑا ای دیر آسر مریرہ او فک بھاز مر اسکان کارہ

ای مجبواٹ ملاس رندٹ تا کاوہ کہ دہن مف کئے تنیا لڑ۔
 ای نہار کسے ناگواچی مریو۔ کنا دا حال ے ای داخہ در نیکی کریٹ مگہ کثون نیکی نابدل اٹ
 بدی متنگئی ے۔

دوشہ ہلی سوار ے پارے داسہ تیار مرک ای کنیوہ نے اینوہ مرہم پارے نیکی ناپد بدی ے۔
 ہلی سوار ارا کہ قہرس تمے ای آتہ۔ دوشہ کئے جائی کنیک۔
 او پارے کان مستی پین کس سے آن اریفن۔

او فک سر ہلکر مستی ہنار دیر کسے نابغل آخنار اسہ بیر کسے بیر ناپناک شروک اسر۔ لڑک تہ پینوک
 اسر۔

ہلی سوار توار کرے ای آتہ۔ کہ فی ننے اسہ ہیٹ کسے ناورندی ے پابیر نا توار کئی سے ٹی بس
 پارے ارفوہ نے انت ویل کس ہلکنے۔

ہلی سوار پارے فی داپا کہ نیکی ناپد نیکی ے یا بدی ے۔
 بیر نادرخت پارے نیکی ناپد بدی ے۔ ہلی سوار آڈ غار گٹا او چا کس داسہ دوشہ کنیک کئے۔ او
 پارے دا امر متنگ کیک۔

بیر نادرخت پارے قصہ دادے ای خرن مسٹ کڑو کریٹ ای برم کریٹ۔ داسہ چناس
 بریک کئے ڈوک کیک شوان ہم بریک کئے لٹ اٹ خلیک۔ کسری کس ہم بریک کئے لٹ اٹ
 خلیک۔ کنکہ نہ برم الار نہ لڑ الار۔ کئے ٹلگر ٹلگر کرینو۔

ای اگہ برم کتوہ مخلوق ناپڈے سیر توبہ ای اوفتون نیکی کتوہ تو کس ہم کنا چکارے تختو کہ ای ثابت
 مسٹ۔ کنا پنا تے شواتورہ کنا لڑتے پر غتورہ ای مخلوق نالٹ آتے آن بچاٹ۔ ای اوفتون نیکی کریٹ او

نیکی نابدل اٹ کثون بدی کریر کئے برباد کریر۔
 دوشہ ہلی سوار آمون ہڑسا پارے بیر نادرخت ہم پارے نیکی ناپد بدی ے فی تیار مہ ای داسہ نے کنیو۔

ہلی سوار پارے اسہ کنے پین موقع نس ایت کان مستی اریفین دہن مف نی پدان ارمان
کروس۔

دوشہ پارے داجارنا ای نے گڈیکو موقع ے ایتوہ اگہ داوار کس نیکی نابدل بدی پارے ای
نے کنیوہ۔ ہلی سوار پارے جوان داہم کنا قسمت کان مستی او ہنار خلصا خلصا کسرٹ خنار
ملا سے۔ اینو پھگہ نا مخلوق پہہ مفک مست سناک شوک ے ملا پاریرہ۔

ہلی سوار توار کرے شوک آپارے ملا غریب نی راست راست پانکی ناپد نیکی ے
یابدی ے۔ شوک خندا دوشہ ے کہ ہلی سوار ناخ اٹ تیتے پیڑانے۔ اوپہہ مس کہ دوشہ نا
اُست ٹی دروارے۔ شوک پارے نیکی دریاب ٹی ہم گم مفک نی امر و سوال نس کر لیس۔

ہلی سوار پارے دانا سوب دادے دادوشہ تیتے کنابدن ٹی پیڑانے کنے پانک کہ کنیوہ نے ای
اوڑتون نیکی کریٹ او اسہ گیڈ سے ٹی گھٹ اس او نا چہارمہ کنڈان خاخر لگوک نس ای تینا
خوجین ے چھڑی ٹی لڑونگ کریٹ او خوجین ٹی پترینگا ای اودے خاخر آن کشاٹ ای
اودے خاخر اٹ ہشنگ آن پچھیٹ۔ داسہ کنے پانک حق بروای نے کنیوہ۔ ای پاوہ تہ نیکی نا
پد نیکی ے او پانک نہ نیکی ناپد بدی ے۔ نی داسانا فیصلہ ے کرک شوک پارے دا امر منگ
کیک۔ دا بھلا دوشہ دا خوجین اٹ امر جاگہ الیک۔ او اسہ وار ولد ادا خوجین اٹ کائے ای
اودے تینا خن تیٹ خنونی اودے خوجین آن کنا مون آ کشک گڑا ای نما فیصلہ ے کیوہ۔

اودوشہ ے پارے الے داناخ ے۔ دوشہ بے غم نس او ارا ارا وار مست مر او بیرنا
درخت پاریر کہ نیکی ناپد بدی ے شوک ہم ہندن پانک ہلی سوار خوجین ے بٹے دوشہ پیہا
خوجین ٹی۔ ہنداڑتون شوک کتی کرے ہلی سوار آ کہ نہ کشتہ تینا جانے دا کنیک نے۔ ہلی سوار
خلک ہلی ے چابک نس ہن کہ ہنو کا تا۔ دوشہ خوجین اٹ جٹس نس صبر کرے کہ داسہ ہلی سوار
کنے کشک ایسہ کنے کشک دیسکہ او خوجین آن کاٹم ے تینا کشا ارامش ہلی سوار نادرک اف

شوڪ مُر آسلوڪ ۽۔

دوشه شوڪ آتوار ڪر ۽ امرو جو انوشڪارس ڪنا اس ني نريفييس ٿي ٿي۔

شوڪ پار ۽ اوامرنا شڪار مس اونيتون نيكي ڪر ۽ ناسبه ۽ ٻچي۔ خاخران ڪشان ٿي ٿي۔

اٺ ٻي ايماني بس ني اوڙتون بدي ڪنگ خواهسه۔ اوڙ ڪنگ خواهسه۔ دوشه شوڪ ٿي ٿي۔

ڪنڌا جلو ڪر ۽ شوڪ نراهننا جنگل آ دوشه ارمان ڪر سه پدي تينا جاگه غاها۔ ملي سوار نا جان

شوڪ ناپايداري آن بچا۔ مناقصه هند اڙ ۽ چٽان چٽان پٿان ايمان نا لڪر ڪٿان۔

بادشاہ ملوک او گودی زیب النساء ناقصہ

خدا نا حکم اٹ اس اسہ بادشاہ کس بادشاہ خدائے خدا نا رسول ؑے دا زمانہ سازی او
 بادشاہ کس اس۔ بادشاہ نا پین ملوک کس۔ بادشاہ غان مخلوق تہ بھاز خوش اس۔ بادشاہ نا زانیفہ
 بھاز زیبائس۔ او نا پین زیب النساء اس۔ بادشاہ اودے دوستی آن زیو پاریکہ۔ بادشاہ ؑے
 تینا زانیفہ تون بھاز مہر و محبت کس۔ اسہ دے بادشاہ زیب النساء تون ہفت میکو مالات آسلوک
 اس او فک مالات آن شیف سیل کریرہ۔ او فک تین پہ تین گپ خلنگٹی اسرہ بادشاہ نا نظر اسہ
 کچک کسے آتما بادشاہ زانیفہ ؑے تینا پارے زیو اُمر و زیو کچک کسے کنا خیال پائے دا
 نرا زکسے گودی کہ شیف نظر شا غا کچک ؑے۔ او پارے نہ خواجہ کنا خیال پائے دامنڈی کسے
 ای دادے ہنگ آچا وہ بادشاہ زانیفہ ؑے تینا پارے بیڑی و سم ای مچ بادشاہی آن نظر شا غوہ کنا
 اندازہ امر غلط متنگ کیک۔ زیب النساء بادشاہ نا نیام کٹی بحث مس۔ زیب النساء صورت نا
 گودی کس۔ اودے تینا ارغ نا مہر آبا و اس او بادشاہ ؑے پارے خواجہ نن نا حق بحث اٹ
 تمانن۔ بادشاہ پارے داسہ داہیت دہن کٹپیک۔ کنا داسہ اسہ شرط کسے۔ اگہ ناہیت راست
 مس دا کچک مینڈی اس مس تو ای دا بادشاہی ؑے ایوہ کا وہ نی چاس بادشاہی چائے۔ اگہ دا
 نرا زکس مس تونے بادشاہی ؑے ہلوئی ؑے ہنوئی ؑے۔ زیب النساء بادشاہ نا داپتے بنگ اوڑا
 ڈغار کٹا۔ کہ بادشاہ دا امر و غلطو شرط اس تھا۔ انتے کہ اگہ بادشاہ ناہیت راست مس تو او
 نیڑی کس اس اوڑکے در پدیری لکھوک ؑے۔ اگہ او ناہیت راست مس تو بادشاہ اودے الک
 کانک۔ اڑتو ماوڑا و نا سخان ؑے۔ او وک کرے بادشاہ ؑے کہ خواجہ داپتے الے مگہ بادشاہ
 پارے کسے تینا بادشاہی آ قول ؑے۔ داسہ داہیت نا ہر صورت اٹ فیصلہ مرے۔ بادشاہ

نوکرتے راہی کرے پارے نم ہنو۔ داکچک ئے ہو کہ دامادہ و کچک ئے نازو کچک
 ئے۔ نوکرک دایستے بنگر او مالات آن دژنگار ہنار کچک ئے ہلکر ارار کہ کچک منڈی ئے او فک
 تین پہ تین صلاح کریرا گہن بادشاہ ئے راست پارین تو بادشاہ بادشاہی ئے ہلک کاسک
 خبراف مستی بادشاہی نانت مرو۔ او فک تین پہ تین داصلاح ئے بسفیر کہ بادشاہ ئے پانہ دا
 زوکچک ئے۔ او فک بسر بادشاہ غا۔ پاریر بادشاہ سلامت فی راست پاریس دازو کچک ئے
 بادشاہ نازائیفہ پادارو نیازی ئس اس او پہہ مس کہ بادشاہ بھاز غلط و شرط ئس تہا۔ نوکرک
 کتون دروئے کریرا و مونجاس۔

بادشاہ زائیفہ غاتینا مون ئے ہڑسا پارے زیو امرای نے پاتوٹ کہ دازو کچک
 ئے فی کتون ناحق تکرار کرلیس۔ گودی پارے بے شک خواجہ فی راس پاریس۔ ای نیازی
 ئس اسٹہ عقل کنا گودی ئی اس کہ نیتون ناحق ناجود بحث کریٹ بادشاہ ناسہ مسٹرس اس بادشاہ
 مٹرے زیب النساء غان ہلک۔ گودی بیوس مس او چپ کرے ولدا گودی تیکے گڑ اس کنگ
 ناینگ ناسامان ار فے ہو غسہ تینا ارائے الاسر ہلک مون کرے جنگل سے آ۔ بادشاہ ہم
 بھاز اسوز کرے کہ ناحق زائیفہ غاتینا دہنو غلط و شرط اس تہاٹ۔ مگہ داسہ ہج ہم منگ
 کو کہ۔ گودی ہنا جنگل ئے آسر مس اسہ جا گہ ئس خنا کہ اسہ کڈی ئے کڈی نامونا اسہ ابدال
 ئس تو لوک ئے۔ گودی ہنا سلا مے بے ای آتا۔ ابدال مون ئے بڑا کرے خنا اسہ آسودہ و
 نیازی ئس سلوک ئے۔ او سلام ناجوابے تس تہ او مون ئے تینا شیف کرے۔
 گودی توار کرے پارے تہ اے خواجہ داسہ داد نیازی کنا کس اف اینو آن ای نامسٹراٹ فی کنا
 باوہ اس۔

ابدال پارے کنا مسٹر کنے چو اعتراض ئس اف فی اسہ آسودہ و نیازی ئس ختکسہ۔ دا جنگل اٹ فی اسہ
 گذران کروں۔ گودی پارے اے باوہ انتس کنا لکھواٹ لکھوک اس او کتون مس۔ داسہ پیشوانی آن

ہج ہم متنگ کپک اوتینا قصہ ابدال اے ہفتے۔

ابدال گودی ناقصہ اے بنگ پارے جوان کنا مسٹر نیون بے شک تہا زنا انصافی منے۔ مگہ
انش اللہ اے منظورے۔ ہندن مریک بندغ ہج ہم کنگ کپک۔ ولدا ابدال پارے تہ
جوان اگہ نا ہندا منٹائے تو ٹھیک اے نی ہنداڑے مر۔ داسہ ابدال صحتون ہنا کہ جنگل
آن شکار کر یکہ ایسکہ گودی کباب کر یکہ بسیکہ کنگرہ دافتا زند ہندن گدریننگ نئی اس۔

ہر خدا نا قدر تے تو کپ سے آن گڈ بادشاہ ناز ایفہ اے چنانا غل ارفے۔ ابدال
حیران مس کہ داسہ امر کے داس نیازی اُس اوٹک خلک اودے یات بس کہ اسہ قافلہ اُس ہندا
جنگل اٹ بیٹے۔ او خدا غان دعا کرے اونا دعا غان قافلہ نا ہج آک مستی ہنور قافلہ والا کہ بر
ہندا ابدال آپا ریرتہ خواجہ نی دعا کرک نا ہج آک مستی ہنگ ٹی افس۔ انتے کہ داکان مست
دھنوجو واقعہ اُس متے۔ دا قافلہ ٹی نیازی ہم اُس ابدال پارے تا کہ ای دعا کیوہ انشاء اللہ نما
قافلہ مستی کا نک مگہ داڑکن کنا اسہ شرط سے۔

سودا گراتا کماش پارے خواجہ نی حکم کرنا انت شرط اُس ارے نئے منظورے ابدال پارے تا
کہ اسہ نیازی اُس داڑے جنگل آ بسے ای اودے تینا مسٹر جوڑ کرینٹ اوداسہ امیدوارے نم
تون نیازی ارے نم اودے تینون دبو۔

قافلہ نا کماش پارے خواجہ نا حکم ناخن تیا۔ ای اودے تینا مسٹر جوڑ کیوہ۔ ابدال ہنا زیب
النساء اے پارے کہ مٹی تینے تیار کرک داسہ نے قافلہ والا تون ہنوئی اے زیب النساء چا اُس
کہ کنا داڑے داسہ گذران مفک او تینے تیار کرے ابدال درے تہ قافلہ غا سودا گر پارے
اینو آن نی کنا مسٹر اُس داسہ بے غم مر ابدال زیب النساء غان رخصت کرے۔ ولدا دعا
کرے خدا نا نیکو بند غس اس خدا اونا دعا اے قبول کرے ہچاک سر ہلکر۔ داستی ہنا راسہ
جاگہ اُس بیٹر۔ بادشاہ ناز ایفہ کن اسہ جتاؤ تمبو اُس خلکر او منہ نیازی خیال داری اے تہ کریر۔ دا

آلم ہنا منہ دے آن گڈ تینا علاقہ ءے سر مسر چوخت نہہ تو پور مس۔ گودی ءے مار مس۔ گودی داسہ تینا چنا تون مشول کس۔ ہچاک زو مریرہ سالک اُرے آ گدر یتگرہ۔ شہزادہ بھلن مس خت بروت کرے سوداگر مارنا بھاز خیالے تھاکہ۔ اسہ دختس سوداگر پارے تا داسہ دا علاقہ ٹی کاروبار نا چس اف۔ فلان ملک کئی کاروبار بھاز جوانے نن ہمو بادشاہی آ کانہ۔

شہزادہ نالمہ داپتے بنگ اوپہہ مس کہ دا ہمو بادشاہی نا پین ءے ہلک کے ایڑے کنا ارغ ءے۔ او ملک سنا بادشاہ کنا ارغ ءے۔ او پارے اونگ انتے کان۔ پین بادشاہی کسے آ کان مگہ سوداگر منیتو۔ گودی ہم مجبور مس اوٹک خلک نوا ہندا ٹی ننا جوانی مرے۔ انتے کہ شہزادہ ہم داسہ ورناسنے۔ نوا اسہ وڑ کسے ٹی او بادشاہ اسکان سر مرے سماف کہ بادشاہ کنے گیرام کرینے یاد اسکان کنے یات کیک۔ ولد او دے تینا مسٹریات بس لمہ آخر لمہ مریک اونا خن تے آن خویک آک برورار او سوچ کرے نوا ای تینا مسٹر ءے خنو۔ او سوداگر ءے پارے جوان انت کہ نا مرضی ءے۔ او فک سفر نا تیاری ءے کریر۔ گڑ اس سوداگری نا سامان ار فیر۔ سامان تے ہچ آتیا ہمپیر۔ جندا ک تاہلی تے آسوار مسر۔ خلسا پر غسا خلسا پر غسا۔ ہنا رہے بادشاہی ءے سر مسر۔ سوداگر تینا سامان تے درے شار آ سودا کرے تا اوڑ تون پیسہ اس اسہ ماڑی کس تے تینکے داسہ او وخت وخت ایلو علاقہ غاتے آ سوداگری کن پیش تما کہ۔

سوداگر ہروخت قافلہ تون تینٹ ہنا کہ سوداگری کر یکہ پدی بسکہ۔ اسہ دار قافلہ تیار مس ہنگ کن شہزادہ سوداگر ءے پارے داوارنا قافلہ تون ای کا وہ سوداگر پارے تہ نہ ٹل نی داخہ خواری، سفر کنگ کپسہ۔ شہزادہ زور شاغا ای آتہ سوداگر پارے جوان فی لمہ غان تینا اجازت ال شہزادہ ہنا لمہ غان تینا اجازت ہلک۔ لمہ تہ نیک دعا کرے تہ پارے تہ ہن اللہ نا ملک۔

سوداگر شہزادہ نے پارے مستی ہناس فلان جاگہ غار اکسر بریرہ اسہ کسرش
 دے نئے ایلو کسر آن منزل آسمہ دے آسر مریسہ۔ مگہ مسہ دے ای آکسرٹ خطرہ
 ے۔ ہنداسوبان شش دے ای آکسرٹ سفر کیس شہزادہ پارے جوان ے پاریس
 کنے۔ قافلہ سر ہلک خلسا پر غسا خلسا پر غسا دا ہمو جاگہ غاسر مسر۔ شہزادہ داسفر آن دم
 درینگاس داکان مست سفر کوتویس۔ نہ خواری ے خناس۔ او قافلہ والاتے پارے دا
 جارنامہ دے ای آکسرٹ کانہ۔ قافلہ والا ک شہزادہ ے پاریر نہ نئے سوداگر داکسرٹ
 ہنگ آن منع کرینے۔ داکسرٹ خطرہ ے شہزادہ او فتاپتے منیتو اوضد کرے گڑ اس قافلہ
 والا ک اوناپتے منیتو ریلو کسرٹ ہنار گڑ اس تاپدی ہڑینگار۔

ہنار سوداگر ے پاریر کہ دہن مارنا ضد کرے او مسہ دے ای آکسرٹ سر ہلک ہنار۔ سوداگر
 بھاز پریشان مس پارے ناحق مارے راہی کریٹ۔

ال ہن دافتے ایڑے شہزادہ توں گڑ اس قافلہ والا ک سنگتی کریر او فک پاریر انٹس
 مروئی کس مریک۔ قافلہ مستی سر ہلک خلسا پر غسا خلسا پر غسا ہنار جاگہ کس شام تاتا۔ او فک
 ہموڑے بیڑ۔ گڑ اس تاخا چار گڑ اس تاگاٹ تسر۔ صحتا دافک بش مسرتیاری ے سفرنا
 شروع کریر ارار کہ دز کسے ہنگٹی ے۔ غٹ قافلہ والا ک خلیسر کہ دانت مصیبت کسے ہنگٹی
 ے۔ ارار کہ اسہ شیر کسے شہزادہ پارے تادا مصیبت کنا سوبان بسنے نم تینے پدی کبو۔ ای چاو
 شیر چائے۔ او زغم ے تینا رنے ہنا شیر ے خوک کرے شیر ہموڑے سلیس کاٹم ے
 تینا شیف کرے۔ شہزادہ زغم ے کپ کٹی کرے قافلہ والا ک پاریر دانت کرلیس داشیر چٹ
 کیک نئے۔

شہزادہ پارے نہ داہیت اف داشیر اسہ مصیبت کسے ٹی آختہ ے۔ او بادشاہ سے
 نامارس پہہ مس کے شیر ے ویل کس ہلکنے۔ اوہلی آتینا سوار مس قافلہ والاتے پارے ای

شیرتون کا وہ نم کنارندٹ ایجکامی اٹ ہو۔

اوہلی آسوار مس شیر ہم مستی سر ہلک۔ دارندٹ تہ ہنادا فک مستی ہنار شیر اودے
اسہ بادشاہی نئے آسر کرے۔ شہزادہ دانگ ہینگ نظر شاغا ارا کہ دابادشاہی بڑی بانگ نے نہ
آدم نہ آدم ناذات! او حیران مس شیر مستی ہنار دارندٹ تہ ہنسہ کرے۔ اسہ جاگہ کس سر مس
ارا کہ اوہلی اسہ بر شیر نئے اونانت کئی اسہ بھلو پاٹ کس سخت ہے۔ اونافر یادے شہزادہ پہہ
مس کہ داشیر کنے داڑے انت کن ایس۔ او اسہ کڈ کس خلک کڈ نازی آ اسہ بھنڈس تھا۔ جند
یہ کڈ کئی درنگا بسم اللہ کرے بر شیر نانت آن پاٹ ہے کشا۔ بر شیر نافر یاد مس اوچنبہ ہے
ہو بھنڈٹ خلک بھنڈ ٹکر ٹکر مس۔ شہزادہ کڈ آن پیش تما۔ مست سہدار و نہارک ہم بندغ
آن بارہیت کریرہ۔ بر شیر تینا پٹ آ تیان شہزادہ ہے تس پارے نی کتون بھلونیک کس
کرینس اگہ وختس نے آویل کس بس وختس نے کنا ضرورت مس تو دا پٹ آتے گندایتس
ای تینے نے آسر کیوہ۔ شیرک تینا کسرٹ ہنار۔

شہزادہ ہموڑے چکر خلک کہ سنگت آک تہ بسر دا فک بادشاہی ٹی چکر خلک
داڑے بادشاہی ناخرانہ غاک اسر دا فک سامان تے ہنداڑے بٹیر ہلی تاخوجین آتے خیسن
ہیں آن پر کریرہ۔ ہچا تیا ہم لعل جواہراتے تخار شہزادہ ہنداڑے اسہ زیبا و موچڑی ناتاک
کس خنا کہ داموچڑی ٹی لعل و جواہر خلوک اسر۔

او ہندا موچڑی ہے جیب کئی تینا کرے قافلہ پدی راہی مس۔ ایڑے سوداگر
پریشان اس کہ سواف کہ قافلہ والا تون انت مس۔ او قافلہ ہے پدی بنگ آخناوڑا غار کٹا۔
انٹے کہ قافلہ چار پنچ تو آن پد بسکہ دادے ہفتہ کس ہم متو کہ پدی بسر۔

قافلہ سر منگ تو سوداگر شہزادہ ہے پارے انت کر لیس خانہ خراب نی کنا پتے انتے
بھولیس۔ الہ سامان ہے انت کر لیس مالے انت کر لیس گڑ اس رقم ہم ایسنس یا نہ شہزادہ

پارے بے شک کنے آن بھلو غلطی کس مس کہ ای ناپیتے ہلتوٹ۔ اوغٹ قصہ ئے پارے تہ کہ
دہن ای شیر نارندٹ ہنٹ ولد اوڑے اسہ بڑی بانگ وشار کس اس۔ اوڑے دنیا ناخین
پیہن آک اسر۔ ای داغٹ قافلہ ناہلی اوہج آتیا خین پیہن ایسٹ۔

سوداگرے باور بتو اوز و زوہلی تاخو جین آتے ہرا۔ کہ خین پیہن آن پُرو۔ او
بھاز خوش مس پارے ای مچ زندا سہلی سے ناخو جین نا کچ ہم کنگ کتٹ۔ نی اسہ وار تو داخہ
زیات خین پیہن ایس کہ داسہ ننا نسل آک ہم کاریم کپس۔ دافک چپسہ داسہ سوداگر
شہزادہ ئے بھاز عزت تسکہ اسہ وختس ہمو ملک نبادشاہ نامسٹرا برام مس۔ غٹ اوڑکن ٹیکی
دریرہ۔ سوداگر حیران اس کے او اوڑکن انت ٹیکی کس دے۔ او اسہ دے خنا ہندا موچڑی نا
تاک ئے او حیران مس کہ داخہ زیبا و موچڑی نا تاک کسے او دا موچڑی ئے سیل کرے
دانا اسہ تاک کس اس ایلو تاک تہ ہلو کہ۔ او داڑکن اسہ ہمو وڑ نا پین تاک کس جوڑ کرے۔ او
موچڑی ئے ارے۔ شہزادہ اریفے ماما دا موچڑی ئے انت کنگٹی اُس۔ پارے مل بادشاہ نا
مسٹر کن ٹیکی دیوہ تہ۔ دا موچڑیک اسہ ڈول خنکارہ۔ او موچڑی ئے درے بادشاہ ئے تس
بادشاہ دا موچڑی ئے تینا مسٹر کن راہی کرے۔ مسٹر تہ کہ دا موچڑی ئے خنا او بھاز خوش مس۔
شام تما شہزادی نا ارغ بس او خناداز بیباغا موچڑی ئے او موچڑی ئے خوڑتی اٹ
ہرا تو او شہزادی ئے پارے دا موچڑی تے ٹی فرق ارے۔ اسہ موچڑی کس اصلی ئے ایلو
موچڑی نا تاک نقلی ئے شہزادی دا پیتے بنگ او ارے موچڑی تا جوڑی ئے درے تا بادشاہ غا
۔ پارے باوہ جان دا موچڑی نا جوڑہ نا سوبان ای اینو تینا ارغ نا مونا شرمندہ مسٹ۔

بادشاہ پارے کنا چنادارنگ نا زیبا و موچڑی کنا مچ بادشاہی ٹی اف۔

مسٹر پارے باوہ جان دا ہیبت نا راست ئے مگہ دا موچڑیک بتاک و۔ اسہ موچڑی کس اصلی
ئے ایلو موچڑی نقلی ئے۔ دانا تاکہ ایلو تاک ئے ہتہ کس ای دافے پیہرہ بادشاہ دا پیتے بنگ

ادنا رنگ غصہ غان خیسن ہڑینگا۔

اوسدا گر کن کلہو راہی سودا گر داڑے بس خنا کہ بادشاہ بچی غصہ ٹیئے اواریئے کہ خواجہ کنے
آن انت خطا منے۔

بادشاہ پارے دن دامو چڑی ناسہ طاق کس نقلیئے ای نے مہلت اتیوہ۔ اگہ دانا
ایلو اصلی آطاق ئے اتولیس تو نادوا تیل اٹ تراڑنگ ئے سودا گر کٹو کنگا است اٹ پارے
جوان بادشاہ سلامت نی کنے تو کسے نا مہلت ایت ای کاوہ موچڑی نایلو طاق نا پد رندے
خلیوہ۔ انشاء اللہ بھاز زوت ای ایلو طاق ئے اتیوہ۔ سودا گر دا پیتے کرے مگہ او بھاز فکرٹ
ہنا کہ دانا طاق ئے ہراکان اتیو۔ او مونجا ہنا اراغا شہزادہ خناتہ حیران مس پارے ماما خیرے
انت کن دہن پریشان اُس۔ سودا گر پارے چاوہ کے داسہ کنا زندنا آخریکو دیکو۔ او پارے
دن بادشاہ کنے اسہ تو کسے نا مہلت تسنے کنے پارینے کہ موچڑی نایلو طاق ئے پیدا کرک
داسہ نی پائی او موچڑی نایلو طاق ئے ہراکان اتیو۔ نی کنے پانے دامو چڑی ناسہ طاق
ہراکان دو بس نے۔

شہزادہ سودا گر ئے داخس مونجا مست اسل ختولیس او پارے نی گرھتی کہہ۔
اگہ ای زندہ مسٹ تو ضرور دامو چڑی نایلو طاق ئے اتیوہ۔ نی بے غم سیرتخ خاچ صاحب تما
شہزادہ ہلی ئے ارے خوچین آتے ٹی تینا کسر کن سامان ارے او۔ سودا گرے او ارامزور
تینون ارے۔ سر ہلکر خلسا پر غسا خلسا پر غسا ہنار ہے جاگہ غاسر مس۔ او ہمو شیر ناپٹ
آتے گندتس۔ جٹ ٹی ہمو شیر تینے رسیئے۔ شہزادہ ہمو موچڑی ناپارے تے۔ شیر پارے ای
نئے جاگہ کس دیوہ مونی نما قسمت او فک سر ہلکر شہزادہ رندٹ تارا ہی مس خلسا پر غسا خلسا
پر غسا ہنار ہمو بادشاہی ٹی سر سر شیر اسہ جاگہ کس تینا سرہ ئے درے ولدا او غیب مس۔ شہزادہ
ملک خلک کہ شیر دا کوٹھی ٹی سرہ ئے تینا جاگہ تس ولدا غیب مس۔ شہزادہ تینا سنگت آتون ہمو

کوٹھی ٹی پیہا مستی ہنار خنار اسہ دون کسے اودون سنا رہی آ اسہ بھلور ریز کس خنار شہزادہ سوداگرے
 پارے ای دون اٹ دڑنگیوہ ای چوخت ریزے سرفیٹ گڑانم ریزے پدی چکرے کنے
 دون آن کشیرے۔ اوہمور ریزے سخت تینا مٹ تھے مزدورک ریزے مدان مدان آدون ٹی
 یلہ کریر۔ دون بھاز شیف کس۔ کلہ ٹی نک تہ ڈغار ٹی لگا راو چٹے مخ آن تینا ملا۔ ہندا
 دون تہہ غان بھاز شاییت کس دون ٹی اسہ کسر اس۔ اوہمو کسر ٹی مستی ہنا جاگہ کس اسہ
 درگہ کس خنا اودرگہ غان تہٹی پیہا۔ خنا کہ مستی اسہ ماڑی کسے اوہمو ماڑی ٹی ہنا اوڑے بھاز
 روشنائی کس۔ او اسہ کھوٹی کسے ٹی پترینگا۔ خنا کہ اسہ بھاز زیبا و پری کسے تو سنے۔ پری دانا
 نت تا تو ارے بنگ کاٹمے تینا بڑا کرے اونا مون تو بے آبار گر و شک تسکے۔ شہزادہ
 خنا کہ پری اسہ وار مخا ولد اہو غا۔

شہزادہ پری آہنا۔ ارفے ای آن تہ اے گودی داڑے نی اٹکن تینا تو لوک
 اُس۔ کنے خناس اسہ وار نی مخاس ولدا نٹے ہو غاس۔

پری پارے اے آدم ذات کناپن نازل پری کسے ای اسہ دیو کسے نا قید ٹی اٹ ای
 کئی وخت آن داڑے کسے خنتہ نٹ نے اینو خناٹ تو کنا است خوش مس ای مخاٹ۔ ولدا
 کنے دیویات بس کہ دیو نے خنا نے زندہ الپک۔ گڑا ای تینا بیوسی کن ہو غاٹ۔

شہزادہ پارے اے پری زادی ای داسہ بسٹ نے ای دیو نا قید آن خلاص کیوہ
 دیوہ۔ نی پا دیو ہر اے پری پارے دیو جٹ کسے ٹی بریک او اول باغ ٹی بریک اوکان میوہ
 کشک کنکے اٹیک۔

شہزادہ ارفے زغمے تینا ہنا باغ نادرگہ غاسلیس۔ ہرا او بلی دیو گج کر سہ بنگٹی
 ئے۔ او بوئے آدم بوئے آدم نا تو ارے خلنگٹی ئے۔ او باغ کٹی بس۔ شہزادہ ہکل تس تہ کہ دا
 آدم زات نا کاٹم نا کنگ کن بسے۔

دیو کہ شہزادہ ناتوارے بنگ مخا پارے ہیٹ اے اجلی ہرے شوان نارغ اے کیک۔ انت
نی انت ناحیثیت۔

شہزادہ پارے اے ملعون اینونا دیک کٹانو۔ ای پری اے دنگ کن بسٹ۔ دیو غصہ
غان ارے تینا غرے شہزادہ عاجلو کرے شہزادہ خیال اٹ سلوک کس۔ او تینے چسپانی اٹ اسہ کنڈا
کرے دیو غرے غارٹی لگا۔ دون کٹی دز مس شہزادہ ارے زغم اے۔ خلک تہ دیو ناپڈ کٹی دیو ناپ
چیہاٹ مس پری کہ دیو ناپ چیہاٹ اے بنگ اونا خیال دیو شہزادہ اے خلک اونا خن تیان خویک
آک بروار۔

داڑے دیو ناپ تینک آک ڈیر مسر۔ او پارے اے آدم زات کنے اسہ وار وداک کس خل کہ ای چٹو
بھاز عذاب اٹ۔

شہزادہ پارے اے خبیث داسہ ناداچم آتے ٹی بفرہ ای اگہ ولد اخلکٹ نے نی جک جوڑ مریسہ۔ دیو
بھاز مت کرے تہ مگہ شہزادہ چکارے تہ تختو۔ نیٹ دیو چیہاٹ کرسہ کرسہ کک ہنا۔

شہزادہ پدی بس پری کہ خنا شہزادہ اے او بھاز خوش مس پارے الہ دیو شہزادہ
پارے دیو اے اسی خلکٹ کسفیٹ نازل پری بھاز خوش مس پارے اے آدم زات نے لکھ
آفرین اے اودیو ناپ قیدان کنے آجو کرلیس۔ داسہ داکان کشنگ ناپیتون انت بندوبست
ارے شہزادہ ارے ای آن تہ اے گودی ای دہن اسہ خیسن نامو چڑی کس خناسٹ اودے
ای سوداگرے تسٹ اودامو چڑی ناپین طاق کس جوڑ کرے۔ مگہ بادشاہ نامسٹر پارے تاکہ
موچڑی ناصلی طاق اے ہتہ نس۔ اودامو چڑی اے بینک۔

بادشاہ ننے اسہ تہ تہ نی پاد خیسن نامو چڑی ناپیلو طاق کنے ہراکان دو
بریک۔

پری پارے بے شک اودامو چڑی ناپ طاق کنائے کنے چوخت دیوارے ایس تو

کسری کنانت آن اسه موچڑی ناطاق کس تما۔ ایلو طاق تہ کتو نے۔ او ایلو طاق ے موچڑی
ناشہزادہ ے نشان تس۔ شہزادہ بھاز خوش مس نازل پری ے پارے بہ کان او فک بسر ہمو
دون ناتلہ غا۔ ریز لڑونج کس شہزادہ پارے تہ نی تینا مخ ے تف کنا سنگت آک دون نازی
آسلوک واونے دون آن ک شیرہ۔ ولدا ای دون آن پیش تمیوہ۔

نازل پری پارے اے خواجہ اول سراٹ نی پیش تم دہن مف کہ ناسنگت آک
کے خنر اوقانیت بدمرے۔ نے دون آن پدا کشپس نے تون درو کیر۔ شہزادہ پارے ای نے
دون کئی تینا امرالیو۔ ایڑے سودا گر مزدور تون سلو کے۔ ای سودا گرے تینا ماما جوڑ کرینٹ او
کتون امر درو کروئے۔ شہزادہ نازل پری ناپیتہ منتو۔

نازل پری پارے تہ جوان اگہ کنا پیتہ منپسہ گڑا اسہ ہیتس پاوہ نے کنا ہیت ے جوانی اٹ
بن۔ دون کئی اسہ خوش اس او فک کے چوخت کشار ولدا ریزے بٹیر گڑانی ریزے تینا مخ
اٹ تقیس۔ اول سراٹ ہمو خڑے ریزٹ تقس۔ اگہ او خڑے چکار کشار گڑا ای پہہ مریوہ
کہ او نیقون درو کپسہ۔ اگہ اوقا است ٹی دروس تو اور ریزے نیام کسر آپدی یلہ کرو۔ تاکہ
نے آن جان تہ چٹے۔ شہزادہ پارے جوان گودی ای نادا ہیت آ عمل کیوہ شہزادہ پارے بے
شک فی اسہ لائحو گودی لے اُس، کئے تینا مامائے پر کنگ ناموقع دو بریک نم قصہ ے بنو قصہ
مونا بین جس کیک۔

الحوالحو

پچو پچو داماں کڑوسو

قرنا کہونا سرنا سہونا

چا پڑ رانی نا پیری جانی نا

در کڑ خانی نا مکھڑ جانی نا

کنگڑ ہار کرے
چتی چول کرے
مخ تہ منگی نالخ تہ ہنج سنا
کسرٹ کاتک چزارہ تے تہ

نن دو بٹین اوڑان محبت نس کین او حسی آبادیر مس ایونا بنا۔

داقصہ ناول تے قصہ مستی پین مزہ کیک بنو قصہ تے شہزادہ پری نالخ کئی ریزے تھے پری
دوتے ریزٹ سخت کرے شہزادہ ریزے سرفے۔ سوداگر او مزدورک ریزے چکار پری تے
کشار۔

سوداگر پری تے خنا اونا ہوش پرینگا۔ مزدورک پری نازیبا آں بے ہوش مسر سوداگر مزدور
مون آدیر چٹ تس او فک سما کریر۔ نازل پری پارے تہ داسہ شہزادہ تے کشبو۔

سوداگر نا است شہزادہ تے داسہ کشنگ خواہتو کہ او ریزے پدی بٹے۔ شہزادہ
ریزے ارفے خط نالخ کئی تھے۔ او ولد اریزے سرفے سوداگر او مزدورک ریزے چکار
چوخت خودون نانیمہ غا بس سوداگر ریزے یلہ کرے۔ خوشیف دون اٹ تما کک ہنا۔
نازل پری فریاد کرے پارے نم شہزادہ تون درو کریرے۔

سوداگر پارے او شہزادہ داسہ کک ہنانے نن تیتون دینہ نازل پری بیوس مس سوداگر نازل
پری تے ارفے تیتون درے۔ دون کئی شہزادہ خنا کہ دافک ریزے پدی یلہ کریر۔ خودما
کک او پہہ مس کہ نازل پری کنے راست پارے اگہ ای داریزے تینا کئی تفیہ تو خودنا
جا کہ غای چٹا۔

او حیران مس کہ دادون کئی انت کے دادون آن امر پیش تے۔

الے شہزادہ تے ال ہن سوداگر ان او مزدور تے گڑ اس پیسہ تس اوفتے رخت
کے گودی تے موچڑی تون درے بادشاہ تے پارے خواجہ نی موچڑی نا اسہ طاقس

ہترنگ ناکنے پاریس ای موچڑی ناگودی ئے ہم ایسٹ۔

بادشاہ کہ نازل پری ئے خنا و نازیبائی آستے باہتس او سوداگر آن بھاز خوش مس۔
سوداگر ئے تینا وزیر کرے۔ اودے بھلو جاگیرس تس۔ سوداگر بھاز خوش اس بادشاہ موچڑی نا
طاق ئے تینا مسٹر کن راہی کرے۔ جندتہ پری ئے پارے ای نے برام کیوہ۔

پری پارے خواجہ کناہج برام نا خیال اف۔ بادشاہ زور زبردستی برام نا تیاری ئے
شروع کرے۔ نازل پری بیوس حیران اس انت کے بیدس خطہ یک شولنگ آن اوہج ہم
کنگ کتو کہ۔

اٹل ہن شہزادہ غان او دون نئی حیران پریشان اس کہ انت وڑسے اٹ دون آن
پیش تے۔ اودے یات بس کہ شیر تینا پٹ آتے اودے تنگ وخت آپاریس کہ اگہ ویل
کس ہلک نے تو داپٹ آتے گندایتس او تینے سرکیک۔
شہزادہ جیب آن تینا شیر ناپٹ آتے کشا۔ اودا نگ ایگ نظر شاغا کہ داپٹ آتے انت ئے
ٹی گندایتو۔

پدی ہنا ہمو ماڑی ٹی کہ نازل پری ئے اوقید آن آزاد کریس۔ او ہموڑے خاخرنا
چوہا و اس خنا او پٹ آتے گندتس جندتہ پدی دون نا کیر غان سلیس۔ جٹ ئے ٹی شیرک
رسیفیر تینے شہزادہ شیر نا توارے بنگ او پارے تا چٹ کس لڑونج کبو کنے دون آن
کشبو۔ شیرک جٹ ئے آن گڈ اسہ چٹ کس لڑونج کریر شہزادہ چٹ ئے تینا مخ اٹ تھے۔
شیرک چکار شہزادہ ئے دون آن کشار شیرک شہزادہ ئے خنار او تینا کاٹم تے شیف
کریر۔ شہزادہ شیرتے پارے کہ کثون سوداگر دہن درو کرے۔ بر شیر پارے خواجہ انت حکم
ایتس نن ہندن کینہ۔ شہزادہ پارے نم داسہ ہنو ای چا و سوداگر چائے۔ او شیرتے رخصت
کرے۔ شہزادہ ٹک خلک کہ ہرا نگ کائے۔

اولدالمہ کن تینا پریشان مس۔ کہ لمہ کنا کنے سودا گرتون خفتوا اوسودا گر ساف کنا باروٹ لمہ تون
 کنا انت دروغ ترزوئے اونا لمہ نانت حال مروئے۔ اوسدھا اُرانا کسروئے ہلک خلسا پرغسا
 خلسا پرغسا۔ کسرت درخت آتان میوہ کس دو بسکہ تہ کنگ کہ نیٹ انت بد حالی ٹی تینا جا گہنا
 سر مس اُرانا کنڈا ہنا تو ہرا کہ اُرائی ہچ کس اف اُراتہ بڑی بانگ ءے اواسٹ کسے آن ارف
 کہ دا اُرانا باتیک ہرا نگ ہنانو۔ اے پارے کنے ساف کہ دافک ہرا نگ ہنار۔
 شہزادہ تینا لمہ ءے پٹنگ اٹ تما۔ لمہ تہ سودا گر آن بنگس کہ شہزادہ ءے نہارس کنگنے۔

او غریب اولاد نا دژدان گنوک مسس۔ پچاک تہ ہر نگا سر تینا مون گوئی
 کریکہ۔ شہزادہ پٹسہ پٹسہ ہنا قدرتی خنا لمہ ءے تینا او پہہ متوتہ انتے کہ لمہ ناتہ پچاک میلا او
 ارنگوک اسراوار فے ای آن تہ کہ فلان اُرائی نیاڑی کس اس اونا پد رندارے یا ف۔

لمہ تہ مارناتینا توارے بنگ چک ءے ہر سا خنا شہزادہ ءے خوشی آن فریادس خلک۔
 پارے تل انت نی زندہ اُس۔ شہزادہ لمہ ناتینا دا حالت ءے خنا اونا خن تیان خوینک آک مازو آنبار
 بروار۔ افریاد کرے لمہ تہ مار آن تینا دروت ہلک۔ ولد اپارے تہ کہ دہن سودا گر کنے پارے کہ نے
 نہارس کنگ شہزادہ پارے سودا گر کنا زندگی نا ختم کنگ نا کوشت ءے کرے مگہ کنا دے تیان اس
 خدا کنے پچے۔

شہزادہ لمہ ءے تینا غٹ قصہ ءے پارے لمہ تہ شہزادہ نا خواری وعذابی تے خنا
 پارینہ کنا چنا ای مست نے آن اسہ ہیتس ڈھکاسٹ داسا ای نے داباروٹ پاوہ۔ دالمک سنا
 بادشاہ نا باوہ ءے ادتینا مارستون ہمو غٹ قصہ ءے کرے بادشاہ دہن کنے مالات آن کشا اونا
 درباریک اوژتون دروغ ترزیر۔

شہزادہ پارے الہ سودا گر ہرا نگ ہنانے۔ لمہ تہ پارے سودا گر موچڑی نارندٹ ہنا ہموکان اسہ
 مسٹرس ایس اودے بادشاہ ءے تسنے۔ ہمونا اینو بادشاہ تون برام ءے کنے ہم ہٹنگا نومگہ ای انتٹ،

شہزادہ پارے آئی نن ہم کانہ برام آئن ایڑے کانہ بادشاہ غا اسہ عرض کس کینہ کہ
بادشاہ سلامت نن اسہ ہندنوقصہ کس پانہ کہ اودے بنگس تو است نا خوش مریک ہرلی کہ او
انت کیک۔

لمہ تہ پارے نن ہراوڑ ٹکان۔

شہزادہ پارے لمہ نی کنکہ اسہ برخہ کس اُرک ای ہمو برخہ ے بینیوہ نی ہم برخہ کس بین ای مہرنا
لوئس اٹ بریوہ تا کہ کس تپ ننے۔

لمہ تہ ہنا اسہ برخہ کس مارے تینا تس۔ اسہ برخہ کس جندتہ بینا۔ دافک ایڑے ہنار
دھول دچر کس ہر کند خوشی اس بادشاہ نا برام نا تیار یک شروع اسر۔ سودا گر نا نک خوشی آن
ڈگار الگیتورہ۔ ایڑے کس ے کس نا خیال الو گودی اسہ نیارڑی کسے پارے کہ ننا است
خواہک کہ نن بادشاہ نا برام نا خوشی ٹی اسہ ہندنوقصہ کس پان کہ اوڑان بادشاہ نا است خوش
مریک۔ اوداغٹ محفل والا ک ہم خوش مریرہ۔

اونیارڑی پین کسے تون دافنا ذکرے کرے۔ اوڑان پین کسے خبر مس آخر داحوال
ہنا بادشاہ غا سر مس۔ کہ نا برام نا مجلس نئی ارنیاری بسنو اسٹ لمہ ے ایلومسٹرے دافک اسہ
قصہ کس پانگ خوارہ دافتنے اجازت ارے یا ف۔ بادشاہ داپیتہ بنگ او پارے دافتنے ہتہو۔
ارو کہ دانت قصہ کس پارہ۔

دافک بسر بادشاہ نامون آتوسر۔ گودی پارے اے بادشاہ سلامت دا اسہ ہندنوقصہ کسے کہ
دانے بھاز خوش برودا قصہ اگہ نے خوش بتوگر انت سزانے ایتس ننے منظورے۔ مگہ نادا
شرط ے کہ قصہ نا نیام نئی کسس ہم ہیئت کپ ایلودا کس ہم محفل آن بش مف۔
بادشاہ کہ گودی نا داپیتہ بنگ او نا است اٹ قصہ نا بنگ نا شوق زیات مس کہ امر وقصہ کسے کہ
دانا بنگ وخت آکس ہم محفل آن بش مف۔

بادشاہ پارے جوان نمائے واسطہ منظورے۔ او کچاری نابند غاتے پارے کس ہم نماقصہ نام
نیام نئی ہیت کپ نئے کچاری آن بش مرے۔

گودی پارے بادشاہ سلامت اسے اس بادشاہ کس بادشاہ خدائے خدا نارسولے دازمانہ
سازی و بادشاہ کس اس اسے وخت بادشاہ ناپین ملک سناشنہادی سے تون برام مس بادشاہ تینا
زایفہ بھاز دوست تنخاکہ۔ اودے اسے مسٹرس ہم مس۔ اسے دے بادشاہ تینا زایفہ تون
مالات آسلوک اس کہ او فتنے شیف اسے کچک کس نظر بس بادشاہ زایفہ بھاز تینا پارے دانرو
کچک لے مگہ زایفہ تہ پارے نہ خواجہ دامادہ و کچک لے ہنداڑے او فتاحٹ مس۔

دافتا بحث کٹو نیٹ بادشاہ بھاز غصہ بس او تینا زایفہ بھاز پارے اگہ کنا ہیت صحیح مس دانرو
کچک کس مس تونے بادشاہی بھاز ہلوی بھاز اگہ ناپین راست مس دامادہ و کچک کس مس تو
ای بادشاہی بھاز ایوہ کاوہ۔ بادشاہ نو کرتے راہی کرے کہ نم ہنو ہنو کہ دانرا زکے یا منڈی لے
کچاری ٹی ہمونو کرک ہم تو لوک اسرہ۔ او فک بادشاہ بھاز پاریر خواجہ برام نامجلس بھاز دافک
انت قصہ کس ارفینونی دافتنے الے۔ برام نا ایلور سماتے پورو کرف۔

گودی بادشاہ غاتوار کرے پارے خواجہ داسے ای مستی قصہ بھاز پارہ دافک نیام نئی ہیت
کریر۔

بادشاہ حکم تہ ہندا نو کرتے دزگیر کبواٹ والا نو کرتے ہلکر قید کریر بادشاہ ہرا کہ داتو کنا
قصہ معلوم متنگلی بھاز۔ او گودی بھاز پارے مستی انت مس۔

گودی پارے بادشاہ سلامت نو کرک شیف ہنار او فک خنار کہ دامنڈی لے مگہ
او فک بادشاہ تون دروغ تڑیر۔ ہنار بادشاہ بھاز پاریر خواجہ نی راست پارلیس دانرا زکے او
بادشاہ تینا نازرک آ زایفہ بھاز غصہ ٹی اراغان کشا۔ زایفہ تہ غریب حیران مس کہ ناحق دا
اوڑ تون انت مس دا پھل انگا نیازی کہ او بچو خواری کس ختویس۔ داسے داد نیانی ٹھو کرکنگ

کن مالات آن پیش تما۔ اوتینون گڑ اس سامان ار فی اللہ غا تو کل کرے شار آن پیش تما۔
بادشاہ غا داسہ ڈغار تین مس کہ بے شک دا کنا قصہ خنگلی ۛے۔ داسہ او پشیوان مس اودے تینا
زیبا غا زایفہ یات بس او پارے زوئس پامستی انت مس۔

گودی پارے ہر بادشاہ سلامت فی ہم ایت کر لیس ای مستی قصہ ۛے بنفپر ہ۔
بادشاہ پارے نہ نے خدا نادر وئی ۛے قصہ ۛے مستی پایا ای مستی ہیبت کپر ہ۔

گودی پارے بن بادشاہ سلامت بادشاہ نازایفہ خوینک خلسہ تینا قسمت آ ہو غسہ بروکا
مصیبت او خواری تے یات کر سہ مستی ہنا۔ اسہ جنگل ۛے آسر مس۔ او جنگل ۛی اسہ کڈی سے
ٹی ابدال ۛس خنا۔ ابدال گودی ۛے تینا مسٹر جوڑ کرے اسہ وخت ۛس گودی ۛے چنانا خل ہر فی
ہموکان اسہ قافلہ ۛس گدر یزگا کہ۔ ابدال دعا کرے قافلہ نا ہچاک مستی ہنور قافلہ والا ک
ابدال آبر تو ابدال پارے تاکہ ای اسہ شرط ۛے آ نم کن دعا کیوہ کہ کنا مسٹر ۛے نم تینون دبو
نم تون نیازی ارے قافلہ والا ک پاریر خواجہ صحیح ۛے۔

ابدال دعا کرے قافلہ مستی ہنا ہر خدا نادر ت ۛے گودی ۛے مارس مس ہمو قافلہ نا سودا گر
گودی ۛے تینا مسٹر جوڑ کرے دہن اسہ وختس او فک علاقہ ۛے الار ہنار پین بادشاہی ۛے آ
اوڑے سودا گر سودا گری کر یکہ اسہ وار قافلہ تون بادشاہ نا مار ہنا او شش دے ای آ کسراٹ سفر
کتو بلکہ مسہ دے ای آ کسراٹ سفر کرے۔ اوڑے دہن اودے خیسن پیہن دو بس اوڑے
اسہ زیباؤ موچڑی ناطاق ۛس ہم ملا داقصہ ۛے بنگ تون سودا گر پارے بادشاہ سلامت دا
دروغ ناقصہ ۛے داقصہ ۛے الے دانا حق ننا وخت ۛے زیان کنگلی ۛے۔ گودی پارے
بادشاہ سلامت ای مستی قصہ ۛے پا پرہ انتے دانا قصہ نا نیام ۛی ہیبت کرے قصہ بادشاہ نا
است آگاسس او چائس کہ داقصہ ٹی دانا مارے۔

اودا موچڑی نا واقعہ ہم اوڑ تون منے۔ او سودا گرے پارے داجار نے معاف ۛے

اگہ دوارہ ہیئت کر لیس تو نادوا پھاسی ئے۔ سوداگر پارے خواجہ کنے اجازت ایت ای کاوہ
 بادشاہ پارے خبردار تانکہ قصہ چٹنے کس کس ہم داکان سرنگ کپک۔ گودی پارے خواجہ مستی
 قصہ ئے بن کنا مسٹر پانک نئے شہزادہ توارے تینا مسٹر ناوڑ کرسہ پارے خواجہ ہمو شہزادہ کہ
 سوداگر نا خوار زادہ کس او موچڑی ئے ایس سوداگر اونا اسہ پین طاق کس جوڑ کرنے مگہ
 شہزادی پارے دانا اصلی آ طاق ئے پیدا کرک بادشاہ سوداگر ئے خواہنے سوداگر ہنا شہزادہ
 ئے پارے شہزادہ سوداگر او ارا مزور ہنار پدی ہے جاگہ غا۔ دہن شیرس مدت ئے تا
 کرے۔ ولد اشہزادہ دون اٹ دڑنگا اوڑے نازل پری ئے خنا او اسہ دیو کسے نا قید کئی اس
 شہزادہ خلک دیو ئے کسے۔ ولد انازل پری ناخ سٹ ریزے تھے۔ نازل پری شہزادہ
 ئے پارے دہن مف سوداگر نیتون درو کے نی اول خٹناخ اٹ ریزے تف اگہ او خٹے
 کشار تو چاکہ اونا نیت صاف ئے نہ تو او نیام کسر آ ریزے یلہ کیک تاکہ نی چٹس۔ نازل
 پری ئے سوداگر کشار ولد اشہزادہ ریزے خٹناخ اٹ تھے تو سوداگر نیام کسرٹ ریزے یلہ
 کرے خٹما کسک۔

سوداگر آڈ غار کٹا پارے بادشاہ سلامت دادروغ تڑنگ کئی ئے۔ دہن امر متنگ کیک۔
 بادشاہ حکم تس کہ سوداگرے دزگیر کبوگاٹ والا ک سوداگرے ہلکرت تے تہ دوتے تہ تفتیر۔
 شہزادہ پارے دہن شہزادہ بھاز مشکل اٹ تینا سہہ ئے بچے دون آن پیش تما۔
 بادشاہ پارے خدا نا پٹ کنے پا کہ او شہزادہ داسہ ہراڑ یکہ اونا لمہ ہراڑ یکہ۔ ای او فتان معانی
 الیوای بے شک او فتون ظلم کرینٹ۔
 شہزادہ پارے نی اسیکہ نو کرتے آن ارف کہ انت گودی نا ہیئت راست کس یا بادشاہ نا۔
 نو کرک پاریر خواجہ بے شک گودی نا ہیئت راست اس او منڈی کس اس۔ نن داسو بان درغ
 تڑن کہ نی بادشاہی ئے الیپہ ہنپہ۔

بادشاہ مون ہڑسا شہزادہ غا پارے اے مسٹر دا پا کہ دا گودی او نا مار داسہ ہرا گوشہزادہ اولہ تہ
برخہ غاتے مون آن تینا ار فیر۔ بادشاہ زامیفہ نے تینا خنا بھاز خوش مس شہزادہ پارے اے
بادشاہ سلامت نا مارای اٹ ای نے کسکان بنگ کن برخہ اس بیناسٹ۔

بادشاہ مارے تینا خم کرے زامیفہ نے تینا پارے زیو نے انت خبرے نے آن پ
ای اخس پشیوان مسٹ۔ نے آن بیدس کنا زند بے بے اس۔ ای صحب بیگہ نے یات کریہ
زیب النساء پارے خواجہ اوکان گڈ ای ہم بھاز پشیوان مسٹ مگہ او تم بیدس افسوزان چچ ہم
متنگ کتو کہ۔ داسہ خدا نا شکرے کہ نن پدی ملان بادشاہ حکم تس سوداگرے پھاسی ایتو۔ انتے
کہ سوداگر نا است ٹی حرص بس۔ اودے شہزادہ داخہ در مال تس کہ نسل آک تہ کنگرہ چٹورہ۔
مگہ ولدا ہم او تینا منت اٹ شہزادہ نے کسے۔ ہلکر سوداگرے پھاسی کن دنگ کن زیب النساء
بادشاہ نے پارے انتس مس خیر ہنا۔ نی سوداگرے معاف کرک اودے تینا بادشاہی آن
کشک۔

بادشاہ پارے جوان او سوداگرے پارے کشک تینا جان نے اگہ صحب اسکان داڑے
مس گڑانا دوا پھاسی نے۔ سوداگر پیش تمانوئی نن ملک نے الا ہنا۔ بادشاہ نو کرتے پارے
نم کنتون دروغ تڑیرے کنا است پانک نمے تیل تراڑو۔ مگہ نم ہم کنا مون آن چپ
مبو۔ اوفتے بادشاہ نو کری آن کشا۔

ایڑے بادشاہ نا مسٹرے ساما کہ او نا لمہ او ایلم بسنو اود دینکسہ بس لمہ تون تینا دولخی شا عالمہ تہ
مسٹرے تینا خنا خوشی آن خن تے آن تہ خو یزکاک بروار بادشاہ شہزادہ نے پارے نل ای نا
مون آشر مندہ اٹ۔ نازل پری کنا مسٹر نا جاگہ غاٹے۔ او شہزادہ نا نازل پری تون برام نا
پڑوئے کرے دھول دامہ غاک لگار۔ خزانہ نا بائے ملار غریباک غنی مسر۔ شہزادہ نا نازل
پری تون برام مس۔ او ہموڑے خوش اسرہ۔ نن چٹان پٹان ایمان نا لکرس کٹان۔

سودا گرنا مارو مسکین ناقصہ

خدا نا حکم نٹ اس اسہ سودا گرس۔ داسودا گر بھاز نیک و ایماندار و بند غس اس۔
 سودا گرنا اسہ مارئس اس۔ سودا گرنا مارچج کاریم کتو کہ باوہ تہ ہنا کہ سودا گری کر یکہ۔ پدی
 بکہ او فک آسراتی ٹی زندے تینا گدریفنگ نئی اسر۔ اسہ دے سودا گرنا مار باوہ تے تینا
 پارے اے باوہ جان کنے گڑ اس پیسہ ایت۔ ای کاوہ گڑ اس واپار کیوہ۔ داڑے دوئے دوا
 تخانٹ کنیوہ۔ کنے لچ بریک سودا گر مارنا تینا داپتے بنگ او بھاز خوش مس پارے ٹل کنے نادا
 بیت آن بھاز خوشی مس۔ نے مبارک مرے نی نیک صالح و اولاد کسے اس۔ کنا ہر وخت
 خیال کس کہ پاوے۔ گڑ اس نت دوخل داسہ نی تینٹ پارلیں کنے۔ صحتون برک ای نے
 گڑ اس پیسہ ایتوہ۔

صحتون سودا گر مارے تینا دو صدر و پئی تس۔ اے وخت پیسہ بھاز قدر
 اس۔ صدر و پئی ہم کس صحتون و دی متو کہ۔ سودا گر مارے تینا پارے دارقمے ارف۔ دافے
 اسہ گڑ اس کرک ہتک۔ مارار فے دو صدر و پئی تے انا شمار آوٹک خلک کہ اسہ انت گڑ اس
 ہلیو۔ اودکان تے آچکر خلک۔ اسہ گڑ اس سے آدو تھانا ونا بھاچٹ کس۔ ایلو گڑاغا دوئے تھانا
 اونا بہاد و صد آن زیات اس۔ پیسہ غاک تہ مچٹ اسر۔ او شام اسکان شمار نادکان تے آگوئی
 کرے۔ مگہ بچ گڑ اس ہلتو۔ نیٹ او ہنا اسہ کلام پاک کس دو صدر و پئی مٹھائی تس ہلک۔ او
 کلام پاک تے تھانا کاٹما۔ پداراغا تینا بس۔ سودا گر خنا تہ نت شپاد کاٹم پشن مون آتا ہنا۔
 ہلک کلام پاک تے ای آن تہ۔ او کلام پاک تے زیارت کرے۔ میٹ کس ہلک ایس خیرات
 کرے کلام پاک کن۔ مارے تینا پارے ٹل مبارک مرے نے۔ بیشک دا پیسہ غاتے ٹی
 داڑان جوانو گڑاروئے زمین آالو۔ نی گواچنی نیک صالح و اولاد کسے اس۔ اینونا سودا ہندا

مس۔ صبح ستون سوداگر کشا مارے تینا پنچ صدر وپئی تس پارے دافنے درک ارا گڑا کرک
 ہتک۔ سوداگر ناما مارا فے پنچ صدر وپئی ہنا شار سنا کنڈا کسری خنا قبرستان آچی ٹس۔ او
 سوچ کرے کہ کا واسہ وارثا ب نا کاریم ٹس کیو۔ کمک ایتوتا۔ ولد اپدا کا وہ سوداگری کن۔
 قدرت خدا نا ہند اشار ٹی اسہ مسکین ٹس اس۔ دامسکین کسکس۔ اودے جہہ و جاگہ کنگ کن
 ایسر۔ بیدس خدا نا کس دانا وارث ہلو۔ بخال ٹس بس پارے کنا داڑا پنچ صدر وپئی وام و۔
 اوفنے اسہ وار ایتو۔ لخے تہ خلاص کبو۔ گڑا دفن کبو تہ۔ مخلوق مون ہڑسا ر بخال آ کہ دا
 مسکین نا داڑے کس ہم وارث اف۔ نن نیز گار ان۔ داخدر پیسہ ہراکان اتین۔ نی بھلو
 سیٹھ ٹس سے اُس۔ مہربانی کرک دا پیسہ غاتے داڑے بشخ۔

سیٹھ پارے ای مسٹ بخال ٹس۔ اوس مسلمان ٹس۔ اونا سہہ اف کہ ای اوڑے بشخوتا۔ کنا
 زبان نا پانگ آن اوڑا کنا پیسہ غاک بشخ مفسہ۔ نم داڑ کن رقم ایتو۔ دانا لخے خلاص کبو۔
 مخلوق پارے نن تون ہیج اف نن نے رقم ہراکان اتین سیٹھ پارے بیرہ اسہ وڑس ارے ای ہر
 صدر وپئی نا عیوض ٹ دادے اسہ چوٹ ٹس خلیوہ۔ پنچ صدر وپئی کن ای دادے پنچ چوٹ
 خلیوہ۔ تاکہ دانا لخ خلاص مرے کنا است ہم تینا پیسہ غاتے کن پدین مرے۔

مخلوق لاچار مس مسکین نا جون ہموڑے تنخو ک ٹس۔ سیٹھ ارے فے چوٹے۔
 خلک مسکین نے ارا چوٹ ہنداڑ تون سوداگر ناما ر سیفے۔ سلام بے ای آتا۔ اونا سلام نا
 جوابے تسر۔ بخال ہم دوئے تینا تورے۔ سوداگر ناما راز فے کہ دامڑدہ نے انتے چوٹ خلنگٹی
 ارے۔ اسٹس مارے پارے کہ دا بخال نا پنچ صدر وپئی وام دار ٹس۔ دا کسک بخال تینا وام تا
 عیوض ٹ دادے چوٹ خلنگٹی نے۔ انتے کہ دامسکین سے دادے داڑے کس وارث اف۔
 ننتون داخدر پیسہ اف کہ نن دانا لخے خلاص کین۔ سوداگر ناما ر کشا پنچ صدر وپئی نے خساتا بخال
 آ۔ پارے دانا پیسہ غاک۔ دامسکین نا جون نے چوٹ خلیہ۔

بخال مسہ صدر روپئی ار نے ارا صدے پدی مارنا کنڈا خسا ماراڑے کہ خیرے دا پیہ عاتے
 انتے پدی تسس کنے۔ بخال پارے دہن ای دادے ارا چوٹ خلکٹ۔ ای مسہ چوٹ
 پن خلوی اسٹ تہ۔ نی مسکین کے کنے مسہ صدر روپئی تسس ای اودے داسہ پن چوٹ
 خلہرہ۔ اونا عیوض سٹ نی کنے پیسہ تسس۔

سودا گرنا مار پارے نہ کنا کنڈا ان نے پنچ صدر روپئی ملار۔ دانتے ہم ارف۔ ای
 ارا چوٹ نابدل سٹ نے ارا چوٹ خلیوہ۔ انتے کہ نی مڑدہ عاتے ناحق تکلیف تسس۔ نن اسہ
 وار مڑدہ عاتے جہہ جاگہ کین گڑا ای نے ارا چوٹ ناعیوض سٹ ارا چوٹ خلیوہ۔ تاکہ دانا
 عزتے نے آن ہلیو۔ نی دادے بے عزت کرنیس۔ بخال دانگ اینگ خساتے پارے
 الے کنے، پارے ہلنگ کٹانے۔ اوفک مسکین عاتے جہہ و جاگہ کریر۔ دعا فاتحہ کریر۔ ولدا
 سودا گرنا مار ار نے چوٹ عاتے۔ خلک بخال عاتے ارا چوٹ بخال چوٹ آتا تاب عاتے ہتنگ
 کتو اوس مڑدار۔ ایلو بخال آتے سما تما کہ دہن اسہ بخال کس خلنگا۔ اوفک فریادی ہنار
 بادشاہ غا۔ پاریر خولجہ نن بخال اُن داڑے ناہمسایہ اُن۔ اسہ ظالم کس نا بخال کسے خلک مڑدار
 کرے۔ بادشاہ بخال آتا مکھی عاتے پارے بے شک نم کنار عیت اُرے ای انصاف کیوہ او
 گاٹ والا تے حکم تس کہ ہنو فلان سودا گرنا مار نانت دوتے تقبولٹ ہیتو تہ۔ گاٹ والا ہنار۔
 پاریر بادشاہ نن حکم تسنے کہ نانت دوتے تفن نے لٹ تر سادین۔ انتے کہ بخالاک بادشاہ
 غا غاوی ہنانو۔ کہ اوفتا اسہ بخال کسے مڑدار کرنیس۔

سودا گرنا مار پارے بے شک اوتا ہیت راست عاتے۔ نم کنا تے دوتے تقہ
 بو۔ ای تینٹ نم توں بریوہ اگہ لٹ ایترے کنے بادشاہ نا حکم عاتے۔ بادشاہ نا نماغٹ نا سہ نا
 خولجہ عاتے۔ اونا نماغٹ نا لہ باوہ عاتے۔ اسہ وار بادشاہ کنا پتے بنے گڑا اوکان گڈ نم کٹے لٹ
 ایترے خلیرے کسفرے۔ کنے چو بہانہ کس دو بٹک۔ گاٹ والا ک ہرار کہ سودا گرنا مار

راست پانک داسکان داڑا قصور تھلکتے۔ نن ناحق ناجوداودے انتے بے عزت کین لٹ ایتن
 - او فک سوداگر نامارے دریر کچاری آ۔ ایڑے بادشاہ، وزیر، وکیل او بخال آتا مکھی او بخال
 آتھون تو لوک اس۔ بادشاہ خناسوداگر نامارے حکم تس دبودا مارے پھاسی ایتو۔ دا بخال نئے
 ناحق خلکنے مڑدار کرینے۔

سوداگر نامار پارے اے بادشاہ سلامت فی ننا غٹ ننا کاٹم نا خواجہ اُس۔ کنے کنا
 اسہ وار قصورے پاکنے ہم صفائی کن الے۔ ای ہم تینا پیتا تے کیو کہ بخالے اٹکن خلکٹ
 اگہ ولدا ہم فی کنے قصو وار کر لیس، گڑا بے شک کنادوا پھاسی اے۔ فی امر ونا انصاف و بادشاہ
 سے اُس کہ کنابیان اے بنٹس کنے پھاسی ایتنگ نئی اُس۔ وزیر وکیل بادشاہے پاریر۔ خواجہ
 سوداگر نامار راست پانک فی اونا ہم پیتے اسہ وار بنک گڑا فیصلہ کرک۔ دھن مف ناحق
 سوداگر نامارے پھاسی ایتن۔ خدا ہم ننے آن ناراض مرے۔ بادشاہ سوداگر نامارے
 پارے جوان فی ایت تینا بیان اے۔

سوداگر نامار پارے اے بادشاہ سلامت ای تینا باوہ غان پنچ صدر وپئی ہلکٹ کہ ناشار
 ان ارا گڑا الیود یو۔ کسرا ای قبرستان آچی کس خناٹ ای پاریٹ کاوہ اسہ وار ثواب نا کاریم کس کیو گڑا
 شارا کاوہ۔ ای ایڑے خناٹ کہ بخال کس مڑدہ اے چوٹ ٹٹ خلنگٹی اس۔ ای ارفیٹ کہ دادے نم
 اٹکن خلنگٹی اے۔ پاریر کہ داسکین نئے کسکنے بخال پانک داڑا کن پنچ صدر وپئی وام و۔ او ہر صد
 روپئی نا عیوض ٹٹ دادے اسہ چوٹ کس خلککھ۔ اوسکین نا جون اے ارا چوٹ خلککس۔ ای پنچ
 صدر پئی تسٹ تہ اوسہ صدر پئی اے ارفے ارا صدے کنے پدی تس پارے ای دادے ارا چوٹ
 خلککٹ۔ ای پاریٹہ فی مڑدہ اے بے عزت کرنیس دا الیود و صدر پئی اے ہم ارف۔ او فتا وٹپ ٹٹ
 نے ارا چوٹ خلیوہ۔ نن مڑدہ اے جہہ و جاگہ کرین۔ ای مڑدہ نا بے عزت کین اودے ارا چوٹ
 خلککٹ۔ او مڑدار مس فی پادائی کنا انت قصورے۔ ای تو اوڑکن است ہشاٹ مڑدہ اے پین

چوٹ خلنگان پچھیٹ۔ اوناوام تے ہم بجال تے تسٹ۔

غٹ کچاری پاریر بے شک بادشاہ سلامت دابندرغ بھاز نیکی ناکاریمس کرینے
تینا دابھلا دنیا ناہم پرواہ تے کتو۔ اسہ لاوارث و مسکین کسے کن تینا پیسہ غاتے تسنے بجال تے
پیسہ غاتا بدل ٹ پیسہ تس۔ چوٹ نابدلہ تے چوٹ ٹ خلک۔ اونا موت لکھوک کس او مژدار
مس۔ بجالاک کہ دانا پیتے بنگر پاریرینا بجال مژدہ تون تادی کرینے نن اونا وارث مفنہ۔

بادشاہ پارے بے شک نم جائی پارے داداخہ نیک و مار کسے۔ اوانعام نالانخ تے
۔ بادشاہ سوداگرنا مارے دہ شف تینون مہمان کرے۔ اونا جوان خیالے تخار۔ اوکان گڈ
بادشاہ ہلی کس خیسن نازین ستون تس تہ۔ ہلی ناخرچین تے پیسہ غان پر کرے۔ پارے دانا
انعام تے۔ مارہلی آسوار مس سرہلک تینا اراکن۔ ایڑے سوداگر آڈ غار کٹا کہ مارکنادہ شف
آن غیب تے ہیچ ڈس تہ اف۔ ہیچ صدروپی درے پیسہ غاتے کنوے شرط خلوے پیسہ
غاتے باہ ایتوے۔ ہندا شرم آن پدی بنگ۔ ہندا ٹون مارہلی آسوار بس سلام بے باوہ
غاتینا۔ سوداگر تینا مارنا سلام ناوردی تے تس۔ اریفے مل داخہ دے ہرانگ مسنس۔ مارباوہ
تے تینا خمب کرے پارے باوہ جان نی کنے آن ناراض مفنہ است تے تینا خراب کہ نہ کنا
باروٹ غلط و گمان کس کرک۔ سوداگر اریفے واہم کنے پاکہ داخہ دے ہرانگ انانس تاکہ کنا
است تے سیبورسینگہ۔ مارپارے باوہ جان ای نامارٹ ای ناپن تے امرشیف خلفوہ۔ ای
نیکوکاریم کرینٹ اے ہلی تے خیسن ناتہ زین خرچین تہ پیسہ غان پڑے۔ ہلی تے کنے بادشاہ
انعام تس۔ اوغٹ حوالے اول آن ال آخر اسکان باوہ تے تینا تس۔ پارے نی پانت ای غلط
کرینٹ۔ سوداگر مارنا تینا پیتا تے بنگ پارے مل بے شک نی نیک صالح و اولاد کسے
اُس۔ داجارنا نی سوداگری کن ان۔ ای منہ دے آرام کیوہ۔ دم دریزگانٹ بھازنگ
سفر تے آن سوداگرنا مارپارے جوان باوہ جان انت کہ نا صلاح کنے چو انکار اس اف۔

سودا گر مارے تینا پیسہ تس۔ سودا گر نار مار سودا گری کن سامان ہلک۔ ہج آتیا سامان تے تھا۔ قافلہ والا تے پارے نم سر ہلو۔ ای نماز خوانیوہ نمے آسر مر یوہ قافلہ سر ہلک مار نماز خوانا ہلی آ۔ سوار مس۔ ہنا قافلہ ئے سر مس۔ او پارے تا نم برسا کبوا ی کاوہ موئی دیر آ۔ او مستی ہنا۔ دیر آؤ ہلی ئے دیر تس۔ جندتہ ہم دیر کنگ۔ اُرد درخت ناسیخا ٹی پیر و بزرگ و بند غس تو لوک ئے۔ او ہلی ئے تینا تھے اسہ درخت کسے ناسیخا ٹی۔ جندتہ ہنا پیرانگاڑا سلام بٹے۔ پیرانگا سلام ناتہ جواب ئے تس۔

پیرانگا احوال کرے تہ کہ ورنہ داڑے تینا اٹکن بسنس۔ سودا گر نار مار پارے احوال خیرے۔ ای فلاں سودا گر نار ماراٹ۔ مستی اٹگٹی اٹ۔ سودا گری کن قافلہ کنارندٹ بنگٹی ئے ای نے داڑے خناٹ ناسلام آبسٹ کتھو پین احوال اف خیرے۔

سودا گر نار مار پیرانگا ئے پارے پیر مڑدنی تینا احوالے ایت۔ پیرانگا پارے تہ ای داڑے تو لوک اسٹے۔ خدا نے ایس کتھون پین احوال اف خیرے۔ دا تو لوک اسر ہنداڑتوں قافلہ ہم بس رسیفے تینے۔ او فک ارغ کریر کنگر۔ خاچار صحتون پیرانگا پارے تہ مل ای ہیتس کیوہ نیتون۔ اگہ کنا پیسے منسہ تو ای نم تون بر یوہ نہ تو ای ہنداڑے اڈ کیوہ۔ سودا گر نار مار پارے خواجہ فی تینا پیسے پا اسہ وار۔

پیرانگا پارے ای نے تون داشرٹ طرٹ بر یوہ کہ مال سنا کاٹم نائے۔ مال آن انت فاندہ دولس او فتنیمہ کینہ۔ نیمہ تا کنا ایلو نیمہ تانا۔ کنتینون شریک کرک۔

سودا گر نار مار پارے ای خن تیٹ نے شریک کیوہ۔ مگہ مال کٹو کو گڑا سے۔ ننہ خدا گنج تسنے۔ ناوڑ سنا بزرگ کس اگہ کتھون شریک مرے گڑا ای خداغان پین انت خواوہ۔ پیرانگا پارے تاکہ دا کسرٹ خطرہ بھازے نم مسہ دے سنا ارغ ئے ارفو تینو کیٹلی و خوا تے ہم دیر آن پر کبو کسرٹ نکان ننہ اڈ کروئی اف۔ او فک کسر کن ارغ کریر۔ او فک ارغ کنگر

الاخ آتے قدیم تسر۔ ولد اسامان ۛ الاخ آتیا بیٹ کریر۔ نن درست سفر کریر۔ ولد ایلو
 دے ہم سفر کریر۔ دیگر تون اسہ جاگہ کس سر سر۔ غٹ تادم درینگار۔ قافلہ والا ک غٹ پاریر
 کہ نن نہ گامس مستی انگ کینہ نہ گامس پدی انگ کینہ نن داڑے اڈکین دیر ارغ کنین
 الاخ آک ہم دم درینگانو۔ اونے قدیم اتین۔ نن کس آرام کین۔ گڑا صاحب تون مستی
 سفر کینہ۔ سودا گرنا مار مجبور مس۔ اوچا کس کہ قافلہ والا ک گواچنی دم درینگانو۔ اوپارے جوان
 ہنداڑے ہج آتے اُش کبو۔ ہج آتے اُش کریر۔ ہلی تے درختا تے ٹی تفر۔ مون آتا قدیم
 شاعر۔ جنداک تاکندوری تے تالان کریر۔ ارغ آتے کشار۔ کتخ آتے باسفر کنگر کریر
 تینے۔ غٹ تادم درینگا سر۔ بٹیر تینے تنگان ہلکر۔ سودا گرنا مار پیر انگا ۛ پارے فی ہم حاج
 آرام کرک۔ ای نکان گاٹ ایتوہ۔ اگہ بلا کس ارے اتس ارے ای اوڑ تون ٹیوہ۔ اگہ
 کنے سخا تے خیر کسے۔ داغٹ کنا دو آن منے۔ پیر انگا پارے تہ جوان خیالٹ مر لیں۔
 پیر انگا ہم انا جاگہ کس لیٹا۔ سودا گرنا مار گاٹ تے۔ دے کس کہ خنار اراہتی لکٹلی و۔ او بیک
 خوک بنگٹلی و۔ اوچا کس داٹی راز کس ارے۔ او استی پارے ای مستی کاو نو بلا کس مرو۔ داڑے
 برو قافلہ والا تے سخا ایتو۔ ہچاک و ہلیک ترہ کرور۔ او ارے زغم ۛ ہموگ انا۔ او ہموقی
 تے آن خوک انا خنا و بلی دا اسہ بھلو اژدہا کسے۔ او ناخنک بتی آبار گرو شک تنگٹلی و۔ او ہم
 اللہ کرے زغم ۛ بے ای آن تہ زغم اژدہا رنا اسہ بتی ۛ کسے۔ ہر ایلو بتی تہ لکٹلی ۛ۔
 اژدہا رنا باہ غان خاخر پیشتما۔ او غصہ ٹی بس۔ سودا گرنا مار آجلو کرے۔ سودا گرنا مار بسم اللہ تو
 زغم ۛ چغل تے ای آن تہ۔ زغم اژدہا رنا سرہ ۛ کشکا۔ او نا فریاد مس۔ او نا فریاد نا تو اران
 غٹ و قافلہ والا ک سما کریر بسر داڑے خنار اسہ بھلو اژدہا کسے نا ڈھونڈ تموکے۔ او فک
 خلیسر۔ سودا گرنا مار پارے نم خلیپہ بو۔ ای اژدہا رے کس فینٹ۔ اونے ہج سخا تنگ
 کپک۔ پیر انگا خنا اژدہا رے۔ پارے نم تون انت سامان ارے اونے ہنداڑے ڈھیر

کبو۔ گڑ اس ہندا فتا خیال داری کن داڑے اڈ کبو۔ ایلو فک نما گونی و گوالہ غاتے ارفو۔ دا
اژدھار نارند آتے اُرسا کا نبوا و نا خزانہ اُرفن۔ او فک اژدھار نارند اتے ہلکر۔ خلسا پر غسا
مستی انا رخنا راسہ بھلو غارس ہندا غار کئی اژدھار نارند اک ہنارہ۔ او فک غارنا تھٹی ہنار ہرار
مارخانہ تہ خراب مرے غارنا تہہ خیسن پیہن آن پرے۔ بادشاہی تا خزانہ غاک تموک و۔
او فک گونی تے گوالہ غاتے جوان جاگہ تسر خیسن پیہن لعل جواہر آن پر کریر۔ گڑ اس تا بچار
افتے خیری تیٹی تینا شا غار۔ پدی ہنار ہسے ساگی آ جاگہ غاتینا۔ او غٹ مال اُے بچ آتیا
ہمپیر۔ ہچی آتے ہم دنیا تسر۔ او فک خوش مسر۔ سودا گرنا مار پیرانگا اُے پارے داسہ مال اُے
بشخن۔ پیرانگا پارے تہ نہ نن داخہ مال اُے ہرانگ چر یفون۔ نی غٹ مالے داسہ تینا اراغا
راہی کرک نن گڑ اس بادشاہی ٹی پین کاریم ارے ای و نی مستی کا نہ سودا گرنا مار پیرانگا نا پیٹے
نہ کتو کہ۔ او پارے جوان اگہ نا صلاح ہندا دے گڑ انن مستی کا نہ۔ او تینا بند غاتے پدی مال و
دولت تون اور تینا باوہ غامون تس۔ سودا گرنا مار او پیرانگا سر ہلکر مستی ہنار منہ دے سنا سفر آن
پدا سہ جاگہ کس سر مسر۔ او فک ہموڑے آرام کریر۔ الے دافتے ال و ہن ہچی آتے آن۔
ایفک ہنار مال و دولت اُے ایڑے سر کریر۔ سودا گر مال و دولت اُے خنا حیران مس پارے
د ابادشاہی سے نا خزانہ اُے نم ہراکان ایس سرے۔ الہ کنما مار ہرا دے۔ او فک غٹ احوال اُے
پاریر تہ سودا گر بھاز خوش مس۔ پارے داسہ مستی مچ زندن کاریم کپن ہم داخزانہ غاک کٹپسہ
۔ او ہچی آتے انعام تس الے دافتے ال و ہن سودا گرنا مار و پیرانگا ان او فک صحب ستون بش
مسر۔ پیرانگا سودا گرنا مار اُے پارے ای ہنداڑے اڈ کیوہ۔ نا انتظارے کیوہ نی ہنک
بادشاہی آن گڑ اس کنگ کن اتہ۔ ولدا گڑ مستی کا نہ۔

سودا گرنا مار پیرانگا ان رخصت کرے۔ انا مستی اُما مارخانہ تہ خراب مرے بادشاہ نا مالات
نا پیشن دنیا ورناک تینے دریش کرینو مچ و۔ کس تا پوسکنو بوسکی بینانے۔ کس تا کتابی و

پوشاک کرینے۔ خنک تا سرمہ باک تا مسواک و۔ او حیران مس اسٹ نئے آن ارنے
 مڑدک داپاکنے دا انت قصہ سے۔ اے سوداگر نامارے پارے نے چا وہ سماں۔ فی مسافر
 نس ختنکسم۔ وولد اپاریرتہ مسہ دے مریک دالملک سنا بادشاہ کزیت کرینے اودے بیداسہ مسٹر
 نئے آن پین کس اف۔ غٹ مخلوق مچ نئے اسہ چکس بال لیتراہ اوچک اگہ کس نئے ناکاٹما
 توس تو اودے دالملک سنا بادشاہ کیرہ۔ او بادشاہ نامسٹرے ہم اودے برام لیتراہ۔ سوداگر نامار
 ہموڑے سلیمس۔ کہ اُرے چک امر بندغ ناکاٹما تو لک۔ او ہرا خوش نصیبے کہ بادشاہ نازبیا ناگا
 مسٹراونا مریک۔ ایلودا بادشاہی ہم اودے رسیدنگ۔

چک شہزادی نادوٹی اس۔ شہزادی تینے پاش کرے۔ ہراسٹ ناشہزادی نئے
 ختنک تون ہوش پرینگا۔ باک تہ دیرالار کہ دانا زک آگودی دنا نصیب سٹ مریک۔ سوداگر
 نامار ہم بادشاہ نامسٹرے خنا۔ او ہم اوڑے استے باہتس۔ او ہندا فکرئی اس کہ شہزادی چک
 نئے یلہ کرے۔ چک بال کرے پیری نس خلک بس سوداگر نامار سنا کاٹم آتوس سوداگر نامار
 حیران مس کہ دا انت قصہ نس مس۔ وزیر وکیل ہم بادشاہی نا امیت وارسر۔ او فک پاریر
 دیچائے داہرا جاگہ نابندغسے۔ دادے نن بادشاہ کپنہ۔ چک رد کرینے۔ او فک ولدا چک
 نئے ہلکر بادشاہ نامسٹر ولدا چک نئے الا۔ چک بال کرے ارا پیری خلک ولدا سوداگر نامار سنا
 کاٹم آتوس۔ واوزیر وکیل منتور۔ داچک نئے ہلکر بادشاہ نامسٹرے تر۔ بادشاہ نامسٹر
 واکچک نئے یلہ کرے چک دا جارنامہ پیری خلک ولدا بس سوداگر نامار سنا کاٹم آتوس۔ وزیر
 وکیل پاریر بے شک دا خدا ناکنڈانے۔ دا ورنانا قسمت نئی بادشاہ متنگ نئے۔ او شہزادی اونا
 نصیب نئی نئے داسہ نئے طاقت اف کہ خدائی آفیصلہ غاتے بدل کین۔ دھول دامہ غاک
 لگار۔ سوداگر نامار نئے بادشاہی وچ بیرفیر۔ خیری نس کوپہ غاتے شاغار۔ دانا کاٹم نئے شہزادی
 تون ڈوک تر۔ آدینک نس مون آتا تخار دا اسہ ایلو نئے خنار۔ دافتا است اسہ ایلوڑ تون لگا

شہزادی ہم خوش مس کہ اسہ ورنہ صورت دار و آریغ کس کئے ملا۔ سوداگر نامار سناست خوشی
آن تر خنگ آبسکہ۔ اوتینا تخت آتوس ننگان گودی تون مجلس کرے۔ اوفتاد یک ہندن خوشی
ٹی گدرینگارہ سوداگر نامار پیرانگائے اسل گیرام کرے۔

اَنل و ہن پیرانگاغان اوہلی تون ہمو جاگہ غا انتظارے تہ کرے۔ ہلی ئے بے
تسکہ و جندتہ میوہ کشکا کہ کنلکہ پیرانگا دہ شف انتظارے تہ کرے۔ چاکس کہ مار ذایفہ ئے
خنا بادشاہی ئے خنا کئے استان گیرام درینے۔ گڑا ای اسل است آتہ بفرہ۔ او اسہ بند غسے پنچ
روپی تس۔ اسہ چھٹی کس نوشتہ کرے تس تہ کہ دا چھٹی ئے دالک سنا بادشاہ ئے ایت۔ دابندرغ
خنا پنچ روپی ئے خوش مس۔ اوہنا کچاری ٹی سوداگر نامارے تس پیرانگانا چھٹی ئے سوداگرنا
مار ملا چھٹی ئے خوانا، کہ دا پیرانگانا چھٹی ئے۔ اودے داسہ ہوش بس کہ او پیرانگانا تون انت
قول کریس۔ پیرانگانا انتظار ٹی ئے ای اودے گیرام کریٹ۔ اونٹ شپاد کاٹم پیش ہنا
پیرانگاڑا۔ دوتے شاعا لکھ ئی تہ۔ پارے باوہ کئے معاف کیس۔ کنتون داوڑ مس۔

پیرانگا پارے ای نے معاف کریٹ۔ اے دنیا ئے نی ارا غارا ہی کریس۔ نی
داڑے بادشاہی ٹی آختہ مس۔ ننے پین ہم کاریم کروئی ئے۔ سوداگر نامار پارے نی
انتس پاسہ ای ہمون کیوہ۔ پیرانگا پارے تہ جوان کان ای نے ولد اصلاح کس ایتوہ۔ سوداگر
نامار پیرانگائے درے مالات ٹی جاگہ کس تس تہ۔ پیرانگا پارے نی منہ بندرغ تینا باوہ غارا ہی
کرک نی اوفتہ چھٹی کس لکھ۔ اوفتہ دابادشاہی آبنگ اوفتہ پاکہ اوفک غٹ مال و
دولت ئے ارفرداڑے بریر۔ گڑا ای و نی مستی کانہ۔

سوداگر نامار غٹ احوال ئے چھٹی سٹ لکھا۔ منہ گاٹ والا ہم ہمو بادشاہی آرا ہی
کرے۔ اوفک ہنار ایڑے سوداگرے چھٹی ئے تسر۔ سوداگر چھٹی ئے خوانا کہ مار کنا فلان
ملک سنا بادشاہ مسنے۔ اوزایفہ ئے تینا غٹ احوال ئے پارے۔ اوفک خوش مسر۔ او مال و

دولت ۛے تینا ارفیر مخلوق آن رخصت کریر۔ خلسا پر غسا ہفتہ دہ دے ٹی سر مسر۔ مارنا تینا بادشاہی ٹی، مار خنامہ باوہ ۛے تینا لمہ باوہ تہ مار آن تینا دروت ہلکر۔ باوہ تہ پارے نل داغٹ نے ہمونکی تا سوبان دو بسنو۔ اوہموڑے خوش اسراسہ دے پیرانگا پارے تہ نی بادشاہی ۛے تینا باوہ ۛے ایت چندنا کثون برک۔ سودا گرنا ماروزیر وکیل ۛے خوائفے اوفتے پہہ کرے کہ کنے کاریم کس ارے۔ ہراوخت اسکان ای پدی بتٹ کنا جاگہ غا کنا باوہ نما بادشاہ ۛے۔ وزیر وکیل پاریرتہ خواجہ نی بے غم مرک۔ بادشاہی نا فکر ۛے کہہ۔ مار باوہ ۛے تینا بادشاہی آتولفے۔ اوہلی تے تینا سنج کریر۔ کسرلگن تینا خوراک ارفیر سر ہلکر وختس داڑے وختس ایڑے۔ منہ دے آن گڈ سر مسراسہ پین بادشاہی سے آ۔ اوہموڑے گوئی کنگٹی اسر۔ ہمو ملک ننا بادشاہ نا اسہ بھاز زیبا و مسٹرس اس کہ اونا رنگ و دروشم ناروے زمین آمٹ ہلو کہ۔ دامسٹر بھاز رنگی دار اس۔ ولے دامسٹر نا پڈٹی زہری و دوشہ کس اس۔ دامسٹر ۛے ہر کس کہ برام کر یکہ صحب ستون او کہوک مسکہ۔ سودا گرنا مارنا نظر مالات آتما۔ مالات نا چپ و راست بند غاتا سرہ غاک ٹنگوک اسرہ۔ شہزادی تینا مالات آن شیف سیل کر یکہ۔ کہ سودا گرنا مارنا نظر اوڑا تما۔ او بادشاہ نا مسٹرا عاشق مس۔ او پیرانگائے پارے بادشاہ نا مسٹرا کنکن رسال ان۔ تانکہ ای بادشاہ نا مسٹر ۛے برام کتٹ ای مستی ہنپرہ۔ پیرانگا پارے تہ خانہ نیک دانگ اینگ نظر شاہرک داغٹ بند غاتا ڈولاک دیوال آٹنگوک ختگرہ۔ داغٹ بادشاہ نا مسٹر تون برام کن بسر۔ مگہ اولیکون غٹ تا کسکر۔ دامسٹر ہنداخہ زیباے۔ ہندن داڑتون برام کاٹم نا سودائے۔ دامسٹر تون کینی کس ارے۔ انتے کہ شہزادی داخہ زیباے مگہ ولدا ہم اونا مون پوشکنی آخلیک۔ اونا جان آارغ اسل لکچیک۔ سودا گرنا مارنا اتے مسٹر دریس۔ او پارے آخای ٹلپیرہ۔ کنے تینا ساہ تاپرواہ اف۔ دامسٹر ۛے برام کیوہ۔ او پیرانگا غازور شاغا۔ پیرانگا پارے ہرو برونی ضد کیسہ۔ گڑا ان توکل نا خدا غا سودا گرنا مار ہنا۔ دامہ

ئے خلک۔ ہر اک کہ دامہ ناتوارے بنگر تینے رسیفیر کہ اُردا جانا او ہر ابد نصیب ئے کہ مسر
توں برام کن بسنے۔ بادشاہ وزیر وکیل ہم بسر۔ خنار سودا گر نامارے۔ پاریرتہ اے ورنانی تینا
ورنائی ناخیالے کرک۔ نے گڑ اس مس تو نے افسوز مروئے۔ مار پارے کئے تینا ساہ سنا اسل
پرواہ اف۔ امر مرے ای داز بیباغا صورت نا گودی ئے برام کیوہ۔ غٹ لاچار مسر، چائسر کہ
داضدی ومار کسے۔ اودے شہزادی نارنگ ودر وشم دوست بسنے۔ اودے شہزادی نا صورت
گنوک کرینے۔ او فک مجبور مسر۔ ہلکر دوٹی تہ دریرتہ۔ حجامتی ئے تہ کر فیر۔ بوسکی ناتج بیر فیرتہ
۔ دھول دامہ غاک لگار۔ دانا نکاح ئے بادشاہ نامسرتون شاعار۔

ایڑے پیرانگا ہنا اسہ بلہ سے آ۔ بلہ ئے چنک کس روپی نالتس۔ پارے کنابلی نا
خیالے تخس قدیم شاس ای آتہ ای کاوہ کاریم کسے ٹی۔ بلہ کہ داخدر پیسہ عاتے خنا او پیرانگا
کن ندر و صدخہ مس پارے خواجہ فی بے غم مر۔ ای ہلی ناخیالے تخواہ۔ پیرانگا اللہ عا سوال
کرے۔ کہ کئے پشی کس کرک اونا دعا قبول مس۔ پیرانگا انسان آن اسہ پشی کس جوڑ مس
اودے سنامون آ میاؤں میاؤں کر ساہنا۔ مسرنا مالات آ۔ اودے گاٹ والا ک مڑار او اسہ
وڑ کسے ٹ بادشاہ نامسرتنا کھٹ سنا کیرہ غان تینے ڈکا۔ سودا گر نامارنا بادشاہ نامسرتون برام
مس تو سودا گر نامارے ایسر۔ شہزادی نا کوٹھی ٹی۔ کوٹھی شہزادی نازیبا ئی آن گرو شک تسکہ۔
سودا گر نامار شہزادی تون مجلس کرے تانکہ دافتے سما اس۔ او دافتا چکارے تختو۔ چوخت
اڑ دوسر تا تنگان ہنار۔ اوکھٹ سنا کیر غان پیشتما۔ بالشت نانیام آتوس۔ اوخنا کہ دوشہ کس مسہ
سرہ ای و مسرنا باہ آن پیشتما۔ او پڑے کشاک مارے ڈنگ خلے۔ پشی سٹ بٹے دوشہ نا اسہ
سرہ ئے کشاک۔ دوشہ پدی خسا تینے مسرنا پڈ ٹی ہنا۔ او ولد انتظار کرے۔ مگہ دوشہ ولد امسرتنا
پڈان پیش تھو۔ صاف تما۔ سودا گر نامار او بادشاہ نامسرت بش مسر بے شولار۔ بادشاہ صحب ستون
چوکری ئے راہی کرے۔ پارے چوکری غریب انک ہرک کہ کنا سالم زندہ ئے

یا سکے۔ اگہ کنا سالم زندہ مس ای نے خیسن پیہن اٹ تول کیوہ او نے بندی گری آن آزات کیوہ۔ چوکری خلیس آ است نئی ہنا او نا است نادر پیہ اس۔ اتنے کہ اینو اسکان بچو ورناس شہزادی تون برام آن پد صاحب اسکان زندہ سلیتوس۔ اوبس درگہ غا خف تورے توار توارس بنگ او کوکڑو کرے خنابادشاہ ناسالم او شہزادی اسہ ایلو تون خوش گپ و۔ چوکری خوشی آن ہوس چور مس۔ اود دینگسہ ہنا۔ دم کشتہ مس بادشاہ نے پارے خواجہ مبارک مرینے کہ ناسالم زندہ ہے۔ کنے خیسن پیہن ٹ تول کرک۔ بادشاہ چوکری نے دم کشتہ خنابادشاہ خیال چوکری خیسن پیہن ٹ تول کنگ ناینگ چوکری نا خوشی آن مغز خراب منے۔ او گنوک منے۔ اودے چوکری نا پیتا تیا باور بتو۔ چوکری پارے داقر آن خواجہ داقسم ناسالم زندہ ہے۔ ای اودے گودی تون مجلس آ خنابادشاہ وزیر وکیل ہم تولوک اسر پاریر خواجہ پین سے فی راہی کرک او ارے تا برے۔ پین چوکری سے راہی کریر۔ اود دینگسہ ہنا۔ زوئس پدی بس پارے بادشاہ سلامت گواچنی سالم نازندہ ہے۔ بادشاہ خوش مس پارے چوکری نے خیسن پیہن ٹ تول کبو۔ ای اوڑ تون اقرار کریٹ۔ چوکری نے خیسن پیہن ٹ تول کریر۔ اودے بندی گری آن آزاد کریر۔ او ہناتینا ارغا۔ او نا عیش مس۔ بادشاہ نے وزیر وکیل پاریر بادشاہ سلامت دہن مف کہ استو مار مسٹر جتا مرور ہندا خلیس آن کہ نوا مار کہے۔ فی مسہ نن اسکان ارک۔ گڑ او اوکان گڈ خوشی نا پڑوئے کرک۔ دانی اسہ رازس ارے۔ بادشاہ پارے نما ہیٹ ہم راست ہے۔ ارٹیکونن مس، سودا گر نامار و شہزادی ارے اسکان مجلس کریر۔ ولداتع ہلک تاخا چار۔ پیرانگا پشی نا صورت ٹ بس۔ اودا بالشت نا نیام آتوس ہرا کہ دوشہ شہزادی نا با آن پشتما۔ او کرے کہ سودا گر نامارے ڈنگ خلی پشی تینے خسادوشہ نا اسہ سرہ کس کشکا۔ دوشہ پدی گودی نا پھڈٹی ہنا۔ صاحب اسکان او انتظار کرے۔ مگہ دوشہ تینا مسٹیکو سرہ ہے کشتو۔ صاحب ستون بادشاہ چوکری سے راہی کرے۔ چوکری ہنا پدی بس او بادشاہ ہے

مبارک بادی تس کہ سالم نا زندہ ئے ہندن مسٹمیکونن مس۔ چوخت شہزادی اوسودا گرنا مار
 تنگان ہلکر پشی کٹ سنا کیرہ غان پیشتما۔ بالشت نانیام آتوس دوشہ ارے سے آتینا کاٹم ئے
 کشا۔ اوکرے کہ مارے ڈنگ خلے پشی خساتینے دوشہ نا مسٹمیکو سرہ ئے ہم کشکا۔ دوشہ نا
 جون شہزادی نا پھڈٹی سلیس۔ صحب تما بادشاہ ئے ساما کہ سالم تہ زندہ اے او پنڈر ترے
 خیرات کرے۔ وزیر وکیل پاریر تہ داسہ ولدانی نکاح ئے تہ پوسکن کرک۔ بادشاہ خوش
 مس۔ او خواہنے قاضی ئے اودا فتا ولدانکاح ئے تھے۔ دھول و دامہ غاک لگا راونک خوشی
 کریر۔ ایڑے پیرانگا پشی ناشکل سٹ داکان پیشتما۔ اللہ غان سوال کرے کہ کنے پدی انسان
 کس کرک۔ اللہ اونا دعائے قبول کرے۔ او ولد اتینا مست سنا صورت سٹ بس۔ او ہنا پدی
 بلہ غا۔ ہلی ئے ہلک ای آن تہ۔ اسہ بندغ کسے پنچ روپئی س پارے تہ کہ نی ہن ای دا چھٹی
 ئے لکھانٹ دادے بادشاہ نا سالم ئے ایت۔ سودا گرنا مار ہم کچاری ٹی بسکہ تو سکہ دادرے وڑ
 کسے اٹ ہموچھٹی ئے مارنا دوٹی تس۔ اوچھٹی ئے خوانا خیال بس تہ کہ او پیرانگا ئے گیرام کرینے
 ۔ پیرانگا ایڑے ہلی توں سلوک اونا انتظارے کنگٹی ئے۔ او ہنا پیرانگا نا لکھ کئی دوتے تیا شاغا۔
 پارے بابو معاف کیس کنے ای نے گیرام کرینٹ۔ پیرانگا پارے بیڑی وسم اے دولت نا اے
 بادشاہی نا غٹ مخلوق نا انتظار کئی ئے۔ نی تینا زانیفہ توں داڑے خوش اس۔ پدنا ہم گڑ اس خیال
 ارے نے داسہ نانت منشائے۔ سودا گرنا مار پارے انتس کہ نی پاسہ ای نا با آن پیشن افٹ۔
 پیرانگا پارے تہ داسہ نی بادشاہ غان موکل کرک۔ زانیفہ ئے تینا تینون ارف۔ ارامہ خچر خیسن
 پیہن نارف، گڑ اس سپاہی تینون ارف۔ داسہ نن پدی کانہ۔

مارا نا بادشاہ غا پارے بادشاہ سلامت ہندو نا بادشاہی سے ہندو کنا بادشاہی سے۔ سہاف
 کنا بادشاہی نانت حال مرو۔ نی نے موکل ایت نن پدی کانہ۔
 بادشاہ پارے نل انت کہ نامرضی۔ او حکم تس گڑ اس خچر خیسن پیہن نا باریم کبو۔ جٹ کسے ٹی

نچرتے آخیں پیہن تنخار۔ گڑاس سپاہی ہم اوڑتون راہی کرے۔ پارے نم کنا سالم و
 مسرے اوقا علاقہ غاسر کبولد اپدی ببو۔ مار قافلہ تون سر ہلک گودی ئے کجاوہ ٹی تولفیر۔ خلصا
 پر غسابر دریاب نارہی آ۔ پیرانگا پارے تہ ٹل نی کثون انت اقرار کر لیس۔ مار پارے تہ نن
 دا اقرار کرین کہ مال سنا کا ٹم کنا ئے فائدہ نانیمہ نانیمہ کنا۔

پیرانگا پارے اثر دہارنا خزانہ غان کئے بچس رسینکتو مال و بادشاہی نے ملار کئے داسکان بچس
 دو بتنے۔ داسہ زانیفہ غاک ناسلیسر۔

سودا گرنا مار پارے کنا ارا زانیفہ و ہراڑانی دوئے تخس ای مسٹ ایتوہ تہ فی برام کرک تہ۔
 مال و دولت ئے ای بشخوہ ناشخ ئے نے ایتوہ۔

پیرانگا پارے نہ ای دہن کپرہ۔ ای زانیفہ غاتے نیام آن کپ کیوہ۔ اسہ اسہ کپ نالیو کپ
 آک تا کنا۔ مار پارے فی کپ کیس تا ہم کئے بچو اعراض کس اف۔

ایسر چار میخ کڈ کریر۔ بادشاہ نامسٹرنانت تے دوئے تفتیر۔ سپاہی تے داکان ایکان سلیفیر۔
 شہزادی ارفے کنانت تے دوئے انتے تفتیرے۔ مار پارے نن نے نیام آن ارا کپ کینہ
 کپ نا کنا کپ نادا پیرانگانائے۔ گودی ناست سٹ خلیس تما۔ پیرانگا ارفے زغم ئے پیری
 ترسا دینگہ بس اللہ توار کرے زغم ئے بڑا کرے۔ گودی خلیس آن چیہانٹ کس خلک
 دوشہ ناجون اونا با آن پشتما۔ پیرانگا خوشی کرے پارے شہزادی نانت تے دوئے ملبو۔ ارفیر
 شہزادی نانت تے دوئے خلاص کریر۔ شہزادی نارنگ پوشکن ہڑینگا کس اودے دیرتسر۔ او
 ہوش نئی بس۔

پیرانگا سودا گرنا مارے پارے کہ شہزادی نا پڈ نئی مسہ کا ٹی و دوشہ کس اس۔
 شہزادی ہر کس ئے برام کر یکہ ننکان دادوشہ اونا با آن پشتما کہ اریغ ئے تہ ڈنگ خلککے او
 کسلکہ۔ ای دہن تینے پشی کس کریت مسہ نن ای دوشہ نامسہ سرہ تے کشکاٹ۔ دوشہ نا

جون شہزادی نا پھڈئی سلیس۔ ای شہزادی اے کپ کنگ نا ہندا خاطر ان پاریٹ کہ شہزادی
 ساہ نا خلیس آن چہاٹ خلعے تاکہ دوشہ نا جون اونا پھڈ آن پشتمے۔ او جک جوڑ مرے نہ تو
 دوشہ نا جون آن شہزادی دے پے دے کٹسا ہنا کہ۔ شہزادی ہم پیرانگا ناہیتا تے بنگ و حیران
 مس۔ پیرانگا پارے مارے مل اڑ تو ماز ایفہ غاک نے مبارک مریر۔ اے مال و دولت دا
 دولت بادشاہی غٹ نے مبارک مریر۔ ای ہمو مسکین اٹ کہ بخال کنا جون ے چوٹ ٹ
 خلک نی پیسہ تس کنے پین چوٹ کنگان پچفیس۔ ای خدا نا حکم اٹ نا دا دنیا غا پدی بسٹ۔
 داغٹ مال و دولت بادشاہی گودیک نے نائیکی نا سوبان رینگار۔ پیرانگا پارے مل مستی ہم
 نی نیک و کاریم کر سا کرک۔ ای داسہ نے آن رخصت کیوہ۔ پیرانگا کرے تینے مچھی لُس
 بٹے تینے دریا بٹ انا پدی جاگہ غاتینا۔

سودا گرنا مار ہنا تینا بادشاہی آ۔ ایڑے لمہ باوہ تہ خنارتہ خوش مسر۔ مار غٹ قصہ
 ے لمہ باوہ ے تینا پارے او فک بھاز خوش مسر۔ شہزادہ ے باوہ تہ پدی تخت آتولفے پارے
 مل ای داسہ مسیت کسے نا کنڈے لیوہ نی چاس نا بادشاہی چائے۔ او فک چہل دے اسکان
 خوشی و شاد کامی نا پڑوے کریر۔ او بادشاہ نا سپاہی تے پیسہ تس پدی راہی کرے تا۔ پوسکنا
 زایفہ ناتہ پھڈ آن دوشہ نا جون پشتماس۔ داسہ او نارنگ و صورت انا آ مبار خین
 اڑینگا۔ سودا گرنا مار تینا اڑ تو ماز ایفہ غاتون خوش اس۔ او دے اسہ دے باوہ تہ پارے مل ای
 نے ہے جار پیسہ تسٹ پاریٹ دا فتار اگڑا ال نی ہمو پیسہ غاتے نیکی آخوچ کر لیس او نا بدل
 ٹ خدا نے ارا نیک سیرت و خوب صورت و زایفہ تس۔

سودا گرنا مار پارے بے شک باوہ جان اللہ تعالیٰ نا اخص شکرے کشن کم ے۔ سودا گرنا مار تینا
 بادشاہی ٹی تینا زایفہ غاتون خوش اس۔ نن چٹان بٹان ایمان نا ٹکر لُس کٹان۔

ارا ایلیم ناقصہ

اسہ خلق سے ٹی ارا ایلیم رہینگارہ۔ بھلا ایلیم ہزگار س اس۔ چکا ایلیم نیزگار س۔ بھلا
 ایلیم س ہستی ناسوبان غٹ میر جمال خان پاریرہ چکا ایلیم ناپن کمال خان اس۔ او بیوس
 مفلس اس اودے اونا غریبی ناسوبان غٹ کمالو پاریرہ۔ میر جمال خان نارنا ہی آ کمالوتینا
 زایفہ شکر خاتون و مارتون گدان سے ٹی تماس شکر خاتون شیر زال و نیازی س اس۔ او بھلو
 جغرا گودی س اس چکا چکا گلہ و شکا ست آتے ارغ ناتینا خف آ اسل خلتو کہ۔ اسہ دے
 جمال خان نازایفہ زلیخا کڑ چوٹی دانکو کر یکہ کمال خان نامارے دانکو تا گند لگا۔ اوبس پارے
 تاتی ای بینگن اٹ کنے ہم دانکو تا تاپ س ایت۔ زلیخا خلک تہ جونزڑے۔ پارے مش کن
 دانکو تان لوسی نامار۔ نم سیر غانی آن تمانزے۔ نن نما پھڈا تے ولفن یا تچ کین نمے۔ غٹ
 نما مفت کنگ آ ہیل کریرے۔ مار ہو غسا ہنا لمہ س تینا پارے دہن تاتی آن ای دانکو
 خواہست تاتی جونزڑا خلک کنے۔ لمہ تہ پارے مل اوراست پانک غریبی اسہ بھلو عیب
 سے۔ نی پین دوار او فتا گلی آچس خواہنگ کن ہمپیس۔ مار لمہ ناتینا پتے بنگ چپ کرے۔
 کمالودے آن کھرے خوفیکہ۔ شام ستون دم دروک بسکہ وختس بارن وختس پالن باخو س
 ملا کہ تہ۔ او ہمو فتنے کنگلہ خدا نا شکرے کشاکہ۔ او اونا زایفہ او چناتہ وختس لنگڑ ہم خا چارہ۔

اسہ دے زلیخا کول ناخیرات کرے غٹ چناک بسر۔ رزان تے تینا تھار۔ داکول
 رزان تے ٹی شاغسہ ہنا۔ ہنداڑے کمالو مارہم بس۔ زلیخا اودے خنا غصہ غان کول تے
 اونا دو تیا شاغا۔ مارنا دوک پوتر و ہلکراو ہو غسا چہاٹ کر سا ہنا تینا داں لے لمہ غاتینا سر
 کرے۔ شکر خاتون تینا مارنا دوتے پوتر و خنا۔ است تہ سفار خنگ آ بس۔

خنتے آن تہ خوی نکاک بر وار۔ پارے جوان اینو نا باوہ بس ای اودے زلیخا نا کرڈ
 ناپاوہ۔ شام ستون کمالو دم درینگوک بس۔ اوبارن آ ارغاتے تس مونا تے تھار۔ اے غریب
 گٹ سٹالے۔ شکر خاتون دیر تس تہ۔ اودیر تے تزگا۔ شکر خاتون ارغ لے تینا دم درینگوک
 خنا۔ اودے باہ متو۔ اوتینا ارغ لے تینا ہجرات نا بیدادی نا سہی کتو۔ اوسبر کرے تو س ایڑے
 زلیخا نا کوشست نس کہ وڑنا وڑسے سٹ دافتا خا ہوت لے داکان ہمپفو۔ اواست ٹی شکر خاتون
 آن بھاز سیر اوکست کریکہ۔ انتے کہ شکر خاتون نا دروشم جوان اس زلیخا نارنگ و دروشم
 اوڑان بھاز گھٹ نس ہندا سوبان اودے اوڑان بھاز بد بسکہ۔ اسہ دے کمالو مال لے درے
 شیوان آخوافنگ کن۔ داڑے زلیخا ڈال بیٹ کرے۔ کمالو نا مارے دافتا گندھ لگا۔ اوتا تہ
 نا تینا غٹ ظلم آتے گیرام درے۔ چنا مار اس ہنا پارے تاتی ای بھاز بیگلن اٹ۔ کنے ہم مچہ
 ڈال نہایت۔ اے پارے ناخنوک ڈال آتا ہم گندھ لگانے۔ او غصہ غان ارے لارنگا ڈال
 تے مارنا کاٹم آڈھیر کرے۔ پارے ناخنوک نماخنک چڑہ ہر گڑا ٹی سخت و۔ نم اسل سیر
 کپیرے۔ تینٹ تو بھینگ اُرے ننا ہم رندٹ تمانرے۔ ننے ہم تینے آنبار پخیر کننگ
 خوارے۔

اے معصوم نا کاٹم آباس انگا ڈالک شولنگار۔ اونا کاٹم ہشدگا۔ پچاک تہ غٹ ڈال
 آن لوجنگار۔ اویا حسین کر سا او غسا ہنا لمہ غاتینا۔ لمہ تہ بیوس خنا مارنا داحالیت لے اوہم جٹ
 نس ہوغا۔ اوچائس کہ ننا ہجرات ننے داڑے رواداراف۔ دہن مف اسہ دے مارنا نا کاٹم

ۛے ڪنۛ۔ ڊاڪان زيات پڻ ظلم انت مروۛۛ۔ شام سٽون ڪمالو غريب دم ڊرنگلوڪ بس۔
 زائيفه ته غٺ قصه ۛۛ پارے ته ڪه نا ايلم نازائيفه دهن دهن نامار سٽون بيدادي ڪرينے۔ اينو
 باسنا ڏال ته نامار سٽا ڪاٿم آڀلٽ تسنۛ۔ داسه ڊاڙے نن اننگن مرين ني دے درست او فتا ڪهر
 ۛۛ خوفسه۔ اي او فتارزان ته پچا ته سلوه، خدمت ۛۛ تا ڪيوه۔ مگه ڊانياڙي نڻے اسل
 رواداراف۔ دے سٺا دے اس ننا مار سٽا ڪاٿم ۛۛ ڪنيڪ۔ خدا نا بھلو بادشاھي سے نن کان پڻ
 تين جا گه اس بارن پالن کس ملڪ نڻے زند سٺا ديتے آسرا تي سٽ گڊريفن۔ ڪمالو چا کس ڪه
 ايلم نا ڪنا زائيفه گوا چني مڪري و نياڙي کسے۔ اونن ڊاڙے جٺ کس هم رواداراف۔ ڪنا
 زائيفه بھاز شڪري او استخوان والا نياڙي کسے۔ او نا صبر مش تيان زيات ۛۛ۔ داسه اولا چاري
 آن همجرات نا تينا غاوے ڪنۛ اسڪان سر ڪرينے۔ ڪمالو پارے جوان غريب صھب ته۔ گڙا
 فيصله کس ڪينۛ۔ شڪر خاتون مچ نن ڪپ ليٽ ڪرے او دے تغ بتو۔ چڙه مار سٽا تينا خيا لے ڪريڪه
 صھب سٺا ملاتا اذان تون بش مس۔ ارغ ۛۛ تينا ٿو ٻا۔ ارغ ته هم بش مس۔ ارغ ته پارے
 جوان نن داسه ڊاڪان همپنه ڪانه۔ او فڪ رلي تر پڙ آتے تينا ار فير سر ٻلڪر۔ خلسا پر غسا شام تھاتا
 او فڪ اسه ڪپي سے ٿي هنار۔ او همو ڪپي ٿي ڏوڪا ته پر غاتا ڪه تينا خاچنگ ڪن جا گه کس جوڙ
 ڪے او داسه خل کس ڪشا۔ خل سٺا ڪير غان خنا اسه ڊيگ کس۔ او ڏغارے ختا ڊيگ ۛۛ ڪشا۔
 ڊيگ سٺا ٻا ۛۛ ملا هر اڪه ڊيگ خيسن آن پھر ۛۛ۔ او نا زائيفه هم ڊيگ ۛۛ خنا۔ او فڪ خدا نا
 شڪر ۛۛ ڪشار۔ شام تون خاچار۔ صھب تون او فڪ مستي راھي مسر۔ هنار اسه پڻ شار سے ٿي
 سر مسر۔ او فڪ اسه جا گه کس بئير۔ گڊان ۛۛ تينا بش ڪري۔ ڪمالو ڊيگ آن گڙ اس خيسن نا چڪي
 ار فے ڊرے سيٿھ کسے آ۔ او خيسن ته پر غغے سيٿھ آن پيسه ٻلڪ ڪنگ ڪن تينا گڙ اس ٻلڪ
 پڊي بس۔ او هموڙے ڏغار کس بھائ ٻلڪ۔ تينڪه اسه جوانو ماڙي کس ته۔ او غله نا واپاري
 ۛۛ شروع ڪرے۔ او خدا نا قدرت ۛۛ ڊاڊے ڊا واپاري ٿي بھاز فائده مس۔ او تينڪه بھلو

جائید اُس ہلک آخر وختاک خدا نا گد ریگرہ پیناک زومریرہ سالک تینا موسم آکارہ۔ شش
ہفت سال پھر کتو۔ ڈکال مس۔ ایلم ناتہ میر جمال خان نا کارو بار دے پے دے چٹسا ہنا۔ اونا
گھر چٹا مال تہ کہسک ہنا او بھینگ مس ہنا۔ داسہ شام سنا ارغ کن تینا ہم محتاج مسر۔ زلیخا
ہنا کہ ایلو فتا اراتے ٹی رزان تے تاجڑ انگلیکھ پچاتے تاسلا کہ۔ او بھاز بد حال اس۔ داسہ
اودے معلوم مس کہ خواری انت گڑ اسے۔ داسہ اونا استیٰ ہمو ہجرات نامار ستون ظلم کنگ بسکہ
تو او ہو غا کہ۔ تینا ارغ ے پاریکہ ای دہن نا ایلم نامار ستون تادی کرے۔ او غریباک مجبور
مسر۔ داجا گے الار ہنا۔ ہمو ظلم سنا خدا نا کنڈان ننے داخدر سز ملا۔ کہن شام سنا ارغ کن
محتاج ان۔ فی خدا نا پنٹ ہنک او فتنے پک ای او فتنے آن تینا ظلم و تادی نا معافی ے خواوہ
-

میر جمال خان کہ اودے دا اسہ جمالو پاریرہ۔ او پارے بے شک فی او فتون بھاز
کیرو کرنیس۔ ای ہرا شرم ٹ او فتنے آکاو۔ سماف او فتانت حالیت مروے۔ او زندہ ہم
اریریا فس۔ زلیخا پارے ہمر کہ مرے فی ہن او فتا ڈس و پدے خلی برک۔ جمالو پارے جوان
ای کاوہ نو او فتنے خنو۔ نو اجا گے سے آن ننے غلہ س دو برے۔ لنگڑی آن چناک ننا اُز دیر
کرینو۔ اودانگ اینگ گوئی کر سا ٹا پرینکسا ہنا۔ ہنا ہمو شار ٹی کہ ایلم تہ ہموڑے اس
اودے ساتما فلان جا گے غامیر کمال خان ناماڑی ے۔ میر کمال خان بھاز سخی و بندغ سے مچ
شارٹی اوڑتون غلہ ارے پین کس ستون غلہ اف۔ او ہنا ایلم آتینا اودے سماہلو کہ دامالدار آ
بندغ اونا ایلم ے۔ او ایڑے ہنا، ایلم تہ اوڑے ہلو کہ ایلم ناتہ مار دکان ٹی اس۔ مار خنا تینا الہ
ے ار فے کہ انکلن بسنس فی دیر اس۔ الہ تہ پارے کناپن جمالو ے ای اسہ غریبو بندغ سے
اٹ۔ کمال خان نامار خنا الہ ناتینا غریبی ے پارے جوان انت گڑ الیسہ۔ الہ تہ پارے کنے
گڑ اس غلہ ناوام ایت۔ ای کاو تینا زامیفہ ے چناتے ایتو۔ او فک اُرے نا ے خولم نارغ

بے باغا خلثو۔ کثون داوخت اسے ٹنگواو پیسے کس ہم اف۔ فی تیٹ غلہ کنانت ناچواک ہم
کٹکانو۔

مارداسہ بھلن مسس۔ اوخت بروت کریس۔ الہ تہ اودے تو۔ اتے کہ چنا
بھلن مریک اودے چاننگ مشکل مریک بھلا بندغے چنا چانگ۔

کمال خان نامارالہ کن تینا ارغ خواہے اودے ارغ تس۔ ولد اسہ موچی سے نادکان آن
میخ ٹک ناچوٹ کس ہلک ای کن تہ۔ گوالہ کس غلہ غان پر کرے تس تہ۔ الہ تہ تینا پارے دا
گوالہ نے آشیخے۔ اگہ داغلہ غاک چٹارنی پدی برک فی ہن تینا زامیفہ وچناتے داڑے
ہٹک۔ اودے الاخ کس ہم تس پارے غلہ غاتے داالاخ آتخ۔ جمال خان حیران مس کہ دا
ورنا کنے آداحہ درانتے مہربان ہے۔ الاخ نازی آگوالہ ہے تہا۔ خوشی کرسا پدی ہناتینا خلق
آ۔ ایڑے زامیفہ تہ الاخ آخنا گوالہ ہے ارنے کہ غریب داگوالہ ہے ہراکان ہنگلی
اُس۔ جمال خان زامیفہ ہے تینا پارے دہن ای پین شار سے آہناٹ اوڑے اسہ بھاز
مالدارو سخی و بند غس ہے اودے ختوٹ اونا مارکنے خنا۔ کنے داالاخ ہے تس گوالہ ہے ہم تس
کنے پارے دافتے فی مفت درک۔ اوٹک خوش مسر۔ نیاڑی نخل ہے کشاغلہ غاتے نسا۔
اوٹک منہ دے جوان آسراتی ٹ کنگر۔

ایڑے چوخت میر کمال خان پدی بس شام ستون مارتہ الہ ناتینا غٹ احوالے
پارے تہ کہ دہن الہ نامال و دولت غٹ چٹانو۔ اوکنگال و بھینگ منے۔ ارغ کن تینا محتاج
ہے ای اودے گوالہ کس غلہ ناالاخ تون تسٹ پاریٹ تہ اگہ داغلہ غاک چٹار ولد ابرک پین
ایتوہ نے۔

میر کمال خان تینا مارنہ پیتا تے بنگ۔ اوارا تینا زامیفہ غازامیفہ تہ پارے چاودہ کنا ہجرات خوا
ری کشنگی ہے اوارغ ہے تینا پارے بیشک اونٹون بھاز ظلم کریو۔ مگہ داسہ اودے خدانا

کنڈان سزار سینگا نے۔ اگہ اوپدی بس توئی اودے عزت ایتک۔ میر کمال خان تینا مارے پارے مل بیشک فی خانوادہ نامارے اس۔ فی اوفتا غٹ ظلم و تادی تے گیرام کر لیس۔ اونا خیالے تھاس۔ بے شک فی نیک صالح و مارے اس۔ ایڑے منہ وخت آن گڈ گوالہ چٹا۔ جمالوز ایفہے تینا چناتے ارے پارے کانوہے شار آ۔ ہمو سخی آ بندغ نواکنے نوکر تھے۔ اوسر ہلکر خلسا پر غسا سر مسر ہمو شارے صوب ستون جمالو ہنادکان آتا ایلم تہ میر کمال خان خناتہ چائے کہ دا کنا ایلم ہے۔ جمال خان میر کمال خان ہے خنا او ایلم ہے تینا درست کتو۔ انتے کہ داسہ میر کمال خان ہمو غریب آ کمالو ہلو۔ اوداسہ مشہدی و لنگی کس تقیسس اول آن بھاز بدل مس۔ احوال کرے تہ کی فی انت کن بسنس۔ اوتینا حوالے تے تہ کہ کناپن جمالوے ای مست مالدار اسٹہ۔ منہ سال ہے پر برسات متے۔ ننا علاقہ ٹی ڈکال مس۔ ننا غٹ مالک چٹارای ناصفت نابنگٹ نے آبٹ کہ فی کنے نوکر کرک۔ کہ ننا گذران مرے۔ خدا دانیکی ناناے اجرایتک۔

میر کمال خان پارے ایلم چا وہ فی کنے درست کتولیس۔ ای نا ہمونیز گارا ایلم کمالو اٹ۔ اللہ تعالیٰ ہے ننے آرحم بس اونا غریبی نادے تے چٹھے۔ داسانن تون خدا ننا شکر ہے ہرگز ارے او ایلم ہے تینا خمب کرے۔ پارے ایلم فی داسہ ہم میر جمال خان اس او ایلم ہے تینا تینون ار اعدادے۔ میر کمال خان نارائی شکر خاتون خنا جمال خان ہے اودے بیا بخیر کرے۔ چائیدان ہے بیٹ کرے چائے تے تہ۔ شام ننا کباب بے تے تہ۔ ولد اپارے تہ ایلم فی ہن تینا ز ایفہے اوتینا چناتے ہنداڑے ہتک۔ نن ہم داڑے تینا تمانن۔ نم بریرے توننا ہم وخت جوان گدرینگک۔

جمال خان دانیازی نا جگرے خنا پارے شکر خاتون نے لکھ آفرین ہے کہ کنا ز ایفہے نم تون انت انت کیر و کرے۔ ولے نما سگ و سینہ تلار آن زیات سو گوارے۔ اوپدی ہنا تینا ز ایفہے

ۛ غٹ حوالے تس۔ ایفک تینا مڈی ۛ ار فیر بسر داڑے ذلیخا دانانت تے آتما شکر خاتون
 پارے تہ نہ ایڑ ذلیخا کنے گنہگار کپہ۔ او اونا دوتے لځ نئی شاغا۔ او فک خوش مسر۔ میر کمال
 خان ایلم کن تینا دکانس ہلک تس تہ اوڑ کن اسہ جو انو حویلی نس تھینے۔ جمال خان تینا مسٹر نارشتہ
 ۛ کمال خان نامار ستون کرے۔ منہ وخت آن پدا وفتا برام مس۔ او فک ہموڑے خوش
 اسرہ۔ نن اوفتہ الان بسن نماز بیدارا مجلس آ

چہل ایلم ناقصہ

خدانا حکم سٹ اس اسہ بادشاہ کس۔ بادشاہ خدائے خدا نارسول ۛے۔ زمانہ سازی و
بادشاہ کس اس۔ بادشاہ غان اونا رعیت بھاز خوش اس۔ بادشاہ ناچہل مارا سرہ۔ دامارک
چوخت ورناسر۔ بادشاہ ۛے دافتا برام نا فکرارنے۔ اوتینا مارتے خواہنے۔ اوفتے آن
اڑنے پارے کنا چناک زندا وڑ گدرینگکپ نھے سانگ و برام نا گڑتی ارے یا ہندن
زندے گدریفرے۔ مستی نھے دابادشاہی ۛے سنبھالوئی ۛے۔ ای داسہ پیر مسنٹ۔

چنکا ایلم ایلو ایلم تے ارا۔ ولد ایلم تے آن اجازت ہلک کہ ای گڑ اس باوہ تون ہیت کیوہ۔
ایلمک پاریرتہ بے شک ایلم ننا کنڈا ہم فی ہیت کرک۔ چنکا شہزادہ پارے
اے باوہ جان نن ہم جوان چانہ کہ نے ہروخت ننا برام نا گڑتی ۛے۔ نن چہل ایلم اُن۔ نن
بنگنن اسہ پین بادشاہ کس ارے کہ اونا چہل مسڑو۔ باوہ جان فی ہمو بادشاہ نامسن تے کن نن
کن رسال رائی کرک۔ یانا جندہن گڑانن ہموڑے برام کینہ۔ یکہ یکہ نن برام کپنہ۔ اگہ نن
جتا جتا برام کرین دہن مف کہ ننا زایفہ غاک اسہ ایلوڑتوں ساڑ کروڑ ہینگ پرور۔ اوافک
ننے ٹی ناراضی و بے سیوتی و دی کروڑ۔

بادشاہ ہرا ایلو مارتے آتینا غٹ تا پاریرا با جان ننا غٹ ننا ہندا صلاح ۛے۔ مونی نا منشاء
۔ بادشاہ پارے کنا چناک ای داسہ پیر مسنٹ ای داخہ مرسفرکننگ کپرہ۔ اگہ پین کس ۛے
راہی کیو خبراف اونا رشتہ ۛے کرفنگ کے یا کپ۔ اگہ نھے ٹی دہنو کمال کس ارے نم ہنو ہمو
بادشاہی آ۔ اوا گہ نم ہمو چہل ایڑ تے برام کیرے اتیرے توکنے بھاز خوشی مروے۔

چٹکا شہزادہ پارے باوہ جان بے شک نن داسہ ورنّا اُن۔ نن تینٹ کانہ تینا برام
 تے کینہ برینہ۔ او باوہ ے تینا پارے باوہ جان نن چہل ہلی ایت نن ایلک اور کانہ۔
 بادشاہ سائیس ے خواکے اودے پارے طبیلہ غان جوانو چہل ہلی گچین کرک کنمارتے
 ایت۔ او ہمو تم ہنا چہل ہلی گچین کرے۔ شہزادہ غاک کسر کن تینا سامان ار فیر۔ خیسن پیہن
 ہم ار فیر تا کہ کسرٹی اوفتے پیسہ نامکبوتی مف۔ ہلی تے سنج کریر۔ زغم آتے تینا ار فیر سر ہلکر
 خلسا پر غسا خلسا پر غسا منزل خلسا شکار کرسہ مستی ہنار۔ شام تماتا۔ ہلی تے آن دڑنگار سامان
 تے شیف کریر۔ ہلی تے تفتیر اوفتہ مون آ بے شاغار۔ غٹ گڑا ار فیر۔ بیرہ باکس ے گیرام
 کریر۔ اسہ ایلوڑان ار فیر مگر کس ستون تا اسہ تیلی کس ہم الو۔ حیران مسر کہ داسہ انت کیر
 ۔ دانگ اینگ نظر شاغار، خنار کہ مر خاخر کس لگنگٹی ے تین پہ تین صلاح کریر کہ دے کائے
 ایکان خاخر ہتے۔

چٹکا شہزادہ طاقت نا خواجہ کس او پارے ایلک ای کاوہ خاخر ہتنگ کن دادیو آتا علاقہ ے
 ۔ دہن مف کہ نمے آن کس کائے۔ اودے نسخان رسینگے۔

ایلک تہ پارے ٹھیک ے۔ فی خیال ٹہن۔ چٹکا شہزادہ ہلی آسوار مس۔ ہنا ایڑے سر مس
 اُراو بلی اسہ دیو کسے خاخر نار ہی آتو سنے۔

شہزادہ پارے تہ السلام وعلیکم دین نالہ۔

دیو پارے وعلیکم السلام ایلیم نامار۔ اگہ کنے دین نالہ پاتویسہ اسہ باخو کس کرے کنگٹہ نے۔
 شہزادہ پارے داسہ کن کنے۔ ای حاضر اٹ۔ دیو پارے نہ ایلیم نامار پارینٹ نے بیڑی وسم امر کنیو نے
 ۔ دیو پارے اے آدم زاد دانگ نہارک ہم خلیس آن بفسہ۔ فی امر دکرینس۔

شہزادہ پارے نن چہل ایلیم اُن نن فلان بادشاہی آہتنگ ٹی اُن۔ ننے داڑے نن تما۔ نن تون باکس
 ہلو کہ ای پو غ دنگ کن بسنٹ۔

دیو پارے خاخر دیس پوغ دیس درک تینکے۔ مگہ ای دافے سودا کیوہ یا پوغک کثیرہ۔

شہزادہ چیکو دوئے بٹے خاخر کن کہ دہن مف دیو دروایتے کنے دیو ہلک دوئی تہ
کہ شہزادہ ئے کیر غ خلے۔ شہزادہ سیانڑا اس۔ او ہلک راستیکو دوئی دیوئے خلک ڈغار آسوار
مس سینہ غاتے۔ کشا زغم ئے کہ دیو نالغ ئے خلے۔ دیو چیہانٹ نس خلک پارے خدائے
منہ کنے خلپہ کنا پڑہ غاتیان درک۔ ہراڑے نے سختی نس ہلک ہموڑے پڑہ غاتے گند
ایت۔ ای تینے ہموڑے سر کیوہ۔

شہزادہ پارے اے ملعون نے آکنے باوراف۔ فی دروغ ترسہ دیو حضرت سلیمان
نامہر سنا قسم ئے کنگ۔ تو شہزادہ سینہ غان تہ بش مس۔ دیو گڑا اس تینا پڑہ غان کاٹ کرے تس
تہ۔ شہزادہ اونا پڑہ غاتے ار فے۔ او گڑا سے ئی پوغ او کٹینک ار فے۔ ہلی آسوار مس ہنا ایلیم
تے آتینا۔ مگہ اوفتون دیو نالغ ذکرے کتو۔ خاخر ئے لگفیر۔ کس تا کباب کرے کس تا
کرنو کرے۔ ارغ کنگر آرام کریر خاچار۔ صحب ستون وختی بش مسر۔ گڑا تے مچ کریر ہلی تے
آسوار مسر۔ سر ہلکر خلسا پر غسا خلسا پر غسا ای انت کاٹم ئے نما ہڑسونم بنو قصہ ئے قصہ مستی
پین چس کیک۔

الخوا لخوا پیچو پیچو

دامان کڑوسو

قرنا کہونا

سرنا سہونا

چاپ رانی نا

دیرہ خانی نا

دروشم جانی نا

چتی چول کرے

کنگڑ ہار کرے

مخ تہ منگی نا

لخ تہ ہنج سنا

ہنگ تہ خرم سنا

در کنگ تہ گڈ سنا

کسرٹ کائک ایڑا رہے تہ

نن دو ٹین اوڑتون مہرئس کین

اودے لچ بس

اوحسی آنبار دیر مس

ایونا بنا

دا قصہ نا اولے آخر تہ پین جوان مروئم جوانی اٹ خف تو بو۔ نیٹ داسفر کر سا
ہنار دم درینگار شام تہا تا۔ کل تا ہلی تہ آن دڑنگار۔ سامان تہ ہلی تہ آن شیف کریر۔ ہلی
تہ تفریمونا تا دیرتخار، بے شاعر مون آتا۔ و شہزادہ غاک پاریر داڑے باکس ہراکان
پٹن۔ دانگ اینگ چکر خلکر۔ نظر شاعر مرخا خرنا چو ہاؤئس نظر بس تا۔ چکا ایلم پارے ایلمک
نم بند و بست کبو۔ ای کا وہ خاخر ہنگ کن۔

چکا شہزادہ زغمے تینا ار نے ہلی آسوار مس۔ ہنا ایڑے سر مس ارا او بلی خاخرئس لکنگٹی
اسہ دیوئس تو لوکے شتی شاعر تہ دادیو مون ندادیو آن بھلن اس شہزادہ خوک بس پارے تہ

السلام علیکم دین نالہ۔

دیو شہزادہ غا ارا پارے وایکم السلام ایلم نامارا گہ الہ پاتویسہ کنے ہلکٹہ خالک ٹٹ بیڈ
نے کس ڈس ے ناہم تھو کہ۔ شہزادہ پارے داسہ گن کنے دیو پارے ایلم نامارا پاریت
نے۔ داسہ امرکنیو نے دیوارے فے کہ اے آدم زاد دا نگ انگن بسنس۔
شہزادہ پارے نن مسافران نے شام تہا نن تون باکس ہلو کہ ای خاخر دنگ کن بسنس۔
دیو پارے داشتی ے کنا ایلمون کہ گڑا تینکے خاخر درک دیو ناشتی ے شہزادہ بسم اللہ کرے
ایلمون کرے تے۔

چپیکو دو ے بے خاخر کن۔ دیو ہلک دوٹی تہ پارے ہرا نگان خاخر دنگ کن بسنس۔
شہزادہ راستیکو دوٹی ہلک دیو ے دافک اسہ ایلوڑ تون جنگ لگار۔ شہزادہ دیو ے دسا سینہ غا
تے تو س کشاز غم ے کہ کاٹم ے تہ تڑنگ کن دیو فریاد کرے۔ پارے اے آدم زاد دہنو ظلم نس
کٹھون کپیس۔ کنا کسفنگ آن نے ہچ ہم دو بنگ۔ فی کنا پڑہ غاتیان درک ہراڑے کہ نے
سختی نس ہلک۔ دا پڑہ غاتیان گندایت ای ہراڑے مریو نے آتینے سرکیوہ۔

شہزادہ پارے اے ارا ہشوک ای نے آ امر باور کیو۔ دیو پارے کنے حضرت
سلیمان نا مہر ساقسم ے۔ شہزادہ پارے جوان اوسینہ غان تہ شیف مس۔ دیو گڑا اس پڑہ
غاتیان تینا کشکاتس تہ۔ شہزادہ گڑا اسے ٹی پوغ تیان ارے۔ ہلی آسوار مس ہنا ایلم تے آتینا
ایڑے پاٹ وشنز آتیان مچ کریر خاخر لگفیر۔ تینکے ارغ بسیر کتغ کریر کنگر۔ دم درینگا سرتغ
ہلک تاخاچار۔

صحب تما شہزادہ غاک بش مسر۔ ہلی تے سنج کریر۔ مستی راہی مسر۔ خلسا پرغسا
خلسا پرغسا منہ وخت آن گڈ اسہ بادشاہی سے ٹی سر مسر۔ او اذیر کہ دادنا بادشاہی ے
اوفتے پاریر دا فلان بادشاہ نا بادشاہی ے۔ شہزادہ غاک چا سر منزل ننا ہندا دے۔ او

ہموڑے اڈ کریر۔ دیرارغ نابند و بست ئے کریر۔ شام تما ایلمک خاچار دم درینگا سرخرکا و ناتا
نکاہ اس۔

چکا شہزادہ خاچتو۔ اوبش مس ہنا بادشاہی ٹی چکر خلنگ ٹی اس او ارا کہ اسہ جاگہ کس منہ
بندغ ناہیت سناخس نخس اس او ہم ہمونگ ہنا۔ ایفتے آن اسٹ پارے فلان ملک سنا بادشاہ
ننا بادشاہ غان خراج ہلنگ کن بسے۔ ننا بادشاہ اے بادشاہ نادو آن بھارتک منے۔ بادشاہ
بھارت پریشان ئے اوتینا وزیر وکیل و فوج سنا بھلاتے خواہینے۔ اوفتون صلاح کنگٹی ئے۔ ننا
بادشاہ نافوجا ک ایفتا فوجا تامون ئے تو ننگ کپسہ۔

شہزادہ داہیتا تے بنگ او است کٹی پارے ہندا موقع ئے کہ بادشاہ ئے دامصیبت
آن چکفنگ نا۔ او ہنا بادشاہ نا کنڈا اودے گاٹ والا ک الیور۔ او پارے ہنو بادشاہ ئے پابو
ای فلان ملک سنا شہزادہ اٹ۔ ای اور تون گڑ اس ضروری و ہیت کنگ خواہوہ۔ گاٹ
والاک ہنا ر بادشاہ ئے پاریر بادشاہ سلامت دہن اسہ ورناس بسے او پانک ای فلان ملک سنا
شہزادہ اٹ۔ کنے بادشاہ تون اسہ ضروری و کاریمس ارے۔ بادشاہ وزیر وکیل تون مشورہ
کرے۔ اوفک پاریر خوائف تہ نوا اونے جوانو صلاح کس ایتے۔ گاٹ والا ک ہنا ر شہزادہ
ئے پاریر برک مون تم شہزادہ ئے اوفک دریر بادشاہ غا او شہزادہ ئے احوال کریر۔ شہزادہ
پارے اے بادشاہ سلامت ای فلان ملک سنا بادشاہ ناچکا ماراٹ۔ کتون کنا چہل ایلم ہم
بسو۔ ای بنگٹ کہ ناچہل مسرو۔ تینکے و تینا ایلم تے کن رسال بسٹ۔

بادشاہ پارے اے ورناد اوخت آنن اسہ مصیبت کسے ٹی آختہ آن فلان ملک سنا بادشاہ خراج
ہلنگ کن بسے اگرہن اودے خراج تون تو او نا ملک آقبضہ یک۔ نن تو خراج کن داخہ پیسہ
اف۔ نی داوخت رسال خوائنگ کن بسنس۔ سماف مستی کنا بادشاہی سلہ یا سلپ۔

شہزادہ پارے اے خواجہ نی اسل فکر کپسہ۔ ای چاودہ او بادشاہ نافوجا ک چار۔ ای صوب اسکان

بادشاہ نے دزگیر کیوہ نماخذ مت کئی ہتیوہ۔

وزیر وکیل و بادشاہ نافوج سنا بھلا کماش شہزادہ ناداپتے بنگراوڑا مخار۔ پاریراے شہزادہ انتہا
مغز خراب منے کہ دہنوہیت کیسہ۔ انت نن چنا اُن کہ فی ننے ریفسہ۔

شہزادہ پارے اے بادشاہ سلامت فی کنایچتاے آباور کرک ای بیرہ اینو نانہ
مہلت نے خواہوہ۔ ایہن ہم فوجا ک صاحب ستون جلو کرور۔

بادشاہ پارے جوان ای ناہیت آباور کیوہ نے صاحب اسکان ای مہلت ایتوہ نہ تو صاحب ستون
ای ناوانا ایلم تالنج تے خلیفوہ۔

شہزادہ پارے بے شک کنے ناہیت منظورے شہزادہ اوفتیان موکل کرے ہنا۔
دیوتا پٹاتے کشا ہڑتو ماد یو آتا پٹ آتے گندتس۔ جٹ کسے ٹی اڑتو ماد یواک غرژ کا ٹماتے
رسیفیر۔ شہزادہ نے پاریر پا خواجہ تنکے انت حکم نے۔ شہزادہ پارے دہن فلان ملک سنا فوج
شاران پیش خیمہ کرینے۔ نم اوفتا فوج نے خلبو، بادشاہ نے زندہ دزگیر کیرے کنے آتیرے
۔ دیوک پاریر خواجہ فی بے غم مرک اُرک داسہ ننا کمال نے۔ دیوک بال کریر۔ غرژ آتون تمار
بادشاہ نافوج آتیا۔ اے دانا گہانی آفت آتے خنار حیران مسر۔ گڑاس تاکسکر گڑاس تا پٹی
ٹنڈی مسر۔ گڑاسے تانرنگ ناموقع ملا اوفک نزار ہنار۔ اسہ دیوس ہلک بادشاہ نے وزیر وکیل
نے تھے ایس تا شہزادہ غا۔ شہزادہ خندا فتنے۔ ایفک فریادس خلکر پاریر ننے دامصیبت آن
خلاص کرک نہ تو داد یواک ننے اسہ اسہ باخو کیرہ کنیرہ۔ ننے توبہ نے نصومان نا پین دوار
دہنو غلطی کپرون۔

شہزادہ دیواتے موکل تس کہ نم پدی ہبو۔ اگہ نما ولد اکنے ضرورت مس تو ای نے خواہفوہ
۔ دیواک بال کریر پدی ہنار۔

صاحب ستون شہزادہ بادشاہ وزیر وکیل نے چٹ آتے ٹی کوتل کر سا ایس بادشاہ نا

کچاری آ۔ بادشاہ و کچاری نا مخلوق خنار دافے او حیران مسر۔ شہزادہ پارے بادشاہ نے خوبہ
 ای دافے استوہلکٹ دزگیر کریٹ۔ فوج نے تاچٹ کریٹ داسہ نی چاس نا قید یک چار۔
 بادشاہ نادوک تفوک اسر۔ او پارے اے بادشاہ سلامت خدا نا پنٹ کنے معاف کرک کنابا وہ
 پیرہ نے ہم توبہ نے کہ مستی دانگ مون کین۔ دا انت کس نے آ مون تسس کہ ننا غٹ فوج
 نے چٹ کرے۔ کناد او ارنا جان نے بچھ فی نے معاف کرک مستی ای نے خراج ایتوہ۔
 اے بادشاہ حیران مس کہ داشہزادہ اخس زور آ وروسے۔ اوگاٹ والاتے پارے دافتا دوتے
 خلاص کبو۔ گاٹ والا ک بندی آ بادشاہ وزیر، وکیل نادوتے ملار۔ داسہ اے بادشاہ لکھاتس کہ
 مستی ای دا ملک ننا بادشاہ نے خراج ایتوہ۔ بادشاہ اوفتے منہ دے مہمان کرے۔ ولد اے
 بادشاہ تینا وزیر وکیل او بچو کا فوج ستون شوخسا پدی ہنا۔

داسہ بادشاہ شہزادہ نا بہادری آن بھاز خوش مس او شہزادہ نا ایلیم تے ہم تینا ماڑی ٹی
 خواہے۔ او پڑو کرے کہ چہل آ شہزادہ غاتے ای تینا من تے برام ایتوہ۔ دھول دامہ غاک
 لگار بادشاہ نا من تے سہما تما کہ دہن اسہ ملک کسے نا چہل شہزادہ غاتون ننا برام متنگلی نے کہ
 اوک ننا ملک نے دشمن آن بچفیر۔ اوک ہم خوش مسر۔ اوفتے آ بریشم ناچج بیر فیر۔ خیس نا
 سہت آتے اوفتے بیر فیر شہزادہ غا پوسکنوچچ بینار۔ کشیدہ ای چوٹ تینکے کر فیر۔ چٹکا شہزادہ نا
 نکاح چٹکا ایر ستون تفنگا ہندن بھلا شہزادہ نا نکاح غٹ آن بھلا شہزادی تون مس۔ ہندن ایلو
 ایلیم تا تا نکاح ہم ایلو شہزادی تون مس۔ شہزادہ غاک زایفہ غاتون تینا خوش اسرہ۔ دانیام
 کئی توہ کس گدرینگا۔ اسہ دے چٹکا ایلیم پارے ایلیم تے تینا داڑے نے بھلو وخت کس
 گدرینگا۔ شام آ زایفہ غاتون تینا صلاح کین گڑا کان پدی تینا بادشاہی آ۔
 شام تما چٹکا شہزادہ تینا زایفہ نے پارے کہ ننا ایلیم تا دہن صلاح نے کہ نن پدی کان تینا
 بادشاہی آ۔ او زایفہ غان تینا ار فے کہ داباروٹ نی انت پاسہ۔

چنکا شہزادی مچہ ٹک خلک ولد اشہزادہ ءے پارے ای او وختسکان نے ورنندی تنگ کپرہ
 تاکہ ای تینا ایرتون صلاح کنت ای نے داہیت سنا جواب ءے پگہ پاوہ۔
 صہب تما شہزادی غٹ ایرتے تینا خواہے۔ اوفتون صلاح کرے پارے دہن کنارغ پانگلی
 ءے کہ داسہ پدی او فک تینا بادشاہی آکارہ۔

غٹ ایرک تہ ہندا پاریر بے شک ننا ارغک ہم نن ہندن پارینو۔

چنکا شہزادی غٹ آن پاداراس او ایرتے تینا پارے نم غٹ تینا ارغ تے پابوک
 او فک اسپ چہل کرہ ای آنا کرہ غاتے ہتیر۔ گڑان نم تون برینہ۔ اگہ نم اسپ چہل کرہ ای
 نا کرہ غاتے ہتنگ کتورے گڑان نم تون بفسہ۔ شام تما غٹ شہزاد یک شہزادہ غاتون ملار۔
 شہزادہ غاک ارفیرای آن تاکہ نما ایرتانت صلاح مس نن ہراوخت آداکان راہی مرین۔
 شہزاد یک تینا ارغ آتے ہندا پاریر کہ نم اسپ چہل کرہ ای نا چہل کرہ غاتے ہتونن اوفتے آ
 سوار مرینہ گڑان نم تون برینہ۔ شہزادہ غاک داہیتا تے بنگر صفا جوڑتے تینا گٹ ہلکر۔ غٹ تاہنا
 رچنکا ایلما۔ پاریر کہ ننا زانیفہ غاک داشرط ءے تختانو۔ چنکا شہزادہ ایلم تے تینا پارے۔ نم
 مونجامفہ بو۔ غٹ ءے اللہ جوان کیک۔ ای کاوہ اسپ چہل کرہ غاتارندٹ اگہ ای بچاٹ تو
 چہل کرہ غاتے ہتوٹ بروٹ نہ تو نم چارے انت مونی نما مرضی مس کبو۔

صہب تما شہزادہ ہلی ءے تینا سنج کرے کسرکن تینا نکان ارفے غٹ آن رخصت
 کرے سرہلک خلسا پر غسا خلسا پر غسا ہنا اسہ جنگل ءے آسر مس۔ ہرا کہ جنگل نا کسرٹ اسہ
 دیوس جو کہ کرینے تو لوکے۔ شہزادہ سلام بٹے ای آتے پارے السلام علیکم الہ۔

دیو شہزادہ ءے ہر اسلام ناتہ جوابے تس۔ دیوار فے ای آن تہ کہ اے آدم زاد دانگ ہرانگ
 رد کرینس۔ داکنڈا چک آک ہم خلیس آن بفسہ۔

شہزادہ پارے اے الہ نن چہل ایلم اُن۔ بادشاہ سے نا چہل مسٹر اسرہ ننا اوفتون برام مس۔

داسہ ننا زایفہ غاک ننے آدا شرط طے تختانو کہ نن اسپ چہل کرہ ای نا چہل کرہ غاتے دین
گڑا اون تو ن ننا ملک آبریرہ۔ ای اسپ چہل کرہ ای نا کرہ غا تارندٹ ہنگٹی اٹ۔ اگہ نے
اوتسا مارے تو کئے پائی ہمو کند اکا و۔ دیو پارے ای اوتسا پنے بکنٹ ولے کئے ساف نی
مستی ہن۔ فلان جنگل نا کسرٹ کنا بھلا ایلیم تو لوک نے اونے دافتا واڈس نے ایہ۔

شہزادہ دیو آن رخصت کرے۔ خلسا پر غسا خلسا پر غسا مستی ہنا۔ بیتاک زومریرہ وختاک
اُرے آگدرینگہ۔ داہنا ہمو جنگل نے سر مس۔ ہراو بلی جنگل نا کسر اسہ بھلو دیوس تو سنے۔
شہزادہ خوک ہنا ای آتہ پارے السلام علیکم الہ۔ دیو پارے والیکم السلام ایلیم نامار۔ اگہ الہ
پا تو یسہ کئے اسہ باخوئس کریتہ نے۔ شہزادہ پارے داسہ الہ کن کئے۔

دیو پارے نہ داسہ ای نے ایلیم نامار پارینٹ۔ ای داسہ ہرا شرم ٹ نے کنیوہ۔ ولدادیو
ارنے بیڑی وسم دانگ نہارک ہم خلیس آن بفسہ نی امررد کرنس۔ مستی ہرا نگ ہنگٹی اس۔
شہزادہ پارے ای او کنا ایلیم فلان ملک ننا شہزادہ غاک اُن نن چہل ایلیم اُن
فلان ملک ننا بادشاہ نا کہ چہل مسٹر اسر۔ اوتون ننا برام مس۔ ننا زایفہ غاک ننے آدا شرط
ے تختانو کہ نن اسپ چہل کرہ ای نا کرہ غاتے اتبو گڑا نن نم تو ن ننا بادشاہی آبرینہ۔

دیو پارے نے آلکھ آفرین ے۔ بے شک نی اسہ بہادر وورنا سے اس۔ کہ
داڑسکان بسنس۔ داکان نی کاسہ فلان جاگہ غا اسہ پٹ نئے۔ پٹ آاسہ بھلو درخت نئے
درخت نا کیرہ غان اسہ جو نئے۔ ہرا تم نیمروچ مریک بلیک ملاس مریرہ۔ اودیر آبریرہ نی اوتسا
بنگ آن مست درختا لگہ۔ اوتے آن تینے ڈکہ چوخت اودیر کنگ کن درخت نا کیرہ غان
بسر۔ گڑا نی بسم اللہ کرک لمہ ننا تازی آدرک ایت سوارمر۔ گڑا ونیو ہیٹ کیک۔ نی اودے
حال حقیقت ے پا۔

شہزادہ دیو آن رخصت کرے۔ سر ہلک خلسا پر غسا خلسا پر غسا منہ دے آن گڈ

سر مس پٹ آ۔ ہراپٹ سناچار ماکنڈ چو آبادی کس اف۔ پٹ سنا نیام آ اسہ بھلو درخت کسے او
 درخت نا آشیف آ جو کسے۔ شہزادہ ہنا درخت آ لگا۔ تینے درخت نا پین آ تیشی ڈھکا۔ نیم روچ
 مس ہرا کہ اسہ دنز و لوڑ کسے۔ مچہ خوک بسر۔ خنا کہ اسہ ہلی سے او نارندٹ چہل کرہ او۔ او
 درخت نار ہی آبسر او فتنے بند غ نا گند لگا۔ او فک ہڑینگار مرسلیر ہنا رچکر خلکر ملا سی ار فے
 تا۔ ایلو چکر ابسر دیر کنگ اٹ تمار شہزادہ بسم اللہ کرے خسا تینے ہلی نازی آ ہلک ہلی نا لغام ہلی
 کرہ غاک مرزرا شہزادہ ہلی کسے سخت تورے۔ ہلی ار فے ای آن تہ۔ کہ نے انت ویل کس
 ہلکنے کہ فی داڑے بسنس نا کتون انت دشمنی سے۔ شہزادہ پارے ای فلان بادشاہ نا ماراٹ۔
 نن چہل ایلیم اُن فلان ملک سنا بادشاہ نا چہل مسٹر اسر۔ ننا او فتون برام مس داسہ او سنے آ دا
 شرط کسے تخانو کہ او فک ہمو تم اسکان نثون ننا بادشاہی آ بفسہ۔ تانکہ نن اسپ کسے چہل کرہ
 تون ہتین ای ہندا مجبوری نا سوبان بسنٹ۔

ہلی پارے نن داپٹ آ تمان نن داڑے خوش اُن فی کنے ہلے اٹ تینا کسے۔
 شہزادہ پارے کنے قول کسے نن نے ایڑے ہچو نساخان کس تفرون نما خوراک کسے کمند کرون
 انتس نما است خوا کسے نن نے ایتون۔

ہلی پارے جوان اگہ فی قول کیسہ گڑا نن نیتون برینہ۔ او کرہ غا تے تینا توار کرے
 کرہ غاک لمہ نا تینا دامون ایمون آن مچ مسر۔ شہزادہ ہلی آ سوار پیدی راہی مس۔ خلسا پر غسا
 خلسا پر غسا نیٹ ہے بادشاہی آ سر مس۔ مر آن شہزادیک دور بین بیڑ۔ خنا اسہ لوڑ و دنز کسے
 چنکا شہزادی پارے خدا کنے رد کپ کنا ارغ کسے اسپ چہل کرہ تون بنگلی کسے۔ بادشاہ کسے
 ہم سامتا۔ غٹ تا او نا مونا ہنا ر۔ شہزادہ ہم اسپ چہل کرہ تون تینے رسیفے۔

شہزادہ ہلی آن دڑنگا۔ شہزادہ سائیس آتے پارے داہلی تے کرہ غا تون دبوجا گہ
 کس دافتا خوراک کسے کمندنا کیرے۔ سائیساک ہلی تے دریر ہلی تے خوراک تر۔ شہزادہ نا

ایلمک خوش مسر۔ منہ دے دا ہنداڑے پین گدریفیر اسہ دے شہزادہ بادشاہ نے پارے
بادشاہ سلامت داسہ نئے موکل ایت نن پدی تینا بادشاہی آکانہ۔

بادشاہ پارے بے شک کنا کنڈان نئے اجازت نے۔ شہزادہ ایلم تے تینا پارے کہ غٹ آن
چکا کرہ کننا زایفہ نائے۔ ہندن ایلو ایلم تے تینا ہم اسہ اسہ کرہ تس پارے دانما زایفہ غاتا او
ہلی نے تینکہ ارے پارے تا سفرنا تیاری نے کبو۔ ایلمک تہ ہلی تے تینا سنج کریر۔ زایفہ
غاتے تینا ہلی تا کرہ غاتیا سوار کریر سر ہلکر۔ خلسا پر غسا خلسا پر غسا شہزادہ مون ٹ ایلو ایلمک
تہ رندٹ تہ۔ پدی تینا بادشاہی کن مون کریر۔ اسہ جاگہ ٹس بسر خنار او ہلی اسہ دیوئے کسر
آتولوک نے۔ دافک ہم سر مسر تہ۔ ارفیر کہ اے دیوئے انت تکلیف نے۔ داڑے نیام
کسر آتولوک اس۔

دیو پارے نئے آن اسہ ایلم ٹس کثون برے۔ نہ تو غٹ نے نماچٹ کیوہ۔ چکا
شہزادہ مون نے تینا ہڑسا ایلم تے آ۔ پارے ای ہناٹ بادشاہ نامسن تے نئے برام ترفیٹ
۔ ولد اہناٹ اسپ نے چہل کرہ تون ایسٹ۔ داجار نئے آن اسٹ داڑتوں کائے۔ ایلمک
تہ نلا جواب تسر تہ پاریرینا داڑتوں وس چکچک نن دادیو تون اپنہ۔

چکا شہزادہ مجبور مس پارے ایلمک ای دیو تون کاوہ اگہ بچاٹ تو پدی بریوہ۔ اگہ کسکٹ
ہناٹ تو نم کنکہ گڑتی کپیرے۔ ولے کننا زایفہ نے بچو تکلیف ٹس تفریرے۔
ایلمک پاریرنی بے فکر مر۔ چکا شہزادی خویک شولا مگہ اودے تینا ارغ آباور اس کہ دادیو
نے خلوئے پدی بروئے۔ دیو سر ہلک شہزادہ رندٹ تہ راہی مس۔ دیو ہنا اسہ شارے ٹی شار
مچاڑی بانگ اس۔ داٹی بچو بند غئے ناہم بولی ہلوچ ہلیک غٹ تفوک اسر۔

دیو ہموئے اسہ تیل سنا کڑا ہی ٹس بیٹ کرے۔ پارے تہ بچانی لڈمچ کہ دا کڑا ہی ناکیہ غان خاخری بٹسا
کستا کہ دا جوش کے۔

شہزادہ لڈ بنگ کن مستی ہن۔ ہر او بلی اسہ تو ار تو ار سے او ہمو تو ار نارندٹ ہنا ہر اسہ بلہ سے اوڑتون ارا بھاز زیبا و مسٹر و داسنک درو شم صورت ٹٹ بھاز کاٹا اسرہ۔ او فک شہزادہ نے خنا راسہ وار خلیسر۔

شہزادہ پہہ مس کہ داکنے آن خلنگٹی و۔ شہزادہ ار نے کہ خیرے داشار بڑی بانگے۔ داڑے پو بندغ کسے نابولی اف۔ نم داڑے انت کنگٹی ارے۔ نم تینے انتے ڈھکانورے۔

بلی پارے دادیو غٹ شارنا بندغاتے بلی و ہچ کرینے اودا فتنے کباب کرسا کنیک۔ داجار نانا واری نے۔ اونے ہم کنیک۔ نن داڑے کلٹی سے ٹی بچانن دا اسہ مسٹر بادشاہ نا مسٹرے ایلو وزیر نا مسٹرے نن تینے دیو آن ڈھکانن۔ داسکان نن آاونا نظر تے تے شہزادہ پارے اوکنے انت چم اٹ کنیک۔

بلی پارے اونے پانک بچہ کنا مون ٹٹ کڑا ہی نا داکان ایکان چکر غل۔ اونارندٹ چکر خلیک اودے موقع دوس اونے ارفک کڑا ہی ٹی بٹک۔ اوکباب یک کنیک نے۔ اگہ اونے پارے مون ٹٹ تم چیلہ تو نی پاتہ کنے سما ف کہ امر مون تمو گرو۔ نی اسیکہ مون تم ای نے ارو۔ اونا مون ٹٹ چکر خلک گڑانی ہمت کیس۔ اودے کڑا ہی ٹی بٹس۔ نہ تو اونے کڑا ہی ٹی بٹک۔ شہزادہ پارے نم بے غم بمو۔ اگہ خدا نا منشاس تو ای دادیوے کسفوہ۔ اونے داکان تینون دیوہ۔ شہزادہ لڈا تے درے کڑا ہی نا کیرہ غان شاعا۔ کڑا ہی نا تیلک داسہ لارٹی اسرہ۔ دیو خنا کڑا ہی نے لارکنگ ٹٹ۔ پارے بچہ داسہ مڑکینہ او پچا تے تینا کشا لائک کرے تینے۔ دامڑ کریر چاپ خلکر۔ مڑکرسا کرسا دیو پارے تہ بچہ داسہ مون تم۔ شہزادہ پارے نہ اسہ وار نی مون تم ای نے خنو گڑ اولد ای مون تموہ۔ دیو بے غم اس۔ اودے انت خبر کہ بلہ دادے رغمانے۔ دیو مون ٹٹ کڑا ہی نا دانگ ایگ آپکرے شروع کرے۔ شہزادہ رندٹ تہ اس۔ شہزادہ نے خدا طاقت بھاز تسس او بسم اللہ کرے دیوے دکہ تس

ہندا کڑا ہی ٹی۔ دیو کڑا ہی ٹی تما فریا دس خلک پارے اینو اسکان کس ہم کنادو آن بچنے ولے
نی کننا کاٹم ئے کنگس دیو کڑا ہی ٹی خیسن نا چکی کس مس ہنا۔ اوہمو خیسن نا چکی ئے کڑا ہی آن
کشا ہنا بلہ ئے پارے ای دہن دیو ئے کسفیٹ۔ او خیسن نا چکی کس جوڑ مس۔

بلہ شہزادی و وزیر زادی بھاز خوش مسر۔ شہزادہ ہلی ئے پارے داڑے ہلی وچ بھاز وادفتے
انت کین۔ بلہ پارے داغٹ بندغ و۔ دافتے دیو جادو نازورٹ ہلی وچ جوڑ کرینے۔ دا
خیسن نا چکی ئے دیرٹ بٹ۔ ہمونادیرتے ارف داہلی وچ آتے آچٹ ایت گڑا دیوننا
جادو پنک داغٹ پدی انسان جوڑ مریرہ۔

شہزادہ ارفے چکی ئے درے جاگہ کس تال کس دیر آن پر کرے۔ دا چکی ئے ہمو
دیرتے ٹی بٹے۔ ولد ادادیرتے ہلی وچ آتیا چٹتے۔ کس نیاڑی کس اس او نیاڑی کس مس
کس نرینہ کس اس او نرینہ کس مس۔ کس چنائس اس او چنائس مس اسہ پورا لشکر کس جوڑ مس۔
بادشاہ، وزیر ہم پدی تیان اصلی شکل ٹ بصر۔ بلہ بادشاہ ئے وزیر ئے غٹ قصہ ئے پارے
بادشاہ پارے اے شہزادہ نی نئون داخہ نیکی کر لیس۔ داڑتوما گودی تانی لائخ اس۔ شہزادہ
بادشاہ نامسٹر و وزیر نامسٹر ئے برام کرے۔

داسہ مخلوق تینا روزگار ٹ لگا۔ خیسن پیہن بھاز اس شہزادہ اسہ دے بادشاہ ئے
پارے۔ داسہ ای تینا زایفہ غاتون پدی کاوہ نم چارے نما بادشاہی چائے۔ بادشاہ پارے
اگرہ نی ہنداڑے اڈکیسہ توای نے تینا بادشاہی اے ایتوہ۔ شہزادہ پارے نہ دہن کننا زایفہ کنا
انتظارٹ مرو سواف او نا انت حال ئے۔ شہزادہ تینا تیاری ئے کرے۔ بادشاہ خیسن پیہن
تس تہ۔ شہزادہ تینا اڑتوما زایفہ غاتے ارفے گڑا اس خدمتگار وچو کری ہم تینون ارفے سر
ہلک۔ خلسا پرغسا خلسا پرغسا او فک ہنار تینا بادشاہی کن پچاک زو مریرہ وختاک ارفے آ
گدرینگہ۔ نیٹ شہزادہ تینا بادشاہی آسر مس۔ الہن ایلم تان تہ۔ او فک تینا بادشاہی آسر

مسر۔ بادشاہ خناشہزادہ غاتے ار فے ای آن تا کہ دایم چہل ایڑتے ہراکان برام کریرے۔
 اودا چہل کرہ غاتے ہراکان ایسرے اوتینا صفتے کریرے۔ ولد ابادشاہ ار فے کہ نما چکا
 ایلم ہر ادے ایلمک پاریر کہ نما چکا ایلم کسکنے۔ اوفتے باور ہلو کہ شہزادہ دیو آن پدی برو۔
 بادشاہ پارے خیرے خدا نا امانت نس اس اودرے تن انت کنگ کینے۔

چکا شہزادہ ناز ایفہ خناشہزادہ نا ایلم تا بے وفائیے ایلمک ہم اونا چکارے
 تختور۔ دا گودی شار آن پیشن خلک تینکہ اسہ گدان نس۔ اوہمو گدان کئی تو لوک نس تینا ارغ نا
 انتظارے کریکہ۔

ایڑے شہزادہ چوخت بادشاہیے سر مس او مر آن دور بین کرے۔ ہرا کہ اسہ
 جاگہ نس اسہ گدان نس بشے گدان نامونا اونا ناز ایفہ تو لوکے۔ قرآن شریف خوا تگلئیے۔
 چچاک تہ ارنگوک و۔ اودے تینا ایلم تا بے وفائی آغصہ و تینا ناز ایفہ نا حالتا افسوز بس۔ ہلی نا
 کرہے خنا کہ او گدان نارہی آتفوکے۔ شہزادہ بلہ نس جوڑہ نس کچ سناتس۔ پارے تہ اے
 فلان گدان کئی نیازی نس تو لوکے ہمودے دا پچاتے بیتنگ کن ایت۔ بلہ پچاتے ار فے
 درے تا گودی آ۔ گودیے پارے ننا بادشاہ دا پچاتے نیکن مون تسنے۔ نی دافتے بین۔

گودی بلہے پچاتے پدی تس پارے بادشاہے پاگہ ای دہنو کچ ارفیہ تو دا گدان کئی تینا
 تو لتوے۔ کنے دا پچاک بکار افس۔ اگہ کنا ارغ زندہ مس۔ تو ضرور بروے۔ بیدس ای اونا
 تروکا پچاتے آن پین ننا پچاتے بینپرہ۔

بلہ پچاتے پدی درے پارے گودی دہن کنے پارے شہزادہ بھاز خوش مس کہ آفرینے کنا
 زایفہ غا کہ اورینگلوا پچاتے بینا نے مگہ بید کنے آن پین کس ننا تروکا پچاتے بینک۔ اونا
 وفاداری آن بھاز خوش مس۔ او بلہے پارے دا پچاتے درک ایت تہ۔ پانا ارغ دافتے
 راہی کرینے اودیوے خلکنے کسفینے۔ بلہ درے پچاتے گودیے تس گودی پارے تہ بلہ

غریب ای نے مہالو پاریٹ کہ ای بیدس تینا ارغ نارتوکا پچا تیان پین کس نمون تروکا
پچاتے پیپرہ۔ بلہ پارے گودی مبارک مرینے او پچاتے مون تروکا نارغے۔ اودیوے
کسفینے پدی بسنے۔ گودی داپتے بنگ مون تہ ملنگا اوچ آتے ہلک ہنا گدان ٹی پچاتے
بینا۔ کرہ غاسوار مس ہنا شہزادہ عے خنا۔ او فک خوش مسر۔ ولد شہزادہ غٹ قصہ عے بٹے تہ۔
گودی شہزادہ نا ایلوز ایفہ غاتون مون روشنی ٹ ملا۔ او فک ہموڑے تمبو تے تینا خلکر۔

شہزادہ باوہ غا تینا بندرغ مون تس کہ ہبو پابو تہ ای ہلی نا او اونا کرہ غاتا خواجہ اٹ
بسٹ کنا دزے کنا ہلی تے تون کنے ایتبو۔ نہ تو جنگ لگن تیار مبو۔

بادشاہ داکلہو عے بنگ تو مار تے تینا بٹنگا۔ ار فے ای آن تاکہ اسپ عے چہل کرہ تون نمے آ
ن دیرا بسنے۔ بادشاہ نا مار تے آڈ غار کٹا۔ پاریر اسپ عے چہل کرہ غاتے تون ننا چٹکا ایلیم
ایسنے۔ اودے دیوس درے۔

بادشاہ پارے حیف عے نمے آ۔ نم تینا ایلیم عے تینا الارے تینے پچیرے۔
شہزادہ غاک پاریرا با جان ننے آن بھلو غلطی کس مس داسہ ننا جان عے داقتیان پچف۔
بادشاہ کلہو کرے کہ کنا چٹکا مار اسپ چہل کرہ غاتے ایسنے سما ف کہ اوزندہ عے یا کسکے۔
شہزادہ کلہو کرے پارے بادشاہ عے پابو۔ نما چٹکا مار دیوے کسفینے تینون بھلو مال و دولت
کس ہم ایسنے۔ بادشاہ داپتے بنگ پشتما۔ ہنا تینا مارا۔ ایڑے مار تہ کہ باوہ عے جنگ آخنا او
مون آتہ پشتما۔ بادشاہ مارے تینا خمب کرے۔ دروت ہلک ای آن تہ شہزادہ باوہ عے تینا
غٹ قصہ نا پارے۔ بادشاہ بھاز خوش مس۔ او تینا ملخو تے خنا۔ شہزادہ ناز ایفہ غاک تینا مال
عے خنار و بھاز خوش مسر۔ ولد ابادشاہ اوفتے درے تینا ماڑی آ بادشاہ ناز ایفہ ہم تینا مارے او
ملخن تے خنا خوش مس۔ اسہ دے بادشاہ مار تے تینا خواجہ پارے کنا چٹکا ای داسہ پیر
مسٹ نم چہل ایلیم ارے ای خواوہ اسٹ عے نما بادشاہ کیو۔ غٹ ایلیم پاریر باوہ جان ننا

غٹ سنا صلاح ہند ا دے کہ ننا چڑکا ایلم ءے بادشاہ کرک۔ انتے کہ اونن کن بھاز خواری کشا او
دانا لائے۔

بادشاہ پارے بے شک کنا ہم ہندا خیال اس۔ اوتا ج ءے چڑکا مار سنا تینا کا ٹما تھ۔
شہزادہ تینا ہر مسہ زائیفہ غاتون خوش اس۔ شہزادہ چہل دے اسکان خوشی نا پڑو ءے کرے۔ شہزادہ
دا خوشی نا موقع غا غریب و مسکینا تے گیرام کتو۔ اوقا پھڈ ءے سیر تس۔ اوفتے مال و دولت ہم
تس۔ او غریبا ک تینا پوسکنا بادشاہ ءے نیک دعا تسرا و ہموڑے خوش اسر۔ نن الان بسن نماز بہدارا
مجلس آ۔

دراکانڑنا مار

اس اسہ بادشاہ کس بادشاہ خدائے خدا نارسول ۛے۔ دازمانہ سازی و بادشاہ کس
اس۔ دابادشاہ نابادشاہی ٹی اسہ پنی و دراکانڑ کس اس۔ اوکھٹ جوڑ کر یکہ سودا کر یکہ۔ اونا
اُرانا گزراں مسکہ۔ دادراکانڑنا اسہ مارس اس۔ دراکانڑ مارے تینا پار یکہ ٹل نی ہم گڑ اس
کاریم کس کرک تاکہ چار پیسہ زیات ننے دو برے۔ ای اٹ وخت زندہ مروٹ نے
ولفوٹ۔ دراکانڑنا مار باوہ ناتینا پیتا تیا اسل خف تو تو کہ اوصحب ستون پشتما کہ گلی ناچنا تون
گوازی کر یکہ۔ اودے بیڈی و ٹلی آن وارالو۔ شام ستون پدی اُر اعا بسکہ۔ باوہ نا اسٹا مار
اسکہ اودے ہم است متو کہ۔ مگہ مارنا نابودی آن پریشان اس۔ باوہ ہب کرے مگہ مار کسر
آبتو۔ وخت اسہ وڑ سلپک۔ اسہ دے دراکانڑ دادنیائے الا۔ داسہ ارائی کٹوک کس ہلو کہ
لمہ تہ مارے تینا پارے ٹل باوہ نا خواری کر یکہ انتس کہ کٹا کہ نن کنگونہ۔ نی بے غم اس۔
داسہ ارائی کنگ کن چس اف۔ نی ہن نت دوخل نوا کاریم کس دو برے نے مگہ مار اسل
چرت خلنو کہ۔ نیٹ لنگڑی ار فے تا۔ مار اُر اداوڑ زند گدرینکپک او اسہ دے کلی چا سیدان
چٹ نت بیش کسے آتخا۔ چیزوی ۛے ار فے تش اوارہ کس ار فے تینو ہنا اسہ جاگہ کس مش کس
اس۔ مش سنا رہی آ بھلو بھلو درخت اس۔ او ہنا اسہ درخت کسے آ۔ درخت ۛے پارے غریب
گڈیونے یا گڈ پیرنے۔ درخت انت ہیٹ کر یکہ۔ کہ اونا جوابے انت تسکہ۔ مار او درخت
ۛے الا۔ ہنا پین درخت کسے خمب کرے۔ پارے درخت غریب گڈیونے یا گڈ پیرنے۔

مارا و درخت ے ہم الا ہنا پین درخت کسے خنب کرے۔ پارے درخت غریب نی پاگڈیو
 نے یاگڈ پیر نے۔ ہموڑے اسہ بھلو درنگ کس اس۔ درنگ نارہی آ اسہ بھلو درخت کس
 اس۔ اوہنا ہمو درخت ے خنب کرے۔ پارے غریب گڈیو نے یاگڈ پیر نے۔ اونا تو ارہندا
 درنگ کئی پنا۔ اونا خیال درخت کسے پارے گڈک کسے۔ اوہنداڑے بیش آن مڈی ے
 شیف کرے۔ کشا تفرے خلک درخت ے تفرٹ ماسان گڈا بٹے۔ ولد ارہ کرے درخت
 آن جوان منہ تیر جوڑ کرے۔ تھے تنخا تا بیش آ۔ ایس تا تینا ار اغا۔ اودا فتنے آن اسہ جوانو
 کھٹ کس جوڑ کرے کھٹ ننا پاچہ غاتے جوان نقش و نگار کرے۔ اوفتے آ ٹک بنا۔ کھٹ
 ے بیش آتخا درے تہ کسر سے آتخا تہ۔ ہرا کسری بسکہ خنا کہ تہ ارفیکہ کہ کھٹ ننا بہاٹ ے۔
 درا کاٹڑنا مار پاریکہ تا کہ دا کھٹ ننا بہا صدر روپی ے۔ ہر کس مار آملنڈ خلک کہ درواسکان نا
 باوہ زندہ اس کھٹ آتے پنچ روپی آ بہا کریکہ نی واصر روپی بہا ے تہ پاسہ۔ ہر کس تینا پیٹے
 کریکہ ہنا کہ۔ کس ہم صدر روپی آ کھٹ ے ہلتو۔ بادشاہ نا مار وزیر نا مار وکیل نا مار او
 کو تو ال نا مار ہڑدے ہندا کان گدرینگارہ او جنگل آن خرم گڈ ننا شکارے کریسر۔
 ہندا کسرٹ بسرہ۔ خنار کسرنا نیام آ درا کاٹڑنا مار کھٹ کس تنخا نے۔ شہزادہ ار فنی ای آن
 تہ کہ استاد اٹ کرنیس کھٹ ننا بہا ے درا کاٹڑنا مار پارے دا کھٹ ننا بہا صدر روپی ے۔
 بادشاہ نا مار پارے تہ بیڑی وسم نا باوہ زندہ اس اوکئی سال آتیاں کھٹا تے پنچ روپی آ بہا کریکہ
 نی دادے صدر روپی آ بہا کیسہ۔

درا کاٹڑنا مار پارے باوہ نا وخت باوہ تو ہنا۔ کنا وخت کثون ے۔ بادشاہ نا مار
 ار فنی کہ دا کھٹ کئی انت کرامات ارے کہ کس دادے صدر روپی آ الے۔ درا کاٹڑنا مار
 پارے خواجہ دا کھٹ ے ال۔ نم ہر چارزی آتہ تو لبو۔ ہرا تم تغ ہلک نئے سنکتا ک نا ہنار نی
 کھٹ آخا چاس دا کھٹ ننا پاچہ غاک ننگان ہیت کیرہ اگہ کھٹ ننا پاچہ غاک ہیت کتور۔ تو

کنا پیسہ غاک پوک فی تینا پیسہ غاتا خواجہ اس۔ اگہ کھٹ سنا پاچہ غاک ہیت کریر گڑا پیسہ غاک کناؤ۔ وزیر وکیل کو تو ال نمارک مزار او شہزادہ ئے پاریر۔ خواجہ کھٹ سنا پاچہ غاک ہم وختس ہیت کرینو۔ درا کانڑ نمارننے ریفنگ نئی ئے۔ او دروغ تڑنگ نئی ئے۔ باوہ نا کہنگ آن گڈ چاوہ دانا مغز خراب مسنے۔ شہزادہ پارے خیرای دا کھٹ ئے الیوہ نوادار راست پائے۔ شہزادہ کشا صدر روپی درا کانڑ نمار ئے تس پارے ای دا کھٹ سنا پاچہ غاتے آزمائشت کیوہ۔ اگہ ناہیت غلط مس تو جوغن نادستہ ٹ کاٹم ئے نا جگوٹ۔ شہزادہ ناسکتاک وس کریرتہ پاریر خواجہ دا کھٹ ئے داخس کبین انتے ہلنگئی اس۔ ولے شہزادہ سنکتا تاپیتاتے منتو۔ پارے داسا ای کھٹ ئے بہاٹ ہلنگٹ۔ اگہ کھٹ سنا پاچہ غاک ہیت کریر تو ای درا کانڑ نمار ئے انعام ایٹوٹ۔ اگہ کھٹ سنا پاچہ غاک ہیت کتو تو نم تینٹ خورے ای درا کانڑ نمار ستوانت کیرو کروٹ او حکم تس کہ دا کھٹ ئے کنا مالات نئی سرکبو۔ ارفیر کھٹ ئے مالات نئی دریرتخارتہ شہزادہ او سنکتاک تہ نکان کھٹا تو سر جوان مجلس کریر۔ نن نیمہ مس۔ او فک ہنارتینا اراتیا شہزادہ کھٹ آلیٹا خیری ئے تینا مون آشانا۔ او ہندا فکراٹ اس کہ کھٹ ہر اتم ہیت کیک۔ او جٹ نس جوان انتظار کرے ولدا او است نئی سوچ کرے۔ کنا سنکتاک کنے پاریر کہ کھٹ ہراکان ہیت کیک۔ او فقا ہیت راست مس۔ ہندا ئی کھٹ سنا پاچہ سے ناچینتارہ مس۔ اونا تو اربس او ایلو پاچہ غاتے پارے نم خیال ٹ کھٹ ئے تو ررے نوا خواجہ سما کے ای کاوہ بادشاہی نا چکرے خلیوہ۔ بادشاہی نا حوالے اتیوہ گڑا پدی بریوہ۔ او وخت اسکان نم کھٹ ئے تو ررے۔ کھٹ سنا پاچہ ناٹڑ کارہ مس۔ او پشتما دریچہ غان شہزادہ حیران مس کہ دا انت قصہ سے۔ اونا داسہ تنق پرینگا۔ کہ جاہی دا پاچہ غاک ہیت کیوہ اونا است سناڈیکارہ

اس کہ سماف دا پاچہ بادشاہی آن انت حوالس اتے۔
پاچہ ہنا بادشاہی ئے چکر کرے ارے آپدی بس۔ ایلو پاچہ غاتیان ارفے۔ انت خواجہ سما تو

کتنے۔ ایلو پاچہ غاک پاریر تہ نہ خواجہ تنگانے۔ اوڑ فیرای آن تہ کہ ایت حوالے تینا انت
خناس بادشاہی ٹی۔ ہمو پاچہ پارے ریرہ کثون اسہ ہندو حوالے کسے نم اودے بنورے حیران
مرورے۔

ایلو پاچہ غاک پاریر پانیتو انت احوال کسے زونے بنف تہ۔ ہمو پاچہ پارے ای داکان
پیشماٹ بادشاہی ٹی چکر خلکٹ اسہ عجیبو واقعہ کس خنٹ۔
ایلو پاچہ غاک ارفیر زو کس پانتس خناس۔

پیشن آن بروکا پاچہ پارے ای فلان جاگہ غا اسہ اُراسے ٹی ہناٹ۔ ارغ
وزائیفہ خاچوک اسرہ۔ چوخت ارغ تہ تنگان ہنا۔ زائیفہ تہ پہہ مس کہ اونا ارغ تنگان ے۔
اوتال کس ارے پر کرے تہ تریت آن۔ اراغان پیشما۔ ای اونا رندے ہلکٹ کہ اوہرا نگ
کاتک۔ اوفلان جاگہ غا ہنا اراسے ٹی پیہا۔ اسہ شیدی کس تو لوک اس نیاڑی نا انتظارے
کر یکہ۔ اوخنا نیاڑی ے بش مس جوان منہ شت ناخلک تہ۔ نیاڑی ارے پارے خواجہ کنا
قصو رانتے۔ شیدی پارے ای ہراوخت آن نا انتظارے کریتہ۔ نی داسہ بنگ ٹی
اس۔ نیاڑی پارے خواجہ نی تریت آتے کن۔ ای بھاز خواری ٹ ٹیکن ایسٹ تا۔ شیدی
پارے ای ہمو وختسکان دافے کپہہ تانکہ نی کسے پانتس کہ انتکن داخہ درارے کر لیس۔

نیاڑی پارے خواجہ کنا ارغ ے تغ بتو کہ ای اودے دروٹی کو کنا رتسٹ۔ اونشہ مس تنگان ہنا۔
ہندا سوبان کسے ارے مس شیدی منیتو پارے ای اینوار غاتے کپہہ۔ نیاڑی بھاز منت و
لیلاؤ کرے تہ۔ شیدی پارے جوان داپا کہ ای نے اخس دوست اٹ۔ نیاڑی پارے نی
کسے کنا ساہ آن ہم زیات دوست اس۔

شیدی پارے دا امر منگ کیک۔ ای ناداہیجا امر باور کیو۔ نیاڑی پارے خواجہ نی
حکم کرک ارک کہ کنا است نیتون اخس صفائے۔

شیدی پارے جوان اگہ ای نے آداخدر دوست اٹ تو نی پدی ہنک تینا ارغ نا
 سرہے تڑہ اتہ کنا مونا۔ گڑا کنا است پدین مریک۔ کنے نادوستی آباور بریک۔ گڑا ای ارغ
 کنیوہ۔ نیارٹی پارے جوان داہیت ے او پدی اڑسینگا۔ ہنار اعاتینا کتارس کشا۔ ارغ تہ
 تنگان اس۔ او ارغ ناتینا سرہے تڑے۔ جون ے تہ بے کتارے بغل ٹ خلک سرہ نا
 جھنڈا تے ٹی ہلک۔ ارغے درے تہ شیدی نامونا بے تہ۔ پارے دادے کنا ارغ نا سرہ۔
 داسہ تو نی کنا مہر آباور کرک۔ بش مہ دو تے تینا سل داتریت آتے کن۔

شیدی خنارہ ناتہ کاٹم ے افسوز کرے۔ پارے نے ای خیرات کیو داورنا کن امر و شہزادہ
 وورنا سے۔ اینو نی کنکہ دادے تڑلیں۔ پگہ کنے آن جوانوس خناس نی اوڑتون دوستی ے
 گنڈوس کنے ہم تڑوس ہنوس۔ نی چاس نا کاریم چائے اینو آن نے تون کنا دوستی کٹا۔

نیارٹی بھاز میڑھ ومنت کرے تہ ولے شیدی اونا کنڈا ہم ہتو۔ نیارٹی ے غصہ
 بس او شیدی ے پارے جوان نی کنا متوس تو پین کس سنا مفروس۔ او بغل آن کشا کتارے
 خلک شیدی نا ہم لنچ ے۔ ولد اشیدی کن ہوغا۔ جٹ لے آن گڈار فے ارغ ناتیا سرہے
 ہلک جھنڈا تے ٹی تہ ایس تہ تینا اراغا۔ نیارٹی مریک او تما فریادٹی یا حسین کنا ارغ ے
 دزاک کسفیر۔ نناڈی ے ہم تینون دریر۔ او ہموڑے کاٹم آتینا مش چٹ تسکے فریادٹی اس
 ای اودے الاٹ پدی بسٹ۔ صحتون بادشاہ نا سپاہیک نیارٹی نا مکرے پہہ مفسہ اونا
 ہیت آباور کیرہ ناحق ونا جو مخلوق ے ایرہ لٹ ایترہ۔ اگہ شہزادہ ے سامسکہ اونا پچتا تے
 بنگلہ۔ تو مخلوق ے نیارٹی نا مکران پچفیکہ۔

شہزادہ کھٹا چوک اس اونا باخف تیا ہنا کہ دا کھٹ سنا پاچہ امر و حوالس ایس۔ اگہ
 دا کھٹ سنا پاچہ جاہی ہندن خنانے تو سپاہیک صحت سنا غریب آ مخلوق ے ناحق لٹ ایترہ۔ او
 نیارٹی آکس ے ہم شک بفروئے۔

کھٹ سنا پاچہ ہنا تینا جاگہ غا۔ ایلو پاچہ پارے ایلیمک داسہ نم کھٹ ئے توررے۔ ای کاوہ
بادشاہی ناچکرے خلیوہ بریوہ کنے انت حوالس دوس۔ ای بریوہ نمے پاوہ کھٹ سنا اٹمیکو پاچہ
ناہم ٹوکا رہے مس کھڑکی آن جپا ہنا غیب مس۔ جوان چکر خلک ارے سے آپدی بس ہنا
تینا جاگہ غا۔ ایلو پاچہ غاک دادے احوال کریر۔ ایت احوالے تینا فی بادشاہی ٹی انت خناس

شہزادہ دافتا پیتا تے بنگ کئی اس۔ اونا است سنا ڈوکارہ کس کہ دیچائے دا پاچہ انت احوال
ایتو۔ پیش آن بروکا پاچہ پارے۔ ای شارٹ ہناٹ جوان چکر خلک خلک ہچس
ختوٹ۔ ای پدی بسٹ بادشاہ ناخرانہ ناکند اہناٹ۔ گاٹ والا تے خناٹ اوک بے فکری
ٹی خاچا سر ہفت ٹیک بادشاہ ناخرانہ ٹی زی آن سند خلکر۔ خزانہ غان ہفت بڈار فیر ہنا رفلان
کپی ٹی خزانہ ئے تخرار کنے است وارتو ای تماٹ ای ٹی تا۔ ہرہفت ئے تا خلکٹ۔ بڈاک تا
ہموڑے تموکو۔ اگہ شہزادہ ئے سامسکہ کہ بڈاک فلان جاگہ غا تموک و تو صبح ستون وختی
بڈاتے کن بندغ راہی کے۔ نہ تو بڈاتے ایلو مخلوق خنا اوک تینکہ دیرہ تا۔ صبح ستو بادشاہ ئے
خرانہ نا پرغن ناسا تمک ایلو مخلوق ئے ناحق لٹ تر فک۔

شہزادہ جوانی اٹ پیتا تے تاخف تو بنگ کئی اس۔ کہ بادشاہی ٹی انت قصہ متنگی ئے۔
ہندائی مسٹمیکو پاچہ پارے سنگتاک خواجہ ئے توررے۔ ای ہم کاوچہ بادشاہی ئے سیل کس کیو۔
اگہ کنے پوسکنو احوالس ملا تو پدی بریوہ نمے پاوہ۔ مسٹمیکو پاچہ نا کڑکارہ مس اوکھٹ آن پیش تما۔
کھڑکی آن درکا۔ ہنا بادشاہی ئے جوان سیل کرے۔ دانگ اینگ گوئی کنگ۔ کھڑکی آن پدی
درکا بس۔ پارے السلام علیکم اے پاچہ غاک پاریرتہ وعلیکم السلام ایت احوال ئے فی بادشاہی ٹی
انت خناس۔ کھٹ سنا مسٹمیکو پاچہ پارے کنتون پین احوال اف بادشاہ نا بھلو بادشاہی سے ای
چکر خلکٹ کنے ہچ احوال دو بتو ای پدی بسٹ خناٹ کہ شہزادی ہفتمیکو مالات سٹی خیسن نا پلنگ آجا

چوک ۛے۔ شہزادی تنگان اس۔ کہ دیوسنا نظر تما ای آتہ۔ دیوشہزادی ۛے کھٹ ستون ار فے در۔
یہ فلان جنگل آ۔ ای اونا رندٹ اسٹ۔ ای دیو ستون مڑتسٹ۔ خلکٹ دیو ۛے کسفیٹ۔ بادشاہ نا
مسٹر ہموڑے پلنگ آخا چوک ۛے تنگان ۛے۔ اگہ اوسما کرے۔ گیری مریک تینا مون کائک۔ اگہ
خواجہ ۛے سامسکہ تو اوصحب ستون وختی گاٹ والا تے راہی کر یکہ کہ شہزادی ۛے پدی ایسرہ۔ کنا احوال
ہندا اس پین خیر۔

چہار میکو پاچہ پارے نم خواجہ ۛے تور رے۔ داسہ ای کاوہ کہ صحبنا پاس خوک ۛے
پاچہ نا کڑکارہ مس اوکھڑی آن پیش تما ہنا۔ چرینگسا چرینگسا چکر خلک جٹ کسے آن پدی
بس۔ ایلو پاچہ غاک خنارتہ۔ اریفیر ایلم ایتے احوال ۛے نی انت خناس بادشاہی ٹی۔ چہار
میکو پاچہ پارے ای مچ بادشاہی ۛے چکر خلکٹ دانگ اینگ پیری کنکٹ۔ مخلوق خاچوک
اس ای پدی بسٹ بادشاہ ناماڑی ٹی ہناٹ خنات کہ بادشاہ ناموچڑی ٹی اراپڑی و دوشہ کس
خنات۔ دادوشہ بے خن زاری و دوشہ سے۔ اگہ بادشاہ بش مس۔ موچڑی ۛے نت نئی کرے
تو دوشہ بادشاہ ۛے ڈنگ خلیک بادشاہ کہیک۔ اگہ کس دوشہ ۛے خنا۔ دوشہ ۛے خلک اگہ
دوشہ ناسہ دترنا پڑی کس ہم اوڑے تما۔ تو او کہیک اگہ شہزادہ ۛے سامسکہ۔ تو او بادشاہ ۛے دا
باروٹ پاریکہ۔ دوشہ ۛے کسفیرہ تو بادشاہ نا جان بچا کہ۔ ہنداڑتون کھٹ سنا پاچہ نا کڑکارہ
مس او تینا جہہ آہنا۔

شہزادہ نا داسہ تنغ ہنا۔ او است نئی ٹک خلک کہ جوان مس کہ درا کاڑنا ماران دا کھٹ ۛے
ہلکٹ۔ نہ تو ننے ہچ گڑا سے نا سامتو کہ۔ اوزو کس بش مس کہ دہن مف باوہ تہ موچڑی ۛے
نت سٹ کے۔ اوزو زو ہنا ہراڑے بادشاہ خاچاس۔ اودروازہ ۛے ٹکفے۔ بادشاہ تغان سما
کرے پارے دیر اس۔ داوخت دروازہ ۛے ٹکیفنگ نئی اس۔ شہزادہ پارے ای نا ماراٹ
۔ ابا جان موچڑی تے نت تے ٹی کپیس۔ اسیکانی چراغ ۛے لکف درگہ ۛے مل۔ انتے کہ نا

موچڑی ناتاک کسے ٹی زہری دوشہ سے۔ بادشاہ حیران مس کہ دامارے انت مس اودے
امر سہما تہا کہ کنا موچڑی سے ٹی دوشہ سے او چراغے لگے۔ موچڑی بینو۔ درگہے ملاختا
مارے تینا ہر بشی پارے خیرے مل انت نی تنفس خناس یا بوپا مسنس۔

شہزادہ پارے باوہ جان نہ ای تنفس خناس نہ بوپا مسنس او خیری کس ارفے۔
ہر اکہ بادشاہ ناچیکو موچڑی ٹی دوشہ سے ناختا تاگرو شکے۔ شہزادہ پارے باوہ جان نی
تینے پدی کرک او خیری ٹی موچڑی نازی آ بے۔ ولدا ارفے لٹ کس جوان موچڑی ٹی
کٹا۔ دوشہ ہموڑے کک ہنا۔ شہزادہ خواہے نو کرس اودے پارے دادے درک جاگہ کس
موچڑی تون اوار کڈ کرک تہ۔ خیال کیس نوا اونا درک نادوتے آ لگور۔ انتے کہ ہر کس آ اونا
دتر نا پڑی کس تما او کہیک۔ نو کر موچڑی ٹی ارفے جاگہ کس کڈ کرے تہ۔

ولدا شہزادہ باوہے تینا پارے ابا جان شہزادی ٹی استود یوس خیسن نا پلنگ تون اوار ارفے
فلان جنگل اٹ درے شہزادی نار ہی آ دیو کہوکے تمانے۔ شہزادی پلنگا خاچوک تنگانے۔
دہن مف شہزادی سما کے گیری مرے خلیسان تینا مون کائے۔ دہن مف نہارس نسخان ایتے
تہ۔ بادشاہ پارے مل چاوہ تنغ کس خناس۔ یا نا مغز خراب مسنے نی ہراکان بوپا مسنس نے امر
سہما شہزادی تینا مالات کٹی خاچوک اف۔

شہزادہ پارے ابا جان نی کناہیتا باور کرک نی کسے راہی کرک کہ شہزادی تینا پلنگ آ ارے
یا او پلنگ تون غیب اے۔

بادشاہ ہم ہر اکہ دہن مف مار کنار راست پائے۔ انتے کہ دوشہ ناتہ ہیست راست
مس بادشاہ چوکری سے راہی کے۔ کہ نی ہن شہزادی ٹی ہر کہ او تینا جاگہ غا پلنگ آ خاچوے
یا اف۔ چوکری زوس ہنا ہفتیمیکو مالات آ۔ او شہزادی ٹی پلنگ تون ختو۔ او پدی ہر بشی بس
پارے بادشاہ سلامت شہزادی پلنگ تون تینا جاگہ غا اف۔

بادشاہ غاڈ غار کٹا اوز وٹس گٹ والا تے راہی کرے کہ زوٹس ہبو فلان جنگل نئی
 شہزادی پلنگا خاچوک ئے اودے پدی ہتہو۔ اودے ہندن ہتہو کہ اونا نظر دیوٹا جون آتمپ۔
 دہن مف کہ اونا است نئی خلیس تے۔ گٹ والا کہ ہنار جنگلا خنار او بلی اسہ بھلو دیوس
 کہوک تموکے معصوم آ شہزادی تینا پلنگا تنگان ئے۔ اوٹک مدان مدان آ اودے پلنگ تون
 ار فیر۔ ایسر مالات نئی سر کریرتہ۔ شہزادی ئے اسل سہتمتو۔

شہزادہ باوہ ئے تینا پارے ابا جان استہفت ٹیک بسنو۔ بادشاہی آ خزانہ ٹی زی آن سند خلکو
 ہفت بڈ خزانہ نار فینو درینو۔ فلان جاگہ غاٹیک آک تموک و خزانہ نابڈاک ہم ہمو کپی ٹی
 تنوک و۔ دہن مف صہب سنا مخلوق نا نظر تے ای آتا۔ او خزانہ ئے تینکے دیر۔

بادشاہ مالہو آن حیران اس کہ کنا بادشاہی ٹی اسہ نن اٹ انت انت واقعہ مس۔ او شہزادہ ئے
 پارے ٹل دا امر و ہیت کنگٹی اس۔ گٹ ولاک صہب شام خزانہ غاٹ ایتنگٹی و۔ دزاک
 ہراکان بسراوسند خلکو خزانہ ئے پر غاٹ ہفت بڈ دریر۔

شہزادہ پارے ابا جان گٹ والا تے آکان ارن کہ او فتنے سمارے یا ف۔
 بادشاہ شہزادہ وزیر وکیل تون اوار ہنار گٹ والا تے پاریر کہ استودزاک بسنو خزانہ ئے پر غانو
 ہفت بڈ خزانہ غان درینو۔ نم امر گٹ تنگٹی اُرے گٹ والا کہ پارے خواجہ نن مچ نن داکان
 ایکان خزانہ ناچچلو کینہ۔ مجال ئے کس ئے کہ خزانہ ئے پر غے۔

شہزادہ پارے خانہ خراباک نم ننکان خاچوک اسرے۔ دزاک زی آن سند خلکو خزانہ ئے
 پر غار دریر۔ گٹ والا تے آداسہ ڈ غار کٹا کہ دہن مف کہ شہزادہ راست پائے۔ اوٹک ہنار
 بادشاہ، وزیر وکیل شہزادہ تون خزانہ نابائے ملار۔ ہرار جاہی خزانہ ئے درینو۔ زی آن سند
 خلکو۔

شہزادہ پارے زوٹس نم ہبو فلان جاگہ غا کپی ٹی خزانہ غان درو کافت بڈ تموکو۔ خزانہ نارہی آ

ہفت ٹیک آک ہم کہوک تموک و۔ گاٹ والاک ہنار خنار او بلی گوا چنی بڈاک تنوکو۔ ٹیکاک
ہموڑے کہوک تموک و۔ اوک ٹیک آتے ہموڑے دفن کریر خزانہ ئے ارفیر پدی بسر۔
ایڑے نیاڑی نافریا دچیہاٹ ناکوتوال ئے سہما۔ او نیاڑی آن ارفے نیاڑی پارے استو
دزاک بسر۔ کنا مال ئے دریر ارغ ئے کنا خلکر کسفر۔

کوتوال خوک و مرنا بند غاتے ہلک۔ قید کرے تالٹ تنگ ٹ تمار تا شہزادہ و بادشاہ کوتوال
ئے خواہنیر کوتوال پارے خواجہ دہن استوفلان نیاڑی تون ظلم مسنے۔

شہزادہ پارے دامخلوق ئے نم ناحق لٹ ایتنگ نئی ارے دانیاری نافلان جاگہ غا
یارس اس۔ دانیاری شیدی سے تون لگوک اس۔ اونکان شیدی کن تریت درے شیدی
تریت آتے کتو۔ نیاڑی ئے پارے کہ انتے ارے کرینس نیاڑی پارے تہ کہ کنا ارغ
ارے آتنگان ہلک۔ شیدی پارے تہ کہ اگہ ای نے زیات دوست اٹ تونی تینا ارغ ناسرہ
ئے کاٹ کرک ہتک۔ دانیاری ہنار غ ناتینا سرہ ئے ایس۔ شیدی پارے تہ فی داشہزادہ غا
ارغ ئے تینا کسفییس مگہ دہن مف پین دوست کس ملے نے فی کنے ہم الس کاس او نیاڑی
ئے پارے کہ کنا دوستی اینو آن چٹا۔

نیاڑی شیدی ئے ہم خلک شیدی ناجون فلان جاگہ غا تموک ئے۔ گاٹ والاک
ہنار ہے جاگہ غا خنار بے شک شہزادہ ناہیت صحیح ئے۔ شیدی ہم کہوک تموک اس۔ ہلکر
نیاڑی ئے نیاڑی غٹ پیتا تے منا۔ ہلکر نیاڑی ئے پھانسی تر۔ شہزادہ باوہ ئے تینا ہمو
دراکانز نا کھٹ سنا باروٹ پارے کہ دہن داغٹ پیتا تے دا کھٹ سنا پاچہ غاک پاریر بادشاہ
دراکانز ئے خواہنے او دراکانز ئے مال و میراث تس۔ پارے داسہ فی ہڑدے کچاری آبرک
دراکانز نا عیش مس او غنی مس۔ بادشاہ شہزادہ غان خوش مس۔ کہ شہزادہ نا سوبان نسخان آن
بچا۔ او ہموڑے خوش اسرہ۔ نن او فتنے الان بسن نمازیہ دارا مجلس آ۔

مصنف ناچھاپ مروکا کتاباک

| | | | |
|------|----------------------------|----------|---|
| ۱۹۸۸ | لوک کہانیاں | مسہ لعل | ☆ |
| ۱۹۹۱ | لوک شاعری | لیلی مور | ☆ |
| ۱۹۹۲ | لوک شاعری | شوشنگ | ☆ |
| ۱۹۹۳ | لوک کہانیاں | گل خندان | ☆ |
| ۱۹۹۴ | لوک شاعری | چوٹولی | ☆ |
| ۲۰۰۰ | بچوں کا لوک ادب | گرڈولی | ☆ |
| ۲۰۰۰ | لوک شاعری | منگلی | ☆ |
| ۲۰۰۲ | لوک کہانیاں | حسن وزیر | ☆ |
| ۲۰۰۳ | لوک کہانیاں (ایوارڈ یافتہ) | شمس قمر | ☆ |
| ۲۰۰۴ | اصناف لوک شاعری | چمکلی | ☆ |
| ۲۰۰۵ | لوک شاعری | شیشلو | ☆ |
| ۲۰۱۰ | لوک شاعری | شامپشیر | ☆ |
| ۲۰۱۳ | ڈرامہ | ہربشی | ☆ |



AGIL Graphics GTA 03003847313